


Printed by Svami Tribhuvandas, Ramananda Printing Press,  
Kankaria Road, Ahmedabad and Published by Dalsukh Malvania,  
Director, L. D. Institute of Indology, Ahmedabad—9



Copies can be had of

L. D. Institute of Indology  
Gurjar Grantha Ratna Karyalaya  
Motilal Banarasidas  
Munshi Ram Manoharlal  
Meher Chand Lachhamandas  
Chowkhamba Sanskrit Series Office  
Sarasvati Pustak Bhandar  
Oriental Book Centre

Ahmedabad—9  
Gandhi Road, Ahmedabad—9  
Varanasi, Patna, Delhi  
Nai Sarak, Delhi,  
Delhi—6  
Varanasi  
Hathi Khana, Ratanpole, Ahmedabad—I.  
Manek Chowk, Ahmedabad

सिरि-हरिभट्ट-सूरि-विरड्ड

# नेमिनाहचरिउ

[ प्रथमो भागः ]

संपादक

प्राध्यापक हरिवल्लभ चू भायाणी

प्राध्यापक मधुसूदन चि मोदी

प्रकाशक

लालभाई दलपतभाई भारतीय संस्कृति विद्यामन्दिरं

अहमदाबाद-९

# लालभाई दलपतभाई ग्रन्थमाला

प्रधान संपादक — दलमुख मालवणिया, अंबालाल प्रे. शाह  
मुद्रितग्रन्थाः

- १ सप्तपदार्थी—शिवादित्यकृता जिनवर्धन-  
सुरिकृतटीका सह ४-००
- 2, 5, 15, 20 CATALOGUE OF SANSKRIT  
AND PRAKRIT MANUSCRIPTS,  
Mum Shri Punyavijayaji's collec-  
tion Part I Rs 50-00  
Part II Rs 40-00  
Part III Rs 30-00  
Part IV Rs 40-00
- ३ काव्यशिक्षा—चिनयचंद्रसुरिकृत १०-००
- ४ योगशतक—आचार्य हरिभद्रकृत स्वोपज-  
वृत्ति तथा ब्रह्मसिद्धान्तसमुच्चय ५-००
- ६, १६, २४, रत्नाकरावतारिका—रत्नप्रग  
सुरिकृत भा० १, २, ३, ८-००, १०-००,  
८-००
- ७ गीतगोविन्दकाव्यम् — महाकविधो-  
जयदेवसुरिचित, मानाङ्कटीका सह ८-००
८. नेमिंशरत्नाकरलक्ष्मण — कविलावण्य-  
समयकृत ६-००
- 9 THE NĀTYADARPAṆA of RĀMACA-  
NDRA & GUNACANDRA  
A Critical Study · Dr A H  
Trivedi 30-00
- १०, १४, २१ विशेषावश्यकभाष्य—स्वोपजवृत्ति  
सह प्रथमभाग १५-००
11. AKALANKA'S CRITICISM OF  
DHARMAKIRTI'S PHILOSOPHY  
A Study Dr Nagin Shah 30-00
- १२ रत्नाकरावतारिकाप्रलोकशतार्थी—  
वाचकश्रीमाणिक्यगणि ८-००
- १३ शब्दानुशासन—आचार्य मन्यमिरिचि-  
चित ३०-००
- १७ कल्पलताविवेक—कल्पपल्लवशेष—  
अज्ञातकर्तृक ३२-००
- १८ निघण्टुशेष—मरुति—श्रीरामचन्द्रसुरि  
३०-००
- 19 YOGABINDU OF HARIBHADRA  
Text with English Translation  
Notes, Etc 10-00
- २२ शास्त्रवार्तासमुच्चय - श्रीहरिभद्रसुरिकृत  
( हिन्दी अनुवाद सह ) २०-००
- २३ तिलकमञ्जरीसार - पद्मपालवनपाल  
कृत १२-००
- २५ नेमिनाहचरित भा० १ भा० हरिभद्रसुरि  
(द्वितीय) कृत ४०-००
- 26 MAHAPURĀṆA OF PUSPADANTA  
A CRITICAL STUDY OF DLSYA  
WORDS Dr Ratna N Shriyan
- 28 Prakrit Proper Names, Part I  
36-00

संप्रति मुद्रयमाणग्रन्थनामावलि

- १ नेमिनाहचरित भा० २ — आ० हरि-  
भद्रसुरि (द्वितीय) कृत
- २ अध्यात्मविन्दु—स्वोपजवृत्ति सह—  
उपाध्यायहर्षवर्धनकृत
३. न्यायमञ्जरीग्रन्थिभङ्ग—चन्द्रवरकृत
- ४ मदनरेखा—आख्यायिका जिनभद्रसुरिकृत
- ५ विद्यानुशासन—आ० मल्लिषेणसुरिकृत
- ६ मीमांसाश्लोकवार्तिक
- 7 ĀPIAMIMĀMSĀ OF SAMANTABH-  
ADRA Text with English Transla-  
tion, Notes Etc
- 8 ŚĀSTRĀVĀRTĀSAMUCCAYA OF ĀC  
HARIBHADRA  
Text with English Translation,  
Notes Etc
- 9 Some Aspects of Religion and  
Philosophy of India
- 10 Some Miscellaneous Jain Works  
on Logic and Metaphysics
- 11 Jaina Ontology

## PREFACE

We are very happy to place before the scholars of Apabhramśa language and literature a hitherto unpublished Apabhramśa epic, *Nemināhacariya*, composed by Haribhadrāsūri, a disciple of Śricandrasūri. It was composed at Anabillapur in V S 1216 (i.e. 1160 A.D.). It is a poem of high merit. Hence Prof. Jacobi edited a portion of this work called *Sanamkumāracariya* containing 343 verses. No other Apabhramśa poem of epic form written by a Śvetāmbara author—except *Vilāsavaiṣṇavā* of Sādhārana—is available among manuscripts. I am glad to say that this other poem which too is not yet published will appear very soon in the present series.

*Nemināhacariya* prominently employs Raddā metre and contains more than 8000 verses. The study of such an Apabhramśa work is important in more than one respect. At present its prime importance lies in the help that it renders to the students of modern Indian regional languages in tracing out their development. The metres employed by Apabhramśa writers and occasional metrical experiments made by them are noteworthy. Moreover, high flight of imagination and poetical charm are found throughout Apabhramśa epic poems. In all these respects, *Nemināhacariya* is really a very important work.

I heartily thank Prof. H. C. Bhayani and Prof. M. C. Modi for critically editing such an important and voluminous work. This is only a part of the entire work. In the second volume the work will be complete. The editors intend to give in a separate volume the general introduction covering important topics like life and work of the author, language, metre, and form of the poem etc., together with a glossary of important words of the text.

I hope that this publication will be of very great value for the students of Apabhramśa language and literature.

L. D. Institute of Indology,  
AHMEDABAD-9

15-9-1970

Dalsukh Malvania  
Director



## विषयानुक्रमः

Introduction

7-10

नेमिनाहचरिड

१-४३३

	पद्याङ्काः	पृष्ठाङ्काः
प्रथमो भवः ( धनवृत्तान्तः )	१-२२७	१-५८
द्वितीयो भवः	२२७-२२८	५८
तृतीयो भवः ( चित्रगतिवृत्तान्तः )	२२७-७११	५८-२२७
[ सनत्कुमारचरितम्	४४४-७८६	११२-१९८ ]
चतुर्थो भवः	९११-९१२	२२९
पञ्चमो भवः ( अपराजितवृत्तान्तः )	९१३-१२६३	२३०-३१७
षष्ठो भवः	१२६४	३१७
सप्तमो भवः ( शङ्खवृत्तान्तः )	१२६५-१९२८	३१८-४३३
[ रतिसुन्दरीकथा	११४६-१५६८	३३४-३५६ ]
[ महावीरचरितम्	१७३७-१९०६	३८८-४३३ ]
अष्टमो भवः	१९२८-१९२९	४३३
शुद्धिपत्रम्		४३४-४३६

---

## INTRODUCTION

The present volume contains the first instalment of text of the Apabhramṣa epic poem *Nemināhacariya* (Sk *Nemināthacarita*) dealing with the mythological life of Neminātha, the twentysecond Tirthamkara of the Jainas. It was composed in V S 1216 (ie 1160 A. D.) by Haribhadrāsūrī who belonged to the Vadagaccha and had Śricandrasūrī as his Guru. The work is being edited here in full for the first time. It has several unique features which bestow on it a distinction of being a highly important work of Apabhramṣa literature. The exciting discovery, some fifty years back, of a full-fledged Apabhramṣa literature was heralded by two poetic works that were edited and published by the great German Indologist, Herman Jacobi in 1918 and 1921<sup>1</sup>, and one of these works consisted of a portion of our *Nemināhacariya*. Secondly, the *Nemināhacariya* is one of the two only available poems of epic length belonging to the Śvetāmbara Apabhramṣa literature, the other poem being the *Vilāsavārikahā* of Sādhārana composed in 1066 A. D. All the longer Apabhramṣa poems that have been published so far are Digambara Jain works. Thirdly, the *Nemināhacariya* was composed at Anahillapura, the capital of the Caulukyās of Gujarat. Fourthly, it is preserved in an old palm-leaf manuscript, while most of the other available Apabhramṣa works are preserved in paper manuscripts only. Lastly, excepting a minor portion, the whole of the *Nemināhacariya* is composed in one single metre of complicated structure, and the poem has no internal structural divisions or sections. Thus it is the only available Apabhramṣa poem of Purāṇic proportions, and yet not composed in the Sandhu-form. We consider it, therefore, our good fortune that we are placing here in the hands of the students of Apabhramṣa language and literature the first instalment of the text of the *Nemināhacariya*.

Jacobi's edition of the *Sanatkumārcarita*, which forms a part of the *Nemināhacariya*, was based on the then only available paper manuscript. Later on, the palm leaf manuscript of the text in a Jesulmere Bhandār came to light, and Muni Śrī Jinavijayajī, the great doyen of Indologists, planned to edit the poem. But there was some difficulty in tracing the whereabouts of the paper manuscript used by Jacobi. In the meanwhile unfortunately Munī's health and eyesight were impaired, and he had to give up his original plan. So taking direct inspiration from him, with the blessings of Āgamaprabhākara Muni Śrī Punyavijayajī and with the active and ever-ready support of Śrī Dalsukhbhai Malvania, we undertook to edit the *Nemināhacariya*.

Our task turned out comparatively much lighter than what Jacobi had faced while editing the *Sanatkumārcarita*, and for this all the thanks go to the Jesulmere palm leaf which is quite exceptionally and extremely carefully written Apabhramṣa manuscript. The orthography is almost absolutely uni-

1 Bhavissattalāhā von Dhanavāla, 1918, *Sanatkumārcaritam*, 1921. See also Muni Jinavijaya's interesting observations *Paumasīrcariu*, edited by us, 1948, Introduction, p. 6 ff.

form and the scribe seems to have been well-educated and expert at his job. Slips of pen are very few. For our edition we have used a photo-enlargement, as the actual Ms. belonging to the Jinabhadragani Jñānabhaṇḍār at Jesulmere was not for lending. The paper Ms. can be said to be textually identical with the palm leaf Ms. There are only orthographical variants, no textual ones. Most probably both the Mss. were based on an identical original.

Haribhadra's *Nemināhacariya* was brought to notice in modern times firstly in the *Brhatṭippanikā* published by Muni Jinavijaya in the 'Jain Sahitya Samsodhak' (I II, p. 8). The entry no. 271 in the *Brhatṭippanikā* is as follows: *Nemicaritam Prāo 1216 varse Haribhadrācāryaḥ kṛtam 8032*. The same information was repeated in later sources like the *Jain Granthāvalī*.<sup>2</sup> The two available Mss. of the *Nemināhacariya* have been descriptively noticed in the Mss. catalogue of the Jesulmere Bhandārs and that of the L. D. Institute of Indology<sup>3</sup>, Ahmedabad.

The present text of the *Nemināhacariya* is almost exclusively based on the Jesulmere palm leaf, though, of course, the paper Ms. also has been consulted throughout and significant orthographic variants noted. Instead of the original palm leaf, we have used, as already remarked, a photographic enlargement of its microfilm, kindly lent us by Maharaj Shri Punyavijayaḥ from his private collection. It is designated as ॠ for noting variant readings. The photo-enlargement has seventy sheets, numbered from 448 to 517. At several places, the orthographic form as found in the paper Ms. has been adopted in the edited text in preference to that in the palm leaf, and in every such case the form in the latter has been recorded in the footnotes. In a few places where the writing in the palm leaf was illegibly blurred, we have been guided by the paper Ms. All such places have been indicated in the footnotes.

The original palm leaf Ms. has 304 leaves. Each leaf measures 40×3 cm. with 3 to 5 lines per side and about 130 letters per line. Two one and a half centimetre intervening blanks divide the lines in three parts. The Ms. has been prepared quite carefully and systematically. The hand is neat, steady and uniform. Confusing, omitting or misplacing of either letters or the anusvāra mark or the post-consonantal vowel signs are comparatively very few. Marginal corrections and additions in the Ms. are

2 For detailed information on the notices of the *Nemināhacariya* see H. D. Velankar, *Jinaratnakōṣa*, Vol. I, 1944, p. 127.

3 C. D. Dalal and L. B. Gandhi, A Catalogue of MSS in the Jain Bhandārs at Jesulmere, 1923 (GOS XXI), Introduction, p. 18, text, p. 27.

Muniraj Punyavijayaḥ, Catalogue of Sk. and Pk. MSS (Āc. Vijayadevasūri's and Āc. Kṣāntisūri's collections), Part IV, p. 142, No. 1094.

See also Maharaj Punyavijayaḥ, Catalogue of the *Jñānabhaṇḍāras at Jesulmere*, No. 259.

evidences of a careful revision By all standards this is a unique, exceptional and extremely valuable Apabhramṣa Ms It is indicative of an Apabhramṣa literary and linguistic tradition that was still living and vigorous The age of the palm leaf is inferred to be not later than the thirteenth century, and as such it is quite near to the date of the text

The second and the only other Ms of the *Nemināhacariya* is a paper Ms (here styled ख) It is from the Vijayadevasūri's Collection at L D Institute of Indology It contains 113 leaves Each leaf measures 30×19½ cm with 3 (right and left) and 2½ (above and below) cm margins There are about 21 lines per side and 58 to 64 letters per line The Ms is supposed to be written in the sixteenth or seventeenth century

In orthography the Ms ख presents a complete contrast to the Ms क Its scribe seems to have little education and was obviously ignorant of the language of the Ms He has copied his prototype mechanically, without properly understanding the writing<sup>4</sup> As a result he has consistently confused and misread a number of signs and letters Confusion of वृ and वृ, वृ and वृ, द, द, इ, and इ, त् and त्, प, प and म, म and स, ञ् and त्, ड, ड इ and ड, त् and न्, etc abound The whole Ms bristles with them This creates great difficulties, at times unsurmountable, in making out the text on its own

One interesting point in the orthography of these Mss may be noticed in passing At several places the shape of the letter पृ is such that it can be easily read as मृ Now as has been noticed by one of us elsewhere,<sup>5</sup> among the Deśya words recorded by Hemacandra, there are a few pairs which have identical meanings, but the forms differ in their initial consonant, it being in one case पृ and in another मृ, e g *paduvaiam* (6, 14) and *maduvaiam* (6, 146), both meaning *tikṣṇa*, *pulāśio* (6, 55) and *mulāśio* (6, 135), both meaning *agnikana* or *sphulinga*, *puāini* (6, 54) (= *duhśīlā*) and *muāini* (6, 135) (= *dumbī*), *puraḥjuriā* (6, 55) (= *utkaṇṭhā*) and *muramuriā* (6, 136) (= *ranaranakam*) etc. This was explained on the assumption that there was real phonological change, initial *p* in these words had actually changed to *m* But now from the orthography of the *Nemināhacariya* Mss, it appears certain that in the case of the above-noted Deśya words also some of the manuscripts of Deśya lexicographical works consulted by Hemacandra had such a shape of initial

4 For Jacob's observations on the language and orthography of this Ms, see *Bhavisattakahā*, Introduction, p 2 (English translation, S N Ghosal, Journal of the Oriental Institute, Baroda II, 3, 1953 pp 234-241), and *Sanatkumāracaritam*, Einleitung, p XXX, section V (English translation, S N Ghosal, Journal of the Oriental Institute, Baroda, VI, 2-3, 1957, p 99-100)

5 H C Bhayani, *Studies in Hemacandra's Deśināmamālā* (1965), p 56, items No 318 to 321

ॠ that it could be easily taken as ॠ and hence Hemacandra noted both the alternative spellings

A few words more regarding the presentation of the text Even though all the lines have been metrically checked, the short *e*, *o* and the nasalization have not been separately marked in print, as they can be easily made out by anyone with an ear for the metre The *anusvāra* has been kept as it is, following the Mss It has not been here changed to *para-savarna* nasals The punctuation marks also are limited to the minimum Variants noted without any *siglum* are from Ms ॠ

Excepting a few sections and passages in Prakrit language and the Gāthā metre, the whole of the *Nemināhacarīya* is composed in Apabhramṣa language and mostly in the Raddā metre Haribhadrāsūri has used the Raddā as a Pañcapadī or five-lined metre, as against the usual practice, which knows it as a nine-lined metre consisting of five pādas of the Mātrā and four pādas of the Dohā Haribhadra treats as single units the usual (1) second and third pādas and (2) the fourth and fifth pādas of the Mātrā, and (3) the first and second pādas and (4) third and fourth pādas of the Dohā Thus in his practice the Mātrā section of the Raddā has three lines (15, 11(or 12)+15, 11(or 12)+15) and the Dohā section has two lines (13+11, 13+11) But in the edited text the lines of the Raddā are so arranged as to conform to the nine-line view This liberty, we hope, will be excused because of the greater facility created thereby for noting variants It should be also noted that such an arrangement makes the metrical structure more patent, without doing any palpable harm to the original intent

This first volume of the *Nemināhacarīya* covers the story of the first eight Bhavas of the life of Neminātha The rest of the text covering the ninth Bhava will form the second volume The general introduction, dealing with such topics as the life and works of Haribhadra, the language, metre and literary form of the text of the narrative and a glossary of important words of the text, would form an additional volume

We are grateful to several friends and well-wishers for their generous help and co-operation in our present undertaking Muni Maharaj Shri Punyavijayaji and Prof Dalsukh Malvania have put us under great debt by giving us whatever help we required in either securing the Mss materials or making arrangement for the publication Muni Jinavijayaji's highly inspiring example and blessings have been for us always a source of unfailing guidance We are thankful to the Lalbhai Dalpatbhai Institute of Indology for undertaking to publish the present edition of the *Nemināhacarīya*

Ahmedabad

H C Bhayani

August 15, 1970

M C Modi

सिरि-हरिभद्र-सूरि-विरड्ड

# नेमिनाहचरिउ

[ प्रथमो भागः ]



# सिरि-हरिभद्र-सूरि-विरडु नेमिनाहचरिउ

[१]

दुह वि पयडिय-करण-आयारु

दुह-दंसिय-धम्म-निहि      दुह-नमंत-पय-विहव-पावणु ।  
दुह-कमलाणंदयरु      दुह-सुवन्न-रयण-प्पहावणु ।  
मह सुहु वियरउ विमल-गुण- रासि-जलहि-रयणिंदु ।  
पणय-सुरासुर-नर-नियर-      कय-थुइ उसह-जिणिंदु ॥

[२]

अह विसेसिण नमिर-तइलोय

सिरि-वद्धमाण-प्पहुहु      पाय-पउम पणमिवि जिणिंदह ।  
तह वारस-अंग-सुय-      पढम-कइहि गोयम-मुणिंदह ।  
तयणु सुहम्म-स्सामि-मुणि- नाहह भत्ति करेवि ।  
अन्नेसिं पि महा-कइहिं      पय-पउमइं सुमरेवि ॥

[३]

नमिवि भत्तिण चलण जिणचंद-

मुणिनाह-सीसुत्तिमह      विविह-विमल-गुण-रयण-भूरिहि ।  
सारय-ससि-विमल-जस-      भरिय-धरह सिरिचंद-सूरिहि ।  
मण-तणु-वयणिहिं अणुदिणु वि जणिय-पुलय-पव्वभारु ।  
अणु सरिउण सुय-देवयह      नाम-मंतु जय सारु ॥

१ १ क The portion containing this line is lost, स आयारु २ विहि  
८ तियर After १ क marginally supplies the following stanza  
नीरनाहु व निच्चमत्थाहु । मेरु व्व बहुपयविहवु । दिणयरु व्व सुपयावकुलहरु । हरिणकु व  
अमयकरु । सुरगिरि सुरसत्त्वमगहरु । राडमईपरिहारविहि-विहगियमयणमरट्टु । हवउ सयावि हु  
नेमिजिणु । दुहकणकलणघरट्टु । २. ३. पपामिवि १ पय. ३ १ नेमिवि २ सीसुत्तिमह  
३. विविह missing ७ मुलय ८ तह भारइदेविहि सरिवि.



[४]

मह न तारिसु वयण-विण्णाणु

न य मंत-तंत-प्फुरणु जइ वि तह वि बहु-माण-पेल्लिउ ।  
 हउं किंचि वि नेमि-जिण- चरिउ भणिगु विक्खेवु मिळिउ ।  
 इय तं निसुणहु भविय-जण निय-मणु ठाणि धरेवि ।  
 जह लहु पांवहु सिवह सुहु पावह अंतु करेवि ॥

[५]

तं तु नव-भव-भावि वुत्तु

भणंतु लेसिण चरिउ सुणह मज्झ पसिज्जण सज्जण ।  
 निय-इच्छिय-अत्थ-कर होह एत्थ तुब्भे-वि दुज्जण ।  
 अहव न पत्थिउ सहसकरु हरइ तिमिरु जिय-लोइ ।  
 नय अंजलि-वंधि वि जलणु कहमवि सीयलिहोइ ॥

[६]

अथिरु गव्विउ पावु दो-जीहु

अकयणु लोह-द्वयउ कूर-कम्मु पर-छिड्ड-पेक्खणु ।  
 वेहासिउ सुह-महुरु सुयण-जणिय-दुहु दुव्वियक्खणु ।  
 दुज्जणु किह णु सुहावहउ अब्भत्थिउ वि हवेइ ।  
 जो गुण मेल्लिवि वप्पह वि दोस-च्चिय फुडु लेइ ॥

[७]

वहु वि मच्छर-नडिउ विहि-वसिण

न सुणेइ फुडु डयर-कइ- कव्वु सयल-गुण-रयण-मंडिउ ।  
 अवियाणुउ किं कुणइ कव्व-गुणिहिं दढ-जडिम-चड्डिउ ।  
 खल गव्विय वुह मच्छरिय सेस अयाणुय दंगि ।  
 को वि सुणंता लद्धु न वि झीणु सुहासिउ अंगि ॥

अवि य

[८]

गरुय जंपिउ मुकइ-कइणो वि

गुरु-गव्व-लीलइं गमहिं नीय छलिवि मेल्लहिं सुहासिउ ।  
उत्ताणा भमहिं लहु उवयरेमि कहि गुण-पयासिउ ।  
हु चिट्ठहिं गुण-गहण-रय सज्जण कि वि थवणंमि ।  
तत्थ कयत्थउ मज्झ समु पत्थुय-कह-करणंमि ॥

तउ य

[९]

आसि निन्नउ लहरू अह वीरु

ता नेहु तस्संगरुहु धवल तस्सु आणंदु नंदणु  
एएसिं सचिवाहं कुल- गयण-चट्ठ सुहि-सयण-रंजणु ।  
पउमावइ-तणु-सिप्प-उड- मुत्ताहल-उवमाणु ।  
हुयउ पहु सचिवाहिवहं पुहइवाल-अभिहाणु ॥

[१०]

सत्ति-रट्ठिउ वि गुरु-पसाएण

गुण-रयण-महोयहिण पोरुयाड-वंसेऽभिजाइण ।  
आणंद-सचिवह सुइण पुहइवाल-सचिवाहिराइण ।  
अव्वत्थिउ नेमिहि जिणह लेसिण भणिमु चरित्तु ।  
सिरि-सिरिचंद-मुणीसरह नाम-मंतु सुमरंतु ॥

८ ३ नाय ६ विट्ठहिं ७ क थवणंमि, ख तु(उ?)वणीमि ८ कयच्छ ९ पच्छुय, करणेमि

१ ४ एसि सवि वट्ठिं ५ क सुहिं, ख सुयण ६ क सिप्प ( or सिथ)  
८ एहु सचिवाहिवइ

१० २ महोयहियण ३ क पोरुयडि, सिजाइण, ख प्पेरुया पोरुयाड ४ क आणं-  
दणि, ख आणींद ५ सुहइवाल ६ क The portion of the palmleaf mar-  
gin which supplied the text between नेमि and ण भणिमु (left out  
in copying) is partly torn ९ सुमरेतु

तथा हि

[११]

इह मुणिमि व सुप्पवित्तंमि  
 येरुंमि व विवुह-सुहि कामुए व्व सायर-विहूसणि ।  
 सरियंमि व नय-गहणि जंयुदीवि महि-रमणि-मंडणि ।  
 गणियाए व्व समुल्लसिय- विसय-ग्गाम-समिद्धि ।  
 वासि वमुंधर-सिरि तिलइ भरह-क्खेत्ति पसिद्धि ॥

[१२]

एत्थ सुरगिरि-तुंग-पायारु  
 आराम-तरु-सिहर-गय- रवि-तुरंग-हेसिय-सुद्धावहु ।  
 एरावइ-सरिस-करि- सय-सहस्स संकिण-पुर-पहु ।  
 जच्च-तुरंगम-संदणिहिं खुहिय-खोणि-पडिक्खु ।  
 भवण-णिवेस समिद्धि-सुर- पुर-सिरि-चोरण-दक्खु ॥

[१३]

तरुण-सुंदरि-वयण-हरिणं क  
 मुमुमूरिय-तिमिर-भरु गरुय-तेय-निव-तरणि-मणहरु ।  
 महि-मंडण-जिणभवण- कणय-कलस-किरणोलि-भासुरु ।  
 आसि विहव-जिय-वेसमण- बहु-वणि-वग्ग-समिद्धु ।  
 धरणि-नियंविणि-तिलउ पुरु अयलपुरु-त्ति पसिद्धु ॥

[१४]

तेइ दिणयरु दाणि करि-राउ  
 गरुयत्ति तियसिंद-गिरि धम्मि समणु विण्णाणि पुण विहि ।  
 सूरत्तणि खर-नहरु रूवि मयणु लायणि जलनिहि ।  
 गुरुयण-विणय-प्पमुह-गुण- गण-क्कचण-कसवहु ।  
 महि-विलसिर-कुनराहिवइ- दुन्नय-दलण-घरहु ॥

[१५]

नियय-भुय-वल-दलिय-दुदंत-

पडिवक्खिय-करडि-वडु पवर-रुव-परिविजिय-सुरवरु ।  
 उल्लासिय-सरय-ससि- विमल-कित्ति-धवलिय-दियंतरु ।  
 दुन्नय-पर-नरवड-निवह- हियय-डहण-हुयवाहु ।  
 विक्कमधण-नामिण पयडु तहिं अहेसि नरनाहु ॥

[१६]

महुर-वयणिण विजिउ कलहंसु

वर-गमणिण करि-कलहु रयणि-रमणु पुणु वयण-कंतिण ।  
 निय-रुविण मयण-पिय हंसासणि सिय-दंत-पंतिण ।  
 नयण-विलासिण सिसु-हरिणि सीलिण सीयाएवि ।  
 रंभ तिलोत्तिम हरि-दइय जिए जिय लीलाए वि ॥

[१७]

सा कुलायल-तुंग-वर-वंस

भुवणुत्तिम-कित्ति-धर पीण-सिहिण-भारिण नयंगिय ।  
 मिय-भासिर थिर-गमिर विमल-सयल-गुण-रयण-वंगिय ।  
 नरवड-माणस-मयगलह संजमणाल-त्थंभु ।  
 धारिणि-नाम अहेसि पिय मयण-विजय-भारंभु ॥१७॥

[१८]

नीइ-कुमुडिणि-सरय-रयणिंडु

सत्थत्थ-पयडण-तरणि निवट-हियय-कलहंस-सरवरु ।  
 अइ-दुद्धर-रिउ-करडि- तुरय-मुहड-रह-गुरु-भयंकरु ।  
 संपीणिय-निय-पणड-जणु तरुणी-यण-ऊय-तोमु ।  
 राय-कज्ज-उज्जुत्त-मणु दूर-पणासिय-दोमु ॥

१५. ८ विक्कमधणनाययण पिय हससेणि सियण पयडु (cf 16, 4-5 below).

१७. १ साहु. २ केतिधर ७. सेजमणात्थंभु.

१८. २ सायरय ६ सेपीणियं. ७ क यणु

[१९]

पवर-लक्खण-रयण-भंडारु

ससि-विमल-विवेय-निहि संत-चित्त-महुयर-सरोरुहु ।  
 समुवज्जिय-विमल-जस- भरिय-भुवणु धरणियल-कय-मुहु ।  
 उह-पर-लोइय-सयल-मुह- कम्म-विसेस-वियाणु ।  
 विक्कमधण-नरवद्-सचिवु आसि सुमद्-अभिहाणु ॥

[२०]

अह नराहिवु सयल-निय-रज्ज-

वावार-भरु दुद्धरु वि सचिव धवल-खंधरि निवेसिवि ।  
 चिर-संचिय-सुकय-गुण- वसुवळद्धु जसु दिसि पयासिवि ।  
 धारिणि-देविहिं सहं असम विसय-मुहइं सेवंतु ।  
 चिट्ठइ दोगुंदुग-सुरु व गउ वि कालु अमुणंतु ॥२०॥

[२१]

इय ललंतहं तेसि वहु कालु

अणहुंत-पुत्तहं गयउ तयणु विविह-देवय-विसेसहं ।  
 आराहइ पय-पउम देइ दाणु वेज्जहं असेसहं ।  
 वियरइ उवयाइय-सयइं कुणइ अणेग उवाय ।  
 सुय-मुह-दंसण-लोल-मइ नरवइ तदइया य ।

[२२]

अन्न-वासरि रयणि-मज्झंमि

सेज्जायलि मिउ-फरिसि मुह-पसुत्त धारिणि महासइ ।  
 पुव्वज्जिय-गिरि-गरुय- सुकय-वसिण सिविणंमि पासइ ।  
 केण-वि पुरिसिण घर-अजिरि आणिवि तरु सहयारु ।  
 आरोविउ गरुयायरिण अट्ट-वार विहि-सारु ॥

[२३]

नवम-चारहं कुमुम-फल-भार-

भज्जंत-साहा-सहसु पत्त-रिद्धि-जय-जंतु-मणहरु ।  
 नाणाविह-राय-सुय- विहिय-सेवु तरु-नियर-मुंदरु ।  
 लोयालोय-परिप्फुरिय- पुहइ-नियंविणि-केउ ।  
 हुयउ महहुमु तिरिय-नर- तियसासुर-सुह-हेउ ॥

[२४]

अह समुट्टिवि हरिस-दिण्डंद-

वियसंत-वयणंवुरह वहल-पुलय पप्फुल्ल-लोयण ।  
 विक्कमधण-नरवइहि पुरउ गंतु पसरंत-जोव्वण ।  
 निउणु समग्गु वि सिविणु एहु निय-मणि अवधारेवि ।  
 कर-संपुडु मत्थइ धरिवि साहइ धारिणि देवि ॥

[२५]

अह नराहिवु भणइ साणंदु

सामन्निण ताव एहु हउं मुणेमि जह तुज्ज मुंदरि ।  
 फुडु होसइ कोवि सुय- रयणु दाण-परिविजिय-मय-करि ।  
 इय साहिउ ससि-वयणि तुह मइं सिविणहं उदेसु ।  
 सिमिण-वियाणय नर इयरु जइ जाणिसहिं विसेसु ॥

[२६]

इय परोप्परु दोवि जंपंत

सद्धम्म धम्मिय-कहहिं गमहिं रयणि नीसेस सेस वि ।  
 गुरु हरिसामय-रसिण भरहिं वसुह-सयलप्पएस वि ।  
 अह पाहाउय-तूर-रव- सवण-जणिय-पडिवोह ।  
 सिविण-रयण-उवदंसणिण दुगुणीकय-सुह-सोह ॥

२२ ६ भिवणीमि

२३. २ स्साहा ५ क नियरु. ६ लोय for लोयालोय ८-९

तिरियसासुर

२४ १ दिण्डंद २४ २ क वयवुरह ६. मुरउ. ८. सेमुहु

२५ २ क इहु ३ मुणिमि ७ क मइ सुविणह

२६ १ य परोप्पारु, क जपतु ३ नीसेसे, ६ क प्पएसु

[२७]

तयणु उट्टिविविहिय-नीसेस-

पाहाउय-कम्म-विहि दिण्ण-सव्वअवसरु महामड ।  
 अत्थाणियमुवविसिवि विहिय-चारु-सिंगारु नरवइ ।  
 सिविण-वियाणय सयल नर सदावइ साणंदु ।  
 ते वि मुयंता हरिस-भर- नयण-सलिल-नीसंदु ॥

[२८]

पत्त तक्खणि पुरउ रायस्सु

करयल-कय-कुसुम-फल ललिय-वयण-विण्णाण-सुंदर ।  
 बहु-सउणुवइट्ट-सुह- लाह-गरिम-परितुलिय-मंदर  
 तयणु नराहिव-कारविय- गुरु-सक्कार-पहिट्ट  
 वत्ति नरिदिण दावियइ पवरासणि उवविट्ट ॥

[२९]

अह नरेसरु दइय-सच्चविय-

सिविणत्थु पुच्छइ पुरउ तेसि विणय-पणमंत-कायहं  
 सामन्निण ते वि तसु कहहिं देव तुह थोव-दियहहं ।  
 मज्झि हविस्सइ मुय-रयणु पसरिय-निरुवम-तेउ ।  
 अरि-तरु-मूलुद्धरण-खसु पणइ-लोय-सुह-हेउ ॥

[३०]

नवम-वारहं कुसुम-फल-रिद्धि

जं जाय अंव-हुमह तं तु संसु अम्हि वि न-याणउं ।  
 एसो वि हु को वि पुणु फल-विसेसु होसइ पहाणउं  
 तयणु नरिदिण सायरिण एवमिमं ति भणेवि ।  
 सिविण-वियक्खण मोक्कलिय बहु पडिवत्ति करेवि ॥

[३१]

तह समुस्सिय-हरिस-पुलएण

निय-देविहि धारिणिहि कहिउ सयल पुव्वुत्तु वइयर ।  
 देवी वि हु परिसुणिवि निवइ-वयण जय-जंतु-सुहर ।  
 गरुयाणंदिण धरणि-यलि कह वि न माइ न ठाइ ।  
 उदय-दसा-गय-सहसकर पुव्व-दिसि व्व विभाइ ॥

[३२]

तह पयट्टइ गव्व-निव्विगध-

परिवुद्धि-उज्जय-हिय सयल-विहिण वेज्जोवइट्ठिण ।  
 आराहइ देव-गुरु- पाय-पउम विणएण जेट्ठिण ।  
 कारावइ महि-यलि सयलि साहम्मिय-सम्माण ।  
 वियरावइ अणवरयमवि दीणाणाहं दाणु ॥

[३३]

न वि य भुंजइ कह वि अइ-निद्ध

अइ-तित्तु वि परिहरइ नाइ-उण्ह न य सिसिरु सेवइ ।  
 करि वंधइ ओसहिउ मुयइ उच्चिय-कम्मइ न केम्बइ ।  
 मिउ वोळइ थिरु चंकमइ वज्जइ गव्वायासु  
 कहमवि पावारंभइ वि न पयच्छइ अवयासु ॥

[३४]

तह नराहिवु तणय-सुह-कमल-

अवलोयण-सुह-तिसिउ कुणइ पियह दोहलय-पूरण ।  
 परिसीलइ देव-गुरु स-कुलएवि-अभिहाण-सुमरण ।  
 उग्घोसावइ आयरिण सयल-महिहिं अम-घाउ ।  
 मोयावइ चारय-भवणि रुद्ध-लोय-संघाउ ॥

३२. ३. सहल.

३३ ३ उण्ह न य सिसिर ४ वंधइ उसहिउ ५ केम्बइ



[३५]

एत्थ-अंतरि निवइ विण्णत्तु

आगंतु सव्वायरिण परम-विणय-पणमंत-सीसिहिं ।  
 कर-संपुडु विरि धरिवि होउ पुरउ निव-पवर-पुरिसिहिं ।  
 वद्धाविज्जसि नाह तुहुं पीवर-धण-लाहेण  
 कुंजर-तुरय-समागमिण रिउ-निव-विजय-महेण ॥

[३६]

जमिह कंचण-रुप्प-माणिकक-

मुत्ता-मणि-असम-सिरिखंड-तंव-विट्ठुम-कथूरिय  
 कालागुरु-पमुह-वर- वत्थु-सत्थ-भंडार-पूरिय ।  
 तुह दंडाद्वि-रण-विजिय- अप्प-णमिर-निवईहिं ।  
 पेसिय पहु वहु-करि-तुरय- रयण विणय-पणईहिं ॥

[३७]

अह वियासिय-नयण-कमल-दल्ल

पफुल्ल-वयणंशुरुहु बहल-हरिस-रोमंच-अंचिउ ।  
 परिचितइ धरणि-पहु अहह पुव्व-भव-पुण्ण-संचिउ ।  
 होही को वि मंहगरुहु जो तमु धण-अमिहाणु ।  
 दायव्वउं मइं वित्थरिण जय-पयडिय-सम्माणु ॥

[३८]

काल-जोगिण गन्धि बह्वंति

ससि-जुयल-समाण-पह हुय कवोल नं स-जस-धवलिय ।  
 मरगय-मणि-पिहिय-मुह फलिह-रयणमय-कलस-जुयलिय ।  
 तहिं अवसरि अहरीकुणहिं थोर-थिर-त्थण-वट्ठ ।  
 नं कप्पूर-सलाय-रय- पसरंजलि-परिघट्ट ॥

[३९]

तह पवट्टहिं पउर-जिभाळ

नीसास वहलीहवहिं गलड तिवलि अरुइ वि विसट्टइ ।  
 परिसिद्धिहिं सयल-तणु- संघि-वंथ उज्जमु न वट्टइ ।  
 उयर-नियंव पविथरहिं लज्ज सुमंसलिहोइ ।  
 गव्व-वसिण देविहिं तणिय आण न खंडइ कोइ ॥

[४०]

एवमइगय तीए नव मास

अद्धट्टम-दिण-अहिय अह पसत्थ-वासर-मुहुत्तिण ।  
 उच्च-ट्टिय-सोम-गह दिट्ठि लग्गि बहु-सुकय-पत्तिण ।  
 रवि-रयणीयर-मंडलिहिं परिवड्ढिर-तेएहिं ।  
 महियल-लोय-मणोरहिहिं संपाविय-पसरेहिं ॥

[४१]

जणइ धारिणि देवि उदयदि-

वसुह व्व तेयव्वहिउ तणय-रयणु दिणनाह-सच्छहु ।  
 अह सुललिय दासि लहु तहिं पहुत्त जंपइ य पेच्छहु ।  
 पढम-दिणंमि वि नंदणह का वि सरीरह कंति ।  
 जं पेक्खिवि तियसासुर वि पसरिय-विम्वहय हुंति ॥

[४२]

ता निजुंजिवि सइ-कम्मंमि

तयट्ठिण-वहुविह-महिल कुमर-वयण-दंसणिण तुट्ठिय ।  
 सयमसरिस-वेग-भर- परिगलंत-उत्तरिय उट्ठिय ।  
 गंतु नरिंदह पय-पुरउ भणइ भुवण-सुहएण  
 वद्धाविज्जसि देव तुहुं तणय-रयण-जम्मेण ॥

३९. ७. सुमिसलि

४१. ३. रय left out.

४२. ४. रेवगभर. ५. पेरगलंत ६. परंयपुरउ.

[४३]

तयणु दासिहि क्षत्ति सु-पसन्नु ।

आसत्त-वेणिउ दविणु फुरिय-गरुय-हरिसिण दवाविवि ।  
 चारय-घर-रुधु जणु सयल-महिहि तक्खणि मुयाविवि ।  
 नयर-पहाणदं आइसिवि स-पुर-महसव-कज्जु ।  
 विक्कमधण-नरवइ धरिवि मणि नदणु निरवज्जु ।

[४४]

जणु समग्गु वि परिविसज्जेवि

अत्थाण-मंडव-तलह तणय-वयण-दंसणि सइत्तउ ।  
 तोसेत्तउ सुहि-सयण वंदि-जणह बहु-दाणु देत्तउ ।  
 तुरिय-पय-क्खेविण धरणि- पयडिय-परम-मुहंमि ।  
 पत्तउ धरणि-प्पहु नियय नंदण-जम्म-गिहंमि ॥

[४५]

तयणु सत्थिय-मुसल-मंथाण-

वर-वंदणमाल-बहु- लोह-रक्ख-मंगल-पईविहि ।  
 जण-मणहरि सुइ-घरि तणय-रयणु धारिणिहि देविहि ।  
 पासि निरिक्खिवि अइ-पवर- लक्खण-सहस-निहाणु ।  
 निवइ करावइ तस्समय- जोग्गु समग्गु विहाणु ॥

[४६]

अह गहेविणु करिहि सुय-रयणु

पप्फुल्ल-लोयण-कमलु भणइ पुरउ नरवइ स-दइयह  
 जह सामिणि तुहुं जि पर सलहणिज्ज मज्झंमि ति-जयइ ।  
 एग-च्छत्त असेस महि निव-लक्खण-कुल-गेहु ।  
 जीए तणुभवु जय-पवरु हुयउ इमेरिसु एहु ।

[४७]

ता पढंतिहिं भट्ट-चट्टेहिं

गायंतिहिं गायणिहिं सुयण-सुहिहिं तक्खणि मिलंतिहिं ।  
 नच्चंतिहिं पण-तरुणि- सइहि सयल-जण-मण हरंतिहि ।  
 आणंदिय-भुवण-यल-ठिय- पवर-तरुणि-पुरिसेण ।  
 काराविउ वद्धावणउं निविण फुरिय हरिसेण ।

[४८]

इय निरंतरु कुमर-विसयंमि

किज्जंतइ परम-महि छट्ट-दियहि अणुकमिण पत्तइ ।  
 वाहित्तइ पुर-पवर- लोइ कुमर-गुण-गहण-रत्तइ ।  
 निवड करावड अविहवहिं तरुण-हियय-हरणीहि ।  
 गुरु-छट्टिय-जागरण-महु सोहग्गिणि-तरुणीहि ।

[४९]

अह पहुत्तइ कुमर-रयणस्सु

एगारसमइ दियहि धरणि-पवरि लोयंमि मिलियइ ।  
 वर-भोयण-कुसुम-फल- पसुह-पवर-वत्थुंमि दलियइ ॥  
 सामंतहं मंतिहिं पुरउ विक्कमधणिण भणीउ ।  
 गवभवइण्णइ कुमरि धण- आगमु मइं निसुणीउ ॥

[५०]

ता विचित्तिउ मज्झ जो को वि

कुल-गयण-ससहर-सरिसु तणय-रयणु होसइ पसत्थउ ।  
 दायव्वउं तस्सु धण नामु करिवि निय-जणु कयत्थउ ॥  
 तत्तो तुम्हाण वि पुरउ द्वउ एहु एयस्सु ।  
 सुपडट्टिउ निरु सुद्ध धण- नामु वसुह-सुहयस्सु ॥

४७ १ भट्टभट्टेहि ३ सुहिहि ज

४८ ७ क तरुणि ८ जट्टि य

४९ २ रु एगारसमहि

५० १. क माड जो

[५१]

अह सुणेप्पिणु नामु कुमररस्सु  
 साणंदु सयलो वि जणु नियय-नियय-विहवानुसारिण ।  
 कर विरडवि मुद्ध-यलि पुव्व-पुरिस-चरियाणुगारिण ॥  
 वत्थाहरण-तुरंगमिहि कुंजर-विसय-पुरेहिं ।  
 पाय-भूय वसुहाहिवह कुणइ तयणु स-करेहिं ॥

[५२]

धरणि-सामिण करिवि सक्कारु  
 सामंत-मंति-प्पमुह सयलु लोउ पमुइवि विसज्जिउ ।  
 ता पंच वि धाइयहु कुमर-कज्जि जत्तिण निजुंजिउ ।  
 विक्कमधणु वसुहाहिवइ पमुइउ पालइ रज्जु ।  
 कुणइ य इह पर-लोय-गय- विहि-विसेसु निरवज्जु ।

[५३]

सिहरि-कंदर-कप्प-विडवि व्व  
 निव्विग्घु बुडिहहिं गयउ सुकय-कम्म धण-कुमर-रयणु वि ।  
 जसु वियसिय-मुह-कमलु सव्वओ वि गुण लेइ पिसुणु वि ।  
 तह सिय-पक्खि ससंकु जिह हिम-धवलाण कलाण ।  
 सो च्चिय जायउ कुल-भवणु अइरेण वि सयलाण ॥

[५४]

ता पयंपिरु गमिरु विलसिरु वि  
 परिओसइ निवह मणु वसइ हियइ धारिणिहि देविहि ।  
 परिथुव्वइ आयरिण पवर-जणिहिं पय-पडम-सेविहि ।  
 हुयउ पयडु महि-यलि सयलि निस्सम-गुण-रयणेहिं ।  
 तह जह सेसु वि सहस-मुहु न खमु कहिउ वयणेहि ॥

इओ य-

[५५]

धरणि-कामिणि-कुसुम-सरिसंमि

कुसुमउर नामय-नयरि आसि चंद-निम्मल-महामड ।  
रिउ-निव-कुल-करडि-घड- सीहु सीह-अभिहाणु नरवड ॥  
तसु पुण दइय पसत्थ-गुण विमल विमल-अभिहाण ।  
आसि नराहिव-पमुह-जण- कय-पडिवत्ति-पहाण ॥

[५६]

तहं चमक्कय-सयल-जय-जंतु

नीसेस लक्खण-निलय जाय धूय गुरु-सुकय-जोगिण ।  
किज्जंतइ विविह-महि सयल-नयरि अह निव-निओगिण ॥  
वियरिउ कुमरिहि वित्थरिण धणवड त्ति अभिहाणु ।  
रज्ज-पहाणहं सयलहं वि पयडाविय-संमाणु ॥  
[५७]

ता अणुक्कम-पत्त-तारुण

असवण-लायण-भर- भुवण-तरुण-मण-हरण-पच्चल ।  
कुंदिदु-समुल्लसिय- विमल-सयल-कल-विसय-निच्चल ॥  
अन्न-दिणंमि समाण-वय- रूव-समिद्धि-मईहि ।  
धणवड गय उज्जाण-वणि सहिय अणेग-सहीहि ॥

[५८]

तयणु केयइ अंव जंवीर

मंदार दाडिम कुडय करुण कयलि कायंव जंवुय ।  
करवंदिय विज्जउरि ताल साल नालियरि लिंवुय ॥  
किसलय-कुसुम-फलोणमिय साह-सहस साहिल्ल ।  
पेक्खिर वियसिय-मुह-कमल नियड सहिय नियडल्ल ॥

५५ १ कुसुम

५६ ३. सकय

५७ २ असवण left out ४ समुल्ल ७. समिद्धि

५८ १ केवइ २ मंदार दुडिम. ३ जायलि. ४. करविंदिया ६ किसल. ७ साह  
सा साहिल्ल. ८ पेक्खिर, कतल. ९ सहिय इल्ल

[५९]

एत्थ-अंतरि पउर-साहस्सु

वहु-पल्लव-कुसुम-भर- रिद्धि-जणिय-आणंद-पसरह ।  
 पच्छाडय-सहसकर- किरण-भरह चुय-तरुहु एगह ॥  
 हेट्ठि नियइ चित्तयर-नरु फलहिय-दत्थु निविट्ठु ।  
 अविहिय-वयण-वियारु निरु तक्खणि मणि संतुदट्ठु ॥

[६०]

अह हविस्सइ किमिह फलहीए

इय विंभिर निव-दुहिय गइय पुरउ चित्तयर-पुरिसह ।  
 ता वेत्तु स-कर-यल्लिहिं नियइ समुहु तसु चित्त-फलियह ॥  
 अणिमिस-दिट्ठिहि गुरु हरिस- रोमचिय-सव्वंग ।  
 वाम-स-नयण-प्फुरण-परिमूइय-पिययम-संग ॥

[६१]

तयणु वुज्झिचि हियय-सव्भाउ

सरइंदु-निम्मल-मण्ण ताहिं ताहिं चिट्ठाहिं कुमरिहि ।  
 कमलिणि सहि चित्तयर पुरउ भणइ वयणेहि महुरिहिं ॥  
 भइ निवेयसु कस्सु एह पडिम पुरिस-रयणस्सु ।  
 माणिणि-माणुम्मत्त-करि- कलह-दप्प-दलणस्सु ॥

[६२]

तयणु सायर ईसि विहसंतु

चित्तयर-नरु वज्जरइ अहह मुद्धि किं तइं न याणिउ ।  
 एहु एत्तिउ कालु नर- रयणु सयल महि-यल्लि वस्साणिउ ॥  
 जं जमृ कित्ति-सुहा-रसु वि धवलइ भुवणु असेसु ।  
 तिण्वु पयावु वि निहइ रिउ-कुल-कमल-विसेसु ॥

[६३]

हरिस-वियसिय-वयण-तामरस

सोक्कंठ तियसंगण वि मेरु-सिहरि गायंति जसु गुण ।  
 पायालि वि भवणवइ- विलय होति अणुराय-मुम्मण ॥  
 मणुय-नियंविणि-नियर पुणु हूय अवल सव्वत्थ ।  
 जसु सोहग्ग-कुटार-हय- माण-थंभ-सामत्थ ॥

[६४]

अवि य तुंगिम गिरिहिं एगेव

गंभीरिम जलनिहिहिं थिरिम महिहिं गयणंमि विउल्लिम ।  
 तेयड्ढिम सहसकरि रयणि-रमण-विंवंमि सिसिरिम ॥  
 एहु पुणु एक्कु समग्गहं वि एयहं गुणह निहाणु ।  
 विक्कमधण-निव-अंगरुहु निरुवमु धण-अभिहाणु ॥

[६५]

मइं लिहेविणु चित्त-फलहियहं

निय-सत्तिण रूव-लवु विहिउ पुरउ स-विणोय-कज्जिण ।  
 तसु सयलु वि रूवु पुणु विहिउ केण तीरइ मणूसिण ॥  
 इय लेसिण धण-कुमर-वर- वइयरु मइं अक्खाउ ।  
 जो तियसासुर-तरुणियहं गीय-रविण विक्खाउ ॥

[६६]

इय भणंतु वि गयउ अन्नत्थ

चित्तयर-दारय-तरुणु तयणु विमलदेवीए वालिय ।  
 असुणंती कुमर-कह विसमवाण-मग्गण-पम्वालिय ॥  
 निवडिय सुद्धइ धरणि-यलि सीह-नराहिव-कन्न ।  
 किं न दुहावइ तक्खणिण परिगलंत-चेयन्न ॥

६४ १ एणव गभी°

६५ ३. पुरओ ५ लिहिउ. ८. क तरुणिय.



[६७]

तयणु कमलिणि-पमुह-सहि-यणिण  
 सव्वत्तु वि उवयरिय विविह-सिसिर-उवयार-सहसिण ।  
 अह वियलिय-मुच्छ-दुह कह वि कह वि संपत्त-चेयण ॥  
 धण-कुमरं चिय चित्त-गयमुभय-विहिहिं झाएइ ।  
 अमय-जलहि-मज्झ-द्विय वि अन्नह रइ न लहेइ ॥

[६८]

अह कहं-चि वि कुमरि धवलहरि  
 आणेवि विमुक्क तसु परियरेण ठावि वि सुहासणि ।  
 परिसाहिउ निव-पुरउ वइयरो-वि पुव्वत्तु तक्खणि ॥  
 ता आणंदिण निव-पुरउ देवि सइत्त-स-चित्ति ।  
 जंपइ जह—वद्धावणउं हुयउं करेह म भंति ॥

[६९]

जं सुदेवह कुमरु भाणेज्जु  
 नाणंदु वि हवइ मह पिउसि-जाउ कुमरीए वंधवु ।  
 अणुराउ वि तसु विसइ धणवईए ता कह न ऊसवु ॥  
 तह अणुरुविण माणुसिण कसु न सुहउ संवंधु ।  
 हवउ विहि वि दोण्ह वि जणहं इह घडणद्धर-खंधु ॥

[७०]

एत्थ-अंतरि दारवालेण  
 विण्णत्तु — जु आसि वहु कालु देव-पाएहिं पेसिउ ।  
 सो पत्तउ चित्तगड- नाम-मंति इह वुह-पसंसिउ ॥  
 इय सामिय साहसु हवउ केरिसु तसु आएसु ।  
 तयणु पयंपइ निवइ लहु लहु इह तं आणेसु ॥

---

६७ २ क ख सव्वन्नु ५ कह वि

६८. ७ क सइन्न ९ म

६९ २ नाणिदु पु हवइ ५ ऊमहु ९ The portion of the line a  
 is lost in क.

७०. ३. पायहि ५. क. एह

[७१]

ता खणद्धिण चित्तगइ सचिवु

संपत्तु निवइहि पुरउ तयण पुद्दु नरवरिण-भइय ।  
 तं एत्तिउ कालु कहि ठियउ नियय-कुल-गयण-वंदय ॥  
 अह सु नमेविणु विन्नवइ हउं पहु अयलपुरंमि ।  
 थक्कउ एत्तिउ कालु बहु- कोउग-हंस-सरंमि ॥

[७२]

अह नराहिवु भणइ - तइं दिट्ठु

किं किंचि वि अच्छरिउ तत्थ कालु एत्तिउ वसंतिण ।  
 इय साहसु सचिव मह तयण भणिउ निव-पुरउ मंतिण ॥  
 पहु मइं दिट्ठु तमच्छरिउ जं सक्को वि असक्कु ।  
 कहिउमसेसिण जीविण इग-वयणिण अवियक्कु ॥

जओ —

[७३]

जो पसत्थउ अत्थ-सत्थंमि

गीयत्थु गीयइ कहं निरु करालु करवाल-कम्मिण ।  
 अइ-दुद्धरु मुग्गरि वि कट्ठिण कुंति दद-सत्तु-वग्मिण ॥  
 रिउ-सिर-सल्ल सु सल्लि भड- कुल-पयंडु कोदंडि ।  
 जणिय-चमक्कउ चक्कि जय- गहिय-डंडु भुय डंडि ॥

[७४]

तह सु-सिक्खिउ तुरय-सिक्खाए

अकलंकु कुंजर कलहं तुलिय-भुवणु असिधेणु-सत्थिण ।  
 संपाविय-पसरु सरि सत्तु-सल्लु दद-सेल्ल-हत्थिण ॥  
 पत्तच्छेइ सु-छेउ वर- चित्तयम्मि सु-विचित्तु ।  
 वाइ-इंडु वाइय-कलहं धम्म-कम्मि सु-पवित्तु ॥

७१ ५. क ठिओ ख ठियउ ६ क विण्णवइ

७२. ९ क एग

७३ १ जाउजो ५ धम्मिण ६ भव

७४ ५ दलसेल्ल

[७५]

गहिरु सुंदरु सरलु सच्छाउ

सु-कुलुम्भवु नय-सरणु सयल-नीइ-सासण-वियक्खणु ।  
 बुढ-मंडणु सत्तु-मय- तिमिर-तरणि सु-पसत्थ-लक्खणु ॥  
 विक्कमधण-वसुहाहिबहु तणय-रयणु धण-नामु ।  
 दिट्ठउ मइं सो अयलपुरि निस्सवम-गुण-मणि-धामु ॥

[७६]

एत्थु सामि तत्तु तुहुं सुणसि

परमेउ लेसिण हउं वि विण्णवेमि निय-बुद्धि जोगिण ।  
 धण-धणवइ-मिहुणयहं असम-रुव-संवंध-विरहिण ॥  
 जायइ अवजसु देव्वह वि फुरइ कलंकु भवस्सु ।  
 ता चित्तइ नरवइ — अहह वयण-महिम सचिवस्सु ॥

[७७]

तयणु विणइण विजिय-जय-लोउ

निव्विग्ग-वहु-कज्ज-करु परम-वयण-विण्णाण-सुंदरु ।  
 सचिवाहिवु चित्तगइ पत्थुयत्थ-निम्मवण-मणहरु ॥  
 अणुजाणइ सिरि-अयलपुर-गमणि विहिय संवाहु ।  
 विक्कमधण-वसुहाहिबहु पुरउ सीइ-नरनाहु ॥

[७८]-

एत्थ-अंतरि चंदवइ-नाम

लहु भइणिय कुमरिहि वि सुणिय-सयल-पुव्वुत्त-वइयर ।  
 पप्फुल्ल-नयणंवुरुह झत्ति गंतु निय-सार-परियर ॥  
 जंपइ धणवइ-पय-पुरउ अविहिय-वयण-वियार ।  
 नणु दीससि किं भइणि तुहुं पाविय-दुह-पम्भार ॥

७६ २ क हउ ४ क मिहुणयह.

७७. १ जियलोउ ४. क The portion after वाहि lost. ५. क. प lost

७८. १. क एत्थअतरि lost. ३. क. वइयर, ९ क. पम्भार.

[७९]

अहव जणइण अयलपुर-नाह-

कुल-नायण-पुणिम-सरय- रयणि-रमण-धण-नाम-कुमरह ।  
 जं अज्ज विइण त्तिण सयण-भावि-विरहिण दुहिज्जह ॥  
 ईसि हसेविणु कमलिणिहिं भणिउ एत्थ-पत्थावि ।  
 किं न मुणसि तुहुं जिण कुमरि एरिस हुय सत्था वि ॥

[८०]

कहसु पिय-सहि तुहुं जि दुह-हेउ

विण्णाइण कज्जु महु जं जु गावि वालइ सु अज्जुणु ।  
 इय पुट्ठइ पुणु भणइ मुणइ सम्मु धणवइहि को मणु ॥  
 किं तु स-वुद्धिण तुह पुरउ हउं वि किं पि जंपेमि ।  
 निय-सहि-मण-असुहावहिण न उ दोसिण लिप्पेमि ॥

[८१]

आसि धणवइ अज्ज उज्जाणि

मयरज्झय-पूय-विहि मुदिसेउ स-सहि-यण पत्तिय ।  
 पेक्खंतिय चित्तियर- हत्थि कट्ट-फलहिय सु-चित्तिय ॥  
 तक्खणि केण-वि उप्परिण दोसिण एह गहीय ।  
 चिट्ठइ अवियविक्रय-दुहय- पाविय-एय-विहीय ॥

[८२]

इय सु निम्मल-कलहं कुल-गेहु

बहु-मंत-तंत-प्फुरणु भुवण-तरुणि-मण-महण-मंथणु ।  
 विक्कमधण-धरणि-पहु- तणय-रयणु पणइ यण-संथणु ॥  
 कहमवि एयह धणकुमरु जइ आविवि वेगेण ।  
 कुणइ किं पि उत्तारणउं ता मुच्चइ खेएण ॥

[८३]

अह समच्छर होउ होउ त्ति

पज्जत्तउं तुह कहं नाय तुज्झ कमलिणि वियइढम ।  
 खइ खिवहि वखारु किह अहव एह तुह एण्हि वड्डिम ॥  
 जं अग्गइ ठिय टिलिविलिहिं जासि अदुहि भइणीए ।  
 अहव खमेज्जसु दोसु इहु मह बहु-दुह-सरणीए ॥

[८४]

तयणु कमलिणि भणइ पणमेवि

रुसेसि तुहुं किह णु सहि किं न वयणु निसुणेसि अग्गिमु ।  
 सव्वुत्तिम-सिरि-निलय- भुवण-तिलय-पिय-लाह-वंगिमु ॥  
 अम्हि वारिय वि न थक्किसहुं मुणिवि स-सहिहि सुहाउ ।  
 करिसहुं निय-जीहह वि सुहु वोहिलवि जह विण्णाउ ॥

[८५]

अज्ज एंतिण नियय-भवणाउ

मइं दिट्ठउ अद्ध-पहि सयल-काल-जाणणु निमित्तिउ ।  
 अह कइयहं विसम-दस- विरसु सहिहि हविहि त्ति चित्तिउ ॥  
 तिण पुट्ठिण नेमित्तिण कइउ-म भंति करेसि ।  
 आयरु करिसइ धणु कुमरु सयमवि तुह सहि-रेसि ॥

[८६]

एत्थ-अंतरि विहिय-सवाहु

पुव्वुत्तउ चित्तगइ सच्चिउ पत्तु सविहंमि कुमरिहि ।  
 जंपेइ य परिविहिय- गरुय-माणु वयणेहिं महुरिहिं ॥  
 विक्कमधण-सुय धण-पुरउ अयलपुरंमि गएण ।  
 किं कहियव्वउं मइं कहसु सुदरि तुह कज्जेण ॥

८३ २ पज्जत्तह ३ नय ४ क खिवहि ८ एहु

८६ ४ क The letters between जंपेइ and रिविहिय are blurred and illegible The first letter appears like स

[८७]

तयणु नणु किं सत्तु संजाउ

सहि-भइणिय-भणिउ इय चितयंत धणवइ-कुमारिय ।  
 साणंदु समुल्लवइ सचिव-पुरउ गुरु-लज्ज-सारिय ॥  
 अवल अयाणुय चाल हउं सयल-कलुज्जल-चंद ।  
 भणिइ-वियक्खण तुह पुरउ किं कहेमि सचिविंद ॥

[८८]

ता सयं पि हु समय-संपत्तु

भणियच्चु असेसु तइं पत्थुयत्थ-संसिद्धि-कारणु ।  
 तह कमलिणि मणउ — सहि तं पि किं पि तमु असुह-धारणु ॥  
 स-कर-विणिम्मिउ पेसवसु डयरह गय-सरणाउ ।  
 सो पेसिय तुह समुह-मणु विवइहि हय-मयणाउ ॥

[८९]

तयणु धणवइ ईसि विहसंत

लज्जंत महि-निहिय-मुह भुज्ज-खंडु सहस-त्ति वेप्पिणु ।  
 गुरु-जत्तिण निय-करिहिं लिहिवि सचिव-करयलि समप्पिणु ॥  
 अणुजाणइ पत्थुय-विहिहिं सायरु कय-सक्कारु ।  
 तक्खणमवि सचिवाहिउ वि चल्लिउ वहु-परिवारु ॥

[९०]

पवण-वेणिण अयलपुर-नयरि

नरनाह-चल्लणहं पुरउ आगओ य थोविहि वि दियहिहिं ।  
 ता पुट्टउ नरवरिण कुसलु भद सिरि-सीह-निवइहि ॥  
 सचिवु भणइ — नणु मह पट्टु सामिय कुसलु सया वि ।  
 सार करंतउ वीरु तुहुं जसु न विरमहि कया वि ॥

८८ २. क असेस ७ सरणेउ ९ मयणेउ

८९ २ क सज्जंत supplied marginally,

९० ३. क. थोविह

[९१]

किंतु कारण तुरिय-आगमणि

मह सुणसु पसीय पहु जेण सयल साहेमि लेसिण ।  
 विक्कमधण-नरवरिण तयण कहसु कहसु चि भणिण ॥  
 सो सचिवाहिउ चित्तगइ सिर-विरइय-कर-कोसु ।  
 हरिस-वियासिय-मुह-कमल साहइ एहु असेसु ॥

[९२]

देव निरुवम-रुव-लायण

ससि-निम्मल सयल-कल कुम्म-चलण कलहंस-गमणिय ।  
 कुंजर-कर-ऊरु-जुय अमर-सरिय-पिहु-पुलिण-जहणिय ॥  
 वियड-नियंव-त्थल गहिर- नाहि-कूव महणिज्ज ।  
 अच्चुन्नय-थिर-थोर-थण- जुयल तरुण-रमणिज्ज ॥

[९३]

सरल-अंगुलि सुहय-कर-कमल

परिविलसिर-वाहु-लय जणिय-मयण-जय-कंठ-कंदल ।  
 कणगुज्जल-गडयल वयण-कंति-जिय-चंद-मंडल ॥  
 सवणंदोलय-गय-नयण कोइल-महुरालाव ।  
 कमल-दलारुण-अहर अलि- सामल-केस-कलाव ॥

[९४]

चंद-निम्मल सील-सिंगार

हर-हास-कासुज्जलय- चरिय विमल-गुण-रयण-मंडिय ।  
 मिय-भासिर थिर-गमिर सयल कालु पिइ-माइ-वड्ढिय ॥  
 सीह-नाम-नरनाह-कुल- गयणंगण-ससि-छेह ।  
 धणवइ-नामिय अत्थि धुय वर-वहु-लक्खण-गेह ॥

९१ ५ क. स. भणिण.

९४, ६ क. चडिय.

[९५]

सा उ संपड सुणिय धणकुमर-

रूवाइय-सयल-गुण- फुरिय-विसमसर-भल्लि-सल्लिय ।  
 परिवेदुड कह न कह रंग-महिहिं नडि जेंव भल्लिय ॥  
 जइ न लहड धणकुमरु वरु ता धुवु मरड स अज्जु ।  
 इय अविलंविण पहु-पएहि बहु-गुणु किज्जउ कज्जु ॥

[९६]

ता नरिदिण भणिउ - किमज्जु

सचिवाहिं इत्थ जइ कह वि होइ अणुकूल दिव्वु वि ।  
 जं सीहिण नरवरिण समगु पीइ मह कालु सव्वु वि ॥  
 जइ पुणु हवइ अवच्चहं वि अणुरुवहं संवंधु ।  
 ता निय-नेह-तरुहु उवरि हउं वंधावउं चिंधु ॥

[९७]

अह नमेविणु गुरु-पसाउ त्ति

जंपेविणु चित्तगइ निव-विडणि आवासि गंतु वि ।  
 वीसमिडण एक्कु खणु स-परिवारु वित्थरिण भोत्तु वि ॥  
 सुहि-सयणिहिं सह आगइहिं अमुणिरु गमिरु वि कालु ।  
 सह बहु सुह-दुह-संकहहिं चिट्ठइ जाव वियालु ॥

[९८]

तयणु तक्खणि भिन्न-भवणमि

परिसंठिउ धन-कुमरु सुणिय-सयल-पुव्वुत्त-वइयरु ।  
 नणु स-पहुहुं कज्ज-कर भणहिं भिच्च सव्वं पि मणहरु ॥  
 ता किं स चउं अह वित्तु एहु इय मणि चिंतु ।  
 सचिविदिण आगंतु घरि कय-विणइण विण्णत्तु ॥



[९९]

कुमर किञ्जउ द्विय संतोसु

तसु कुमरिहि धणवडिहि भुज्ज-खंडु एहु स-करि वेप्पिणु ।  
उग्घाडि वि निय-मणिण समय-पत्तु कज्जु वि त्रियप्पिणु ॥  
विशरसु मह आएसु कु वि जह लहु वद्धावेमि ।  
सा वालिय तह केत्तिय वि दिण अणुसंयायेमि ॥

[१००]

तयण दाहिण-नयण-विप्फुरण-

परिमूडय-पवर-पिय- लाहु हरिस-वियसंत-लोयणु ।  
निय-हत्तिहिं वेत्तु लहु भुज्ज खंडु गुरु-हरिस-भायणु ॥  
विककमधण-निव-अंगरुहु तं उग्घाडड जाव ।  
गुरु-विम्हय-पप्फुल्ल-मुह- कमल निरिक्खइ ताव ॥

[१०१]

अद्ध-चिन्नय-चत्त-विस-कंद

दर-विहडिय-चंचु-पुड सिद्धिल-पक्ख वियलंत-कंधर ।  
परिमउलिय-नयण-जुय गरुय-ताव-वेविर-मुहंतर ॥  
नव-विरहुम्भव-गरुय-डुह दूर-पणट्ट-विवेय ।  
कलहंसिय तहिं लिहिय तह अक्खर-पंतिय एय ॥

[१०२]

कमल-वल्लह सुपय गय-हियय

महुर-स्सर विमल-हप राय-हंस-सभव सुपक्खिय ।  
जय-सुहयर-चरण गइ- विउल सुहय सुन्दर सु-दक्खिय ॥  
गरु-विरहाणल-तविय-तण रायहंसु अलहंत ।  
चिट्ठइ कलहंसिय मयण- सवरिण एह हम्मंत ॥

[१०३]

इय मुणेविणु सुदय कारुणिय

समय-णुय सिरि-तिलय रायहंस पणइ-यण-वच्छल ।  
 जं जुत्तउं तं कुणसु सयल-भुवण-मण-मुणण-पच्चल ॥  
 अह विम्हिय-मणु वणकुमर उभय-भाव-दंसीण ।  
 परिर्वित्तइ परमत्थु मणि वत्थु-क्व-हंसीण ॥

[१०४]

कट कइत्तह किंपि कुसलत्तु

वपु गहिरिम जंपियह अहह भाव-विन्नासु चित्तहं ।  
 हुं हुं रेहहं सुद्धि क वि अरि हियय-हारिम ललित्तह ॥  
 कट कट वन्न-विळित्ति एह वपु वपु भूमिय-कम्म ।  
 अह अह कर-पल्लव-लहिम अरि अरि तिउ अभिरम्म ॥

[१०५]

इय विचित्तिरु निरु धुणिय-सीसु

पप्फुल्ल-वयणंवुरुहु लिहिय-नियय-करयलिण तक्खणि ।  
 विक्कमधण-अंगरुहु पत्त-कित्ति नव-क्व-लक्खणि ॥  
 सायरु कय-सक्कार-विहि सह निम्मल-हारेण ।  
 लेहु समप्पइ चित्तगइ- मंति-हत्थि स-करेण ॥

[१०६]

अह पसाहिय-सयल-निय-कज्जु

सचिवाहिवु चित्तगइ कुमर-यरणिनाहिहिं अणुणिउ ।  
 संपत्तउ कुसुमपुर- नयरि नियय-परियण-समन्निउ ॥  
 ता सीहह निवइहि पुरउ सिरि विरइय-कर-कोसु ।  
 कय-गरुय-प्पडिवत्ति-विहि सचिवाहिवइ स-तोसु ॥

[१०७]

पुव्व-वइयरु कहइ स-विसेसु

परिओसिय-निवइ सह तयणु भणिउ विहसिवि नरिंदिण ।  
 नणु एक्कसि कहसु सह धणिण नियय-कुल-गयण-चंदिण ॥  
 धणवइ-कुमरिहि केरिसउ संभावसि संवंधु ।  
 सचिवु भणइ - धुवु होइसइ भुवण-अहिय-पडिवंधु ॥

[१०८]

जं च निम्मिउ मयणु रइ-रमणु

जं कणहु लच्छिहि दइउ जं सुरिदु रंभाए पिययसु ।  
 जं सीयह नाहु हल- मुसल-जोहु जं हरु वि पिय उमु ॥  
 तं चिर-संचिउ जसु फुसइ जइ न कुणइ संवंधु ।  
 धणकुमरह धणवइहिं सह विहि एहु मह निव्वंधु ॥

[१०९]

इय भणिप्पिणु विविहु सम्माणु

परिवेत्तु सीदह निवह पासि सचिवु तेणाणुमन्निउ ।  
 लहु कुमरिहि संनिहिहि गंतु सार-परियण-समन्निउ ॥  
 लेहु समणइ धणवइहि सह निरुवम-हारेण ।  
 सा विहु वियसिय-मुह-कमल परिवेप्पिणु स-करेण ॥

[११०]

ठविवि हिययह वहिहिं सो हारु

मज्झमि उ धणकुमरु स-गुणु सरलु विमलउ सु-वाणिउ ।  
 उग्घाडिवि लेहु मण- नयण-मुहउ सचिविंद-आणिउ ॥  
 सज्झस-वस-वहलुल्लसिय- रोमंचंचिय-काय ।  
 वायइ कुमरिय लेहु फुडु दुगुणीहुय-मुह-राय ॥

१०७ ५. क. गइण ९. भुवणु, परिघ

१०८ ५. छुसलजोहुं

१०९ ४. क. सनिहिहि

जहा—

[१११]

जेहिं सित्रिणि वि नेव सन्चविय  
संभाविय न य मणिण न वि य जाय वयणाण गोयरि ।  
ति वि निच्छु वि अहिलसहिं जलहि-धुय केसव-किसोयरि ॥  
जाहं पसत्तिय सयमवि हु निवसइ सा कर-कोसि ।  
तह किं भणउ सुह-निहिहि निरु पसरंतइ तोसि ॥

[११२]

सुयणु धणवइ मज्झ पसिऊण  
बहु-छिद्दु वि निद्रुसु वि लवण-जलहि-संभवु वि तुच्छु वि ।  
वर-तरल-सहोयरो वि विरहि-तरुणि-मण-जणिय-मुच्छु वि ॥  
सुयण-निवेसाणंदयरु गुरु-गुणु गुण-सुहयंमि ।  
मुत्ताहारु वि हारु एहु धरियव्वउ हिययंमि ॥

[११३]

अह कुमारिय वेत्तु सव्भावु  
धणकुमरह अक्खरिहिं हूय हरिस-पसरिण समिद्धिय ।  
नं पाविय-कप्पतरु- कामधेणु-गुरु-रज्ज-रिद्धिय ॥  
अह तम्माणसु बुज्झिउण कमलिणि भणइ स-हासु ।  
किं वोलेवइ हउं वि को वि लहिसु सचिव अवकासु ॥

[११४]

जमिह तुहं ता दिट्ठ धणकुमरु  
संतुद्रु एम्बहं हुयउ मह सही वि तल्लिहिय-दंसणि ।  
हउं थक्क जोयंतिय वि तुम्ह वयण अह भणउ तक्खणि ॥  
सचिविदिण - नणु सुयणु किह तं पि न पूरसि चित्ति ।  
स-वियप्पिउ जंपिवि सयलु इच्छ-पमाणिण तित्ति ॥

१११ ३ वयणेण ६ पसन्निय ८ क तह, निहिहि

११२ ३ क जर्हि. ६ सोयण ८. वि blurred, ख. वि हारु left out

११३ २ क कुमरिहि. The letters after अ lost in क ३ पसरिण

४ क.त. ९ क सचिव

११४ ५ क. The portion between अ and त lost

[११५]

नणु महामइ एहु जइ एम्ब  
ता साहसु वित्थरिण मह सु अत्थि धणकुमरु केरिसु ।  
जसु स धराधर-धरहं फुरइ विमल-जस-पसरु एरिसु ॥  
जासु नामेण य मह सहिहि एरिस हूय अवत्थ ।  
तयणु पयंपइ सचिवु — नणु इह कह सुयणु महत्थ ॥

[११६]

जमिह अणिमिसु सग्गि सुर-इंदु  
पायालि फणिंदु पुणु विप्फुरंत-विस-दूसियाणणु ।  
हरि कालउ पंडु हरु कुसुमकेउ संचर-निसुंभणु ॥  
सायरु खारउ रवि तवइ रयणीयरु स-कलंकु ।  
सोउग सयलेहिं वि गुणिहिं सहिउ सुयणु नीसंकु ॥

[११७]

इय अणेगहिं कुमर-गय-कहहिं  
पावंत-गुरु-हरिस-भरु कुमरि गमइ केत्तिय वि वासर ।  
अह पत्तइ लग्ग-दिणि सविहि-सीह निरवज्ज सुंदर ॥  
पुरिस पयंपहिं तुट्ट-मण पय-पउमइं पणमेवि ।  
विक्कमयग-नरवइहि जह पहु अविळंबु करेवि ॥

[११८]

एह सयंवर-कुमरि तत्थेव  
पेसिज्जउ बहु-वल्लिण कलिय सयल-जुव-मण-विमोहणि ।  
ता जुत्तउं जुत्तु इहु इय भणंतु निवु कुमरि कारणि ॥  
काराविवि स-निउत्त-नर- करिहिं पवर-सामणि ।  
पेसइ धणवइ अयलपुरि तोसिय-सज्जण-वग्गि ॥

११५. ८ क त्तणु पयं

११६ ९ क सुवयणु

११८. ४. एहु

[११९]

अह पुर-ट्टिय गमिर साणंद

मण-वेगिण पउर-वल- कलिय चलिय नरनाह-वालिय ।  
 कुंदुज्जल-विउल-गुण- रयण-कित्ति-पसरिण-विसालिय ॥  
 पमुइय-नरवड-सच्चिव-वणि- तरुणि-तरुण-नर-विसरि ।  
 थोवेहिं पि पयाणगिहिं पत्त अयलपुर-नयरि ॥

[१२०]

तयणु विक्कमधण-नरिंदेण

आणंद-समुल्लसिय- रेम-राड-रेहंत-दिट्ठिण ।  
 परिओसिय-धरणियल वट्टमाण-नर-तरुणि-निवहिण ॥  
 तक्कालागय-सयल-महि- लोय-विहिय-उच्छाहु ।  
 काराविउ गुरु-वित्थरिण धण-धणवड्ढिं विवाहु ॥

[१२१]

ता पणच्चिरि वार-तरुणि-यणि

पसरंतइ गीय-रवि दिज्जमाणि दाणंमि वंदिण ।  
 गिज्जंतइ कुमर-निव- कित्ति-पसरि गायण-सहस्सिण ॥  
 काराविउ वद्धावणउं सज्जण-जणियाणंदु ।  
 तियसामुर-विम्हय-करण- महिम-महहुम-कटु ॥

[१२२]

अह स-हत्थिहिं करिवि सक्कारु

निय-वयणिण आलविवि कुंद-चंद-सिउ जसु समज्जिवि ।  
 तक्कालागयउ जणु निय-निणसु ठाणिसु विसज्जिवि ॥  
 विक्कमधण-निवु धारिणिहिं धणु धणवड्ढिं समाणु ।  
 उवभुंजड वर विसय-सुह निरुवम-गुणहं निहाणु ॥

११९. ६ घणि ८ क पयाणगिहि

१२१ २ क पसरतिइ

१२२ १ करि करिवि

[१२३]

अन्न-वासरि खुहिय-खोणि-यल-

बहु-गंध-सिंधुर-तुरय- सुहड-रयण-सदण-सहसिसण ।  
 आऊरिय-धरणि-यलु नियय-वल्लिण बहु-संख-लविखण ॥  
 गच्छंतउ उज्जाण-वणि मुणइ गहिरु पडिसद्दु ।  
 तयणु वियप्पड निय-मणिण कुमरु सु भाविय-भद्दु ॥

[१२४]

अहह किं एहु अमर-गल-गज्जि

पसरंत-मेह-ज्झुणि व खुहिय-जलहि-गंभीर-रावु व ।  
 वण-वारण-गज्जिउ व तियस-पहय-दुंदुहि-निनाउ व ॥  
 वहिरिय-धर-गिरि-गयणयलु जं मुम्मइ निग्घोमु ।  
 तियसासुर-नर-खयर-वर- तरुणि-जणिय-संतोमु ॥

[१२५]

ता मुणेविणु मणु कुमरस्सु

धणएव-धणदत्तएहि कुमर-लहुय-वंधुहि खणद्धिण ।  
 सु-विणिच्छिवि तत्तु लहु भणिउ - भाय उवसम-समिद्धिण ॥  
 भूसिउ बहु-मुणि-परियरिउ भविय-भमर-अरविंदु ।  
 चिट्ठइ तियसासुर-सहं धम्मु कहंतु मुणिंदु ॥

[१२६]

तयणु वियसिय-वयण-तामरसु

गुरु-हरिस-पुलयंकुरिउ सविह-विहिय-निय-सार-परियणु ।  
 परिमन्निरु सुकय-फल विहवु जम्म जीविउ स-सुहि-यणु ॥  
 जा गच्छइ केत्तिय वि पय पसरिय मण-कल्लोलु ।  
 ता विक्रमधण-अंगरुहु पेक्खइ संजम-लोलु ॥

[१२७]

रयणि-रमणु व सहिउ तारेहिं  
 सुर-सिहरि व पव्वएहिं कप्प-विडवि इव सेस-साहिहिं ।  
 सुर-नाहु व सुर-गणिहिं रायहंसुरिव बहु-बलायहिं ॥  
 गंध-गइंदु व करि-कुलिहिं सहिउ विविह-साहूहिं ।  
 कंचण-कमल-निसन्नु मुणिवरु जुउ गुणिहिं वहूहिं ॥

[१२८]

तयणु तक्खणि मुक्क-निव-चिंधु  
 पंच-विहिण अभिगमिण पविसिऊण सूरिहि अवग्गहि ।  
 करयंजलि सिरि रइवि परिविमुक्क-माणसु असग्गहि ॥  
 पणमिवि सूरिहि पय-पउम कुमरु मणिण संतुदट्ट ।  
 वंधु-पिया-परियणिण सह उचियासणि उवविट्ट ॥

[१२९]

तयणु निमुणिवि धम्मु खणु एगु  
 संपाविय-अवसरिण विणय-पुब्बु विण्णत्तु कुमरिण ।  
 नणु मुणिवर एरिसिण तुज्झ सयल-उक्खण-सरीरिण ॥  
 ओसपंत-समग्ग-सिरि विसय-सुहिहिं निरवज्जु ।  
 एगच्छत्त-वसुंधरहं चिरु पालिज्जइ रज्जु ॥

[१३०]

अवि य जोव्वणु पढमु तणु-कृति  
 संपत्त-तिहुयण-विजय- रूवु विजिय-विसमसर-सिरि-मउ ।  
 लायणु वि लवणुयहि जिणइ तेउ कय-सूर-संसउ ॥  
 सुकुमारत्तु सिरिस-तरु- कुसुमाइ विसेसेइ ।  
 ता तुह गुण एक्किण मुहिण मुणिवइ को वन्नेइ ॥

१२८. ५ क असग्गहि

१३० ३ विजय. ९ मुणिवर



[१३१]

कुणइ निरुचसु वयण-विण्णाणु  
मण-मोहु तियसासुरहं ललिउ भणिउ तीरइ न वयणिहिं ।  
हसियं पि हु हरइ मणु सयल-भुवण-वट्ठंत-तरुणिहिं ॥  
वयणह नयणह वच्चयल- कर-पल्लव-चलणाहं ।  
लक्खणु लक्खु वियक्खणहं किं अम्हारिसु ताहं ॥

[१३२]

ता निवेयसु मज्झ पसिऊण  
वेरणिण केण तइं गहिउ चरणु दुक्करु इमेरिसु ।  
अह जंपइ सुणि-वसहु सुणसु कुमर वेरगु जारिसु ॥  
जायउं मह वय-गहण-दिणि जणिय-भवि-उव्वेउ ।  
जं भणंतु वि सुह-मइहिं कसु न कुणइ संवेउ ॥

[१३३]

तहा हि  
आसि सुंदर मगह-विसयंमि  
सिरि-कंचणपुरि नयरि पउर-विठव दो वणिय सुत्तय ।  
सुकुलुभव गुण-निलय त्रिउल-धम्म-कम्मोवउत्तय ॥  
मिय-भासिर थिर-चंकमिर निम्मल-कित्ति-निहाण ।  
निविड-सिणेह सहोयरय सीह-वसंतभिहाण ॥

[१३४]

अन्न-दिणि पुणु भणिउ लहु वंधु  
एगंति निय-पिययमहि पाव-मण मयणसिरि-नामिण ।  
जं दीसइ इह भवणि तेण लहु वि न हवसि स-कम्मिण ॥  
तुज्झ सहोयरु जेट्ठु इहु निच्चु वि वयणिण मिट्ठु ।  
अविहिय-वयण-वियारु पुणु चिट्ठइ चित्ति विणट्ठु ॥

[१३५]

जमिह आणिवि नियय-दइयाए  
 निय-धूय-निय-नंदणहं तुह परोक्खु बहु-खंड-खज्जइं ।  
 कत्थूरिय-कुंकुम वि वेत्त कुणइ इच्छियइं कज्जइं ॥  
 अवसारेविणु विहवु रहि वंधइ निविडी गंठि ।  
 धुत्त-सिरोमणि सीहु इहु अमय-महुरु पुणु कंठि ॥

[१३६]

ता खणद्धिण फुरिय-गुरु-कोवु  
 कंपंत-सव्वंगु निय- पियह पुरउ सु वसंतु जंपइ ।  
 नणु पाविणि वयणु तुह एहु सुणिवि मह मणु वि कंपइ ॥  
 तं सम-सीलु अ-वंचणउं कय-कुडुव-कज्जा य ।  
 मह पिउ-समु गुरु-बंधु सम जगणिहि भाउज्जाय ॥

[१३७]

ता किमन्नहं घरहं मेलेसि  
 मह भवणु वि दुह-मइ इय अईव विसरिसु भणंतिय ।  
 अह मोणिण मयणसिरि थक्क वयणु दइयह सुणंतिय ॥  
 अन्न-दिणम्मि उ वज्जरइ अन्नयरिण रुवेण ।  
 तह जह झत्ति वसंतह वि मणु खडियउं लवेण ॥

[१३८]

तयणु इयरिए लद्धु सुड-वेहु  
 पक्खित्तउ मुसलु लहु नियय-दइउ निरु विप्पयारिवि ।  
 ता वंधवमुल्लवइ भाय भाउ मह को-वि वियरिवि ॥  
 भवणु विभिन्नउं दाउ कु वि करि मह मण-संवित्ति ।  
 खंडइ मणि पुणु एक्क-हरि हारिज्जइ गुरु कित्ति ॥

१३५ ८. एहु

१३६ १ क कोव

१३७ ९- क खंडिं ; ख खडियउ

१३८. १. क इरिए

[१३९]

अह सुणेविणु क्यणु तमउव्वु  
 सो सीहु समुल्लवइ वच्च होसि तुहुं कसु विभिन्नउ ।  
 तुह वयणेण वि इमिण जाउ अत्ति हउं मणि विखिन्नउ ॥  
 इय एहु धणु कणु सुहि-सयणु संतिउ सयल्ल तुहेव ।  
 मह संपइ-गइडउ गयउ परिथक्कइ लीहेव ॥

[१४०]

इय विचित्तिहिं सीह-वयणेहिं  
 उवसंत-अमरिसु पुणु वि भणिउ अन्न-वासरि कलत्तिण ।  
 गामेल्लुय छुव्वविउ तेण धुत्त-तिलएण स-सत्तिण ॥  
 अहव न गेण्हइ पुणु वि पुणु कहियं पि हु इयरेण ।  
 रत्तउ दुट्ठउ मूढ-मणु वुग्गाहिउ वि परेण ॥

[१४१]

धरिउ भुग्गह भरिउ तयराहं  
 तुह दिण्ण सुत्थय वहुय तेण तं सि पत्तिन्नु सुद्धय ।  
 न पडिच्छसि मह वयणु जुत्ति-जुत्तु वि हु मणिण सुद्धय ॥  
 मउयउं मुहिहिं समुल्लवहिं विंधहिं खरउं जि धुत्त ।  
 न परिच्चयहिं स-कम्मयर कहमवि मुहिए पउत्त ॥

[१४२]

अहव किं मह इयर-भणिएण  
 तं दासु तस्सु वि हवसु जाव-जीवमवि मुल्ल-वज्जिउ ।  
 अ-कयण्णुउ अ-वुहु वुह- हीलणिज्जु दह-जडिम-तज्जिउ ॥  
 एत्थ भलिज्जसु सुएहि सहुं हउं पुणु कसु वि न दासि ।  
 अच्छिसु पेइय-हरि वि ठिय निय-वधवहं सयासि ॥

१३९ ३ वुम्ह ८ सपइउ गहुउ गउ. ९. परिथक्क

१४० ४. छुविउ ९ क यरेण

१४१. ४ क महु. ६. क सुइय ७. क विंधइ

[१४३]

दिदुट्टु एत्तिउ कालु विण्णाणु  
 सच्चविउ पुरिसत्तणु वि मुणिय स-पिय-पडिवंध-चंगिम ।  
 सु-विणिच्छिय कम्म-णय कलिय तुज्ज स-कुडुंव-वड्डिम ॥  
 एम्बहं ध्राइय तुह गुणहं मुयसु हंत जीवंत ।  
 न उ सक्कउं अवराह-पय पेक्खिउ इह चिट्ठंत ॥

[१४४]

इय विचित्तिहिं वयण-रयणेहिं  
 तह केण वि विप्पिएण विहि-वसेण तक्काल-भाविण ।  
 तह कहमवि वुज्जविउ जह वसंतु भाविउ स-कोविण ॥  
 तयणु पयंपइ पुरउ गुरु-बंधुहु गंतु तुरतु ।  
 जह धुवु अज्ज मरेसि तुहुं मज्ज वि भागु अदेत्तु ॥

[१४५]

अहह बंधव किमिह वज्जरसि  
 तुहुं अज्ज एहु निदुट्टरउं रोस-अरुण-लोयणु अयंडि वि ।  
 किं कत्थ वि दूहविउ तं सि अज्ज मइं वयणु खंडिवि ॥  
 इय जंपंतउ पुणु वि पुणु भणिउ वसंतिण सीहु ।  
 अरि पुणरुत्तु समुल्लविरु किं हारहि निय-दीहु ॥

[१४६]

जमिह दिदुट्टु तुज्ज सव्भावु  
 विण्णायउ तुह चरिउ मुणिउ तुज्ज विलसिउ असेसु वि ।  
 अह सीहु समुल्लवइ किं कहं ति साहसु विसेसु वि ॥  
 हुहुं मइं जाणिउ अज्ज तुहुं मन धवलिय धवलेसि ।  
 एयह वारह अग्गहउं फुडु तुहुं जि विणासेसि ॥

१४३ २ क पुरिसत्तण ५ क. ख. वड्डिम ७. क The first letter is partly blurred

१४४. १ क रयणाइ, रयणहिं

१४५ ५ क ख मए खविवि ८ क पुणरुत्तु, ख मुणस्तु.

१४६ २. क मुणिय. ५ दाहंति ७ क The portion following मन is lost. ८ क. एयह वा lost.

[१४७]

इय पयंपिरि चत्त-दक्खिणि

निय-बंधवि फुरिय-दुहु सीहु लग्गु स-मणिण वियप्पिउ ।  
मइं वंधुहु सह घरिण भवण-सारु सयलु वि समप्पिउ ॥  
तो वि न मन्नइ मह वयणु स-पियहि हरिय-विवेउ ।  
अहव न विनडिउ को विहिण बहु-विहु दाविय-खेउ ॥

[१४८]

अहह महिलहं किं पि माहप्पु

चिर-रूहु जि नेह-भरु सोयराणमवि इह हरावहिं ।  
निय-बुद्धिण पयडिउण विलिय-सयइं अणहुंत दावहिं ॥  
मइरा-विरहिण मय-जणय भोयण-विणु असुईउ ।  
निह-विओगि वि मोह-यर तिय कसु दित्ति रईउ ॥

[१४९]

तरुणि तिविखय निसिय-असिणो वि

दुग्गम्म गिरि-मग्गह वि हियय-डाह-जणणिय दवाउ वि ।  
निरु दुत्तर जलहिणो वि चवल-चरिय सरयम्भयाउ वि ॥  
इय कसु होंति भवोयहिहिं तरुणि-तरंड-सुहत्थु ।  
दुम्मइ-पवण-पणोल्लिय जि कुणहिं पाणि अ-कयत्थु ॥

[१५०]

इय विस्ररिवि स-वरु घर-सारु

सो वियरेविणु बंधवह जाइ सीहु अन्नत्थ कत्थ वि ।  
विठवेइ य बहु विहवु वसइ पंच-दियहाणि जत्थ वि ॥  
अह तसु कित्ति समुल्लसिय अवजसु सुणिवि पियस्सु ।  
जंपइ मयणस्सिरि हय व नज्जइ दइय अवस्सु ॥

१४७ ८ क अह

१४८ २ क ख. ज

१४९ १ क निरिविखय ५ क. °म्भयाओ वि

१५०. ८. क हयय.

[१५१]

जेद्व-भाइण तुज्झ सव्वस्सु

पच्छन्नु लूडिवि लयउं तेण कित्ति वित्थरिय तसु इह ।  
 तुह वियरिय-धण-लवह पेक्ख फुरइ अवकित्ति इह किह ॥  
 धणवंतहं गउरवु हवइ धवलइ कित्ति दसास ।  
 रिक्ख वि वाहिणि जिव इयर विहलउं भमहिं हयास ॥

[१५२]

अह स-कम्मिण झीण-णिय-विहवु

हय दइय-भासिय-वसिण फुरिय-रोसु पसरंत-मच्छरु ।  
 अविवेइय-कज्ज-करु गरुय-दप्प-दुदंत-खंधरु ॥  
 रहि जेद्वह भायह पुरउ भणइ रोस-रत्तच्छु ।  
 मज्झ वि वियरिवि किंपि धणु परम-सुहिण तुहं अच्छु ॥

[१५३]

मरइ धन्नह तणिय सद्धाहं

स-वरे वि दीणाणणउ एक्कु एक्कु खायइ पिएइ य ।  
 ता संतह जुत्तु इहु भाइ कह वि किं कहसु भाइय ॥  
 इय भणिरेण य दाहिणिण करिण गहिय असिध्रेणु ।  
 जाव वसंतिण ता भणिउ सीहिण - भाय म रेण ॥

[१५४]

खिवहि मत्थइ जणणि-जणयाहं

वंसस्सु अप्पच्चए वि दुद्व महिल-वयणिण विडंविउ ।  
 मह दिट्ठिहि अवसरसु वेत्तु घरु वि विहविण करंविउ ॥  
 वउं पुणु जाइसु तहं कहं वि जाहहं पुणु न वलेसु ।  
 एहु घरु एहु धणु एहु सयणु अच्छइ तुहं जि भलेसु ॥

१५१ २ लूडिवि

१५२ ८ विवरिवि क किंपि missing

१५३. ४ तो एहु.

१५४ क पुणु; कहवि.

[१५५]

अह त्रिउज्झिवि स-घरु घर-सारु

सुर-सिहरि-समाण-मणु सीहु सीहु इव गरुय-विक्कमु ।

थी-चरिउव्विग्ग-मणु अणुसरेवि पुव्वय-नर-क्कमु ॥

सिरि-सुंदर-मुणिवर-पुरउ झत्ति गहितु चरित्तु ।

सुर मंदिरि सु चरिय-चरणु जायउ तियमु पवित्तु ॥

[१५६]

अह वसंतु वि थोव दियहेहिं

परिझीण-असेस-धणु दुट्ठ-मदिल-वेलविय-जीविउ ।

कह कहमवि इह मणुय- लोइ पंच-दियहाणि संठिउ ॥

अवगय-नुत्तंतिण जणिण बहुविहु हीलिज्जंतु ।

अ-लहंतउ अग्गि विथ वणि सयणहं दुक्खइं देतु ।

[१५७]

अन्न-वासरि पुरह नीहरिवि

गच्छंतउ तविय-मणु मिलिउ वाल-तवसियह एगह ।

अह निसुणिवि धम्म-कह तस्सु सम्मु अमुणिय-विवेगह ॥

तावस-दिक्ख पवज्जिउण कय-तक्कहियायारु ।

जाइवि जोइसिइ सु उचिउ भुंजइ सुह-पवभारु ॥

[१५८]

अह भमेविणु दुह-सहस्संमि

संसार-सायरि सुइरु तारिसेण निय-क्कम्म-जोगिण ।

अलि-हर-गल-नील-तणु- कंति दूर-विहरिउ विवेगिण ॥

बहु-विह-जिय-सय-संहरण- परिविप्फारिय-दण्णु ।

जाउ वसंतु इहेव वणि गुरु दिट्ठीविस-सण्णु ॥

११६ १ क वरुसारु.

१५६. ३ क वेलविउ

१५७ ६ पवज्जिहवि

१५८. ६ बहुविहि ९ क. धरु.

[१५९]

सीह-तियमु वि मुइरु अणुद्विवि  
 सोहम्म-समुब्भविय- गृह-सयाडं तह नियम-सत्तिण ।  
 आराहिवि सयल जिण निच्च विहरमाण वि य भत्तिण ॥  
 तत्तो चविवि ठिट-क्खण्ण गयउर-नयरि-निवग्गु ।  
 पायड-गरुय-परक्कमह सिरि-सुरिद-नामग्गु ॥

[१६०]

सरय-ससहर-सील-सिंगार-  
 मव्वग-सिंगारियह विमल-कित्ति-धवल्लिय-दियंतह ।  
 गय-गमणिहि ससि-मुट्ठिहि मयणकल्लिय-नामह कलत्तह ॥  
 निरुवम-सिधिणुवसूइयउ मु-ल्लिय-चरणु सु-पक्खु ।  
 जायउ नंदण रयणु कल-हंस-समाणु मु-दव्वु ॥

[१६१]

एत्तिअवसरि तस्सु नीसेम-  
 जण-जणिय-गरुयच्छरिउ सयल-मंति-सामंत मेलिवि ।  
 चारय-धर-नियल्लियह जणह दुव्वस-ल्लव्वसाडं वियल्लिवि ॥  
 स-जणय-जणणिहि वहु-मट्ठिम- पुव्वु वसुंधर-नामु ।  
 दिण्णु-तयणु अइरिण ह्ययउ कुमरु नु गुण-मणि-धामु ॥

[१६२]

अह वसुंधर-कुमरु संपन्न-  
 तारुणु नीसेस-मुट्ठि- मयण-जणिय-आणंद-मुट्ठरु ।  
 अणुगच्छिर-करि-तुरय- रत्त-पगाड चउवंग-वल्ल-भन ॥  
 गच्छंतउ उज्जाण-वणि मुणि जुगल्लिय पेस्सेवि ।  
 जाइ-म्मरणिण सग्ग निय- पुव्व-जम्म-ग्गस्से वि ॥



[१६३]

ता विसेसिण सीह-वुत्तु

निय-चित्ति लहु संठवि वि मयणिसिरिहि वडयरु वि सुमरिवि ।  
 थी-चरिउव्विग-मणु मोक्ख-सोक्खु मणि संपहारिवि ॥  
 गुणहर-सूरिहि केवल्लिहि पुरउ वसुंधरु सिग्घु ।  
 पडिवज्जइ भव-भय-हरणु चरण-रयणु निव्विग्घु ॥

[१६४]

तयणु अइरिण सुय-समुद्दस्सु

पारम्मि पत्तउ सु मुणि मुणिय-दुविह-मुणि-किरिय-गोयरु ।  
 आराहिय-परम-गुरु- आणु आण-वट्ठंत-नरवरु ॥  
 कम-संपाविय-ससि-विमल- चउ-नाण-स्सिरि-रिद्धि ।  
 आसन्न-द्विय-परम-सुह- चित्तामणि-सम-सिद्धि ॥

[१६५]

ता निहालिवि नियय-नाणेण

पुरओ य पुच्छिवि गुरुहु पुव्व-वित्तु वडयरु वसंतह ।  
 सु-विणिच्छिवि इह वि वणि हुयउ भुयगु इय तसु विचित्तह ॥  
 पडिवोढत्थु इहागयउ हउं सु स-परियण-जुत्तु ।  
 ता उव्वइट्ठु सिरीसिवह पुव्व-जम्म-वुत्तु ॥

[१६६]

तयणु तेण वि जाइ-सरणेण

पेक्खेविणु पुव्व भव गहिवि पंच दियद्दणि अणसणु ।  
 परिउज्झिवि पाव-तणु पत्तु विवुह-सल्लहिउ सुरत्तणु ॥  
 सुर-मंदिरि सोहम्मि लहु- तिण वसंत-जीवेण ।  
 भुयगिण पुव्व-भविय-खविय-महिल-जणिय-पावेण ॥

[ इति वसंतसिंहाख्यानकं समाप्तम् ॥ ]

[१६७]

इय समासिण मई समक्खाउ  
 नरनाह-अंगुभविय तुज्झ नियय-वेरग्ग-कारणु ।  
 जं निसुणिवि भविय-जण चरहिं चरणु भव-भय-निवारणु ॥  
 तयणु वसुंधर-गुरु-चरिउ सुणिवि फुरिय-रोमंचु ।  
 विक्कमधण-निव-अंगरुहु भणइ भणिइ-विहि-चंचु ॥

[१६८]

अहह मुणिवर चारु तुह चरिउ  
 वेरग्गि तेत्तिष्ठिए वि जेण चइय भव-भावि सुह-सय ।  
 जं इयरि वि सुणहिं एह नउ कुणंति एरिसय अइसय ॥  
 इय जीविउ तुह सुकय-फल तएं जि पवित्तिउ लोउ ।  
 ता मुणिवर तुह पय-पउम-सरणु जयस्सु वि होउ ॥

[१६९]

एत्थ-अंतरि सुणिय-वुत्तंतु  
 गुरु-हरिस-वियसिय-वयणु गहिय-सयल-निय-सार-परियणु ।  
 विक्कमधण-वरणि-पहु गुरुहु पुरउ संपत्तु तक्खणु ॥  
 अह पणमिवि गुरु पय-पउम उच्चियासणि उवविट्ठु ।  
 निसुणिवि देसण गुरु-तणिय अवसरि भणइ पहिट्ठु ॥

[१७०]

कहसु मुणिवर मज्झ पसिऊण  
 धणकुमरि गग्गभागयइ दिट्ठु सुमिणि धारिणिहिं देविहिं ।  
 सहयार-तरु कुसुम-फल-भार-नमिरु कय-सेवु देविहिं ॥  
 नवमिय-वारा-रोवियउ राय-सुएहि कय-सोहु ।  
 जं तसु को अत्थु त्ति अह मुणि-पुंगवु गय-मोहु ॥

[१७१]

मणिण पुच्छिवि पासि केवलहि  
 वुत्ततु नीसेसु लहु दंत-कंति-धवलिय-दियंतुरु ।  
 परिसाहड - निव-वसह सुणसु किंपि संपत्त-अवसरु ॥  
 नव-चारारोवण-सरिस नव-भव-परिवटंतु ।  
 बहु-बहुयर-किसलय-कुसुम- फलहं समिद्धि वहंतु ॥

[१७२]

भुवण-पणमिय-चलण-तामरसु  
 हरिवंस-कुल-सिरि-तिलउ विमल-नाण-सच्चविय-तिहुयणु ।  
 वावीससु होडसड नेमि-नाहु जिणु नमिर-सुर-यणु ॥  
 तणउ समुद्धविजय-निवह उवचिय-सिवु गय-लेवु ।  
 एहु तुह सुउ चुय-तरु-सरिसु राय-सुएहिं कय-सेवु ॥

[१७३]

इय सुणेविणु निवइ गुरु-हरिसु  
 सामंत-सचिशाइ-जुउ नमइ गुरुहु पय-पउम पुणु पुणु ।  
 अहिणंदइ धणकुमर- चरिउ धरिवि एगगु निय-मणु ॥  
 जाव य अग्गिमु लग्गु गुरु- वयणु सुणेउ पहिट्ठु ।  
 ता सचिविण होइवि सवणि जंपिउ जह — पहु उट्ठु ॥

[१७४]

जमिह मगहाहिवह नरवइहि  
 कैणावि कज्जिण भवणि दूउ पत्तु चिट्ठइ तुरंतउ ।  
 इय सामिय पसिय मह वयणु अज्जु किज्जउ निरुत्तउ ॥  
 सरिहि पय-पउमइ पुणु वि वंदिज्जह आगंतु ।  
 अह नरवइ मुणिवर-चलण पुणु पुणु पुणु पणमंतु ॥

[१७५]

पत्तु उट्टिवि नियय-भवणम्मि

अन्नत्थ सु मुणीसरु वि गयउ समण-परियण-समन्निउ ।  
 धणकुमरु स-धणवइ वि सु-गुरु-सिक्ख भमयं ति मन्निउ ॥  
 जायउ जिण-सासण-कहिय-धम्मि सुभइय-भावु ।  
 वट्ठेइ य सव्वत्थ निरु पयडिय-सरल-सहावु ॥

[१७६]

इओ य-

सरिय-सरवर-रम्म-उज्जाणि

पायाल-गहीर-उरु- फरिह-वलइ गुरु-साल-सुन्दरि ।  
 जिण-मंदिर-सिहर-गय- कणय-कलस-किरणोलि-तम-हरि ।  
 असरिस-पुर-सिरि-वित्थरिण तियसासुर-विसरस्सु ।  
 हियइ वसंति वसंतपुरि सुरपुर-सरिसि अवस्सु ॥

[१७७]

विविह-नरवर-सहहं विक्खाउ

पिय-धम्महं सिरि-तिलउ दाण-विजिय-मय-मत्त-कुजरु ।  
 विउलासउ विउल-सिरि विउल-कित्ति-धवलिय-दियंतरु ॥  
 पणय-सरणणउ सुहि-सुहउ पडिवन्नय-निव्वाहु ।  
 आसि पसिद्धउ नामिण वि समुदवाळु सत्थाहु ॥

[१७८]

अन्न-वासरि विहिय-उच्छाहु

निय परियण-परियरिउ सत्थवाहु स-निउत्त-पुरिसिहिं ।  
 घोसावइ सयल-पुरि पडिगिहम्मि जह - थोव-दिवसिहिं ॥  
 सिरि-कचणपुरि जाइसइ समुदवाळु सत्थाहु ।  
 बहु-संवल-करि-तुरय-रह- सुहउ-विहिय-संवाहु ॥

[१७९]

इय समेज्जह अत्थि जइ इच्छ

कज्जंतु असेसमवि करि-तुरंग-रह-रयण-पत्तिण ।  
गच्छंतहं तुम्ह पहि समुदवालु साहिसइ जत्तिण ॥  
इय निसुणिधि किवि कोउणिण किवि चवलत्तणएण ।  
किवि विहवज्जण-माणसिण किवि असुहित्तणएण ॥

[१८०]

केवि बहु-धुय-निय-कुडुवेण

उत्ताविय केवि वर- मंत-तंत-विज्जाहिकंखिय ।  
किवि पिसुणदिय-हियय केवि उयर-पूरणि वि दुक्खिय ॥  
तिण सहं झत्ति समुच्चलिय कय-गरुयर-उच्छाह ।  
दीण दुहिय निव-सच्चि-सुय वणिय सेट्ठि सत्थाह ॥

[१८१]

अह पहुत्तइ पवर-दियहम्मि

उवलद्धइ लगग-वल्लि विहिय-सयल-मंगल-विहाणिण ।  
लहु चल्लिय पउर-नर- तरुणि-नियर ता सत्थवाहिण ॥  
संभासिवि मुहि-सयण-जण मग्गण सम्माणेवि ।  
दिण्णु पियाणउं देव-गुरु पय-पउमइ पणमेवि ॥

[१८२]

तयणु तिण सहं समय-नीईए

संचल्लिय समण-सय सम्म-मुणिय-जिणनाह-सासण ।  
परिवज्जिय-पाव-मण भविय-समुह-सिद्धंत-भासण ॥  
दस-विह-मुणि-आयार-रय गुरु-गुण-रयण-निहाण ।  
निम्मल-माणस मुणि-वसह धम्मघोस-अभिहाण ॥

[१८३]

तयणु मंगल-तूर-आराव-

आऊरिय-गयण-यलु चलिउ अग-मगम्मि स-हरिसु ।  
 तक्काल-समुल्लसिय- कित्ति-भरिय-भुवणुयरु सु-पुरिसु ॥  
 गच्छंतो य अणुक्कमिण तिण लोइण संजुत्तु ।  
 एगयरस्सु महा-गिरिहि सविह-देसि संपत्तु ॥

[१८४]

तयणु गंडय-तुरय-सडूल-

हरि-पोय-सिंधुर-सरह- अहि-वराह-सारंग-खग्गिहि ।  
 भल्लुंकिय-वणमहिस- वरहि-विरुय-सिव-चमरि-वग्गिहि ॥  
 लहु-विकखोहिय-पहिय-जणि निच्च-जलंत-हुयासि ।  
 पविसइ अडविहि मज्झ-पहि एगह सरिहि सयासि ॥

[१८५]

ता खण्डिण तत्थ कत्तो वि

हर-गवल-सामल-पहिण गहिय-विविह-धणु-उवल-खंडिण ।  
 वज्जाविय-सिंघिएण पउर-मित्तल-वग्गिण पयंडिण ॥  
 आगंतूण समुल्लविउ अरि अरि मेल्लिवि सत्थ ।  
 अम्ह समप्पह धण- कणय-वाहण-पमुह पयत्थ ॥

[१८६]

अह परोप्परु लग्गु संगामु

अन्नोन्न-गुरु-मच्छरहं तत्थ तेसि दोणं पि पक्खहं ।  
 ता भिल्लिहिं तक्खणिण दलिउ दणु वणि-सुहड-लक्खहं ॥  
 तयणु गहिय सत्थाह-सिरि सयल सयवर-पत्त ।  
 नासिउ सत्थिल्लय-जण वि कह वि स ठाणि पहुत्त ॥

[१९४]

जिणि पयासिय अगुरु-गुरु-बुद्धि ।

कय तत्त-अतत्त-मइ पहिय मग-उम्मग सेमुहि ॥  
 संपीणिय-पीइ-तरु चाल-बुद्धि उवइदठ सिव-मुहि ॥  
 हसिउगाडय-नदठ-रइ राय-दोस परम्मु ।  
 पयडिय-देवय-मइ सचिबु मिच्छइंसणु तस्सु ॥

[१९५]

जे य अग्नि वि दुट्ठ वावार

अण्णाण-मयण-प्पमुह अंतरंग-रिउ-वग्ग वग्गहिं ।  
 भुवणोयर-पुर-पहिहिं मोह-निवह ति वि सेन्नि लग्गहिं ॥  
 विलसंति य तहं भुवण-यल- जण-भुय-वल्ल भंजंत ।  
 कुमइ कुदिदठि अविज्ज-रइ तरुणि भुवणि रंगंत ॥

[१९६]

तह समत्थिह मोह-रायस्स

दुदंत-निय-परियणह दलिय-सयल-रिउ-राय-दप्पह ।  
 तियसासुर-निव-निवह- नाण-हरण-परम-विस-सप्पह ॥  
 अमियअंत कुलवइ-सहस पूरिय-सयल-पएसु ।  
 अवरु असंववहारु इय विस्सुउ नयर-विसेसु ॥

[१९७]

तत्थ गोलय नाम धवलहर

बुक्कंत-संखेज्ज-गुण तम्मि एक्क-एक्केसु संहय ।  
 अंतगय सति वहु- लक्ख-संख सु-निगोय ओरय ॥  
 तहिं एक्केक्कि समक्किरिय जुय-कुलपुत्त अणंत ।  
 मोह-नरिंद-पयंड-वल- रक्खिय संति वसंत ॥

१९४ ७ क The letters corresponding to दोष blurred

१९६ ८ क. कुद्धिद्वि

१९७, ७ क वृत्त,

[१९८]

तहं अणंतहं मज्जि अहमासि

कुल्लुपुत्तु संसारियउ जीवु विहिय-मोह-वल-मंडणु ।  
 भवियव्वय नाम निय- पियह अकय-दढ-आण-खंडणु ॥  
 मिच्छद्दिट्ठि-अमच्च अण्णाण-मित्त-संजुत्तु ।  
 ठिउ पुग्गल-परियट्ठ-अणवगय-अंत-सु-दुहत्तु ॥

[१९९]

अन्न वासरि विहि-निओएण

भवियव्व-नाम-प्पियहं नियहं भणिउ - हउं सुहय अज्ज वि ।  
 इह कित्तिउ कालु तइं संठिएण सहियव्व लज्ज वि ॥  
 ता मइं सहिउ वि नीहरसु जह तइलोय-गयाइं ।  
 तुह दसेमि अणालसिण हउं सयलइं ठाणाइं ॥

[२००]

तयणु दइयह तणउ आएसु

मन्नंतु अणुग्गहु व स-पहु कम्म-परिणाम-पेल्लिउ ।  
 निय-भारिय-परियरिउ निरु तुरंतु तसु पुरह चल्लिउ ॥  
 अह लहु संववहार-पुरि धूर अणंत-दुमेसु ।  
 स-पिय-निओइण ठिउ सुइरु वहुविह-दुह-विसमेसु ॥

[२०१]

पुहइ-पाणिय-जलण-पवणाण

नयरेसु संखाइयउ कालु थक्कु पत्तेउ दुत्थिउ ।  
 ता वि-ति-चउरिंदियहं पाडएसु दुह-सय-कयत्थिउ ॥  
 तत्तो जल-थल-नहयरिसु पंचिंदिय-तिरिएसु ।  
 हउं संखेज्जउ कालु पिहु पिहु ठिउ दुह-विहुरेसु ॥

१९८ १ क नासि

२०० ७ क दूर (?)

२०१ ५ क कयत्थिओ



[१८७]

किंतु कहमवि विविह-तव-सुसिय-

सव्वंगु मल-मलिण-तणु मोह-महण-जिण-वयण-भाविउ ।  
 गुरु-तण्हा-लुह-विवास- करणु कम्म-हणणेक्क-गाविउ ॥  
 छायहं पडिउ महद्दुमह एगह नीमादारु ।  
 मुणि मुणिचंदभिहाणु फुडु गहिय-धम्म-निहि-सारु ॥

[१८८]

एत्थ-अंतरि दुसह-खर-किरण-

परितत्ति वसुहा-वलइ वरिस-माण-वित्थरिहिं दियहिं ।  
 वायंतिहि तविय-तणु- दीह-सास-पसरियहिं लूयहि ॥  
 विक्कमधण-निव-अंगरुहु धणु धणवइहिं समेउ ।  
 धणदत्तय-धणदेवेहिं वि संजुउ मज्जण-हेउ ॥

[१८९]

पत्तु केणइ विहि-निओएण

तीए वि गुरु-गिरि-सरिहि सन्निहाणि जा ता तह-द्विउ ।  
 अवलोयइ मुणि-वसहु किंचि लविरु सिद-मग्गि संठिउ ॥  
 अहह मरु-त्थलि कप्प-तरु अहह रणिण घण-बुद्धि ।  
 अहह रोर-घरि करि-कलहु अहह हूय मह तुद्धि ॥

१८८. ७ क समेव

१८९ ७ क The letters corresponding to घण are blurred, स.  
 धण ७ क बुद्धि

[१९०]

इय विचिंतिरु हरिस-पवभार-

पप्फुल्ल-लोयण-जुयलु उत्तरेवि करि-कलह-खंधह ।  
 पिय-वयव-सुहि-सहिउ थुणइ चलण धणु सु-मुणिचदह ॥  
 तयणु करिवि मुणि सज्ज-तणु सिसिरिहिं उवयारेहिं ।  
 अन्न-पाण जहुचिय-विहिण पडिलाहइ स-करेहिं ॥

[१९१]

अह महा-मुणि गहिय-आहारु

सिद्धंत-जंपिय विहिहि करिवि होउ एगंति भोयणु ।  
 सुह-आसउ विमल-गुण- रयण-रासि पणमंत-भवि-यणु ॥  
 समुचिय-आसणि उवविसिवि धम्म-रयणु कुमरस्सु ।  
 साहइ परियण-कलियह वि विणय-नमंत-सिरस्सु ॥

[१९२]

तयणु विक्कमधण-महीनाह-

कुल-गयण-सारय-रयणि- रमणु भणइ सिर-रइय-करयलु ।  
 मह साहसु पसिय तुहुं गरिम-थिरिम-जिय-सिहरि-महियलु ॥  
 पत्तउ किह इह मुणि-वसह एरिस विसम अवत्थ ।  
 अह मुणिचंदु समुल्लवइ मह कह एह महत्थ ॥

[१९३]

तहं वि निसुणसु मज्झ-वुत्तंतु

एगग्गु निय-मणु करिवि भण्णमाणु वित्थरिण रहिउ वि ।  
 विक्कमधण-अंगरुह भावि भट्ट स-परियण-सहिउ वि ॥  
 आसि सुरासुर-निव-निवह पणमिय-पय-अरविदु ।  
 सिरि-भुवणोयर-पुरि गरुय- विक्कमु मोह-नरिंदु ॥

[२०२]

तयणु नर-सुर-असुर-नरएसु

पुणरुत्तु उच्चावियउ तेहि तेहिं दुसहेहिं दुक्खिहिं ।  
तह कहमवि जह न इह कहिउ सक्कु कय-वयण-लक्खिहिं ॥  
अन्न-दिणम्मि उ भणिउ हउं निय-दइयहं साणंदु ।  
पहु तुह दंसहुं चरण-निवु एम्महं सुह-तरु-कंदु ॥

[२०३]

किंतु दीसइ एह संमत्त-

सचिविंदि अणुक्कल-करि दलिय-दप्पि मिच्छत्त-मंतिहि ।  
अह वंतर-रिउ-निविहिं सव्वओ वि परिगलिय-कंतिहि ॥  
आहारिय-पुव्वेहिं पुणु विमलागम-पमुहेहिं ।  
अंतर-मित्तिहिं चरण-निवु उवलम्भेइ सुहेहिं ॥

[२०४]

खंति-कवइण करिवि तणु-रक्ख

सु-विवेय-कुंजरि चडिवि सील-हारु हिययम्मि परिहिवि ।  
करि मइव-धणु धरिवि मुत्ति-अज्जवु वि विंध उब्भिवि ॥  
तव-संजम-अवितह-वयण- सोय-वाण संघेवि ।  
जीव-विरय-पासिण सवल्ल मोह-निवइ वंधेवि ॥

[२०५]

तुरिउ पविससु चरण-रायस्स

सेन्नम्मि नीसेस-सुह- फल-समिद्धि-वर-कप्प-पायवि ॥  
अह दइयह वयणु एहु नियय-चित्ति निरु संपहारिवि ।  
धम्मघोस-सुरिहि पुरउ सयल्ल तह त्ति करेवि ।  
चरण-निवह स-परियणह वि ठिउ मणि आण धरेवि ॥

[२०६]

अज्ज उण निय-गुरुहुं पय-पउम-  
 कय-सेवु समण-विकरिय- करण-निरउ विहरंतु सत्थिण ।  
 सह पत्तउ इह तयणु सत्थ-जणिण तवकरिहि वत्थिण ॥  
 इयरेहिं वि जीविउ-मणिहिं नासंतिहिं समणेहिं ।  
 पत्त मुच्छु तरु-तलि पडिउ हउं विवसिहिं करणेहिं ॥

[२०७]

इयरु पुणु जो हुयउ वुत्तु  
 संजाय-तारिस-दसह मज्झ तत्थ न समत्थि सुमरणु ।  
 तइं पुण हउं पडियरिवि विहिउ पत्त-पुणरुत्त-चेयणु ॥ -  
 इह तुह लेसिण निय-चरिउ सयलु वि कडिउ कुमार ।  
 अह वियसिय-मुहु धणकुमरु जपइ स-समय-सार ॥

[२०८]

पसिय साहसु पुणु वि मुणिचंद  
 निय-चरिउ गहिरक्खरहिं जमिह कहिउ तइं मज्झ लेसिण ।  
 तं जीवहं इयरहं वि अह बहुयउं एहु तुह विसेसिणं ॥  
 अह जंपइ मुणिचंद-मुणि पाएण एहु सव्वेसि ।  
 नायव्वउं जीवहं चरिउ भवियहं नउ अन्नेसि ॥

[२०९]

अह विसेसिण फुरिय-गुरु-हरिस-  
 रोमंच-राइण धणिण भणिउ - भयवमिह मोह-निवइहि ।  
 अइ-भीसण-परिजणहं जणिय-भुवण-जण-गरुय-अरइहि ॥  
 मिच्छद्दिट्ठि-अमच्चह वि तइं जि जणिउ विक्खोहु ।  
 अन्नु कु तइं जिम्भ तिहुयणि वि एय-विसइ दक्खो हु ॥

२०७ २ क दसह

२०८ १ क. पुण ४ क इयरह ७ क सव्वे वि

२०९ ४ क The letter corresponding to ज in परिजणह is blurred,

स्व परिदाणह ८ क तिहुयण

[२१०]

इय पसीउण मज्झ धणवइहि

धणदेव-धणदत्तयहं कइ वि पत्त माणुसिय-जम्महं ।  
 संसारिय-सुह-विमुह- मणहं हियय-निसिय-सिव-सम्महं ॥  
 दंससु अंतर-रिउ-महणु सम्मदिट्ठि-अमच्चु ।  
 जह विक्कमधण-नरवइहि सच्चु हवेमि अवच्चु ॥

[२११]

अह कुमारह देव-गुरु-जीव-

अज्जीव-पुण्ण-प्पमुह- तत्त-सुगइ-मग्गोवएसिण ।  
 उवदंसिउ असम-सुह- फल समिद्धि-कप्पतरु-लेसिण ॥  
 सम्मदिट्ठि-अमच्च-वरु चरण-निवइ वल-सारु ।  
 ता विक्कमधण-अंगरुहु अहलीकय संसारु ॥

[२१२]

नियय-बंधव-दइय-परियरिउ

सिव-संगम-लोल-मणु थुणिवि चलण मुणिचंद-साहुहु ।  
 तियसासुर-निव-निवह- नमिय-पयह जुग-दीह-वाहुहु ॥  
 पुरउ पवज्जइ सुगइ-फल- कप्पहुमु संमत्तु ।  
 विक्कमधण-निव-अंगरुहु भव-संसरण-विरत्तु ॥

[२१३]

अह महा-मुणि तस्सु लोगस्सु,

उवयारु बहु-विहु करिवि मिलिउ कमिण विहरत्तु गच्छह ।  
 विक्कमधण-नरवइ वि निय-सुयस्सु ससि-किरण-सच्छह ॥  
 वियरिवि रज्जु महा-महिण अणुसीलिवि वर-धम्मु ।  
 हुयउ अणुकम-वत्त-तणु कर-गय-गुर-गिह-सम्म ॥

[२१४]

धण-नरिंदु वि विजिय-पडिवक्खु  
 निय-कित्ति-धवलिय-भुवणु कुणइ जिणहं सकारु भत्तिण ।  
 कारावइ जिण-भवण जिणहं धिंव ठावइ स-सत्तिण ॥  
 रह-जत्ताउ पयासवइ पयडावइ दत्तीउ ।  
 वारावइ जीवहं मरणु सोहावइ गोत्तीउ ॥

[२१५]

कुणइ गुरु-यणि परम-सम्माणु  
 सम-धम्म पुण उद्धरइ हरइ दुरिउ पणमंत-जंतुहुं ।  
 आराहइ पय-पउम निच्च-कालु सिव-मग्ग-गंतुहुं ॥  
 न मुयइ कहमवि निय-मणह ससि-निम्मलउ विवेउ ।  
 अइ-दुल्लंभउ मुणिवि निरु जिणवर-धम्म दु-भेउ ॥

[२१६]

तह विवज्जइ जीव-संहारु  
 न अलीउ दढमुल्लवइ चयइ इयर-विहवु वि पयत्तिण ।  
 पर-रमणि न आलवइ न बहु-धणिण मुव्वइ धरित्तिण ॥  
 दिसि-वय-गहणि समुज्जमइ जयइ भोग-उवभोगि ।  
 न वि य अणत्थिण ववहरइ रहइ समिइ-उवभोगि ॥

[२१७]

दहु पयट्टइ भोग-उवभोग-  
 वय-विसइ पोसह-वइ वि चयइ विग्घु गुरु-संविभाणि वि ।  
 परिउज्झइ मण-पसरु मोहराय-सुहि दोसि राणि वि ॥  
 अहव किमन्निण वित्थरिण सव्वत्थ वि दढ-सत्तु ।  
 वट्टइ विक्कमधण-तणउ निरुवम-मुणि-सम-चित्तु ॥

[२१८]

काल-जोगिण उचिय पंच-विह

धणवइहिं सह विसय-मृद सुंजिरस्स सु-स्सिविण-मृइउ ।  
 संजायउ अंगरुहु धण-निवस्सु अह वहु-विभूइउ ॥  
 करिवि मद्दसवु वियरियउं नामु सुयस्सु जयंतु ।  
 कम-पाविय-तणु-वुइइ अह चिट्ठइ महिहिं ललंतु ॥

[२१९]

अन्न-वासरि धणु-महीनाहु

उज्जाण-वाल्लिण नरिण उत्तिमंग-कय-पाणि-पुडइण ।  
 विण्णत्तउ गुरु-हरिस- उल्लसंत-सव्वंग-पुलइण ॥  
 जह — जो देविण संयुणिउ आसि पुत्ति गुण-भूरि ।  
 सो एहु अज्जुज्जाण-वणि पत्तु वसुंधर-स्सरि ॥

[२२०]

ता नराहिवु करिवि सक्कारु

उज्जाण वालय-नरह विहिय-चारु-सिंगारु वेगिण ।  
 संचल्लिउ सह नियय- परियरेण गुरु-भत्ति-चंगिण ॥  
 आलोए य पणामु करि पंच-विहाहिगमेण ।  
 गुरु[य]-अवग्गहि पविसरइ समय-विहिण परमेण ॥

[२२१]

तयणु भत्तिण कय-पणामम्मि

सिंव-संगम-वद्ध-मणि विहिय-सयल-कायव्व-वित्थरि ।  
 उवविट्ठइ नर-रयणि फुरिय-हरिस-सव्वंग-सुंदरि ॥  
 तेण वसुंधर-मुणिवरिण सिंव-पुर-पह-संवद्ध ।  
 जलहर-गंभीरिण सरिण धम्म-क्कह पारद्ध ॥

२१८ ३ क सइय ८ कम्म

२१९ ३ पुडइण ६ क ख पुलइण

२२०. Verse lines 8 and 9 are missing in क.

[२२२]

जह अ-सारउ एहु संसार

भंडारु सयलहं दुहहं एत्थु जुत्तु न पमाउ विउसहं ।  
 अइ-दुल्लह माणुसिय- जम्म-लद्धि पुणु अकय-सुकयहं ॥  
 पर-भव-साहणु धुवु पवरु विसय विवागिण दुट्ठ ।  
 पिय-संजोगु वियोग-फल सयण स-कज्जिण मिट्ठ ॥

[२२३]

चलिरु परियणु अथिरु तारुणु

परिगमिर असेस सिरि जीवियव्वु करि कण-चंचलु ।  
 अणुरत्तु वि तरुणि-यणु जणिय-दुक्ख-पव्वभार-भिभलु ॥  
 भिच्चु न सामिहि अप्पणउ सामि न भिच्चह होइ ।  
 ता विहलु च्चिय इह जणिण अप्पु नडिज्जइ लोइ ॥

[२२४]

इय सुणेविणु गुरुहु वयणाइं

हर-हास-कुंदुज्जलइं धण-नरिंदु संवेय-भाविउ ।  
 गुरु-सासणु सिरि धरिवि सुउ जयंतु निय-रज्जि ठाविउ ॥  
 भव-विरइहिं सिव-लालसिहिं गुरु-यण-पय-भत्तेहिं ।  
 परियरिउ धणवइहिं तह धणएव-धणयत्तेहिं ॥

[२२५]

अरिह-विंवहं करिवि सक्कारु

मणि आण गुरुयण-तणिय धरिवि जिणह सासणु पहाविवि ।  
 अणुजाणाविवि सयलु सयणु स-मणु सिव-मग्गि ठाविवि ॥  
 गंतु वसुंधर-मुणिवरहं पुरउ गरुय-रिद्धीए ।  
 गेण्हइ दुहिय-सरणु चरण उक्कंठिउ सिद्धीए ॥

२२२. ६. भरभव.

२२४ ६. क लालिसिहिं



[२२६]

अह अणुककम-गहिय-वर-सिक्खु

निस्संग-चूडा-रयणु मुणिय-सयल-सत्थत्थ-गोयरु ।  
परिसीलिय-विविह-तवु ममिय-विविह-विस्संमरोयरु ॥  
अइरेण वि सो राय-रिसि मुणि-मडलि गुण-जिदु ।  
हुयउ करेविणु सयल-निय- गुरु-आणमु विसिदु ॥

[२२७]

अह पवइठिर-चरण-परिणामु

जिय-अंति अणसणु करिवि वत्थु अथिरु भवि संपहारिवि ।  
आलोएवि दुच्चरिय हियइ पंच-नवकारु सुमरिवि ॥  
निरुवम-चिर(?)-पंचविह- विसय-मुहिहिं रम्मम्मि ।  
अप्प-चउत्थु वि इंद-समु हुउ गुरु सोहम्मम्मि ॥

[२२८]

ता नमंसइ निच्च जिण-विंव

साणंडु निय-परियणिण विहिय-सेवु सयलम्मि महियलि ।  
सुस्ससइ मत्ति-भरु विहरमाण तित्थयर केवल्लि ॥  
लायणिण मुणि-मोहणिहिं रुविण विजिय-रईहि ।  
उवधुंजइ वर विसय-मुह स-हरिमु मुह-तियसीहिं ॥  
इति श्री-श्रीचन्द्रमूरि-क्रम-कमञ्ज-भसल-श्रीहरिमद्रसूरि-विरचित-श्रीनेमिस्वामि-राजो-  
मत्योर्धन-धनवती-वस्तव्यता-रूपलिदश-भव-द्वितीय प्रथमो  
भव. समाप्त. ॥इति॥

[२२९]

साहु-हियड व लोय-मज्झत्थि

सग्गे व्व सुर सिहरि-वरि बुह-यणि व्व वेयड्ड-मंडणि ।  
निवइम्मि व बहु-विजइ जंजु-दीवि अवजस-विहंडणि ॥  
गिरि-सरि-नयरायर-पवर- जिण-मुणि-निवह-पविच्चु ।  
वासु समत्थि पसिद्धु अभिहाणिण भरइ-क्खिच्चु ॥

२२७ ३. वित्थु. ५ ६ The portion between सुमरि and पंचविह is ille8 ible in क ख निरुवसथिर क चउत्थ

२२८. १. क मंसइ At the end of २२८ : ग्रंथाप्र ५६८

[२३०]

तत्थ निम्भर-अरण-अंकार-

आऊरिय-धर-विवरु गरुय-गंध-सिंधुर-भयंकरु ।  
 परिकीळिर-खर-नहर- हरि-किसोर-सोहंत-कंदरु ॥  
 सासय-जिणवर-मंदिरिहि निरुवम-रयणमएहिं ।  
 सोहिय-सिहर सहस्सु परिमंडिउ विडवि-सएहिं ॥

[२३१]

सरय-ससहर-विमल-कलहोय-

नीसेस-सिल-संचङ्ण हसिय-तरणि-रयणियर-मंडलु ।  
 दढ-विज्जा-सहस-वल- खेयर-निवह-निज्जिय-अखंडलु ॥  
 निम्मल-रयणावलि-किरण- हरिय-तिमिर-पव्वारु ।  
 भुवणच्चम्भुय-सिरि सयल- गिरि विस्संभर-सारु ॥

[२३२]

हरिस-निम्भर-हियय-कीलंत-

तियसागुर-खयर-नर- नाह-मिहुण-निवहिण विहसिउ ।  
 बहु-चारण-समण-पय- पउम-सुहय-सिहरिहिं पसंसिउ ॥  
 नाणाविह-नहयर-नयर- मंदिर-विहव-समिद्धु ।  
 अत्थि समत्थ-गिरिंदु गिरि-वेयइहो त्ति पसिद्धु ॥

[२३३]

तत्थ सुरगिरि-तुंग-पायार-

हुगम्मू पायाल-तल- गहिर-परिह-रिउ-कुल-भयंकरु ।  
 हिम सिहरि-विसाल-गिह- पंति-पत्त-सिय-कित्ति-वित्थरु ॥  
 जय-लच्छिहि संकेय-घरु मण-निवुडहि निवासु ।  
 निरुवम-रयणं रयण-निहि सुर-नयरहि संकासु ॥

[२३४]

वउल-चंपय-दक्ख-खज्जूर-

सहयार-चंदण-वणिहि हरिय-तरणि-किरणोह-मणहरु ।  
 मुसुमूरिय-खयर-वर- तरुणि-वयण-हरिणंक-तम-भरु ॥  
 विज्जा-मंत-महोसहिहि अच्छरियहं य निहाणु ।  
 आसि पसिद्धु पुर-प्पवरु सूरतेय-अभिहाणु ॥

[२३५]

समरि भवणि वि धरिय-वर-वाउ

निच्चं व सहलिय-विविह- मग्गणेहिं कय-कित्ति-वित्थरु ।  
 निय-हियङ्गण रज्जिण वि विप्फुरंत-गय-कलह-सुंदरु ॥  
 दोहिं वि भेइहिं सुह-जणय- विलसिर-करणायारु ।  
 निरुवम-जोव्वण-रुव-सिरि दूर-विमुक्क-वियारु ॥

[२३६]

तुहिण-सिहरि व फुरिय-परमहिमु

जलहि व्व पसरिय-उदउ नहयलु व्व पिउ रायहंसहं ।  
 कप्पहुमु पणमिरहं कामधेणु नीसेस-विउसहं ॥  
 निहणिय-दोसायरु जणिय- कमलायर-पडिवोहु ।  
 खयर-प्पहु तहिं आसि सिरि- सूरतेउ सूर-सोहु ॥

२३६ ३ क ख महयलु, ख. पियउ ७ क कमलायरु.

[२३७]

तस्स पाउस-सिरि व थिर-थोर-

उत्तुंग-सिहरव्वहिय- भुवण-हियय-सुंदर-पओहर ।  
 गिरि-धरणि व्व पत्त-सिरि जाइ-वंस वन्नय-मणोहर ॥  
 सारय-रिउ व समुल्लसिय- ससहर-निम्मल-मेह ।  
 निय-भालियलिण परिविजय- नव-रयणीयर-लेह ॥

[२३८]

रायहंसि व परम-पय-गमण

सिय-पक्ख महुर-ज्झुणिय कमल-कोस-विलसिर-विहारिय ।  
 लायण्णिण जोव्वणिण कित्ति-गुणिण तरुणि-यण-सारिय ॥  
 पणइ-मणोरह-वित्थरिय- रायहंस-सयवत्तु ।  
 आसि तस्सु खयरहिबह विज्जुमइ त्ति कलत्तु ॥

[२३९]

तेसि निरुवम-विसय-सुक्खाइं

साणंदु उव्वंजिरहं पुव्व जम्म-कय-सुकय-जोगिण ।  
 उव्वगच्छइ कित्तिउ वि कालु सुहिण कलियहं विवेगिण ॥  
 अह सोहम्म-सुरालयह नियय-ट्ठिइ-पज्जंति ।  
 परिसेविय-वर-विसय-सुहु धण-सुरु भासुर-कंति ॥

[२४०]

चविय निरुवम-सिक्खिण-उवइद्वु

विज्जुमइ-देविहि उयर- कमल-कोसि अवइण्णु तक्खणि ।  
 खयरिंदह पणय अरि तप्पिय वि हुय उदिय-सुह-खणि ॥  
 जायउ हरिसु समग्गहं वि विज्जाहरहं मणम्मि ।  
 फुरिउ निवइ-देविहिं तणउ कित्ति-प्पसरु जणम्मि ॥

[२४१]

तयणु पसरिय-सुद्ध-परिणाम

संसार-सायर-तरण- पव्वहणाण जिण-नाह-पडिमहं ।  
 कुव्वंती पूय पय वंदमाण मुणिवरह परमहं ॥  
 पणय-मणोरह-पसरु खणु एक्कु वि न वि चालेइ ।  
 विज्जुवइट्ठिण विहिण निय-गब्भु देवि पालेइ ॥

[२४२]

समइकंतिहिं साइरेगेहिं

मासेहिं नवहिं ककमिण पुव्व-दिसि व पसरंत-तम-हरु ।  
उप्पायइ तरणि-समु तणय-रयणु गुरु-तेय-मणहरु ॥  
अह लहु सुळलिय-नामियहिं दासिहिं खयर-नरिंदु ।  
विण्णत्तउ जह - पहु नियय तणु-पह-जिय-रयणिंदु ॥

[२४३]

सयल महियल-एग-सामित्त

संसिद्धि-सुयग-असम- विहवु लक्ख-लक्खण-अलकिउ ।  
इग-वयणिण सक्किण वि सयल-गुणिहिं वण्णणि असक्किउ ॥  
पुव्व-भवज्जिय-सरय-रयणिंदु-विमल-सुह-रासि ।  
लहु आगंतु वि नियमु निय-नंदणु देविहि पासि ॥

[२४४]

अह पओसिउ दाउ दासीए

आसन्न-वेणिउ पउरु दाणु दासि-भावु वि पणासिवि ।  
स निउत्तय-नरहं सुय- जम्म-महिम-कज्जु वि पयासिवि ॥  
हरिस-वियासिय-मुह-कमलु खयर-नरिंदु तुरंतु ।  
पत्तु तणुव्व-जम्म-हरि परियणु वहि मेल्लंतु ॥

[२४५]

अह निरिक्खिवि नियय-तणु-कंति-

पव्व-भार-निज्जिय-तरणि तणय-रयणु खयरिंदु जंषइ ।  
मिग-लोयणि रमणियण- मज्झि तमिह सलहिज्ज संपइ ॥  
पढम दिणम्मि वि सयल-दिसि- मंडलु उज्जोयंतु ।  
जायउ नंदणु जीए एहु तेय-भरिण दिप्पंतु ॥

[२४६]

इय विचित्तिहि तणय-गय-कहहि  
 पढमेल्लु वासरु खणु व सह पियाए नरवइ गमावइ ।  
 नीसेसहं निय-महिहि गुत्ति-खित्तु लोमु वि मुयावइ ॥  
 वित्थारावऽ कित्ति-भरु तह मगगणहं पयाणु ।  
 कारावइ नयरी-महिम तह गुरुयण-सम्माणु ॥

[२४७]

अह-अणुक्कमु किज्जमाणम्मि  
 कायव्व-वित्थरि सयलि छट्ठ-रत्ति-जागरण-पमुहइ ।  
 उव्वउत्त-निउत्त-नर- सुंदरीहि मुहि-सयण-मुहयइ ॥  
 पत्तइ एकारसमि दिणि जय-जण-जणियाणंदु ।  
 चित्तगइ त्ति सुयस्सु वियरेइ नामु खयरिंदु ॥

[२४८]

अह करावइ गरुय-वित्थरिण  
 इयरा वि समग्ग विहि समय-उचिय जय-जंतु-मणहर ।  
 आणवइ य पंचविह अंव-वाइ वसुदेक्क-सुंदर ॥  
 निय-निय-ठाणि विसज्जइ य जणु कय-वहु-सक्कारु ।  
 परम-सुहामय-सित्तु सु वि चिट्ठइ खयर-कुमारु ॥

[२४९]

सिहरि-कंदरि कप्प-विडवि व्व  
 सिय-पक्खि रयणायरु व गय-विग्ग-संघाउ अइरिण ।  
 तणु-वुइहिहि पत्तु सह चंद-कुंद-सिय-कित्ति-पसरिण ॥  
 पत्तावसरु महा-महिण कुमरु कलायरियस्सु ।  
 वियरिउ निय-मइ-विजिय-तियसासुर-गुरु-बुद्धिस्सु ॥

[२५०]

सुलह-पुत्थय-पमुह-सामगि

अणुक्रल-गुरुयण-हियउ पुव्व-जम्म-कय-सुकय-संचउ ।

ससि-निम्मल-मइ-विहवु विहिय-पाव-पव्वमार-अवचउ ॥

गुरुयण-विणय-प्पमुह-गुण-रयण-रासि संजुत्तु ।

अइरिण सयल-कलोयहिहि सो पर-पारि पहुत्तु ॥

[२५१]

तयणु गहिरिम-हसिय-सरि-नाहु

तुंगत्तण-तुलिय-गिरि थिर-सरुव-अहरिय-धरायल्लु ।

तेयडिठम-विजिय-रवि सिसिर-भाव-उव्वहय-हिमायल्लु ॥

असरिस-फुरिय-परक्कमिण निज्जिय-सीह-किसोरु ।

सयल महीयल-सुयण-मण- रयणावहरण-चोरु ॥

[२५२]

पुहइ-सामिय हियय-मज्झत्थु

निव लोय-संतोस-यरु तरुणि-माण-दढ-यंभ-भंजणु ।

उवसम-गुण-रयण-निहि पणय-सरणु रिउ-गव्व-गंजणु ॥

संतहं पढमु गुणिहिं तिलउ दिक्खायरिउ बुहाहं ।

हुयउ सु जोव्वण-भरि कुमरु मंदिरु परम-सुहाह ॥

[२५३]

अह ठिइ-क्खइ ते वि तसु भाय

धणदेव-धणदत्त-सुर भुत्त-पंचविह-विसय-सुह-सय ।

सोहम्म-सुरालयह चविवि जाय विलसंत-अइसय ॥

सुरतेय-निवडहि तणय विज्जुमइहि संभूय ।

उहरय तस्सु वि चित्तगइ- कुमरह वंधव हूय ॥

[२५४]

कमिण ताण वि असम-रूवाण

सुहि-सयणाणंदयहिं सूरतेय-विज्जुमइ-देविहिं ।

सु-पसत्थइ लग्ग-दिणि विविह-खयर-परिविहिय-सेविहिं ॥

मणगइ-चवल्लगइ त्ति जय- पयड-दिण्ण-अभिहाण ।

अह कम-पाविय-बुड्ढि दु वि भवणइं ह्य सुहाण ॥

इओ य -

[२५५]

तस्सु वेयढ-(?)-सिहरि-रयणस्सु

दाहिणय-सेढिहि पवरि निय-समिद्धि-उवहसिय-सुर-पुरि ।

सियमंदिर-नाम-पुरि पउर-खयर-नर-तरुणि-सुंदरि ॥

रूव-परक्कम-निज्जिणिय- पंचवाण-हरिणिंदु ।

आसि अणंगस्सीहु इय नाम पयडु खयरिंदु ॥

[२५६]

तस्सु लोयण-जुयल-उम्मेस-

मेत्तेण सइय-तियस- असुर-तरुणि-विसरिस-सरूवय ।

पिय आसि समुल्लसिय- रूव-विहव-लायण-संचय ॥

सारय-ससहर-पह-विमल सील-रयण भंडार ।

ससिपह-नामिण पत्त-जस जय-तरुणीयण-सार ॥

[२५७]

तेसि असरिस-विसय-सुक्खाइं

साणंदु उवभुंजिरहं जाइ कालु कित्तिउ वि अन्नय ।

धणवइ-सुरु ठिइ-खएण चविय ह्य वर-रूव कन्नय ॥

तयणु घरागय-सय-सहस- खयर-स्सरि-संक्रिणु ।

नामु महा-मह-पुव्वु तहि रयणवइ त्ति विइणु ॥



[ २५८ ]

अह अणुक्कम-पत्त-तारुण

समहीय-आस सकल सयल-तरुण-मण-हरिण-बंधण ।  
 निय-रूविण विजिय-रइ- रंभ-महिम मयणाणुसंधण ॥  
 अ-कुणंती परिणयण-कह अइगामइ दियदाणि ।  
 देंती दिट्ठि-पहागयहं तरुणहं मयण-दुहाणि ॥

[ २५९ ]

अह निरिक्खि वि वाल तह-रूव

खयरिंदु पणइणि-जुउ वि वाहरेवि तिहुयण-वियक्खणु ।  
 नेमिच्छिउ तसु पुरउ मणइ - भइ किं कु-वि सु-लक्खणु ॥  
 होसइ सुर-नहयर-तरुण- विदेसिणि-पगईए ।  
 विज्जाहरु महि गोयुरु व पिययसु रयणवईए ॥

[ २६० ]

जमिह जोव्वण-भरिण उवलद्ध-

सव्वंग-निरुवम-सिरि वि तरुण-रयण-पत्थिज्जमाण वि ।  
 सविह-ट्ठिय-सहियणिण बहु-वियप्पु तोरिज्जमाण वि ॥  
 सासिज्जंति वि बुद्धियहिं अंव-धाइ-पमुहाहिं ।  
 रज्जइ कह वि न कुमरि एह मणिण वि विसय-कहाहिं ॥

[ २६१ ]

अहव दीणिम कुणहिं जायंत

वइठंत चितहं खिवहिं तवहिं निच्छु पर-भवणि जंतिय ।  
 पिय-चत्तिय देंति दुहु विहुर एंति अण-हुंत पुत्तिय ॥  
 दोहग्गिणिउ वि विहविय वि असुह-यरिउ जणयाहं ।  
 जम्म-दिणे च्चिय नयण-जलु तें दिज्जइ धूयाहं ॥

२५८. २ समहीअसिसकल ९ नयणदुहाणि

२५९ ४ तस्सु तुरउ ७ क विदेसिण.

२६० ९. मणिण दिविरायकहाहि

[२६२]

इय अहं पि हु विविह-गुण-रयण-  
 विलसंत-मंजूसिए वि असम-कित्ति-धवलिय-महीए वि ।  
 भणियाए वि सयल-कुल- महयरीहिं सह तस्सहीए वि ॥  
 अ-पवज्जंति परिणयणु दुहियए रयणवईए ।  
 चिट्ठं चिंताउरु सहिउ दइयए (वि) विगय-रईए ॥

[२६३]

अह पयंपिउ ईसि विहसेवि  
 साणंदु नेमित्तिएण नाह होगु मा तुहुं-सचिंतउ ।  
 जं होसइ सयमवि हु थोव-दियह-मज्झि वि पवित्तउ ॥  
 सुहय-सिरोमणि भड-तिलउ विबुह-वग्ग-तियसिंदु ।  
 कुमरिहि रयणवईहि दइउ हियय-हारि खयरिंदु ॥

[२६४]

सिरि-सुमित्तह निवह भइणीए  
 कालिंग-निवइहि पियह हरिणि-जणिय दुहु तुज्झ नंदणु ।  
 निय-विज्जावल-मुडउ कमलु सयल-रिउ-माण-खंडणु ॥  
 विजिउण गेण्हिवि तवभइणि अप्पिवि तस्सु निवस्सु ।  
 जो करिहइ भुय-वल-दलिय- रिउ-कुलु हरिसु अवस्सु ॥

[२६५]

जस्सु पत्तह सिद्ध-आययणि  
 रोमंचिय तणु-लयह गहिर-रविण थोत्तइं भणंतह ।  
 आणंदिण पुणु वि पुणु तित्थ-सामि-पडिमउ नमंतह ॥  
 साहुक्कार-पुरस्सरइं वर-परिमल-परमाइं ।  
 उवरि पडिस्सहिं नह-यलहु पणपन्नइं कुसुमाइं ॥

२६२. ५. सहयरीहिं ८. चितागरु

२६३ ५ क ख. दियहं

२६४ ५. सयल.

[२६६]

जो य बहुविह-समर-संरंभ-

संपत्त-कित्ति-प्पसरु हरिय-सयल-रिउ-कुल-मडप्फरु ।

अलि-मरगय-गवल-हर- गल-तमाल-दल-कंति-वित्थरु ॥

तियस-विसेस-विइण्णु बहु-पुरिस-परंपर-पत्तु ।

तुह गेण्हिस्सइ असि-रयणु तुममवि जिणिवि निरुत्तु ॥

[२६७]

सो सुरायल-तुंग-माहण्णु

विज्जाहर-कुल तिलउ निय-पयाव-निज्जिय-दिवायरु ।

नायव्वउ रयणवइ कुमरि-दइउ पणमंत-सुह-यरु ॥

इय निसुणिवि नेमित्तियह वयणु झत्ति खयरिंदु ।

चित्ति हरिस-विसाय-भर- विम्हिय-सुह-अरविंदु ॥

[२६८]

अहह को मह दलिय-नीसेस

रिउ-नियर-मडप्फरह हहिण माण-खंडणु करिस्सइ ।

सुर-वियरिउ असि-रयणु दह-पयावु एहु जो गहिस्सइ ॥

अहव न विम्हउ धरणि-यलि गुरु गरुयर-भरियम्मि ।

गरुयाहं वि मण-वल्लहइ माण-रयणि हरियम्मि ॥

[२६९]

अहव एस वि मज्झ गुरु रिद्धि

नर-रयणु जइ तारिसउं हवइ कह वि कुमरिहि पियत्तिण ।

ता किज्जउ तस्सु अवलोयणत्थु आरंभु जत्तिण ॥

इय परिभावि वि कारणिय माणव सदावेइ ।

अइ तहं सयलु वि खयर-वइ स-वियप्पिउ साहेइ ॥

एत्तो य -

[२७०]

जंबु-दीविहिं भरह-वासम्मि

नयरम्मि उ चवकउरे जणिय-सुयण-आणंदु नरवड ।

सुग्गीवय-नामु तमु आसि दइय नामेण जसमइ ॥

इयर वि भद्वभिहाण गुणवंत गहिय-सिक्खा य ।

तेसि तणुवभव दोणिण अणुकमिण भुवणि विक्खाय ॥

[२७१]

तत्थ पढमह पढमु वर-रुवु

अक्खोहणु मइविउ नियडि-रहिउ निम्ममु वियक्खणु ।

आराहिय-सुहि-सयणु पणय-सरणु सु-पसत्थ-लक्खणु ॥

जिणवर-देवय-गुरुयणहं भत्ति-विहाण-पवित्तु ।

भुवण-पयासिय-जस-पसरु अभिहाणिण वि सुमित्तु ॥

[२७२]

सुउ कणिट्ठउ भद-देवीए

पुणु तारिसु गुण-रहिउ विसम-सील-सवभावु दुम्मुहु ।

अ-कयणुउ अथिर-मइ अबुह-संगु अणहिगय-सिक्ख-सुहु ॥

अगहिय-स-जणणि-जणय मणु अविहिय-सुकय-निहाणु ।

रहिउ तहाविह-विमल-जस- गुणिहिं पउम-अभिहाणु ॥

[२७३]

अवर-वासरि विहि-निओएण

रमणीण चवलत्तणिण भव-दवस्सु दुह-हैंउयत्तिण ।

अथिरत्तिण जोव्वणह विसय-सुहहं परिणइ-दुहत्तिण ॥

सुणिवि सुमित्तह कित्ति-भरु दइहु समिद्धि-पयाउ ।

भइ अमदायरण-रुइ विसु वियरेइ सु जाउ ॥

[२७४]

ता खण्डिण नील-नह-दंतु

भञ्जंत-असेस-तणु      पसरमाण-लालाउलाणणु ।  
 आगच्छिर-पउर-विस-      वेगु दाह-जर-खुहिय-गुरयणु ॥  
 मुच्छ-समागम-विहुर-तणु      लहु वि णिमीलिय-अच्छु ।  
 पडिउ सुमित्त-कुमारु परिसुद्ध-धरायलि हच्छु ॥

[२७५]

अह नराहिवु किं किमेयं ति

परिजंपिरु सुय-पुरउ      गुरु-दुहत्तु धावंतु पत्तउ ।  
 धाहाविरु परियणु वि      खलिर-पडिरु दुह-जलण-तत्तउ ॥  
 तत्थागंतु नराहिवइ-      उवइट्टइ सव्वाइ ।  
 कुणइ तुरंतउ तस्समय-      निय-निय-कायव्वाइ ॥

[२७६]

तयणु तक्खणि मिलिय बहु वेज्ज

संपत्त तंतिय-तिलय      विज्ज-मंत-सिद्ध वि पहु तय ।  
 अह निय-निय-समय-विहि-      किरिय सयल कुमरह पउत्तय ॥  
 किंतु कुमार सिरामणिहि      तस्सु न को वि विसेसु ।  
 जायउ ता नरवइ-पमुहु      विलवइ लोउ असेसु ॥

[२७७]

अहह निय-कुल-गयण-हरिणंक-

ससि-निम्मल-गुण-भवण      चारु-चरिय सु-वियइह सुन्दर ।  
 पिय-भासण गय-गमण      हरिण-नयण तरुणियण-मणहर ॥  
 पढम-वयम्मि वि नर-रयण-      ववगय-जोव्वण-दोस ।  
 गुरयण-वच्छल सुहि-सयण-      द्वियय-जणिय-संतोस ॥

[२७८]

किं न संपइ पसिय संभासु  
 वियरेसि निय-परियणह कइसि स-दुहु न य जणणि-जणयहं ।  
 न य दिट्ठि-पसाउ किह कुणसि पियहं पहु विणय-पणयहं ॥  
 अ-विणउ को वि न कुणइ तुह सुहय सुमित्त-कुमार ।  
 ता उट्ठिवि लहु सुहि-सयण संभूससु जय-सार ॥

[२७९]

एत्थ-अंतरि सूरतेयस्सु  
 खयरिंदह अंगरुहु दुहिय-सरणु बहु-वल-समन्निउ ।  
 वच्चंतउ नह-यलिण पत्तु तत्थ वंदियण-वन्निउ ॥  
 सुगहिय-नामु मदा-महिमु चित्तगई-अभिहाणु ।  
 नियइ समग्गु वि तं नयरु विलसिर-सोय-निहाणु ॥

[२८०]

न वि य निसुणइ मंगलुग्गारु  
 न य कत्थवि गेय-अणि न वि य ललिउ बोल्लंत मिहुणइं ।  
 न य मंगल तूर-रबु न वि य पठिर-वंदियण-वयणइं ॥  
 नवरि पहाविर-पडिखलिर- देवि-निवइ-मंतीहिं ।  
 वियइ सुमित्तु तहा-विहु वि उल्लाविरु जुत्तीहिं ॥

[२८१]

तयणु गयणह अवयरेऊण  
 सहस च्चिय चित्तगइ भणइ पुरउ वसुहाहिरायह ।  
 मा नरवर सोउ करि करिसु सज्ज तणु तुज्ज जायह ॥  
 अह नरवइ वियसिय-वयणु भणइ — पसिउ नर-रयण ।  
 जीवावसु एहु कुमरु जह अम्हि वि जियहुं स-सयण ॥

[२८२]

अह सयं-कय-मंत-कवएण

तक्कालालिहिय-गुरु- मंडळम्मि निव-कुमरु ठाविवि ।  
 अविचिंतिय-वल-कलिउ को वि मंतु निय-मणि निवेसिवि ॥  
 तह कहमवि सो चित्तगइ उवयरेइ जह व्रत्ति ।  
 हय-निद व उट्टइ कुमरु गय-विस-वेगु तड त्ति ॥

[२८३]

अह वियंभिय-हरिसु वसुहिंदु

उल्लसिय-ऊसव सचिव फुरिय-हरिस-रोमंच परियण ।  
 सु-पहिट्ट अंतेउरि य जाय-गरुय-आणद सज्जण ॥  
 किं किं न कुणहिं मंगलिउ पयडिय-जस-पसराहं ।  
 परिओसिय-सुहि-सज्जणहं दोण्ह वि तहं कुमराहं ॥

[२८४]

एत्थ-अंतरि नियय-दुच्चरिय-

वज्जाहय भिन्न-सुह- छाय निवइ-लहु-पिय अ-भइय ।  
 अक्कोसिय-सगल-महि- जणिण सुणिय-वइयरिण भइय ॥  
 अह लायणिण सिरिण निय- तणु-कंतिण वि मलाण ।  
 वसुहाहिंविण अलक्खिय वि लहु नासिउण पलाण ॥

[२८५]

अह सुमित्तिण सुणिय-नीसेस-

वुत्तंतिण वज्जरिउ पुरउ चित्तगइ-खयर-कुमरह ।  
 जह सु-पुरिस दुहिय हिय- करण दुल्ललिय-हियय-पसरह ॥  
 किं वण्णउं तुह मंद-मइ मणुय-मेत्तु इग-जीहु ।  
 को सक्कइ परिकलिउ वणि असम-परक्कमु सीहु ॥

[२८६]

जइ न हुंतउ एत्थु तुहुं पत्तु

निक्कारण-कारुणिउ गयण-पहिण असरण-सरणउ ।  
 ता एत्तिउ कालु हउं होंतु अकय-सुकउ विवण्णउ ॥  
 परमज्ज-वि मह नर-भविण होयव्वउं सुहएण ।  
 जं मेलावउ हुयउ तुह सरिसिण नर-रयणेण ॥

[२८७]

तह महायस तुह समासेण

आयारिण कहिउ कुलु ख्व-रिद्धि सयमवि निरिक्खिय ।  
 उदयंतह दिणयरह पयडणेण न जयहिं सु सिक्खिय ॥  
 तह वि पसाउ करेवि मह साहसु स-कुलुप्पत्ति ।  
 जं सुम्मत्त वि गरुय कह निहणइ असुह-पवित्ति ॥

[२८८]

तयणु स-मुहिण कहिउमसमत्थु

निय-वइयरु चित्तगइ खयर-राय-कुल-गयण-ससहरु ।  
 उचिय-द्विइ-आयरण- निरय-चित्तु उवरोह-सुंदरु ॥  
 दाहिण-नयण-वियास-कय- संकेइण अणुयम्मि ।  
 अणुमन्नइ इगु खयर-सुउ पत्थुय-कह-कहणम्मि ॥

[२८९]

ता खणद्धिण कहइ इयरो वि

नीसेसु वि चित्तगइ- खयर-बुमर-बुत्तंतु लेसिण ।  
 अह नरवइ-पसुहु जणु सयलु गहिउ गरुएण हरिसिण ॥  
 भणइय-सयमवि सप्पुरिस अहह परत्थि जयंति ।  
 अहव महहुम पहि-यणह किं पत्थिया फलंति ॥



[२९०]

एत्थ-अंतरि गहिर-सदेण

निव-काल-निवेयणिण भणिउ - देव दिण-इंदु संपइ ।  
 दीवंतरि गमिरु लहु जणहं पुरउ नं एहु पयंपइ ॥  
 एत्थ न दिट्ठउ चित्तगइ-समु महि-भर-धुर-धवल ।  
 तो जोइवि दीवंतरि वि करिसु कइ वि एहु जुयलु ॥

[२९१]

अहह सुंदरु पढिउ तइं भइ

इय जंपिवि नरवरिण दिण्णु दाणु बहु वंदि-पुरिसइ ।  
 तव्वयणिण स-परियणु चित्तगइ वि सु सुमित्तएण सह ॥  
 पमुइय-नरवड-पमुह जण कय बहुविह-पडिवत्ति ।  
 सुर-घर-सरिसि विभिन्नि धवलहरि पहुत्तु झड त्ति ॥

[२९२]

अह परोप्परु दो वि ते कुमर

परिविलसिर-नेह-भर ठंति तत्थ कित्थिय वि वासर ।  
 ता पत्तउ कमिण महु- समउ जत्थ उवलद्ध-अवसर ॥  
 माणिज्जहि पिय-संग-सुह पूनयहिं दईउ ।  
 पसरहिं मलयानिल वहल पीडिज्जहिं विरहीउ ॥

जो य

[२९३]

जच्च-मिगमय-चारु-सिरिखंड-

वर-कुंकुम-सुरहि-बहु- कुसुम-दविण किज्जंत-छंटणु ।  
 वण-विलसिर-कुसुम-महु- लद्ध-भमर-परिविहिय-रुंटणु ॥  
 मालइ-कुसुमामोय-भर- निहणिय-माणिणि-माणु ।  
 ठाणि ठाणि भारहिय-कुल- पयडिय-निय-विण्णाणु ॥

२९२ ७ क दईओ, ख पूइयहिं पूइउ, ८ क पसरइ ९. क. विरहीओ.

[२९४]

कणिर-किंकिणि-जाल-रव-मुहल-

स-धराधर-गिरि-विवर- नच्चमाण-पण-तरुणि-मणहरु ।  
 निरु कोमल-कंठ-जुव- मिहुण-गेय-झुणि-भुवण-सुहयरु ॥  
 करयल-वियरिय-ताल-रव- मीसिय-चच्चरि-सहु ।  
 वज्जिर-पडहा-रव-मिलिय- लोय-हूय-संमहु ॥

[२९५]

पउर-अलि-उल-महुर-झंकार-

सवणूसुय-निय-नयर- समुह-तुरिय-धावंत-पहियणु ।  
 रयणायर-गहिर-सरि तरुण-मिहुण-किज्जंत-मज्जणु ॥  
 परहुय-कुल-परिओस-कर- मंजरि-पसरिय-कंति ।  
 विरहिय-मण-उत्ताव-यर सहयार-हुम-पंति ॥

[२९६]

जहिं सियाइं वि कुंद-कुसुमाइं

संजायइं धूसरइं पिय-विओइ कामिणि-मुहाइं व ।  
 वियलंति य माणिणिहिं माण-सविह दइयहं दुहाइं व ॥  
 लोद्ध-पियंगुहिं कुसुम-सिरि चत्त चवल असइं व्व ।  
 सा वि हु अंकोल्लय-विहिय सिरि नव-गहिय पइं व्व ॥

[२९७]

नलिणि-कामिणि सिसिर-काउरिस-

विच्छाइय-तणु-लय वि पत्तलच्छि किय महु-नरिंदिण ।  
 कणियार मह-हुम वि विहिय-सोह भर-कुसुम-रिद्धिण ॥  
 कुरुवय-तरु पुणु घण-थणिउ तरुणिउ आलिंति ।  
 कामिणि-गंडूसएहिं पुणु केसर स-हरिस होंति ॥

[ २९८ ]

विरह-तरुवर पंचमुग्गारु

निमुणेविणु कुसुम-भरु लेति वडल विसएहिं पंचहिं ।  
 इय विसयासत्त तरु जत्थ तत्थ किं कहउं अन्नहिं ॥  
 इय एरिसइ वसंत-महि जुव-मण-हरणि पयट्टि ।  
 सहिउ सुमिच्चिण चित्तगइ पउणि तुरंगम-थट्ठि ॥

[ २९९ ]

गंध-सिंधुर-कुल-कवोल-यल-

मय-वारि-धारा-सहस- समियमाण-रय-भर-वसुंधरु ।  
 धुव्वंत-धयवरु कणिर- किंकिणीहिं संदणिहि मणहरु ॥  
 उक्खय-सत्थ असंख-भड- भिउडि-भीय-पडिवक्खु ।  
 उज्जाणम्मि पहुत्तु लहु जल-कीलण-कय-लक्खु ॥

[ ३०० ]

तयणु चंपय-नाय-पुन्नाय-

नालियरि-लवली-लयहं नायवल्लि-मुद्धिय-लवंगहं ।  
 खज्जूरि-सहयार-गुरु- ताल-साल-पोप्फलि-असोगहं ॥  
 मालइ-मल्लिय-केयइहिं करुणि-कयलि-एलाहं ।  
 कप्पूरागुरु-चंदणहं पाडल-वियइल्लाहं ॥

[ ३०१ ]

खणु नियंतउ कुसुम-फल-रिद्धि

खणु वार-विलासिणिहिं ललिय-गीय-सुह-रसिण सित्तउ ।  
 खणु हरिसिण मगणहं कुसुम-कणय-रयणाणि देंतउ ॥  
 खणु कारेंतउ भारहिय नट्टारंभ-विसेसु ।  
 खणु कीलंतउ सह पवर- तरुणिहिं कमल-सरेसु ॥

२९८ ४. क विसयासन्न.

२९९ ४. धयवरु (The last letter illegible) ख. धयवम

३००. ५. क पोफलि

[३०२]

ललियमंदिर-नाम-उज्जाण-

मज्झम्मि परियण-सहिउ कुमर-रयणु संतुट्ट-माणसु ।  
 परिचिट्ठइ जाव खणु ताव तस्सु-जिय-हंस-सारसु ॥  
 सवणव्भंतरि महुर झुणि असुणिय-पुव्वु पविट्ठु ।  
 अह चित्तइ खयरहिइ- नंदण धणिय पविट्ठु ॥

[३०३]

अहह किं एहु खुहिय-सरिनाह-

निग्घोसु मेह-ज्झुणि व वण-गइंद-गलगज्जियं पिव ।  
 गंधव्वहं किन्नरहं महु-महुत्थ-संगीययं पिव ॥  
 जं न इमेरिसु कह वि झुणि सुणिय-पुव्वु अम्हेहिं ।  
 अहव न सरि सरि-हंस-कुलु दीसइ हिंडंतेहिं ॥

[३०४]

ता सुमिच्छिण सुणिय-वइयरिण

परिजंपिउ - नर-रयण एत्थ अत्थि सरि-सुजसु केवलि ।  
 अवइण्णउ विविह-सुणि- निवह-सहिउ सु-विसुद्ध-महियलि ॥  
 इय वंदिवि तसु पय-कमल सलहिज्जउ अप्पाणु ।  
 अह चित्तगइ-कुमारु गुरु- भत्ति-विहाण-पहाणु ॥

[३०५]

सह सुमिच्छिण तह स-परियरिण

पवियंभिय-हरिस-भरु गंतु पुरउ गुरु-चलण-कमलहं ।  
 सारय-रिउ-रयणियर- जुण्ह-सरिस-नह-कंति-विमलहं ॥  
 कुमरु सुमिच्छिण कहिय-जिण- समय-विहिण पणमेइ ।  
 अह कर-संपुडु सरि धरिवि उच्चियासणि निविसेइ ॥

३०२ ५ तस्सु जियह.

३०५ ९. क निवसेइ, ख निवसेइ.

[३०६]

तयणु तक्खणि पत्त-सुर-असुर-

खयरहिंव-नर-सहह कणय कमल उयरोवविट्ठिण ।  
 भयवंतिण केवल्लिण भविय-लोय-मण-जणिय-तुट्ठिण ॥  
 निरुवम सग्ग-पवग्ग-सुह- रयणावलिहि निहाण ।  
 पारद्धिय मुणि-धम्म-कह भव-निव्वेय-पहाण ॥

[३०७]

इह हि चउ-गइ-भीम-भव-रणिण

मणुयत्तणु दुल्लहउं तह वि खेत्त-कुल जाइ-रूवहं ।  
 निरुयत्तण-अक्खलिय- आउ-बुद्धि-सद्धम्म-भावहं ।  
 सामग्गी अविहिय-सुहहं जीवहं अइ-दुल्लंभ ।  
 ता मा चिट्ठहु भवि-यणहु अविहिय-धम्ममारंभ ॥

[३०८]

अह मुणिंदह पुरउ सिर-रइय-

कर-संपुहु चित्तगइ विण्णवेइ - मुणि-नाह पसिउण ।  
 मह वियरसु को वि सिव- सुहउ धम्म उचियत्तु मुणिउण ॥  
 तयणु मुणिंदिण परिकलिवि चित्तगइहि जोगत्तु ।  
 समय-विहिण वियरिउ पवरु सावय धम्म पवित्तु ॥

[३०९]

तयणु पाविय रउज-रिद्धि व्व

उवल्लद्ध-चिंतामणि व भवण-अजिर-सुय-कामयेणु व ।  
 घर-उग्गय-सुरतरु व गहिय-सत्तु-चउरंग-सेणु व ॥  
 हरिस-वियासिय-मुह-कमलु सिरि-चित्तगइ-कुमारु ।  
 पुणु पुणु पणमइ गुरु-चलण जुयलु तिलोयह सारु ॥

[३१०]

एत्थ-अंतरि मुणिय-वुत्तंतु

सुग्गीवु नराहिवइ पत्तु पुरउ केवलिहि चलणहं ।  
 दुट्ठद्वय-कम्म-रिउ- हम्ममाण-जय-जंतु-सरणहं ॥  
 मन्नंतउ अप्पाणु कय- किच्चु मणेण पढिट्ठु ।  
 पणमेप्पिणु गुरु-भत्ति-भरु उच्चियासणि उवविट्ठु ॥

[३११]

भणइ - मुणिवर कहसु पसिऊण

सा तारिस दुच्चरिय नीहरेउ कहिं भइ पत्तिय ।  
 ता केवलि कहइ - नर-नाह नियय-दुक्कय-नियंतिय ॥  
 तुह घरु मेल्लिवि नीहरिवि नयरंतरि गच्छंत ।  
 वत्थाहरण-सणाह-तणु पहि चोरिहिं संपत्त ॥

[३१२]

तयणु हक्किवि हरिय-सव्वस्स

अवल्लोइय-सकय-फल लुह-पिवास-परिसुसिय-वयणिय ,  
 कर-संपुड-पिहिय-पिहिय व्व दूरिहुय-दइय-सयणिय ॥  
 वहु-मुल्लिण थी-लोलुयह पल्लीवइहि विइण्ण ।  
 स-कय-अभइय भइ अह गरुयर-दुह-संकिण्ण ॥

[३१३]

रहु लहेविणु घरह नीहरिवि

परिवंचिय पल्लिवइ लोय-दिट्ठि-फुरियावसइय ।  
 गिरि-मग्गिण नट्ट दढ- वड्ड-मुट्ठि भइय अभइय ॥  
 गच्छंती उ चउदिसिहिं दविण सविह-पत्तेण ।  
 तह सव्वंगु निदइह जह कवल्लिय पंचत्तेण ॥

[३१४]

अह तहाविह-पाव-मरणेण

मरिऊण सा स-कय-हय- नरय-कुहरि घोरम्मि पत्तिय ।  
 ता वयण-आगोयरिहिं दुह-सएहिं तहिं निरु निकंतिय ॥  
 चिउठइ सुइरुव्वट्टिय वि चउगइ-भवि विरसाइं ।  
 वह-छेय-प्पमुहइं दुहइं सहिहि नरय-सरिसाइं ॥

[३१५]

ता पकंपिर अंगुवंगेण

सुग्गीव-नराहिविण भणिउ - अहह कह तीए एह कह ।  
 मह तणयह अवगरिवि हय जम्म सय-सहस दुस्सह ॥  
 केवल्लि तयणु समुल्लवइ नत्थि दोसु एयस्सु ।  
 एहु सामंतहं दोसु दुहुं सचिवस्सु य एगस्सु ॥

[३१६]

तयणु तक्खणि खुहिउ खोणिंदु

सचिविंद ठक्कुर डरिय कुमर सुहड दह दिहि जुयाविय ।  
 सामंत असेस दढ- माण-सिहरि-भंजणु कराविय ॥  
 अवलोयहिं सवियक्क-मण अन्नोन्नइं वयणाइं ।  
 तह केण-इ सव्वस्स-जुय नं हरियइं भवणाइं ॥

[३१७]

ता मुणिदिण भणिउ - नरनाह

सचिविंद सामंत इह अंतरंग वहिरंग इय दुह ।  
 वहिरंगु नरिंदु तुहुं सचिव सेट्ठि सामंत एहि तुह ॥  
 अंतरंगु मोह-निवु जय- सीस-पडिच्छिय-आणु ।  
 तस्सु सचिवु दढ-माण-धणु अत्थि मिच्छ-अभिहाणु ॥

[३१८]

पयड-भुय-वल-दलिय-पडिवक्ख

तइलोय-कंटय-तिलय      तस्स संति सामंत दोण्णिउ ।  
 तहं दोस गड्ढु गुरु      वीउं राय-केसरि वि वण्णिउ ॥  
 ते उण मय-मच्छर-मयण-      अविवेय-प्पमुहेहिं ।  
 जगु वि विडंवहिं परियरिय      विसम-वरिय-चरडेहिं ॥

[३१९]

तेसि वसगय-जीव-जायम्मि

सामित्तिणि कित्ति य वि      मूढ-द्वियय तिहुयणु वि तिण-समु ।  
 मन्नंति निय-गुरुयणु वि      अवगणिति न कुणंति उवसमु ॥  
 तह सेविस्सहुं वर विसय      करिस्सहुं वसि भुवण पि ।  
 पूरिस्सहुं निय-कणय-मणि-      धण-धन्निहिं वसुहं पि ॥

[३२०]

इय विचित्तिर करहिं भिच्चत्तु

देसंतर परियरहिं      विसहिं विसम-रण-रंग वसुहहं ।  
 आरोहहिं गिरि-सिहरि      तरहिं उयहि अणुसरहिं पावहं ॥  
 कुणहिं अकज्जाइं वि न उण अकय सुकय पावंति ।  
 फलु किंचि वि एमेव चिरु धरणीयलि धावंति ॥

[३२१]

तुह सुयस्स वि मोह-नरवड्ढि

आएसिण पहु-वयण-      रुड्ढण मिच्छअभिमाण-मंतिण ।  
 पहु-अहिमय-विहि-चउर-      चरड-सहिय-सामंत-जुत्तिण ॥  
 दिण्ण निओयहं भदयहं      एरिस विहिय अवत्थ ।  
 तुह मंतिहिं सामंतहं वि      तहिं अक्कमहिं न सत्थ ॥

३१८ ८ क जगु वडवहिं

३१९ २ क कित्ति

३२१ १ सुयस्सु

११



[३२२]

अह नरिदिण भणिउ पणमेवि

मुणि-नायग मह कहसु संति के वि किं जेहिं वसुहं ।  
 फुरिएरिस-विक्रमहं दलिउ दप्पु पावाहं एयहं ॥  
 ता पूरिय दह-दिहि-विवरु दंत-पंति-किरणेहिं ।  
 भणइ मुणीसरु संति नय-चलण तिहिं वि भुवणेहिं ॥

[३२३]

चरण-धम्मह धरणि-नाहस्सु

दो नंदण जय-सरण भुवण-मज्झि विकखाय-गुण-गण ।  
 वारह-दह-सुहड-जुय देस-सव्व-विरइ-त्ति-लक्खण ॥  
 निहणिय-मोह-नरिंद-वल सिय-जस-भरिय-दसास ।  
 सिहरि-विवेय-गिरिहिं वसहिं पणयहं सहलिय-आस ॥

[३२४]

अह नरिदिण तेण तेणेव

वेरग्गिण कह कह वि सो सुमित्तु निय-रज्जि ठाविउ ।  
 गुरु-रिद्धिण केवलहि चलण-जुयलु तसु चेव पाविउ ॥  
 जिणवर-गणहर-चक्कवइ सेविउ वेत्तु चरित्तु ।  
 लद्धउं सगपवग्ग-पुर-आहिवच्चु सु-पवित्तु ॥

[३२५]

ता सुमित्तिण विहिय सक्कारु

अणुमन्निउ कह कह वि सूरतेय-खयरिंद-नंदणु ।  
 आमंतु वेयइढ गिरिराय-सिहरि साणंद-परियणु ॥  
 चक्कंकर-सरि-सूर-सरवर-लक्खण-भुवणेसु ।  
 पणमइ पयडिय-विणय-विहि जणणि-जणय-चलणेसु ॥

[३२६]

तयणु भत्तिण कुणइ जिण-पूय  
 पडिलाहइ मुणि-वसह विहरमाण जिण-नाह वंदइ ।  
 सम्माणइ सरिस-गुण सइठ-कुलइं गुरुयणहिणंदइ ॥  
 आराहइ सम्मत्त-धुर- चारस-वयइं निरुत्तु ।  
 भावइ तत्त जिय-प्पमुह सिव-संगम-गय-चित्तु ॥

[३२७]

निवु सुमित्तु वि सयल धरणि-यल-  
 वित्थारिय-कित्ति-भरु गुरु-विइण्ण-संमत्त-भाविउ ।  
 नयरेसु य कित्तिएसु सो वि पउमु सामित्ति ठाविउ ॥  
 साहम्मिय-गुरु-जिणवरहं कम-संपन्नुदयाहं ।  
 कुणइ भत्ति जिणवर-विहिण कम-वड्ढिर-सुहयाहं ॥

[३२८]

पउम-कुमरु वि दुट्ठ-सव्भावु  
 परिचत्त-विवेय-निहि तेत्तिएहिं नयरिहिं अतुट्ठउ ।  
 पडिवक्खिय-नरवरहं मिलिउ अह सु तेहिं पि सुट्ठउ ॥  
 चिट्ठइ कह कहमवि दुहिहिं निय-उयरु वि पूरेंतु ।  
 गुरुयण-मित्त-कलत्त-सुय- सयणिहिं सोइज्जंतु ॥

[३२९]

अन्न-वासरि सिरि-सुमित्तस्सु  
 नरनाहह लहु भइणि नियय-रुव-जिय-तियस-कामिणि ।  
 सुग्गीव-नरिंद-धुय सिरि-कलिंग-विसय-पहु-सामिणि ॥  
 हरिय अणंगस्सीह-खयरिंद-सुइण कमळेण ।  
 तरुणी-रयणह रयणवइ- नामह सोयरएण ॥

[ ३३० ]

इय सुणेत्तु सुमित्त-नरनाहु

पसरंत-मच्छर-भरु वि विगय-सत्तु महि-गोयरत्तिण ।  
 लहु-भइणिहि विमल-गुण- रयण-निहिहि अइ-वल्लहत्तिण ॥  
 चिद्वइ दुह-संतत्त-मणु तल्लोवेल्लि कुणंतु ।  
 उल्लाविरु वि पुरद्विउ वि स-परिअणु वि अ-मुणंतु ॥

[ ३३१ ]

एहु वइयरु सुणिवि निय-खयर-

वयणेहिं सिरि-चित्तगइ फुरिय-दप्पु चउरंग-सेन्निण ।  
 आऊरिय-गयण-यल्लु घुट्ट-कित्ति मागहिय-विंदिण ॥  
 सायरु पणमिय-निय-जणणि- जणय-चलण-अरविंदु ।  
 चलिउ अणंगस्सीह-सुय- उवरि खुहिय-खयरिदु ॥

[ ३३२ ]

नियय-तेइण भरिय-वंभंडु

पसरंत-रण-तूर-रवु संख-सइ-पूरिय-दियंतुरु ।  
 परिचलिय-वहु-वल-कइण कल्लयेण पुरंत-अंवरु ॥  
 पत्तउ कमिण सुकूड-गिरि- सिहर-उवरि गयणेण ।  
 सविह-द्विय-रिउ-सुद्धि-विहि- कहय-खयर-वयणेण ॥

[ ३३३ ]

सुणिवि बहु-वल्ल चित्तगइ एंतु

मणि खुट्टु वि कम्मेलु लहु निय-वलेण सह चलिउ सम्मुहु ।  
 पर-कामिणि-रमण-मण- जणिय-पाव-पवभार-हय-सुहु ॥  
 अवरोप्पर-मच्छर-भरिय- हिययइं दो वि वलाइं ।  
 मम्मइं विंधहिं दु-वयणिहिं महि-यल्ल जेम्ब हलाइं ।

[३३४]

उद्ध-अंकुस मुक्क मायंग

कस-पहय धाविय तुरय      मुक्क-रासि संचलिय संदण  
 लहु पट्टिय भड-निवह      सत्थ-हत्थ रिउ-मुंड-खंडण ॥  
 रण-कलयलि नहि उच्छलिइ      कायर-कंपि पयट्टि ।  
 हेसारव-रंजिय-सुहडि      धायइ साहण-थट्टि ॥

[३३५]

अह परोप्पर-मुणिय-वुत्तंत

खयरिंद-सुय चित्तगइ- कमल नाम निय-दूय-वयणिहिं ।  
 परिसज्जिय-विउल-वल दो वि मिलिय लहु समर-धरणिहिं ॥  
 ता दोण्ह वि कुमरुत्तिमहं मिलिय सुहड सुहडेहिं ।  
 कुंजर करिहिं तुरय हएहिं रहिय पुणो रहिएहिं ॥

[३३६]

ता खणद्धिण किंचि चित्तगइ-

अगिम-वल्लु रिउ-भडिहिं दलिय-दप्पु दिसि-मुह जुयाविउ ।  
 अह दाहिण-करिण धणु सूरतेय-नंदण चडाविउ ॥  
 भणइ कमल-कुमरह पुरउ फुरिय-दप्प-दट्टुदट्टु ।  
 चिरु कुमराहम तुह जणिण जय-जय-रवु उग्घुट्टु ॥

[३३७]

किंतु संपइ होसु खणमेग-

मुवघेत्तु कोदंडु करि मज्झ समुहु जह तुह खणद्धिण ।  
 जय-जय-रवु संहरउं चिर-परुहु सह रज्ज-रिद्धिण ॥  
 अन्नह उज्झिवि पर-रमणि नाससु तुरिउ हयास ।  
 किं न निरिक्खसि मंडिया तणा कयंतह पास ॥

[३३८]

इय सुणेविणु कमलु स-परियणु

रोसारुण-नयण-दलु गहिवि धणुहु साडोवु जंपइ ।  
 पर-कज्जि म मरहि तुहुं कुमर समरि हुक्कंतु संपइ ॥  
 सुत्तउ सीहु म जग्गवहि करिहि म गिण्हहि सप्पु ।  
 सरणु न होसइ तिहुयणु वि हउं तुह भंजिसु दप्पु ॥

[३३९]

इय पयंपिर चित्तगइ-कमल

रण-रंगिय-तणु-लइय पउर-सेन्न-संछन्न-नहयल ।  
 आरोविय-धणुह-गुण- रविण दलिय-माहप्प-पर-वल ॥  
 समर-धरहं अहरिय-करुण- दुद्धर-माण-मरट्ट ।  
 दो वि ति हुक्का भड-तिलय रिउ-कुल-दलण-घरट्ट ॥

[३४०]

हय-खुरुक्खय-खोणिधर-रेणु-

पसरेण छन्निहि दिसिहि अप्प-परह न विसेसु नज्जइ ।  
 फेक्कारहिं सिक्-सहस घूय-कुलिण घुक्कारु किज्जइ ॥  
 नच्चहिं गयणि पिसाय-सय साइणि हरिसु वहंति ।  
 तियसासुर-तरुणिउ गयणि ठिय रण-भरु जोयंति ॥

[३४१]

हत्थि नज्जहिं गुलुगुलइएण

नज्जंति हय हेसिएण वंधु वग्ग हक्कहिं मुणिज्जहिं ।  
 रह-चक्क घणघण-रविण रणि रसंत तूरइं वि नज्जहिं ॥  
 सुहड विसंतुल संचरहिं धूलुद्धुलिय-केस ।  
 कृण्हिं य कज्जइं तम-भरि वि इह जिह पंसुलि वेस ॥

३३८ २ क दलु, ७ क गिण्हइ, ९ क सज्जिसु

३४१ ३. क हक्कहि. ६ क. सुहडि.

[३४२]

एत्थ-अंतरि फुरिय-माहप्पु

सिरि-सूरतेयंगरुहुं एगरुव-जस-पसर-कंखिउ ।  
 कोवारुण-कुडिल-निय- नयण-जुएण पर-वल्ल कडक्खिउ ॥  
 सिरि-चित्तगइ-कुमारु वर- विज्जा-सहस-सणाहु ।  
 भुय-वल-तोलिय-तियस-पहु जुय-वित्थिणाय-वाहु

[३४३]

एक्कु संधइ देव्व-जोएण

सर पसरहिं सय-सहस लक्ख-कोडि छाइय-नहंतर ।  
 संरुद्ध-रवि-कर-नियर कमल-सेन्नि निवडहिं निरंतर ॥  
 नत्थि सु सारहि न सु-सुहडु न हउ न करि न पयाइ ।  
 चित्तगइण सर-जालियउ जो न पणट्टउ जाइ ॥

[३४४]

अरिरि नासह केण कज्जेण

थिर होह मा भउ करह जिणिसु सत्तु तुम्हहं नियंतहं ।  
 इय भणिरु वि संगहिउ कमल-कुमरु मग्गेण संतहं ॥  
 अह लहु जय-जय-रव-मुहल- भुवण-जणिय-संतुट्ठि ।  
 गयणह तियस-नियविणिहिं मुक्किय कुसुमहं वुट्ठि ॥

[३४५]

अह मुएविणु कमलु स-वल्लो वि

रणरंग-वसुहहं जिणिवि भुवणु भरिवि निय-कित्ति-पसरिण ।  
 उववेत्तु सुमित्त-निव- भइणि भरिय-विफुरिय-हरिसिण ।  
 गंतु सुमित्तह नरवइहि वियरिय अखलिय-सील ।  
 सिरि-चित्तगइ-पसाय-वस- धरिय-महासइ-लील ॥

[३४६]

अह सुमित्तह समर-वुत्तंतु

परिसाहिउ चित्तगइ- सविह-गएण खयरेण एगिण ।  
 ता नरवइ हरिसिउ वि भइणि-लंभि भाविउ विवेगिण ॥  
 चित्तइ-धिसि धिसि एरिसउ कसु कए जिय-संहारु ।  
 हुयउ जाम स-जिणिहिं कहिउ निरु संसारु असारु ॥

[३४७]

जमिह जणउ वि कुणइ अवमाणु

जणणी वि हु अवयरइ देइ दुहइ दुसहाइ वंधु वि ।  
 भइणी उण पर-भवन- विहिय-सोह सायरु ति-संझु वि ॥  
 निय-कज्जुज्जय-मानसह दइयह किं भणियव्वु ।  
 चिर-संचिउ वि जु नेह-भरु चयइ खणेण वि सव्वु ॥

[३४८]

सिहरि-सरि-रय-सरिसु तारुणु

करि-कण्ण-चंचलु विहवु सयण-नेहु सरयब्भ-विब्भसु ।  
 संझब्भ-रायब्भहिउ भियगु भणइ जिणवरह आगसु ।  
 इय चित्तंतु सुमित्त-निवु मेलिवि सयलु स-वग्गु ।  
 रज्जि निवेसिवि निय-तणउ पसरिय-तेय-उदग्गु ॥

[३४९]

अह कहेविणु हियय-सव्भावु

सिरि-सूरतेयंगयह वहु-वियप्पु पवयणु पहाविवि ।  
 अहिकंखिवि परम-सुहु हियय-मज्झि गुरु-वयणु ठाविवि ॥  
 उज्जाणम्मि समोसढह निय-नयरह वि सयासि ।  
 - गिण्हइ गंतु चरित्तु निवु सुजस-मुणिदह पासि ॥

[३५०]

ता विसेसिण चित्तगइ-कुमरु  
 पसरंत-रोमंच-भरु चारु-चरिय-चरणेक्क-माणसु ।  
 तस्सेव य अहिणवह राय-रिसिहि गुण-गहणि अणलसु ॥  
 वंदिवि सुजस-मुणीसरह स-हरिसु पय-पउमाइं ।  
 पत्तु स-नयरि सरिवि नियय- जणणि-जणय-नामाइं ॥  
 इओ य—

[३५१]

सुणिवि सयलु वि कमल-वुत्तु  
 अच्चंत-उव्विग्ग-मणु दहु अणंगसीहु प्पयंपइ ।  
 अरि निग्गुण कमल तएं एहु विहिउ किमकज्जु संपइ ॥  
 जं पर-रमणिहि हरणि एगु स-कुलह जणिउ कलंकु ।  
 तह अवहत्थिउ सुहड-जसु पुव्वज्जिउ वि असंकु ॥

[३५२]

अहव केत्तिय-मेत्तु एहु हंत  
 पर-दार-लोलुय-मणह जमिह सीसु संछिन्नु वंभह ।  
 अवलुत्तउ लिंगु वणि हरह अहु य पर-रमणि-लंभह ॥  
 सुर-सामिहि वि सरीरि तह नयण-सहसु संजाउ ।  
 कुल-छेयण-दहवयणह वि गरुयरु हुयउ विसाउ ॥

[३५३]

जइ व गुरुहु वि हवइ मइ-मोहु  
 पडिक्कूल-हय-विहि-वसिण इय मुणेवि किं सोइयव्विण ।  
 तह एइण स-पुरिसिण नण हुयव्वु कुमरिहि पियत्तिण ॥  
 जं एगतथ निमित्तियह वयणु हुयउं ता सच्चु ।  
 ता जोयहु सु सुपुरिसु — इय भणिवि निउत्तु अमच्चु ॥

३५१ ३ क The last letters are very minute and hardly legible After 351 क ख ग्रंथांशं १०००,

३५२. ८. कुलछेयण.



[३५४]

तयणु निम्मलबुद्धि-नामेण

सचिर्विदिण निय-पहुहु लहु एहु आएसु स-हरिसु ।  
 परिभाविवि निय-मणिण भणिउ पुरउ तस्सेव एरिसु ॥  
 काउ सयंवर-मंडवउ रयणवइहि पाउगु ।  
 सयलहं खयर-निवंगयहं देहु लेह जह-जोगु ॥

[३५५]\*

तह सयंवर-मंडवह मज्झि

विणिवेसहु असि-रयणु कुमरि-करिहिं तसु पूय कारहु ।  
 लहु सिद्धाययणि पुणु के-वि पुरिस पच्चइय धारहु ॥  
 इय जइ कह-वि व नर-रयणु एइ इह वि सयमेव ।  
 ता सिज्झइ सामिहि सयलु एहु कज्जु एमेव ॥

[३५६]

अह ससगु वि जुत्तु जुत्तु त्ति

पडिवज्जिवि सायरिण लहु अणंगसीहिण खगिदिण ।  
 सदाविवि सयमवि हु न्नि-निउत्त-नहयर-सहस्सिण ॥  
 मेलाविवि भुवणम्भहिउ दल-विसेसु साणंदु ।  
 पत्थुय-कज्ज-विहाणि लहु आइहउ सचिर्विदु ॥

[३५७]

तयणु मरगय-रयणमय-पीढ-

वर-फालिह-मणि-विहिय- भित्ति कणय-कय-सिचय-चड्डिउ ।  
 कक्केयण-थंभ-सउ पउमराय-मणि-खंड-मंडिउ ॥  
 कय-उवरिम-तलु दिण-रयणि- निहणिय-तम-सेणीहिं ।  
 अंक-पुलय-वेरुलिय-गुरु पुलउगार-मणीहिं ॥

\* For parts of stanzas 355, 356 and whole of 357, 354, 359, 360, and 361 (except the last line) ॥ leaves blank space

[३५८]

विमल-बहुविह-रयण-तोरणिहि  
 सोहंत-असेस-दिसि स-सिरि-विजिय-सुरराय-मंदिरु ।  
 बहु-भंग-विभत्ति-जय- जंतु-जाय-आणंद-संदिरु ॥  
 मुत्तावलि-रयणावलिहिं मालिय-सयल-पएसु ।  
 तियस-महद्दुम-कुसम-सरि-विरइय-सोह-विसेसु ॥

[३५९]

वरु सयंवर-मंडवु करेवि  
 सचिविंदु साहइ पहुहु ता अणंगसीहिण खणद्धिण ।  
 निय लेह पेसिवि सयल खयर-कुमर बाहरिय हरिसिण ॥  
 ति वि तहलेहुवदंसणिण स-वल-भरिण पसरंत ।  
 रयणवइहि लोलुय-हियय तहिं पहुत्त तूरंत ॥

[३६०]

ता अणुक्कमु खयर-नाहस्सु  
 उवएसिण कय-सयल- नियय-नियय-कायव्व-वित्थर ।  
 आवासिहि गंतु ठिय खयर-कुमर गुरु-हरिस-निब्भर ॥  
 अह सह सयण-मणोरहिहि लग्ग-दिणम्मि पहुत्ति ।  
 तम्मि य खयर-कुमार-गणि वियसिय-मुह-सयवत्ति ॥

[३६१]

ठविवि मणिमय-पीढ-उवरिम्मि  
 खयरिंदिण निय-करिहिं करिविं पूय सम्माणु पयडिवि ।  
 सुर-वियरिउ फुरिय-गिरि- गुरु-पयावु असि-रंयणु मेंल्लिवि ॥  
 मज्झि सयंवर-मडवह तयणु कुमरि संलत्त ।  
 एहु पूयसु जह लहु हवइ पिययम-पत्ति निरुत्त ॥

[३६२]

तयणु गुरुयण-जणिय-उवरोह-

परतंत सुंदर-चरिय विहिय-पवर-सिंगार वालिय ।  
 कर-पल्लव-गहिय-निरु- सुरहि-गंध-सिय-कुसुम-मालिय ॥  
 असि-रयणह गुरुयण-विहिण पूय-विहेय-पयट्ट ।  
 भावि-हरिस-पवभार-वस- वियसिय-मुह-कंदोह ॥

[३६३]

अह पयट्टइ जय-जयारावि

वज्जंतइ मंगलिय- तूरि वंदि-विदिण पढंतिण ।  
 किज्जंतइ मंगलिय- कज्जि खयर-लोइण मिलंतिण ॥  
 कमिण सयंवर-मंडवह मज्झि असम-संचेसु ।  
 खयरिदिण ते खयर-सुय उववेसिय मंचेसु ॥

[३६४]

तयणु नहयर-राय-वयणेण

निय-रुविण विजिय-रइ पास-कुसुम-पडलि-यर-दासिय ।  
 करयल-किय-पंचविह- सुरहि-कुसुम-मालिय सुहासिय ॥  
 तिअसासुर-नरवर-तरुण- मण-मंथण-मंथाण ।  
 कमिण पहुत्तिय रयणवइ पुरउ खयर-कुमराण ॥

[३६५]

अंव-धाइहिं भणिउ—अह एस

गंधव्व-नयराहिवइ विहिय-सयल-पडिवक्ख-खंडणु ।  
 सारय-ससि-विमल-जसु भुवण-सुहय-गुण-रयण-मंडणु ॥  
 पवणवेग-खयराहिवइ- कुल-मंदिर-सिरि-केउ ।  
 दिट्ठि-पसाइण कुमरु अणुगेण्हसु ससि-मुहि एउ ॥

[३६६]

एस उण सिरि-अच्चिमालिस्सु

खयरिंदइ अंगरुहु फुरिय-गरुय-माहप्प-वित्थरु ।  
 बहु-मंत-तंतोसहिहि पत्त-कित्ति-धवलिय-दियंतरु ॥  
 निय-लायण-पहाव-हय- माणिणि-माण-मरदु ।  
 किरणवेग-नामिण पयडु दुज्जण-दलण-घरदु ॥

[३६७]

एस उण ससि-वयणि दाणेण

परिनिज्जिय-गंधकरि फुरिय-तेय-अहरिय-दिवायरु ।  
 गंभीरिम रयण-निहि थिरिम वसुह नय-विहि-कयायरु ॥  
 वर-माल-विखवणिण सुयणु संभावसु गुण-धामु ।  
 विज्जाहर-पहु रवि-किरण- नंदणु रविरह-नामु ॥

[३६८]

इय समग्गि वि अंव-धाईए

पडिगोत्तुकित्तिणिण चंद-कुंद-सिय-कित्ति-कहणिण ।  
 उवदंसिय-खयर-पहु- तणय न उण कुमरीए दिट्ठिण ॥  
 संभाविउ एगो वि तहं मज्झि खयर-कुमराहं ।  
 ता सयलु वि सो खयर-गणु खुहिउ न माइ धराहं ॥

[३६९]

एत्थ-अंतरि स-पहु-वयणेण

एगयरिण कंचुगिण भणिउ पुरउ खयरिंद-कुमरहं ।  
 इगु मज्झह तुम्हह हर- हास-कास-सिय-कित्ति-पसरहं ॥  
 कोवि-हु पयडिय-नियय वलु लक्खण-सय-धरणीए ।  
 हवउ गहेविणु असि-रयणु पिययमु रयणवईए ॥

[३७०]

तयणु अ-मुणिवि नियय-माहप्पु

अ-निरिक्खिवि नियय-वल्लु अप्प-परहं अंतरु अ-चित्तिवि ।

निसुणेविणु कंचुमिहि वयणु रयणवइ-रूवु पेक्खिवि ॥

आऊराविय-संख-सय ताडाविय-जय-ढक्क ।

चलिय ति असि-रयणह समुह परमद्धि वि कै-वि थक्क ॥

[३७१]

चित्त-लिहिय व लेप्पमइय व्व

पाहाणुक्किण्ण इव ढढिण हरिय-सव्वस्स दुहिय व ।

संपाविय-मुच्छ इव फुरिय-गरुय-मय-मोह-निहय व ॥

सव्वत्तो वि हु परिगलिय- कज्जाकज्ज-वियार ।

कि-वि असि-रयण-पहंतरि वि निवडिय नीसाहार ॥

[३७२]

कै-वि पुणु दढ-मंत-कय-क्कवय-

बहु-भेय-विज्जाहिगम विहिय-गव्व कह कह वि खगह ।

सविहम्मि पहुत्त गुरु- जणिय-चोज्ज-निय-खयर-वगह ॥

जाव य लग्ग गहेउ असि- रयणु ताव सहसत्ति ।

गिरिहि सिहर असि-पडिरविण तुट्टिउ लग्ग तडत्ति ॥

अवि य—

[३७३]

विसइ वसुहहं वड-परोहु व्व

जलयालि व धडहडइ गयणि विज्जु-पुंजु व झलक्कइ ।

फुक्कारइ विसहरु व सत्तु-हियइ उवल्लु व धवक्कइ ॥

उप्पयंतु महियलि भुवण- भय-जणणेक्क-करालु ।

कसु कसु खयरह मणु खणिण न कखोहइ करवालु ॥

[३७४]

तह वि कैसु वि खयर-कुमरेसु

निय-विज्जा-मंत-वल- वसिण असिहि करु निक्खिंतिसु ।

सिरि-मुम्मुर-वरिसु असि- वसिण पडिउ विरसं रसंतिसु ॥

तह जय-जण-विक्खोह-यर पयडीहुय वेयाल ।

गुरु-फुक्कारव-भरिय-गयण-यल भुयंग कराल ॥

[३७५]

इय समग्गि वि दुहं वि सेहीण

ग्वयराहिव-अंगरुह असिहि समुहु धाविर विगुत्तय

चितंति विसन्न-मण अहह अग्गि किं इह पवुत्तय ॥

एस वि अम्हं रयणवइ अयस-दाण-उउमेण ।

जाय अणंगस्सीह-वरि पुव्वज्जिय-अहमेण ॥

[३७६]

इय विचिंतिर रयणवइ-विसय-

वियलंत-अणुराय-रस दूर-मुक्क-करवाल-गोयर ।

विच्छाडय-इयण निय- ठाणि ठंति सव्वे वि खेयर ॥

तयणु-अणंगस्सीहु खयरहिवु चितावन्नु ।

भणिउ अमच्चिण- देव वरु कुमरिहि चिट्ठइ अन्नु ॥

[३७७]

इय पसीउण सिद्ध-आययणि

पेसिज्जहुं के-वि निय- खयर-कुमर-रज्ज-प्पहाणय ।

विज्जाहर-सामियहं सहहं विउस-भणियव्व-जाणय ॥

जिण जसु जायइ नहयलह कुसुम-वरिस-पव्वभारु ।

आणहिं नेमित्थिय-कहिउ कुमरु सु नहयर-सारु ॥

[ ३७८ ]

एत्थ-अंतरि महिहिं सयलाइं

जिण-नायग-वेइयइं वंदिऊण निच्चइं नमंसिरु ।  
 संपत्तु सिद्धाययणि सूरतेय-सुउ हरिस-विलसिरु ॥  
 समय-विहिण जिण-नाह-पडिमाहं अवग्गहि गंतु ।  
 सुद्ध-ज्झाण-कुढारइण पाव-वणइं निहणंतु ॥

[ ३७९ ]

वउल-मालइ-तिलय-वियइल्ल-

मंदार-हरि-चंदणय- वन्न-जूहि-जासूण-कुसुमिहिं ।  
 विरएविणु पूय तह दिव्व-पट्ट-चीणंसु-पमुहिहिं ॥  
 उत्तिम-वत्थिहि तित्थयर- पडिमउ सक्कारेवि ।  
 गरुय-पयासिय-भक्ति-भरु धूवुक्खेवु करेवि ॥

[ ३८० ]

तयणु तक्खणि मिलिय-वहु-सिद्ध-

गंधव्व-खयर-हिवइ- निवह-जणिय-आणंद-सुंदरु ।  
 कारावइ पेच्छणउं असम-सग्ग-अपवग्ग-सुहयरु ॥  
 अह मन्नंतउ चित्तगइ कय-किच्चउं अप्पाणु ।  
 धुणइ जिणेसरु गहिर-सरु पसरिय-गुरु-वहु-माणु ॥

[ ३८१ ]

सामि दिट्ठउ कप्पतरु अज्जु

उवलद्ध चिंतामणि व काम-धेणु पाविय कयत्थिण ।  
 जं भुवण-पियामहह तुज्झ महिय पय मइं स-हत्थिण ॥  
 कंचण-वुट्ठि अहन्न-वरि न हि संभावइ कोइ ।  
 गुरुयण-चलणहं सेव कय कह वि न निप्फल होइ ॥

[३८२]

कुडिल-कुंतल विउल-भालयल  
 सरलायय-नयण-दल- जुय विसाल-उत्तुंग-नासिय ।  
 ससिकंत-कवोल-सिय- दंत-पंति महु-महुर-भासिय ॥  
 पउम-दलारुण-अहर-दल विलसिर-तिवलि-तरंग ।  
 अंसत्थल-वोलिर-सवण समुचिय-सिव-बहु-संग ॥

[३८३]

निहय-रिउ-कुल-नियर-भुय-दंड  
 वच्छयल-ललंत-जय- लच्छि गहिरतर-नाहि-मंडल ।  
 आरोह-वित्थर-विजिय- गिरि-नियंव दढ-वल-अखंडल ॥  
 सीह-किसोर-तुरंग-सुरआउह-संनिह-मज्झ ।  
 सिवपुर-तोरण-धंभ-उरु राय-दोस-असज्झ ॥

[३८४]

फुरिय-दिणयर-किरण-नह-पंति  
 विमलगुलि-दल-कलिय- चलण-कमल तडलोय-सामिय ।  
 निक्कारण-कारुणिय जय-सरण सिव-नयर-गामिय ॥  
 झाइज्जसि जेण अणुदिणु वि पुलयंचिय-अंगेण ।  
 सो मुच्चइ गुरु-भएण इव चउ-गइ-भव-संगेण ॥

[३८५]

भुवण-वच्छल भविय-भमर-उल-  
 परिसेविय-पय-पउम स-भुव-तरिय-संसार-सायर ।  
 दूरुज्झिय-सयल-भव- भाव सिद्धि-बहु-विहिय-आयर ॥  
 गुण-रयणायर विउल-पय- सद्देसण-कल्लोल ।  
 उदयाहिलसिरु अणुसरइ कु न तइं संजम-लोल ॥



[३८६]

अहह तिहुयण-परम-कारुणिय

लद्धम्मि वि तइं पहुहुं पेच्छ पेच्छ हउं कह कयत्थिउ ।  
 इह अंतर-रिउ-निविहिं पुणु वि पुणु वि भवि भवि गलत्थिउ ॥  
 पाडिउ कुडिल-कसाय-वण-गहणि करुणु विलवंतु ।  
 पहरिज्जंतउ दुज्जणिहिं सुअणिहिं सोइज्जंतु ॥

[३८७]

जणय-बंधव-सयण-सुहि-विहव-

ववएसिण मोहिउण धम्म-कम्म-कवएण विमुक्कउ ।  
 परिसल्लिउ कह कह न मोह-सट्ठिण निय-कज्ज-चुक्कउ ॥  
 इय परिभाविवितह कहवि कुणसु नमंत-सरणण ।  
 जह न हणइ मइं मोह-रिउ जिण निरुवम-कारुणण ॥

[३८८]

रज्जु पंजरु विसु विसय-सुक्खु

पिय-संगु विओग-फलु देइ दुक्ख-दंदोलि जणउ वि ।  
 उवतावइ सोयरु वि अवगरेइ संसारि तणउ वि ॥  
 इय तहिं कह वि न रमइ मणु मज्झ भुवण-दिण-इंद ।  
 तो निरुवद्वु किं-पि पउ वियरसु पसिय जिणिंद ॥

[३८९]

नमिर-सुरवर-थुणिय-पय-पउम

तुह संथवि भुवण-रवि कउणु एहु, विप्फुरिय-तम-भरु ।  
 न हि केसरि-गम्मि करि- करड-दलणिं उज्जमइ वानरु ॥  
 अहव स-पहु-वहु-मन्नियउ जणु किं जं न करेइ ।  
 हरिणु वि ससि-उच्छंगि ठिउ भुवणोवरि विलसेइ ॥

[३९०]

गुरुय-भक्तिण भरिउ पणिवइउ

हरिभद-सूरि-स्थुणिउ ति-जय-तरणि पणमंत-वच्छलु ।  
 इहु जिणवरु पसिय मह हणउ सयलु भव-वासु पिच्छलु ॥  
 नहि उदयंतइ सहस-करि पीडइ जडिम जयम्मि ।  
 कप्प-तरुम्मि कि इच्छियइं न हवहि जण-हिययम्मि ॥

[३९१]

इय धुणेविणु जाव पणमेइ

पय-पंकय जय-पहुहु सूरतेय-सुउ पुलय-अंचिउ ।  
 ता जय-जय-पुवु नह-यलह गुरुय-तम्भत्ति-संचिउ ॥  
 निरुवम-परिमल-मंसलिउ कुसुम-वरिसु परिमुक्कु ।  
 तियस-विसेसिण चित्तगइ कुमरस्सुपरि अ-चुक्कु ॥

[३९२]

एत्थ-अंतरि गयणि तियसेहिं

जिण-मंदिरि नहयरिहिं गुरुय-हरिस-वियसंत-वयणिहिं ।  
 समगाहय-मंगलिय- तूर-रविण बहिरिय-दियंतिहिं ॥  
 जंपिउ फुरियाणंद-जल- पयडिय-अणुरत्तीए ।  
 अहह अहह जिणवरु थुणिउ चित्तगइण भत्तीए ॥

[३९३]

अह अणंगस्सीह-खयरिंद-

आइट्टिहिं तत्थ लहु खयरनाह-कुमरिहिं पहुत्तिहिं ।  
 संलत्तउ चित्तगइ- कुमरु विउस-वयणिहिं विचित्तिहिं ॥  
 सो वि सयंवर-मंडवह वइयरु कहिउ असेसु ।  
 सूरतेय-नंदणु तयणु विम्हिउ मणिण निमेसु ॥

[३९४]

भणइ—धिसि धिसि तेहिं किं खयरेहिं

किं एत्तिय-मेत्तिए वि कज्जि एम्भ अप्पउं विगोविउ ।

निय-वंसु वि पर-भवणि गंतु विहलु नित्तुलु हसाविउ ॥

जं किमसज्जउं जगि भडहं दढ-साहस-रसियाहं ।

परितोलिय-निय-भुय-वलहं निम्मल-जस-तिसियाहं ॥

[३९५]

ता सुणेविणु नूण एसेव

नेमित्तिय-कहिउ नर- रयणु रयणवइ-कुमरि-पिययमु ।

विणत्तु इयरेहिं जह पुरिस-रयण जइ तुहं जि निरुवमु ॥

सत्तु फुराविवि गहिवि असि- रयणु कुमरि परिणेसि ॥

न उण जयम्मि विअत्थि इह सामत्थिम अन्नेसि ॥

[३९६]

अह सयंवर-मंडवह समुहु

संचल्लिउ चित्तगइ जाव ताव सुहि-वंधु-सयणिहिं ।

कर-पिहिय-स्सवणएहिं भणिउ — हंत एयाहं वयणिहिं ॥

किमसक्कारंभिण कुमर तुह उज्जमिण इमम्मि ।

खयर-कुमार-विगोयणिहि रयणवइहिं विसयम्मि ॥

[३९७]

जमिह सुर-गिरि सुहिण वाहाहिं

तोलिज्जइ जल-निहि वि वाहु-पोय-जोएण तरिज्जइ ।

उप्पाडिवि करयलिण स-धरधर वि सहि छत्तु किज्जइ ॥

न उण महावल-सुर-गणिण रक्खिज्जंतु सु-त्तेउ ।

तीरइ वेत्तु करेहिं असि- रयणु सुरेहिं वि एउ ॥

[३९८]

तयणु — दुद्धरु ताव सुर-सेलु

ता दुत्तरु रयण-निहि ता उ गरुय भावइ वसुंधर ।  
 ता विउल्लु नहंगणु वि जाव पउर-सोडीर-सुंदर ॥  
 अब्भुवगमहिं न सप्पुरिस जीयह पणु मिल्लेवि ।  
 इय बहु-वयणिहि नियय-जणु वोहिवि संचल्लेवि ॥

[३९९]

लहु सयंवर-मंडवह मज्झि

संपत्तउ चित्तगइ पवर-सउण-उवइट्ठ-सिद्धिउ ।  
 जा ताव पुव्वागइहिं भणिउ खयर-कुमरिहि कु-वुद्धिउ ॥  
 नणु को इहु खयरंगरुहु जो तिहुयणह अ-गेज्झि ।  
 लहुईहोहिइ उज्जमिरु असिहिं खयर-गण-मज्झि ॥

[४००]

जेम्म दम्मइ जणिण करि-राउ

नहि तेम्म पंचाणणु वि न य नइ व्व जलहि वि तरिज्जइ ।  
 गुड-पिडु व न य किण-वि तुलहं धरिवि सुर-गिरि तुलिज्जइ ॥  
 किं जिम्म चव्विज्जहिं चणय तिम्व मरियइं खज्जंति ।  
 अन्न ति केसर केसरिहि जिहि गय भेसिज्जति ॥

[४०१]

इय मुणेविणु सुयसु असि-रयण-

गहण-गगहु खयर-सुय मा हवेसु सोयव्वु लोयहं ।  
 इय निसुणिवि चित्तगइ भणइ पुरउ खयराहं एयहं ॥  
 विहि विनडउ पीडंतु गह पुज्जउ दुज्जण-आस ।  
 हउं पुणु गेण्हिसु असि-रयणु जहिं सउ तहिं पंचास ॥

अवि य-

[४०२]

सिद्धु जइ तुहुं पुव्वि पडिकण्ह-  
 बलभइ लच्छिप्पियहं चक्कवइहिं साहस-निहाणहं ।  
 अन्नेसि वि नमि-विनमि- अनिलवेग-पमुहहं पहाणहं ॥  
 धीरहं निय-भुव-बल-दलिय- भुवण-सुहड-गव्वाहं ।  
 ता असि-रयण मह वि पसिय पेक्खंतहं खयरहं ॥

[४०३]

इय भणेविणु पंच-नवकारु

सुमरेविणु भत्ति-भरु दूर-नट्ट-पडिहार-सुर-गणु ।  
 उवगेण्हइ चित्तगइ खग्ग-रयणु सुर-सिहरि-थिर-मणु ॥  
 अह तियसासुर-किन्नरहं तरुणिहिं कुमरुवरिम्मि ।  
 कुसुम-बुट्ठि मुक्किय खयर- गणि विम्भिय-हिययम्मि ॥

[४०४]

तयणु तक्खणि मंजु-सिंजंत-

भमरावलि-सामलिय उल्लसंत-परिमल कुमारह ।  
 पुव्वज्जिय-सरय-ससि- किरण-सरिस-निय-सुकय-सारह ॥  
 रयणवइहिं स-हरिसु खिविय गल-कंदलि वर-माल ।  
 सयमवि खयर-कुमर-खिविय- लोयण-कमल-वम्वाल ॥

[४०५]

अह पयट्ट जय-जयारावु

सुर-दुंदुहि-रवु फुरिउ कुमर-कित्ति वित्थरिय दह-दिहि ।  
 अन्नोन्निनण भणइ जणु अहह अहह अइ-निउणु एहु विहि ॥  
 दूराउ वि जं जसु तणउं तं तसु लहु मेलेइ ।  
 मिलिउ वलिट्ठु वि भुवण-जणु किं अन्नयरु करेइ ॥

[४०६]

एत्थ-अंतरि फुरिअ-तणु-कंति-

उज्जोइय दिहि-विवरु रइय-असम-सिंगार-सुंदरु ।  
 बहु-सुर-यण-परियरिउ उत्तरेवि नहयलह मणहरु ॥  
 तियस-विसेसु चिरोवचिय- सुकय-प्पसर-पवित्तु ।  
 पुणु पुणु पणमइ कुमर-पय तोस-परव्वस-चित्तु ॥

[४०७]

अह चमक्किय-चित्ति नीसेस-

खयराहिव-कुमर-कुलि दलिय-दप्पि पडिवक्ख-मंडलि ।  
 रयणवइहिं तुट्ठियहिं तरुणि-जणिण दिज्जत-मंगलि ॥  
 ताडिज्जंतिहिं दुंदुहिहि जय-जय-रवि उग्घुट्ठि ।  
 तम्मि अणंगस्सीह-खयरेसरि निरु सतुट्ठि ॥

[४०८]

भणिउ तियसिण - कुमर मा सज्ज

किं सूरतेयंगरुह पुरिस-रयण असरण-सरणाय ।  
 पुव्वज्जिय सुकय-वस- हय-अरिट्ट पसरिय-करुणाय ॥  
 सारय-रयणीयर-विमल-गुण-रयणोह-निहाण ।  
 मं उवलक्खसि चित्तगइ तुहुं सुगहिय-अभिहाण ॥

[४०९]

तयणु कुमरिण भणिउ साणंडु

पसरंत-तेयव्वभहिय निय-समिद्धि-परिविजिय तिहुयण ।  
 को न मुणइ इंद-समु तुव्विभ तियस-कल्लाण-भायण ॥  
 न हि दप्पणिण कर-ट्टियउ कंकणु जोयइ कोइ ।  
 अहव कि किण-वि पयासियउ दिणयरु पयडीहोइ ॥

[४१०]

अह पयंपइ तियसु - सिरि-सूर-

तेयंगय इहु न हउं तुज्ज पुरउ पुच्छेमि संपइ ।  
 ता साहसु पुव्व-भव-जणिउ किं-पि अह कुमरु जंपइ ॥  
 जइ एवं ता सुर-रयण तं चिय मह पसिऊण ।  
 कोऊहलु पूरसु सयलु निय-वईयरु कहिऊण ॥

[४११]

तयणु पभणइ तियसु पसरंत-

मुह-ससहरु खयर-नर- नारि-नियर-मण-जणिय-विम्हउ ।  
 किं साहउं नर-रयण चरिय-विजिय-जय पुरउ तुम्हउ ॥  
 तह वि कहिज्जउ को-वि इह लेसिण निय-वुत्तंतु ।  
 इय एहु अवहिय-मण-पसर होहि वि खणु निसुणंतु ॥

[४१२]

तई सुमित्तह निवह लहु भइणि

रण-रंग-मंडवि हठिण कमल-कुमर-हत्थह मुयाविवि ।  
 आणंदिय-तद्दइय- वंधु-सयण निय-ठाणि ठाविवि ॥  
 तयणु सुणेविणु रण-महिहि निव-रिउ-भड-संघाउ ।  
 निवइ सुमित्तु ब्रडत्ति-हुय- गुरु-संसार-विराउ ॥

[४१३]

तुह समक्खु वि सयलु निय-वग्गु

कह कह वि अणुण्णत्रिवि करिवि सुत्थु रज्जह समग्गह ।  
 सक्कारिवि देव-गुरु गंतु पुरउ सूरिहि उदग्गह ॥  
 तम्मुह-जलहर-सभवि- वयणामय-संसित्तु ।  
 सुगइ-नियंविणि-संग-सुह- ऊसुगु वेत्तु चरित्तु ॥

[४१४]

तईं पहुत्तइ नियय-टाणम्मि  
 विहरंतु सु राय-रिसि सह गुरुहिं मुणि-किरिय-तप्परु ।  
 पात्रिय-जिण-समय-निहि अंतरंग-रिउ-दलण-मुग्गरु ॥  
 अणुजाणाविवि नियय-गुरु तियस-सिहरि-थिर-चित्तु ।  
 समय-विहिण अणुकमिण पडिबज्जइ एगागित्तु ॥

[४१५]

चिरु वसुंधर-वलइ विहरंतु  
 संपत्तु काल-क्कमिण मगह-विसय-अंतिमह नयरह ।  
 एगस्सु सुसाण-वणि जं च सरिसु जम-भवण-अजिरह ॥  
 कत्थ वि संसासण-भमिर- भीम महासिव-सहु ।  
 कत्थ वि भूय-पिसाय-सय- वेयालेहिं रउ ॥

[४१६]

कह वि डब्भिर-मयग-संकिण-  
 धरणीयलु कह वि मय- सगसगेत-किमि-जाल-पिच्छलु ।  
 कत्थ वि नहि परिभमिर- उल्लय-कंकु जम-दूय-वच्छलु ॥  
 साइणि-फेक्कारव-विहिय- भुवण-क्खोहु कहिंचि ।  
 तम्मि समग्गह जणह पयडिय-संसार-पवंचि ॥

[४१७]

ठिउ महा-मुणि मेरु-थिर-चित्तु  
 वग्गारिय-कर-जुयलु पुव्व-पुरिस-कय-काउसग्गिण ।  
 एत्तो य सुसाण-वणि तम्मि चेव हय-विहि-निओइण ॥  
 पडिबक्खिय-नरवइ-गहिय- गिह-गय-सयल-समिद्धि ।  
 नीसेसेण वि परियणिण परिचत्तउ दुव्वुद्धि ॥



[४१८]

परियडंतउ विविह-देसेसु

उयर-पूरणु अणुदियहु दियह-अंति कहमवि कुणंतउ ।  
 पुव्वुत्तउ तसु वि लहु वंधु पउम अभिहाणु पत्तउ ॥  
 अह गरुयर-अमरिस-वसिण आयइदिय-धणुहेण ।  
 हणिउ महा-मुणि वच्छयलि सरिण तेण पावेण ॥

[४१९]

मई पडंतिण के-वि जइ जीव

धरणि-यलि उवदविय तेसि मज्झ मिच्छा मि दुक्कडु ।  
 न य कस्सु वि वसिण इहु तुज्झ जीव आवडिउ संकडु ॥  
 निय-कर-आरोविय-गरुय- कम्म-तरुण फलाणि ।  
 पत्त-विवाग पडंति धुवु उवरि जणह सयलाणि ॥

[४२०]

निय-तरंगिहि भिन्न-कुल-सेलु

जलही वि वाहा-जुइण सक्कु तरिउ साहसिय-पुरिसिहि ।  
 खर-नहर-भयंकरु वि सीइ-पोउ धरियइ करगिहि ॥  
 लहु साहिज्जइ कुंजरु वि थंभिज्जइ जलणो वि ।  
 सप्पु वि वेप्पइ करिण वसिकिज्जइ वेयालो वि ॥

[४२१]

न उण तिहुयण पयड-माहप्पु

पसरंतु समुल्लसिय- मउ कयंत-केसरि तरिज्जइ ।  
 उवसाहिउ मुर-अमुर- नरवरेहि वि हु जइ मिलिज्जइ ॥  
 ता मुमरसु रे जीव तुहुं मणिण पंच-नवकारु ।  
 मित्त-अमित्तेसु य कुणसु सरिस-भावु जय-सारु ॥

[४२२]

अवि य अंतर-सत्तु-निदलणु

पणमंत-तिहुयण-सरणु चरण-धरणिवइ-सेन्न-मंडणु ।  
 संसारिय-दुह-दलणु महि-ललंत-कुनय-मय-खंडणु ॥  
 तियसासुर-नर नय-चलणु विहुरिय-विहिय-त्ताणु ।  
 अरिहंतहं निउरंउ मह लहु वियरउ कल्लाणु ॥

[४२३]

सुइर-संचिय-कम्म-हुयवाह-

उवसामण-नीर-धरु भुवण-भवण-सिहरि-प्पइठिउ ।  
 निट्ठाविय-असुह-मल्लु सामयम्मि ठाणम्मि संठिउ ॥  
 सुद्ध-ज्झाण-हुयासणिण जालिय-भव-कंतारु ।  
 सिव-वहु-वल्लहु सिद्ध-मणु निहणउ मह संसारु ॥

[४२४]

चरिय-दस-विह-समण-आयारु

गंभीरु उवएस-यरु बुद्धिमत्तु जिण-मय-वियवखणु ।  
 सिउ सोमु समुल्लसिय- दित्ति-कित्ति सु-पसत्थ-लवखणु ॥  
 विहि पडिवन्नु चरित्त-निहि देस-काल-भाव-ण्णु ।  
 भवि भवि मह आयरिय-निउरंउ हवेज्ज सरण्णु ॥

[४२५]

समय-जलनिहि-पार-संपत्तु

उवसंतु तेयम्भहिउ कित्तिमंतु मुणि-किरिय-रत्तउ ।  
 गीयत्थुवएस-रुइ विजिय-परिसु निरु स-गुरु-भत्तउ ॥  
 थिर-परिवाडि-विणीय-वहु- सीस-पडिच्छिय-आणु ।  
 मज्झ उवज्झायहं नियरु हवउ सरण्ण-पहाणु ॥

[४२६]

समिह-समियहं गुत्ति-गुत्ताहं

उज्जुत्तह तव-चरणि संजमम्मि उवउत्त-चित्तहं ।  
 पंचासव-विरइयहं छसु जयाहं पसरंत-सत्तहं ॥  
 हउं निग्गंथहं मुणिवरहं पय-पउमइं पणमेमि ।  
 जह पुणरवि भव-भावियइं विविह-दुहइं न लहेमि ॥

[४२७]

इय विचित्तिरु सुद्ध-परिणामु

मरिऊण सु राय-रिसि तियस-भवणि पंचमि पहुत्तउ ।  
 पउमो वि हु मुणि-हणण- जणिय-पाव-भरु दुट्ठ-चित्तउ ॥  
 परियडमाणुज्जाण-वणि कसिणाहिण संदट्ठु ।  
 सत्तम-नरय-महिहिं मरिवि निय-दुक्कएण पविदट्ठु ॥

[४२८]

तयणु अवहिण मुणिय-निय-पुव्व-

भव-वइयरु सुर-नियर- विहिय-विविह-पडिवत्ति-वित्थरु ।  
 निय-परियण-परियरिउ सरिवि पुव्व-भव-नेह-वइयरु ॥  
 वीर-सिरोमणि चित्तगइ तुह पुरओ म्हि पहुत्तु ।  
 सो हउं तियसु सुमित्तु इय कहिउ तुह स-वुत्तंतु ॥

[४२९]

इय भणंतु वि करिवि पुण्विल्लु

सु सुमित्त-नराहिवइ- रूवु पडिवि चित्तगइ-चलणिहिं ।  
 साणंदु समुल्लवइ तियसु असम-कय-विणय-वयणिहिं ॥  
 जइ तइयहं हउं नर-रयण तइ रक्खिउ न हवेज्ज ।  
 ता कह मह चारित्तु तह सुर-सिरि संपज्जेज्ज ॥

[४३०]

ता पयंपइ चित्तगइ-कुमरु

सुर-रयण नणु को णु हउं जीवियव्व-रक्खण-विहाणिण ।  
 तुह तइयहं सुकय-कय- सज्ज-तणुहु किं पुण पयत्तिण ॥  
 मह संजायउ तुहुं जि पर- हेउ धम्म-लद्धीए ।  
 तइयहं गुरु-मेलावगह करणिण सुह-वुद्धीए ॥

[४३१]

तह कयत्थउ हउं जि संजाउ

जं अवसरि एरिसइ पत्तु अज्ज तुहुं तियस-सुंदर  
 सुर-दंसणु महिहिं कय- जत्त अवि हु न लहंति जमियर ॥  
 इय पडिवत्ति-पुरस्सरिहिं वयणिहिं दु-वि चिट्ठंत ।  
 पेच्छहिं तत्थ-द्विय-खयर- कुमर वि हरिसिज्जंत ॥

[४३२]

इय कुमारह सुणिवि वुत्तंतु

अवल्लोइवि ख्व-सिरि गरुय-हरिस-रोमंच-अंचिय ।  
 सा ससि-सुहि रयणवइ पुव्व-जम्म-कय-सुकय-संचिय ॥  
 संपाविय-रज्ज-स्सिरिव परमामय-सित्ति व्व ।  
 हुय असमाण-सरीर-पह पुणिम-ससि-सुत्ति व्व ॥

[४३३]

अहह कटकट पत्त-संजोगु

वपु निउणउ को-वि विहि मिहुणयस्स निउंछणउं किज्जइ  
 इय भणिरइ खयर-नर- नारि-नियरि कुमरस्सु दिज्जइ ॥  
 सा तणुयंगी रयणवइ तयणु गरुय-रिद्धीए ।  
 काराविउ वीवाहु खयरिदिण दिण-सुद्धीए ॥

[४३४]

अह अणंगस्सीह-खयरिदि

संतुट्टइ विस्मियइ खयर-कुमर-नियरस्मि तवखणि ।  
 शुव्वंतइ मग्गणिहिं सूरतेय-नंदणि स-लक्खणि ॥  
 ओसप्पिर-गुरु-हरिस-वस- वियसिय-मुह-कंदुट्ठि ।  
 परिकीलंतइ खयर-जणि वद्धावणइ पयट्ठि ॥

[४३५]

पत्त-अवसरु तियसु सु सुमित्तु

पडिवत्ति बहु-विह करिवि सूरतेय-तणइण विसज्जिउ ।  
 निय-पुण्णिहिं अप्पण वि कित्ति-पसरु असरिसु समज्जिउ ॥  
 खयर-कुमारहं सयलहं वि मज्झि कयासम-लीहु ।  
 अणुजाणाविवि कह-वि खयरिंदु अणंगस्सीहु ॥

[४३६]

पत्तु निय-पुरि चित्तगइ-कुमरु

आणंदिय-सयण-मणु सहिउ रयणवइ-तरुणि-रयणिण ।  
 अह सलहिउ सुणिय-हुय- वइयरेण निय-जणणि-जणइण ॥  
 तह निय-लोयण-निज्जिणिय- तसिय-बाल-हरिणीहिं ।  
 परिणाविउ सह बहु-विहिहि विज्जाहर-तरुणीहिं ॥

[४३७]

अह ललंतउ रयणवइ-पमुह-

निय-वडयहिं सह मुइरु देंतु दाणु मग्गणहं स-हरिसु ।  
 कुव्वंतउ जिणवरहं तह गुरुण सम्माणु असरिसु ॥  
 संभासंतउ मुट्ठि-सयण निय-गुण वित्थारंतु ।  
 तियसु व चिट्ठइ चित्तगइ गउ वि कालु अ-मुणंतु ॥

[४३८]

काल-जोगिण पुण अइक्कंति

निरु पाउस-काउरिसि      वहल-सलिल-पिच्छलिय-महियलि ।  
 अवइण्णउ सरय-रिउ      जत्थ गलिय जलयालि नह-यलि ॥  
 हंस-नियंसण तुच्छ-रस      वियड-पुलिण-सोणीउ ।  
 नं सरि-तरुणिउ जलय-पिय-      विरहिहुयाउ किसीउ ॥

[४३९]

जहिं य वियसिय-कुमुय सरवरहं

तह फुरिय-तार-यनहहं      दित्त-राय-मंडल-महग्घहं ।  
 पप्फुल्लिय-कास-वण-      महिहि तह य हिम-सिहरि-सिहरहं ॥  
 निरुवम-मित्त-पयाव-भर-      दुगुणीकय-तेयस्सु ।  
 रयणिहिं दिणि व न जय-जणिण धुवु लक्खियइ विसेसु ॥

[४४०]

जणिय-तिहुयण-हरिसि सरयम्मि

तहिं एरिसि निय-सुहिहि      सहिउ धवलहर-उवरि संठिउ ।  
 संतेउरु चित्तगइ      पुव्व-पुरिस-कह-सवणुकंठिउ ॥  
 पुणिम-रयणि-समागमणि      कुमुइणि-पिय-उदयम्मि ।  
 साहीण-प्पिययमि तरुणि-      नियरि तुट्ट-हिययम्मि ॥

[४४१]

भणिउ पणमिवि सुमइ-नामेण

एगेण वंदिण — अहह      नाह गरुय अच्छरिय-कारणु ।  
 साहेतउ धम्म-कह      अज्ज निसुउ मइं समणु चारणु ॥  
 तत्थ य उत्तिम-पुरिस-कह-      अवसरि सुह-जणयस्सु ।  
 आयणिय अ-समाण कह      एगह नर-रयणस्सु ॥

[४४२]

तयणु वियसिय-वयण-रयणिंदु

पप्फुल्ल-लोयण-कमल चित्तगइ वि साणंदु जंपइ ।  
 सा चारण-मुणि-कहिय कहसु कहसु कह मह वि संपइ ॥  
 जं सोयव्व-निसामणिण सवण पसंसिज्जंति ।  
 दट्ठव्वहं दंसणिण फुडु नयण वि सहलीहुंति ॥

[४४३]

अह जिणिंदह करिवि नवकारु

पणमेप्पिणु गुरु-पयहं भणइ सुमइ जह — नाह निसुणसु ।  
 स-परियणु वि मह पसिय होउ किंचि समवहिय-माणसु ॥  
 जेण कहाणउं कहउं हउं आणंदिय-भुवणस्सु ।  
 सणतुकुमारह धरणियल- तिलयह नर-रयणस्सु ॥

[४४४]

तहा हि—

मलय-गिरि-वण-केस-पासाए

उत्तुंग-सुर-गिरि-सिहर- उत्तिमंग-संपत्त-कित्तिहि ।  
 ससि-दिणयर-लोयणिहि तार-सेणि-सिय-दंत-पंतिहि ॥  
 हिमगिरि-विंझ-गिरिंद-थिर- थोर-त्थण-जुयलाए ।  
 कालिंदी-सरि-सलिल-भर- रोमावलि-कलियाए ॥

[४४५]

सुर-तरंगिणि-पुलिण-जहणाए

रयणायर-अंवरहि पुहइ-वहुहु संजणिय-मंडणि ।  
 निय-मंदर-गिरि-फुरिय- सेस-दीव-माहप्प-खंडणि ॥  
 नग-नगरागर-ग्राम-सरि- विसय-सहस्स-समिद्धि ।  
 जंतु दीवि महंति तर्हि भरह-विखत्ति पसिद्धि ॥

[४४६]

जत्थ रयणिहिं रयणि-रमणुदइ  
 ससिकंत-रयणुल्लसिय- सलिल-पूर-संपुण-लोयण ।  
 परिवियलिय-चित्त-भर सुणिय-अत्थ-जय-पिय-विरोयण ॥  
 नं निवभर-दुह-पसर-परिपूरिय-गल-सरणीउ ।  
 रोयहिं रवि-विरहम्मि घर-चित्त-भित्ति-तरुणीउ ॥

[४४७]

जत्थ गिरिवर-तुंग-करिराय-  
 गंड-त्थल-परिगलिर- दान-वारि-परिसित्त-धरणिहिं ।  
 अवसारिय-खर-किरण निवइ-निवह-सिय-छत्त-रयणिहि ॥  
 हियइच्छिय-वियरण-चउर- निव-कय-तोस-विसेसु ।  
 न सरइ गिम्हि वि पाउसह कहमवि लौगु असेसु ॥

[४४८]

स-गुणु उवचिय-कोट्टलंकार

सुनिवेसाणंदयर असम-वंस-रयणायरुभवु ।  
 सु-पवित्तु सु-वाणियउ सुयण-हियय-गउ गय-उवदवु ॥  
 मुत्ता-रयणु व विप्फुरिय- अमरावइ-सुंदेरु ।  
 इह अहेसि गयपुरु नयरु अरिहिं अखंडिय-मेरु ॥

[४४९]

तत्थ सूरु वि समिय-संतावु

वहु-दाणु वि मय-रहिउ गय-पिओ वि स-कलत्त-मणहरु ।  
 दोसायर-खंडणु वि निच्चु कुमुय-वण-तोस-सुंदरु ॥  
 धम्ममई वि परत्थ-रुइ अ-जल-निही वि समुदु ।  
 वहु-माणो वि अ-माणु पिय- सिव-संगो वि अ-रुदु ॥

४४६ ५ सुणिययत्थ ७. क सरणीओ. ९ क तरुणीओ

४४८, ६ परिप्फुरिय



[४५०]

तुंगु पणमिरु विउसु सुकुलीणु  
 सु-समत्थउ खंति-यरु सीलवंतु सोहग-मंदिरु ।  
 अहिगम्मउ दुद्धरिसु धण-समिद्धु दाणंउ-संदिरु ॥  
 जय-जण-नयण-सुहावणउ गरुय-तेय-पञ्जारु ।  
 आससेण-अभिहाणु निवु आसि वसुंधर-सारु ॥

[४५१]

तस्सु निरुवम-रुव-लायण-  
 गुण-रयण रोहण-वसुह कुंद-कलिय-सम-दंत-पंतिय ।  
 कुवलय-दल-नयण-जुय व्रयण-विजिय-तामरस-कंतिय ॥  
 कलहंसिय-सारस-तरुणि-परहुय-महुरालाव ।  
 सारय-रयणीयर-सरिस-पसरिय-कित्ति-कलाव ॥

[४५२]

हरह गोरिव सिरि व मुर-रिउहु  
 तारा इव ससरह उव्वसि व्व तियसाहिरायह ।  
 दोवड इव पंडवहं तह रइ व्व सिरि-दइय-जायह ॥  
 सीया इव दसरह-सुयह गुरु-गुण-रयण-समिद्ध ।  
 आसि हियय-पिय पिय-पवर सहदेवि त्ति पसिद्ध ॥

[४५३]

तेसि धम्मि अविहिय-वाहाए  
 भुंजंतहं विसय-सुहु असम-राय-अणुरत्त-चित्तहं ।  
 उवगच्छइ कालु कु-वि पुव्व-भविय-सुकयह पवित्तहं ॥  
 अन्नम्मि उ अवसरि निसिहिं सुह-सयणम्मि पसुत्त ।  
 सिविणंतरि सहएवि जय- जतु-सुहय गुण-जुत्त ॥

[४५४]

कुंभि-केसरि-वसह-अहिसेय-

ससि-दिणयर-झय-कलस- दाम-पउमसर-जलहि-सुरघरं ।  
 रयणुच्चय-जलण मुहि पविसमाण पेच्छेइ मणहर ॥  
 तयणंतरु संभंत-मुह उट्टेविणु सहस त्ति ।  
 साहइ सिविणइं विणय-कय- कर-संपुड निवहं ति ॥

[४५५]

तयण पुणिम-सरय-रयणियर-

उदयम्मि रयणायरु व जलय-माल-दंसणि सिंहंडि व ।  
 कमलायरु दिणयरि व रायहंस-कुलु कमल-संडि व ॥  
 सहयारु व्व वसंत-महि पत्तइ दुगुणिय-सोहु ।  
 कह वि न माइ न ठाइ निवु सिविणिहिं कय-सिरि-वोहु ॥

[४५६]

तो पयंपइ पुहइ-हरिणंकु

आणंद-गगगर-गिरहि पुरउ नियय-सहदेवि-दइयह ।  
 जह - होहिइ देवि तुह तणय-रयणु सुह-जणणु ति-जयह ॥  
 तियसासुर-नर-नमिय-पय- पउमु जिणाहिवइ व्व ।  
 नव-निहि-चउदह-वर-रयण- सामिउ चक्कवइ व्व ॥

[४५७]

अह सुहा-रस-कुंड-वुड्ड व्व

उवलद्ध-चिंतामणि व पत्त-चक्कवइ-रज्ज-रिद्धि व ।  
 गिह-उगाय-सुरतरु व अइर-जाय-वर-मंत-सिद्धि व ॥  
 हरिस-वियासिय-मुह-कमल सिर-विरइय-कर-कोस ।  
 हवउ एहु इय पुणु वि पुणु देवि वि भणइ स-तोस ॥

[४५८]

इय परोप्परु दो वि साणंदु

सद्धम्म-धम्मिय-कहहिं रयणि-सेसु सयलु वि गमावहिं ।  
 अह जायइ अरुणुइइ वंदि-विंद निव-भवणि आवहिं ॥  
 मंगल-तूर रवंतरिण उद्धीकय-करताल ।  
 जंपंति य गहिर-ज्झुणिण एरिसु हरिस-विसाल ॥

[४५९]

उदय गिरिवर-सविह पत्तो वि

नयणाणमगोयरु वि अकय-तिव्व-स-पयाव-पसरु वि ।  
 गव्भागय-सुपुरिसु व अणवइण्ण-गुण-रयण-नियरु वि ॥  
 जगि पडिवक्खिय-पह हरइ पयडइ कमलाणंदु ।  
 तोसइ सव्वकइ जणइ सुयण-हरिस नीसंदु ॥

[४६०]

तयणु देविहि सिविण-अणुरुवु

नणु वंदिण भणिय इय गरुय-हरिसु चित्तिंतु नरवइ ।  
 स-निउत्तय-नरिहिं वहु- तुट्ठि-दाणु वंदिहि दवावइ ॥  
 अह सयणिज्जह उट्ठिउण निम्मावइ सव्वाइ ।  
 हरिस-वियासिय-मुहु निवइ गोसिय-कायव्वाइ ॥

[४६१]

तयणु सुंदरु करिवि सिंगारु

आणंद-समुल्लसिय- रोम-राइ-रेहंत-विग्गहु ।  
 कुरु-वंस-मंडण-रयणु सहल-विहिय-निय-दार-स संगहु ॥  
 सिविण-वियाणय नर नियय-पुरिसिहि सद्दावेइ ।  
 अह लहु सविहागयहं तहं आसणु वियरावेइ ॥

[४६२]

अह करेविणु विविह-पडिवत्ति

निवु सिविण-विसारयहं कहइ देवि-दिट्ठाइं सिविणइं ।  
 इयरे वि विणिच्छिउण नियय-सिविण-सत्थत्थु पभणइं ॥  
 वाहत्तरि कहियाइं इह सिविणइं सामन्नेण ।  
 तत्थ य तीस महा-सिमिण पवरइं भणिय जणेण ॥

[४६३]

तह वि चउदह सिविण सु-पसत्थ

जिणनायग-चक्कवइ- जम्म-हेउ जायंति धन्नहं ।  
 नर-नायग-भारियहं भावि-मुगइ-सुक्खहं सउण्णहं ॥  
 तेसि वि मज्झह सत्त चउ सिविणइं हरि-मुसलीण ।  
 जम्मु कहहिं निव-भारियहं मुह-कमलम्मि निलीण ॥

[४६४]

सेस नरवइ-सचिव-सामंत-

सत्थाह-सेट्ठि-प्पमुह पुरिस-रयण-जणणिउ विउज्झहिं ।  
 एक्केक्कु सिविणउं णियंवि पुव्व-उत्त-सिविणाण मज्झहिं ॥  
 ता सामिय भुवणब्भिहिउ नंदणु को-वि विसिट्ठु ।  
 होसइ सिविण-समूहु एहु ज तुह देविहिं दिट्ठु ॥

[४६५]

अह नराहिवु सम्मु एयं ति

तं सिविण-विसारयहं सयलु वयणु अब्भुवगमेविणु ।  
 पडिवत्ति अणेग-विह अह निउत्त-पुरिसिहिं करेविणु ॥  
 निय-निय-ठाणि अणुणवइ सिविण-विउस नीसेस ।  
 विउसुवइट्ठ पियह कहइ सिविणहं कह स-विसेस ॥

[४६६]

अह नराहिव-वयणु निसुणेवि

संतोसामय-वरिस- सित्त-गत्त-लइय व्व असरिसु ।  
 उवदंसिर-पुलय-मरु भणइ साणुणउ देवि स-हरिसु ॥  
 हवउ हवउ मह देव-गुरु- चलण-पसाइण एहु ।  
 जह जायहुं इह-पर-भवि वि हउं वि सयल सुह-गेहु ॥

[४६७]

तयणु नंदण-वयण-रयणिंद-

उवदंसण-सुह-तिसिय देवि देइ देवयहं विविहहं ।  
 उवयाइय-सय-सहस कुणइ पूय जिण-पाय-पउमहं ॥  
 आराहइ गुरुयण-चलण ओसह-सयइं पिणइ ।  
 निय-गव्वभह निव्विग्य-कए बहु-रक्खाउ करेइ ॥

[४६८]

तयणु स-हरिसु धरणि-हरिणंक-

संपूरिय-दोहलय गमइ कमिण पडिपुन्न-वासर ।  
 अह सयल-गुणव्वमहिइं दियहिं पत्त-गय-दोस-अवसर ॥  
 पसवइ देवि समग्ग-गुण- लक्खण-रयण-निहाणु ।  
 भुवणाणंदणु सुय-रयणु पयडिय-विहि-विण्णाणु ॥

[४६९]

अह पढंतिहिं भट्ट-चट्टेहि

गायंतिहिं गायणिहिं दिज्जमाणि दाणम्मि वंदिहिं ।  
 किज्जंतिहिं मंगलिहिं वज्जिरेहिं बहु-तूर-विंदिहि ॥  
 सधराधर-धरणियल-जण- परम-सुहाण निहाणु ।  
 दिण्णु नरिंदिण नदणह सणत्तुकुमारभिहाणु ॥

[४७०]

तयणु पमुइउ निवइ हिययम्मि  
 आणंदिय देवि मणि गरुय-हरिस हुय महिहिं सज्जण ।  
 परितोसिय वंदि-यण तुट्ट विवुह निरु डरिय दुज्जण ॥  
 अहव समग्गु वि धरणियलु भाविय-गुरु-उदएण ।  
 असरिसु हरिसु समुव्वहइ कुमर-नाम-सवणेण ॥

[४७१]

सिहरि-कंदरि हरि-किसोरु व्व  
 अप्पडिहय-पय-पसरु पत्त-कित्ति अणुक्कमिण कुमरु वि ।  
 आणंदिय-सुहि-सयणु हणिय-पिसुण-मणु अट्ट-वरिसु वि ॥  
 परिओसइ वीरहं हियय विहसइ सुहड-कहासु ।  
 निसुणइ पुरिसुत्तिम-चरिय निवसइ विउस-सहासु ॥

[४७२]

अह नरिंदिण गरुय-रिद्धीए  
 साणंदु सु कुमर-वरु सुप्पसत्थ-वासर-मुहुत्तिण ।  
 उवझायह सविहि परिमुक्कु तयणु सुपसन्न-चित्तिण ॥  
 पाविउ थोवेहिं वि दिणिहिं असरिस-गुण-निलएण ।  
 पारि समग्ग-कलोयहिहि कुमरु कलायरिएण ॥

[४७३]

तयणु पुण्णिम-रयणि-रमणु व्व  
 निय-जुण्हा-भर-भरिय- भुवण-विवरु निम्मल-कलालउ ।  
 गंभीरिम-रयणनिहि धिरिम-धरणि तुंगिम-विसालउ ॥  
 सेविज्जंतउ सज्जणिहिं सलहिज्जंतु बुहेहि ।  
 हुयउ जयस्सु समग्गह वि पयडउ नियय-गुणेहिं ॥

[४७४]

तस्सु पुण सह-काल संजाउ

सह-पंसुक्कीलियउ सह-गद्दीय-गुण-रयण-मंडणु ।  
 सह-संचिय-कित्ति-भरु समग-विहिय-पडिवक्ख-खंडणु ॥  
 सम-सुह-दुहु सम-रुव-सिरि सम-जोव्वणु सम-सीलु ।  
 सम-सुहि-सज्जण-विहिय-सुहु सम-परिसीलिय-लीलु ॥

[४७५]

मूल-नरवइ-पय-समुद्धरण

कालिंदिय-देविहि तणउ जणिय-सुयण-आणंद-सुंदरु ।  
 सिंसु-भावि वि बुइढ-समु पुव्व-पुरिस-आयरिण-मणहरु ॥  
 वाल-वयंसु अहेसि पर- कामिणि-रमण-निरीहु ।  
 अवितह-रुविण नामिण वि पयडु महिंदस्सीहु ॥

[४७६]

तयणु विलसिर-वहल-लायण

संपुण्ण-जोव्वण-भरिण फुरिय गरुय-पडिवक्ख-खंडण ।  
 संतोसिय-सुहि-सयण दढ-पइण दुज्जण-विहंडण ॥  
 पोढ-नियंविणि-माण-गुरु- तरुवर-दलण-कुढार ।  
 विलसहिं महिहिं महा-महिण दु-वि ति नरिंद-कुमार ॥

[४७७]

तहं ललंतहं काल-जोगेणं

संपत्तु वसंत-महु जहिं स-तोसु सहयार-साहिहिं ।  
 निरु-विहुरिय-विरहिएहिं मंजरीउ अवयंसिकिज्जहिं ॥  
 मलयानिल-संगमि भमर- पसरिय-गुरु-अकार ।  
 देसंतर-गमणुम्मणहं पहियहं कुणहिं निवार ॥

४७५ १. सू. ४ क सिंसु. ५ आयरण ७. क कामिणिहिं निरीहु marginally corrected as कामिणिरमणहिं निरीहु ४७७ ३ क सहयार. ७ क पसरि.

[४७८]

मयण-नरवइ-रज्ज-अभिसेउ

साहंति व तिहुयणहं महुर-रविहिं तरु-सिहर-संठिय ।  
 कलयंठिय चुय-तरुहं मंजरीण कवलणि पढट्टिय ॥  
 सिसिरु हयासु सु उहु गयउ कवल्लिउ महु-दियहेहिं ।  
 इय कुमुइणि-तरुणिउ हसहिं वियसिय-कुमुय-मुहेहिं ॥

[४७९]

वउल-तरुवर-नियर घुम्मंति

वहु-पीय-सीयासव व अंव तंव-पह पुणु विरायहिं ।  
 मज्झम्मि अ-माइयउ वहि फुरंतु नं राउ दावहिं ॥  
 मिउ-पवणाहय-उल्लसिय- किसलय-करहिणएण ।  
 लासु पयासहिं तरु-लइय भमरारव-गीएण ॥

[४८०]

जणहिं भुवणह दियय-संतोसु

सु-सिणिद्ध पत्तल सरस भुयग-संग-संपत्त-कित्तिय ।  
 गोसीस-सिरिखंड-तरु लइय वार-विलय व विचित्तिय ॥  
 इय एरिसइ वसंत-महि पसरिय-वणराडम्मि ।  
 हरिसु जणंतइ महियलह आससेण-निवडम्मि ॥

[४८१]

रउय-असरिस-अंग-सिंगार

निय-सार-परियण-सहिय विट्ठिय-सयल-गुहि-सयण-मुह ।  
 दु-वि स-हरिस कुमर-वर चलिय नयर-उज्जाण-संमुह ॥  
 खण-मित्तेण य मण-पवण- रडहिं तुरय-रयणेहिं ।  
 पत्त स-नयरुज्जाण-वणि पढिरिहिं वंदि-यणेहिं ॥

४७८ ३. क रविहि ६ क ओहु. ७ क दियधेहि

४७९ ३. क पह ७ क हिएण ४८०. ५. क न वि



[४८२]

तयणु चंपय-चारु-सहयार-

नालियरि-असोय-सिरिखंड-पमुह-विडविहिं विचित्तह ।

पेक्खंत वसंत-सिरि वित्थरंत-फल-कुसुम-पत्तहं ॥

एत्थंतारि वियसिय-वयणु पहु-आएस-समीहु ।

सणतुकुमारिण स-हरसिण भणिउ महिंदस्सीहु ॥

[४८३]

मलय-मारुय-पसर-घरिसणिण

नीलुप्पल-पत्तु जिह फुरइ मज्झ जं नयणु दाहिणु ।

तं मन्नउं मण-पियह जणह कसु वि दंसणह साहिणु ॥

ता अणुमन्निउ निय-सुहिण मयणाययण-दुवारि ।

सणतुकुमारु पहुत्तु कय- बहु-मंगल-आयारि ॥

[४८४]

एत्थ-अंतरि विहिय-सिंगार

बहु-सहि-यण-परियरिय फुरिय-कंति-सव्वंग-सुंदर ।

चुंटंती मालइहि कुसुम ललिय-खोहिय-पुरदर ॥

दंसण-मित्तुत्तावियहं तरुणहं हरिय-विवेग ।

आससेण-नरवइ-सुइण दिट्ठ नियंविणि एग ॥

[४८५]

अह तुमं चिय जाइ जाया सि

संजुत्त-कुसुम-स्सिरिहिं मज्झि लयहं एयहं पहाणहं ।

संजायउ जीए एहु पाणि-फरिसु फलु तरुणि-रयणह ॥

इय चिंतंतह अवहियह अणिमिस-नयण-जुयस्सु ।

इयरीए वि रायव्वहिय खिविय दिट्ठि कुमरस्सु ॥

४८१. ७. तुरय-रयणेहिं missing ९. क पडिरिहि

४८४. ६ क नाम added marginally and not clearly legible,

ख. missing

[४८६]

तयणु पभणिउ पुरउ स-सहीण

नणु एस नवल्लु कु-वि अह भणेइ क-वि ईसि विहसिउ ।  
 धुवु न हवइ वल्लु एहु महिहि तिलउ मइ तुह पयासिउ ॥  
 इयर पयंपइ — हलि सदिउ मह वयणु वि निसुणेह ।  
 एस असोगु जु पिय-सहिहि सच्चविओ ति मुणेह ॥

[४८७]

अवर पुणु परिमुणिय-सहि-हियय

भणियव्व-वियक्खणिय भणइ — तुब्भि किंचि वि न-याणहं ।  
 जं अम्हहं पिय-सहिहि भत्ति-भरिण पयडिज्जमाणहं ॥  
 पूया-विहिहि पडिच्छ-कए पुलयचिय-सव्वंगु ।  
 सक्खं चिय पयडीहुयउ चिट्ठइ एहु अणंगु ॥

[४८८]

इय खणद्धिण सयण-वणसार-

कत्थूरिय-अगुरु-सिरिखंड पंक-फल-कुसुम-दामिहि ।  
 निय-हत्थिहि पूय-विहि विसम-सरह परिमलहिरामिहि ॥  
 पिय-सहि किज्जउ भत्ति-भरु जेण मयणु भयवंतु ।  
 हियइच्छिय-वर-वियरणिण तुरिउ हवइ फलवंतु ॥

[४८९]

सयलु अ-वितहु एहु इय मुणिर

वियसंत-वयणंवुरुह मयण-पूय-सामग्गि वेप्पिणु ।  
 सा वालिय गंतु तहि कमल-माल निय-करि धरिप्पिणु ॥  
 गल-कंदलि आरोविउण विम्बिय-मण-पसरस्सु ।  
 हरि-चंदणिण विलिपिउण वच्छ-त्थलु कुमरस्सु ॥

४८६ ३ क विहसिउ

४८८ ३ दामिहि ४८९ ५. निय करिप्पिणु

[४९०]

नमिवि भत्तिण चलण-तामरस-

करं-संपुडु सिरि धरिवि      भणइ — मयण पणइ-यण-वच्छल ।  
 जह पयडिउ अप्पु पइं      करिवि मज्झवरि करुण निम्मल ॥  
 तह पसियसु हियइच्छियह      वरह पयाणिण अज्जु ।  
 जमिह महंतिहि संगहिउ      हवइ असज्जु वि कज्जु ॥

[४९१]

एत्थ-अंतरि पुब्बि कि न आसि

अह होंतु न सच्चविउ      सच्चविउ वि कि न चित्ति चडियउ ।  
 मण-चडिओ वि वलियरह      कसु वि वसिण कि मणह निवडियउ ॥  
 तियसासुर-नर-नहयरहं      हरिस-विहाणि पगव्भु ।  
 अन्नु न विहिण वि एरिसउ      विहिउ चारु संदव्भु ॥

अवि य—

[४९२]

जेण सिरि-वइ रइउ गोविंदु

पंचाउहु रइहि पिउ      उव्वसीए सामिउ सुरेसरु ।  
 सीयह पइ रामएवु      पाण-नाहु तारयह ससरु ॥  
 सो थी-रयणह एरिसह      करणज्जय-हिययस्सु ।  
 नीसेसु वि अब्भास-कए      मन्ने विहिहि अवस्सु ॥

[४९३]

इय चिचिंतिरु हरिस-वियसंत-

रोमंच-अंचिउ कुमरु      भणिउ ईसि विहसिवि महिदिण ।  
 नणु सामिय विसम-सर      विजिय-तिजय गिय-कित्ति-वंदिण ॥  
 हियइच्छिय-वर-अभिमुहउ      किं न हवसि एईए ।  
 सिंधुर-गमणिहि ससि-मुद्धिहि      परहुय-सम-वयणीए ॥

[४९४]

अह कुमारह वाढ-संजमिय-

मण-वाया-कायह वि तरुणि-रयण-कय-पाणि-फरिसिण ।  
 निय-मित्तह वयणिण वि वहल-पुलय-संजणिय-हरिसिण ॥  
 फुरिय-अहरु वियसिय-वयणु पयडिय-नयण-वियासु ।  
 दसण-किरण-धवलिय-भुवणु लडहु पयट्टउ हासु ॥

[४९५]

तयणु कुमरि वि नणु किमेयं ति

चित्तंत गुरु-सज्झसिण कंप्माण-कर-अहर-चरणिय ।  
 जा चिट्ठइ कंचि खणु दुगुण-सोढ-विलसंत-वयणिय ॥  
 ता उद्धीकय-करयलिण वंदिण अवसर-पत्तु ।  
 पढिउ कुमारह पुरउ — पहु निसुणउ अविचल-चित्तु ॥

[४९६]\*

कोल संपइ सरहिं पल्ललहं

संतावु निरसहिं करिहिं जूह नियय-कर-सीयरोहिहिं ।  
 रोमंथ-मंथर-मुहिहिं आलवालि ठिउ हरिण-जूहिहिं ॥  
 तावुवसम-कइ पिय-वयण- चंदणु सरसु भुयंग ।  
 दु-वि सेवहिं तह पहिय तरु- छाय लिति तवियंग ॥

[४९७]

अह मुणेविणु मत्थयारुद्ध

दिणइंदु सही-यणिण सहिय कुमरि निय-देह-मेत्तिण ।  
 कहकहमवि निय-घरह समुहु चलिय सुन्नेण चित्तिण ॥  
 कुमरु वि कर-उत्तिण-चिर- पाविय-रज्ज-सिरि व्व ।  
 ठिउ निच्चल-मण-तणु-वयणु खणु तत्थ वि सिद्धरि व्व ॥

[४९८]

अह महिंदस्सीह-वयणेण

तणु-मेत्तिण काणणह कुमरु कह-वि निय-भवणि पत्तउ ।  
 नीसेमु वि भुवणयल- वत्थु-सत्थु तिण-समु मुणंतउ ॥  
 कहमवि विहिय-सरीर-ठिइ वारिय-इयर-पवेसु ।  
 चिट्ठइ निरु सुमरंतु तसु तरुणिहि लल्लिउ असेसु ॥

अवि य—

[४९९]

स ज्जि चंचल-कमल-दल-नयणि

सा सिंधुर-सम-गमणि स ज्जि महुर-कलहंस-भासिणि ।  
 सा पुण्ण-ससहर-वयणि स ज्जि असम-विग्गम-पयासिणि ॥  
 सुमरिवि सुमरिवि विसमसर-आउरु खणु एगेणु ॥  
 तसु मणु मुज्झइ विम्हियइ तूसइ विगय-विवेणु ॥

[५००]\*

तयणु निसुणिय-कुमर-वुत्तंतु

चत्तेयर-कज्ज-विहि पत्तु तत्थ तम्मिच्चु तक्खणि ।  
 जंपेइ य — पहु पसिय कहसु ठेउ स-सरीर-कारणि ॥  
 अह दीहुणहुस्सास-वस- सोसिय-अहर-दलिल्लु ।  
 कुमरु भणइ — नणु पयइ तुह मह वइयर पुण्विल्लु ॥

[५०१]

इय मयच्छिहि तीए कह-सवण-

उवकंठिउ मज्झ मणु महइ सविह-विहि सवण-जुयलह ।  
 मिच्चणु लोयणहं दट्ठकामु सिरि तीए रुवह ॥  
 अग्गगड धावड तुरिउ तस्संगम-जणियामु ।  
 वारिज्जंतु वि न चिरमइ इहु हियडुलउं हयामु ॥

५००. १. क व ५०१ १ इहु लहुलडे.

\* As the end portion of the palm leaf is lost, lines 500, 1-2, 503 3-5, 504. 7 are partly or wholly missing in क .

[५०२]

अह सु मित्तिण भणिउ — नणु नाह

तहिं चेवुज्जाण-वणि चल्ह कह-वि विहि वसिण जइ पुणु ।  
 सा पत्तिय हवइ निय- रुव-विजिय-जय-तरुणि वर-तणु ॥  
 ता पच्चूसि समुट्ठिण मित्त-मेत्त-परिवारु ।  
 तरुणी-यण-दंसण-तिसिउ गउ उज्जाणि कुमारु ॥

[५०३]

तयणु — मयणह भवणु एहु तं जि

सा चेव एह रयण-धर सु जि असोउ एहु महु सहोयरु ।  
 मलयाणिलु एहु सु जि आसि सविहि ससि-मुहिहि सुंदरु ॥  
 संपइ पुणु तसु वालियह दुसहइ हुयइ विओइ ।  
 पलयाणिलु वि विसेसवइ वंधव जोइ-न जोइ ॥

[५०४]

इय विसप्पिर-दीह-नीसासु

परिविलसिर विरह-दुहु कुरु करुण विलवंतु मित्तिण ।  
 निय-अंग-परिप्फुरण- कहिय-कज्ज-सिद्धिण पसत्तिण ॥  
 भणिउ — विस्ररसि नाह किह तुहुं पागय-पुरिसु व्व ।  
 जसु कज्जिण हउं उज्जमहुं सयल-रयणि-दिवसु व्व ॥

[५०५]

ता पयच्छसु मज्झ आपसु

पायालह महि-यलह नह-यलह व लीलइं गहेविणु ।  
 निय-नायग-गाढ-गुण- गहिय-हियय अगगइ करेविणु ॥  
 सा लहु निय-पहु मण-रयण- तक्करि उवदंसेमि ।  
 अन्नह मज्झि वसुंधरह निय-नामु वि न वहेमि ॥

[५०६]

इय ठवेविणु कुमरु कंदप्प-

भवणाजिरि कह-कह-वि कुमर-दिण-आएसु तस्सुहि ।  
 अन्नेसणि तरुणियह चलिउ जाव ता नियइ ससि-मुहि ॥  
 सहि तीए चित्रय गोरियह विहिय-पुरिस-नेवच्छ ।  
 गच्छंतिय लइयंतरहं समुहु वियासिय-अच्छ ॥

[५०७]

अह महिदस्सीह-कुमरेण

बोल्लाविय सा - सुयणु कहसु मज्झ को एहु वइयरु ।  
 जं दीसइ पइं विहिउ पुरिस-वेसु वयणह अगोयरु ॥  
 तयणु हसेविणु गोरडी भणइ सविहि आगंतु ।  
 निसुणसु सु-पुरिस अवहियउ होउण मह वुत्तंतु ॥

तहा हि—

[५०८]

दियहि पच्छिमि इह वि उज्जाणि

संपत्तिय मज्झ सहि आसि मयण-पूयणह कज्जिण ।  
 ता अहरिय-विसमसर- तियस-इंद-गोविंदु रुविण ॥  
 दिट्ठउ को-वि हु मह सहिहिं मयण-वभवण-दुवारि ।  
 भुवण-सिरोमणि नर-रयणु विहिय-अवहि-सिंगारि ॥

[५०९]

तयणु अवगय-हियय-भावाण

स-सहीण वयणिण मयण- विवभमेण तसु पूय विरइय ।  
 तह स-करिहिं चंदणिण अंगुवंग सयलि वि विलेविय ॥  
 मुद्धहि मज्झ वयंसियहि अह तत्तणु-फरिसेण ।  
 अइ-कोमलिण सु-दुल्लहिण नडिउ अंगु अइरेण ॥

[५१०]

सुयणु संपइ हुयउ अइ-काल

ता गम्मउ — इय सहिहिं भणिय मुद्ध सा देह-मेत्तिण ।  
 कह-कहमवि काणणह नियय-भवणि गय सुन्न-चित्तिण ।  
 ता संपाविय-अवसरिण विसम-सरिण सा बाल ।  
 आलिगिय तह कह वि जह हुय तसु दस विगराल ॥

[५११]

अह तुरंतिहिं सविह-गय-सहिहिं

विरहाणल-पज्जलिर पढम-निसिहिं उदियम्मि ससहरि ।  
 वार्यंतइ मलय-गिरि- पवणि कयइ तामरस-सत्थरि ॥  
 मणिमय-कुट्टिम-तल-उवरि नेउ निवेसिय मुद्ध ।  
 अह दढयरु विरहिण तविय नं पलयाणलि छुद्ध ॥

[५१२]

किं नु विरइउ एउ रवि-करिहिं

किं व उट्ठिउ बाडवह किं व जणिउ कप्पंत-जलणिण ।  
 किं व निम्मिउ तडि-लयहं किं व विहिउ वज्जग्गि-पडणिण ।  
 सहयार-दुम-मंजरिहिं संगिण खलियावेगु ।  
 मळयाणिलु तणु-दाहयरु हुउ महु हरिय-विवेगु ॥

[५१३]

हुयउ मुम्मुर-मउ व तामरस-

दल-संचिउ सत्थरु वि चंद-किरण पुण सर विसेसहिं ।  
 गोसीस-चंदण-रस वि अगि लग्ग हुयवह व सोसहिं ॥  
 इय विलवतिय पुण पुण वि वियलिय-सयल विवेय ।  
 उट्ठिर विहसिर चंकमिर भणिय गोसि मइं एय ॥



[५१४]

किह णु पिय-सहि चइवि धीरत्तु

एम्ब वि तुहुं चिद्धिहिसि किं न कुणसि कैत्तिउ वि उज्जमु ।  
 जह दंसहुं करि धरिवि विसम-वाणु तुह सो जिज निरुवमु ॥  
 अह किं-चि वि तक्कह-सवण- पच्चाणयचेयन्न ।  
 संपत्तिय उज्जाण-वणि सा इह मइं सउं कन्न ॥

[५१५]

ता निरिक्खिवि मयण-आययणु

अवलोइवि सयलु वणु सु जिज मयणु अनियंत वालिय ।  
 सविसेस-समुल्लसिय- विरह-जलिर-हुयवह-करालिय ॥  
 गतु मज्झि कयलिय-हरह निवडिय नीसाहार ।  
 भणइ य कहमवि मह पुरउ खलिरक्खर-पवभार ॥

[५१६]

सहि करेविणु वेसु मयणस्सु

आगच्छसु मह पुरउ जेण ललहुं तेण वि विणोइण ।  
 तह चेव य कयइ मइं मिलिउ तुहुं वि इह विहि-निओइण ॥  
 इय जइ कहमवि सु वि सुहउ एइ एत्थ पत्थावि ।  
 ता अप्पउं सु-कयत्थु हउं मन्नहुं अकयत्था वि ॥

[५१७]

एत्थ-अंतरि मयण-आययणि

अ-लहंतउ रइ कुमरु परिभमंतु तत्थ वि पहुत्तउ ।  
 अह विम्भिय-मण-पसरु सुणिवि ताहं दोणहं पि वत्तउ ॥  
 नणु मह नेवत्थिण वि तुहुं इह वि अच्छु पसयच्छि ।  
 तुह छम्मिण जिण गंतु तर्हि पेच्छउं हउं जि मयच्छि ॥

५१४. ७. क सेयन्न ५१६. २ क सयल

५१७. १ क. आयणिण,

[५१८]

इय भणेविणु ताल-रव-पुव्वु

पहसंतिहि तिहि दुहि वि चारु चारु इय जंपमाणिहि ।  
 वियसंत-वयणंवुरुहु पत्तु सविहि तसु हरिण-नयणिहि ॥  
 इह उत्तम्मिवि गोरडी ठीय अहोमुह जाव ।  
 आर्लिगिवि सिरि चुंविउण भणिय कुमारिण ताव ॥

[५१९]

सुयणु पच्छिम-दियहि कुसुमोह-

हरियंदण-रसिण तइं महिउ अंगु तह सुद्ध-बुद्धिण ।  
 महुरक्खर-रविण मह पुरउ पढिय थुइ भाव-सुद्धिण ॥  
 तिण हउं पीय-सुहा रसु व पत्त-परम-उदउ व्व ।  
 हुयउ हरिस-पुलयंकुरिउ कप्पहुम-पोउ व्व ॥

[५२०]

अज्जु तुहुं पुणु किह णु ससि-वयणि

पसिऊण संभासिण वि कुणसि न मह संमाणु माणिणि ।  
 जं चिट्ठसि वसुमइहि निसिय-नयण कलहंस गामिणि ॥  
 ता दाहिण-भुय-लय सुहय- खंधि निवेसिवि मुद्ध ।  
 जंपइ-हुं हुं मइं मुणिउ तुह नेहु सुहासिय सुद्ध ॥

[५२१]

तुह विओएण सुहय हउं थक्क

विरहाणल-तविय-तणु जीवियंत-संपत्त-दुह-भर ।  
 तुह गोयरि अणयर रमहिं रमणि सय-सहस सुंदर ॥  
 अह भीडिवि वच्छ-त्थलिण वंधिवि भुय-पासेहिं ।  
 भणइ स-सज्जसु कुमरु ससि-मुहि वयणिहिं सरसेहिं ॥

[५२२]

सुयणु बहुहिं वि वाम-नयणाहि

निय-सविहिहिं संठियहिं      आसि विरसु मह अमय-पाणु वि ।  
 अइ-उणहु चंदण-रसु वि      तणुहु दाह-करु मलय-पवणु वि ॥  
 मुम्पुर-अग्गि-विसेसयर      रयणीयर-किरणा वि ।  
 करवालाउ वि तिवखयर      मुत्ताहल-हारा वि ॥

[५२३]

एण्हि पुणु तुहु ति-जय-तिलयाए

तणु-संगम-अमय-रस-      पसर-सित्तु पुव्वुत्तु सयलु वि ।  
 हउं मन्नउं परम-सुह-      हेउ सेस-तरुणियण-वियलु वि ।  
 ता पसयच्चि सिणिद्ध-निय-दिट्ठिण संभावेसु ।  
 मा तिल तुस-तिग्गाणिण वि महुवरि कोवु करेसु ॥

[५२४]

तयणु मह सहि सुहय-नेवत्थ

एस त्ति परिचिंतिरिय      अकय संक निय-अंकि ठाविवि ।  
 जहण-त्थल-थण-वयण-      पाणि-फरिस-सुहु परसु पाविवि ॥  
 सव्वंगालिगणु करिवि      सायर लोयणि वामि ।  
 कुमरिण चुंविय बाल निरु मयणुज्जीवण-धामि ॥

[५२५]

एत्थ-अंतरि जणय-पासाउ

तुरंतउ पवर-नरु      नाइदूर-देसम्मि पत्तउ ।  
 जंपेइ य गुरुहरिस-      रोम-राइ-रेहत-गत्तउ ॥  
 सूर नराहिव-नंदणह      सविहि गहिर-सदेण ।  
 हउं पेसिउ चिट्ठउ पुरउ कुमरह धरणिदेण ॥

[५२६]

चोल-सिहल-निवइ-नय-चलणु

चेदीस-चिंता-रयणु      जिय-कलिग-वंगंग-नायगु ।  
 सिरि-लाड-नराहिवइ-      विहिय-सेवु नय-इट्ट-दायगु ॥  
 भोय-नराहिव-अंगरुहु      कुमरह सेव-पवन्नु ।  
 अत्थि पहुत्तउ धवलहरि      सेस-निवइ-मुह-वन्नु ॥\*

[५२७]

इय सुणेविणु कुमरु नीहरइ

कह कह वि कयलीहरह      जाव ताव सु जि भोय-नंदणु ।  
 संपत्तउ संनिहिहिं      अह नमेवि तसु भुवण-मंडणु ॥  
 निज्जिय-रवि-रह-तुरय-रउ      भुवणक्कमणि सुलोलु ।  
 निरुवम-लक्खणु पयड-अभिहाणु जलहिकलोलु ॥

[५२८]

जो य अंगुल असिइ उस्सेहि

परिणाहिण नवनवइ      आयईए सउ अट्ट-उत्तरु ।  
 वउरं-गुल पुणु सवण      जन्नु-खुरिय उवलद्ध-वित्थरु ॥  
 वत्तीसुसिय-सिर-पवरु      वीसइ-वाहुय-दंडु ।  
 सोलस-अंगुल-जंघ-जुउ      गूढय-पट्टि-वरंडु ॥

[५२९]

मडह-तलिणय-सवणु चउरंसु

वित्थिण्ण-निडालयलु      कुडिल-कट्ठिण-निम्मंस-वयणउ ।  
 थिर-पत्तल-नयणु निरु      फुरुफुरंत-विलसंत-वोणउ ॥  
 सुघडिय-सम-मणिवंधु तणु-      उयरु सु-दीहर-जंघु ।  
 सुललिय-चमकिय-पुलिय-वर-      वगिय-गइ-निज्जिग्घु ॥

[५३०]

वइर-मरगय-पुलय-वेरुलिय-

ससि-सूरकंतक-मणि- इंदनील-पमुहेहि रयणिहिं ।  
 परिविलसिर-आहरण- विहिय-सोह-सवंगु धरणिहिं ॥  
 पसरिय-कित्ति तुरय-रयणु वियरिउ कुंवर-वरस्सु ।  
 अह नणु भुवणु वि अवकमइ एहु निय-गुणिहिं अवस्सु ॥

[५३१]

इय विचितिवि जलहिकल्लोल-

अभिहाणिग पायडइ तुरय-रयणि तहिं आरुहेविणु ।  
 सविहागय-निव-सुयहं बहुहुं पुरउ स-हरिसु भणेविणु ॥  
 नणु धाविरहं तुरंगमहं को जिप्पइ कवणेण ।  
 सह बहु-कुमर-तुरंगमिहिं सुयइ तुरउ वेणेण ॥

[५३२]

ता खणद्धिण जलहिकल्लोल

परिधाविरु विजिय-मण- पत्रण-वेगु बहुयर वसुंधर ।  
 अवकमिउण गयउ अह सेस कुमर पसरंत-दुह-भर ॥  
 उहु आगच्छइ जाइ उहु उहु गउ दूर-पएसि ।  
 उहु सु न दीसइ - इय सुइरु विलवहिं कुमरह रेसि ॥

[५३३]

अह समुब्भुय-नियय-अंगरुह-

पढमेल्लुय-विरह-दुहु सुणिय-पुव्व-उवइह-वइयरु ।  
 चउरंगिण निय-वल्लिण चलिउ सयल-पडिक्ख-दुह-यरु ॥  
 आससेण-वसुहाहिवइ विहलिय-माण-मरदुहु ।  
 गयउ वसुंधर अइ-वहुय मउलिय-मुह-कदुदुहु ॥

५३१ क बहुहु पुरओ

५३२. १ क कल्लोल ६ ७. ८. क ओहु at all the four places.

५३३. १. क समब्भुव

[५३४]

तयणु मोडिय-छत्त-दंढेण

मुसुमूरिय-तरुवरिण दलिय-सयल-गिरि-नियर-सिहरिण ।  
 उप्पाडिय-मंदिरिण खणिय-खोणि-तल-रेणु-पसरिण ॥  
 अंधीकय-जय-लोयणिण पलयाणिल-सरिसेण ।  
 निवइ स-सेन्नु विसंठुलिउ वलवंतिण पवणेण ॥

[५३५]

एत्थ-अंतरि नमिवि सिरि-सूर-

नरनाह-अंगुवमविण भणिउ भावि-असमाण-रिद्धिण ।  
 वद्धाविसु हउं जि धुवु सामिसाल पइं कज्ज-सिद्धिण ॥  
 पसिय नियत्तसु जमिह रवि-किरण च्चिय जिय-लोइ ।  
 तम-भरु पसरंतु वि हरहिं जइ न त नहयलु जोइ ॥

[५३६]

इय विचित्तिहिं वयण-रयणणेहिं

कह-कहमवि विण्णविवि आससेणु नरनाहु वालिवि ।  
 सिरि-सूर-निवंगरुहु चलिउ कुमर-दिसि-मुह निहालिवि ॥  
 कमिण असेसि वि सेस-जणि निय-निय-ठाणि पहुत्ति ।  
 भमइ स-वाहु-विइज्जु महि सूर-नरिंद-सुओ त्ति ॥

[५३७]

विसइ सरवर-कूव-विवरेसु

गिरि-सिहरिहि आरुहइ नयरि पविसेइ पुणु पुणु ।  
 अणुधावइ काणणहं मणि धरंतु निय-मुहिहि गुण-गणु ॥  
 कुणइ सरीर-ट्टिइ वि फल-पत्त-कंद-कुसुमेहि ।  
 न रमइ पह-निवइहि कइहिं गउरविहि वि परमेहिं ॥

[५३८]

कमिण पुणु अणुदिणु वि परिगमिरु  
 संपत्तु महाडविहि कह वि कूर-सावय-रउदिहि ।  
 अह निसुणिवि गडयडिउ विहिउ विविह-सिंधुरिहि भदिहि ॥  
 नणु किं सणतुकुमार-नर- रयण-गहिर-झुणि एउ ।  
 इय चित्तिरु तसु संसुहउ थाइ सुट्ठि वंवेउ ॥

[५३९]

चमरि-केसरि-वग्ग-सहुल-  
 वण-वारण-सरह-हरि- हरिण-नउल-कलहंस-संकुलि ।  
 गुरु-तरुयर-गिरि-गहण- विउल-तडिणि सरवर-समाउलि ॥  
 हिंडंतह तसु तहिं महिहिं पत्तु वसंतु दुरंतु ।  
 जहिं विरहिउ पिय-माणुसह गुण सुमरइ झूरतु ॥

[५४०]

कसु व वर-तरु-कुसुम-मयरंद-  
 आमोय-वहलिय-सयल- वसुह-वलय-गिरि-विवर-अंवरु ।  
 सहयार-तरु-मंजरिहि रेणु-पसर-पिंजरण-मणहरु ॥  
 किंपाग-डुम-कुसुम-रय- भरिय-दियंतरु एउ ।  
 वियलइ हियडुल्लउं जणहं मलयाणिलु महु-केउ ॥

[५४१]

तवहिं पहि-यणु भमर-अंकार  
 परहुय-रव निडुहहिं जणहिं खेउ केसुय असोय वि ।  
 वियइल्ल मालइ वउल कन्नियार डुह देति गरुय वि ॥  
 नं चिट्ठइ रुट्ठिण विहिण पहियहं मंडिउ पासु ।  
 इय कसु सुट्ठि ण अइक्कमइ एहु वसंतु हयासु ॥

[५४२]

गरुय-गिरिवर-गहण-पजलंत-

दावाणल-संगमिण जणिय-भुवण-संतावु निदठुरु ।  
 परिसोसिय-महि-वल्लय- वावि-क्ख-सरि-सरु सुदुद्धरु ॥  
 वायंतउ झंझा-पवणु कय-तरु-पत्तस्साडु ।  
 कसु कसु न हवइ डाहयरु गिम्ह-यालि जिम्ब भाडु ॥

[५४३]

विगय-पत्तिहिं दलिय-कमलाहिं

परिवियलिय-पाणियहिं दूर तसिय-सरि-नलिणि-तरुणिहि ।  
 रवि-कुनिविण खर-करिहिं निहय-कंति-सयवत्त-वयणिहिं ॥  
 तह खर-पवणुद्धय-रइण उद्धुंधुलिय-दिसेण ।  
 कु न संताविउ महि-वल्लइ गिम्हिण काउरिसेण ॥

[५४४]

सजल-जलहर-धार-सर-सेणि

घण-गज्जि-हुंकार-रवु विज्जु-पुंज-कन्निय-भयंकरु ।  
 महु-लुद्ध-धाविर-भमर- कुळ-कयंव-कैसर-विसप्पिरु ॥  
 निय-पिय-सहिय-सिंहंडि-कुल- परितइडविय-कलावु ।  
 पाउस-पामरु विरहियह कसु न कुणइ संतावु ॥

[५४५]

नियवि सुरवइ-धणुहु गयण-यलि

कलहंस माणसि गमिर सरिय दो वि कूलइं निवाडिर ।  
 सिंजंत चायग महुरु जल-पवाह महियलु विहाडिर ॥  
 केयइ-सिहरि-सिलिंध-दुम- कुडय-विडवि-कुसुमाइं ।  
 कसु पाउसि नहि विरहियह फुट्टइं हियडुल्लाइं ॥

५४२. २. क दावानल ७. पत्तास्साडु

५४३. १. क. °कमलाइ ७ उद्धुधलिय.

५४५. २ क. माणस ५ पवाहु



[ ५४६ ]

विरल-जलहर-वरिसु पसरंत-

रयणीयर-किरण-भरु पिक-सालि-परिमल-मणोहर ।  
 उज्जीविय-सरिय-सर- पउम-कमल-कलहार-सुंदर ॥  
 कुसुमिय-सत्तच्छय-विहिय- वंधुजीव-सिरि-सार ।  
 दुह वि पयासिय-उदय-पिय- रायहंस-पवियारु ॥

[ ५४७ ]

हरिय-कवलण-मुइय-गोवग-

सिंगग-दारिय-धरणि जणिय-तरणि-किरणोलि-वित्थर ।  
 परिसोसिय-सयल-महि- वलय-पंकु कय-पहिय-संचर ॥  
 निय-निय-सामि-विओइयहं कय-असुहहं सत्ताहं ।  
 किह अइगच्छइ सरय-रिउ महियलि जीवताहं ॥

[ ५४८ ]

मलिय-मालइ-वउल-वियइल्ल-

मंदार-तरुवर-विहउ विहिय-वयरि-तरु-कुसुम-फल-सिरि ।  
 पवियंभिर-तुहिण-ऊण- पसर-गरिम-परितुलिय-हिमगिरि ॥  
 तणुईकय-चासर-समउ दुगुणिय-रयणि-विभागु ।  
 पयडिय-पहिय-इरिहि-यण- विगह-विसम-विवागु ॥

[ ५४९ ]

परम-कुकुम-निविड-धवलहर-

वहु-सगडिय-वर-तरुणि- सुरहि-तेल्ल-सुहि-विहिय-आयर ।  
 पिय-पिययम-संग-सुहु गहिय-निविड-कंवल्य-अंवर ॥  
 धण-रहियहं पहु-उज्जियहं मणुयहं दुह पयडंतु ।  
 कालिहिं खळउ जाडसड कइयहं इहु हेमंतु ॥

[५५०]

दुहय-ससहरु दइय-दिणइंदु  
 फल-भार-भज्जिर-वइरि हरिय-वल्ल-वितागि-फल-भरु ।  
 कप्पासिय-तूयरिहिं कुसुम-पसर-संहार-दुह-यरु ॥  
 लोभ्र-पियंगु-पखण-भर- रय-रंजविय-दसासु ।  
 कुंद-कलिय-मालइ-कुसुम- हरिसु वियासिय-कासु ॥

[५५१]

सयय-निवडिर-तुहिण-कंपंत-  
 वज्जंत-दंतावलिहिं विहिय-वाहु-संवंध-हिययहं ।  
 सुहि-सज्जण-विरहियहं धण-समिद्धि-कंखियहं पहियहं ॥  
 सिसिरु हयासु दहावणउ किह कुसलावहु होइ ।  
 ठायहं ठाणंतरि सुहिउ जहिं संचरइ न कोइ ॥

[५५२]

इय विचित्तिरु फुरिय-संतावु  
 सिरि-सूर-निवंगरुहु वसुह-वीढि आ वरिसु हिंडिउ ।  
 न य स-वयण-परिविहिय- निय-पइण्ण-लोविण विहंडिउ ॥  
 अह पुत्रज्जिय-सुकय-कय- दाहिण-नयण-प्फंदु ।  
 कुमरु महिंदस्सीहु लहु पसरिय-गरुयाणंदु ॥

[५५३]

कमिण पुणरवि पत्ति जय-जंतु-  
 तोस-यरि वसंत-महि- गहिय-विहवि सहयार-तरुवरि ।  
 विष्फुरिइहि परहुइहिं मलय-अणिलि उवलद्ध-अवसरि ॥  
 अलि-उल-झंकारारविहिं वोहिज्जंति अणंगि ।  
 दुगुणिय-पह-उच्छाह-गुण हुयउ सूर-सुउ अंगि ॥

[५५४]

तयणु अगिम-मगि गच्छंतु  
 आइणइ महुर झुणि रायहंस-सारसहं संतिय ।  
 पेच्छेइ य कुसुम-फल- पत्त-रिद्धि वण-लय विचित्तिय ॥  
 अंभोरुह-रय-पिजरिय- मलयाणिल-संगेण ।  
 पोणिउ नासा-संपुडिण तह अंगोवंगेण ॥

[५५५]

हंत निय-निय-विसय-उवलंभ-  
 वावारिण इह वि मह तुट्ट एइ चत्तारि इंदिय ।  
 रसणा उण थक्क एह एवमेव तण्हा-लुहदिय ॥  
 इय चित्तंतउ सलिल-फल- अहिकंखिरु तूरतु ।  
 तीर-पइट्टिय-विविह-वणि माणस-सरि संपत्तु ॥

[५५६]

तयणु स-हरिसु वण-गइंदु व  
 आलोडिवि सयलु सरु रुइ-पमाणु पाणिउ पिएविणु ।  
 जा भुंजइ कुसुम-फल तीर-सिहरि-सिहरहं गहेविणु ॥  
 अहरिय-नहयर-सुर-असुर- किन्निर-गेय-निनाउ ।  
 ता जिय-सारस-हंस-सिहि निसुणइ महुरालाउ ॥

[५५७]

अह — कहेरिसु गीय-उग्गारु  
 निम्मणुय-महाडयहिं इय मणम्मि चित्तंतु सायरु ।  
 जा गच्छइ कय-वरिसु अगिमम्मि मगम्मि तुरियरु ॥  
 ता तियसासुर-खयर-नर- तरुणहं मणहरणीण ।  
 नयण-निमेसिण सुर-वहुहुं वेहम्महं तरुणीण ॥

५५४. ५ क विचित्तिय.

५५५ २. क तुट्ट ४. क इहु

५५७. ५. क. तस्यरु.

[५५८]

मज्झि संठिउ गरुय-संतोसु

विज्जाहर-वंदियण- पढिय-कित्ति सव्वंग-सुंदरु ।  
 गोसीस-चंदण-रसिण जणिय-दुगुण-तणु-कंति-वित्थरु ॥  
 कुंडल-लिहिय-कवोल-थलु वर-मउडालंकारु ।  
 हार-विराइय-वच्छ-यलु कय-निरुवम-सिंगारु ॥

[५५९]

मयण-भवणह दार-देसम्मि

कयली-हर-अंतरिउ कणय-रयण-आसणुवविट्टउ ।  
 कय-गीउगार-वर- पेच्छणीय-दंसणि पढिट्टउ ॥  
 अइर-पयासिय-पुव्व-भव- संचिय-सुह-पम्भारु ।  
 पणय-लोय-आणंद-यरु पेच्छइ सणतुकुमारु ॥

[५६०]

तसु कहेरिस रिद्धि अइरेण

जाय त्ति चित्तिरु सणिउ सणिउ गहिवि पच्छिम वसुंधर ।  
 चिट्ठंतु छायहं तरुहु सुणइ पढिर मगगण फुडवखर ॥  
 पिमुण-मरट्ट-घरट्टु निरु नमिर-गुरुय-सिरि-हेउ ।  
 कउरव-वंसुज्जोय-गरु आससेण-कुल-केउ ॥

[५६१]

समर-निज्जिय-सयल-खयरिंदु

विज्जाहर-चक्कवइ नियय-तेय-अहरिय-दिवायरु ।  
 असिधारहं वीसमिर- सत्तु-सेणि गुण-रयण-सायरु ॥  
 नहयर-कामिणि-थण-सिहर- संगम-जणियाणंदु ।  
 जयउ जयउ भुवणवभहिउ सणतुकुमारु नरिंदु ॥

५५८. ६ क. लिहिउ ख हिय.

५६० ४. क. छायह

५६१. ४. वासमि ५. क रयणि

[५६२]

अह विणिच्छिवि — नूण सो चेव

इहु अम्ह कुल-कप्प-तरु आससेण-नरनाह-नंदणु ।  
 आगंतु वि तसु पयइं नमइं सूर-निव-भवण-मंडणु ॥  
 अह लहु उट्ठिवि सम्मुहिण आलिंणित सव्वंगु ।  
 सणतुकुमारिण सूर-सुउ हरिस-विराडय-अंगु ॥

[५६३]

तयणु महरिह-आसणुवविट्ठ

अन्नोन्न-वियसिय-वयण जणिय-पणय-आणंद-कंदल ।  
 विम्हारिय-पुव्व-दुह नियय-सयल-सुहि-सयण-वच्छल ॥  
 पढमय-मेलावग-उच्चिय- कय-पडिवत्ति-विहाण ।  
 चिट्ठहिं एगत्थ वि ति दु वि खणु सुगहिय-अभिहाण ॥

[५६४]

एत्थ-अंतरि विहिय-सक्कारु

स-वयंसु नहयर-धुयहिं निय-पियार्हिं कारेवि भोयणु ।  
 चिर-दंसण-उल्लसिय- वाह-सलिल-संपुण्ण-लोयणु ॥  
 सणतुकुमारु भणइ—कहसु कह तुहुं अखलिय-सत्तु ।  
 वाहु-विइज्जु महाडविहिं इह वयंस संपत्तु ॥

[५६५]

कह वि चिट्ठहिं मह विओयम्मि

दढ-नेह जणणी-जणय तह ति मंति-सामंत-सज्जण ।  
 मह निसुणिवि अवहरणु कह व पिउहु वट्ठति दुज्जण ॥  
 अह कर-संपुडु सिरि धरिवि सूर-नराहिव-पुत्तु ।  
 साहिवि नीसेसु वि खणिण निय-वइयर पुव्वत्तु ॥

[५६६]

भणइ—पसियह मज्झ तुब्भे वि

निय-वइयर-पयडणिण      तुरय-रयण-अवहार-पमुहिण ।  
 ता कुमरु अ-सत्तु तसु      कहिउ नियय-वुत्तु स-मुहिण ॥  
 स-दइय विज्जा-यल-मुणिय-      तत्त-विसेस-समिद्ध ।  
 अणुजाणइ पत्थुय-विसइ      विमलमइ त्ति पसिद्ध ॥

[५६७]

गुरु-परिस्सम-वसिण निहाए

घुम्मंति मह लोयणइं      वीसमेमि ता इह वि कु वि खणु ।  
 इय जंपिवि उट्ठिउण      मोत्तु तत्थ सयलो वि परियणु ॥  
 मज्झि गंतु कयली-हरह      पुव्व-विहिय-सयणम्मि ।  
 निसियइ कुमरु स-वइयरह      सवणि निविट्ठि मणम्मि ॥

[५६८]

तयणु निम्मल-दसण-किरणोलि-

परिधवलिय-सयल-दिसि चंद-वयण विमलमइ जंपइ ।  
 जह-निसुणसु कुमर तुहुं      नियय-मित्त-वुत्तंतु संपइ ॥  
 किल तइयहं तुम्हह पुरउ      तिण तुरंग-रयणेण ।  
 अज्ज-उत्तु इहु अवहरिवि परिखेवियउ खणेण ॥

[५६९]

तसिय-मय-कुलि भीय-सदूलि

परितुट्ठिर-गिरि-सिहरि      भमिर-तुरइ नासंत-कुंजरि ।  
 विलवंत-पुल्लिंद-यणि      गलिय-विहव-निवडंत-तरुवरि ।  
 फुट्ठिर-वंस-सहस्सि हय-      कायर-जण-चेयणि ।  
 जलिर-दवानलि जम-भवण-      सरिसइ गरुय-अरणिण ॥

[५७०]

ता किमित्तु वि तुरउ जाहि चि  
 चिंतेवि विमुक्कु सिरि- आससेण-कुल-गयण-चंदिण ।  
 अह दीहर-सास-भर भरिउ तहिं जि सो ठिउ खणद्धिण ॥  
 नणु धिसि धिसि मइं एहु तुरउ विवरिय-सिक्खु न नाउ ।  
 इय चिंतंतु कुमार-वरु पयडिय-गरुय-विसाउ ॥

[५७१]

जा स-हत्थिण सिढिल-पत्ताहु  
 हय-रयणु करेइ लहु ता भमेवि महि-यलि तुरंगमु ।  
 वहु-सास-स्सम-हयउ पडिवि हुयउ जम-भवण-संगमु ॥  
 अह वहुयर-दुह-तविय-तणु आससेण-निव-जाउ ।  
 तण्हा-लुहहिं किलंतु कह कहमवि फुरिय-विसाउ ॥

[५७२]

पत्तु पत्तल-साह-सहसस्सु  
 सत्तच्छय-पायवह तल-पएसि जा ता खणद्धिण ।  
 अनिरिक्खिय-पुव्व-रवि- ताव-दुक्खु देव्वह निओइण ।  
 तइयहं मुच्छ-विलंघलिउ निवडिउ निस्साहार ।  
 अह तक्खणिण वि पेक्खिउण तारिखु सणत्तुकुमार ॥

[५७३]

भुवण-समहिय-रुव-विहवेण  
 पसरंत-जोव्वण-भरिण विहिय-चारु-सिंगार-अंगिण ।  
 उचिय-णु-चूडामणिण अमय-भहुर-मिउ-वयण-चंगिण ॥  
 अज्जउत्त-पुण्णोवचय- आयइद्धिण नरेण ।  
 केण वि माणस-सरवरह जलु आणिवि स-करेण ॥

[५७४]

कुमरु सायरु सित्तु सव्वंगु  
 ता पाविय-चेयणिण पीय-जलिण जंपिउ कुमारिण ।  
 जह— भइ कुओ सि तुहुं को व कह व कय-परुवयारिण ॥  
 तई एहु ससहर-कर-धवलु अमय-महुरु आणीउ ।  
 जीवाविउ हउं सप्पुरिस पाएविणु पाणीउ ॥

[५७५]

अह पयंपइ इयरु —निसुणेसु  
 मह वइयरु नर-रयण रम्मि पहिय-अवहरिय-आहिवि ।  
 कमलक्ख-नामिण पयडु जक्खु वसहुं हउं एत्थ पायवि ॥  
 ता पेक्खिवि भुवणुत्तिमह तुह एह विसम अवत्थ ।  
 आणिवि मई माणस-सलिलु तुब्धि विहिय वीसत्थ ॥

[५७६]

तयणु पुणरवि भणिउ कुमरेण—  
 पलयाणल-डाह-समु मह सरीरि संतावु पसरिउ ।  
 तह जह इहु उवसमइ ताम जाम सव्वंगु वियरिउ ॥  
 सलिलंजलि सारीरियहं संतावहं एयस्सु ।  
 माणस-सरवर-सलिलु लहु अवगाहेवि अवस्सु ॥

[५७७]

तयणु जक्खिण अकय-विक्खेवु  
 परिकीलिर-खयर-वहु- चक्कवाय-कलहंस कुंजरि ।  
 कर-संपुडि कुमर-वरु करिवि नीउ माणस-सरोवरि ॥  
 अह संपीणिय-नयण-मणु सणतुकुमारु सरम्मि ।  
 पविसइ तियसासुर-तिरिय- तणु-संताव-हरम्मि ॥

५७५ ३ क The letter between आ and वि is unclear due to correction ख आहि° missing.



[५७८]

समय-मज्जिर-खयर-तरुणि-यण-

थण-अंगरागारुणिउ कमल-रेणु-परिविहिय-सोहलु ।  
 वण-कुंजर-गंड-यल- दाण-चारि-परिमलिण मंसलु ॥  
 तीर-ट्टिय-पत्तल-वहल- साह-सिहरि-सच्छाउ ।  
 अवगाहइ माणस-सलिलु अविहिय-अमय-विभाउ ॥

[५७९]

तयणु ववगय-अंग-संतावु

जा लग्गउ नीहरिउ सरह गाढ कय-चरण-संदणु ।  
 निय-पुण्ण-संचिय-कवउ आससेण-नरनाह-नंदणु ॥  
 ता मोडिय-तीर-ट्टिमिण तोडिय-गिरि-सिहरेण ।  
 धंधोलिय-वण-चारणिण उक्खय-रय-पसरेण ॥

[५८०]

निहय-विहइण दलिय मय-कुलिण

वेलविय-पुलिंदइण जणिय-दरिण अइ-उग्ग पवणिण ।  
 संछाइय दिसि भरिय कुमर-नयण पुण रेणु-पसरिण ॥  
 तह वि कुमारु सु तियस-गिरि- चूला अविचल-चित्तु ।  
 परिचिट्ठइ अक्खुहिय-मणु किं एहु इय चिंतंतु ॥

[५८१]

तयणु पसरिय-घोर-फुक्कार

रोसारुण-नयण-जुय दीह-काय अलि-गवल-सामल ।  
 जम-दूयहं संनिहय जमल-जीह विस-वेग-पिच्छल ॥  
 कुविय असेसस्स वि जयह कवलण-विहिहिं अ-चुक्क ।  
 केण वि वहलिय-गयण-यल विसहर-निवह विमुक्क ॥

[५८२]

वद्ध तेहिं वि नाग-पासेहिं

सव्वंगु कुमार-वरु तयणु जलहि-अक्खुहिय-हियइण ।  
 उद्धणिय स-भुय-लइण अहिअ-संधि तोडिय कुमारिण ॥  
 अह गल-कंदल-लुलिय नर- रुंड-माल-वम्बाल ।  
 वयण-निवेसिय-पुरिस-सवु करयल-कलिय-कवाल ॥

[५८३]

घोर-विसहर-वद्ध-जड-मउडु

दढ-दइढ-वरिसण-फुरिय- रव-रउडु तडि सरिस-लोयणु ।  
 अणुगच्छिर-कडकडिर- दसण-सेणि-वेयाल-भीसणु ॥  
 अरि अरि सरि सरि इट्ठु कु वि इय साडोवु भणंतु ।  
 दिट्ठु कयंत-कराल-तणु रक्खसु इय आवंतु ॥

[५८४]

ता वि तुट्टिर-तुंग-सिंगगु

उभंत-सत्ताउलिउ विहिय-गहिर-वुक्कार-वानरु ।  
 दढ-सिलयल-दलिय-पडिक्खु खुहिय-विरसंत-कुंजरु ॥  
 गुरु-गिरि-वरु करयलि धरिवि खिविउ कुमर-उवरिम्मि ।  
 सुर-नहयर-कामिणि-नयण- जल-परिसित्त-सिरम्मि ॥

[५८५]

तयणु विसरिस-दंत-पंतीहिं

निम्मंस-सोणिय-तणुहिं चिविड-नदिहिं निरु सारि-कुच्छिहिं-  
 दुमुहिहिं तिसुहिहिं चउमुहिहिं पण-मुहेहिं सिय-गहिर-अच्छिहिं ॥  
 वेयालिहिं पमुइय-मणिहिं जय-जय-रवु उग्घुट्ठु ।  
 अह उद्धणिय-तणु खणिण पास-खिविय-गिरि-वट्ठु ॥

[५८६]

अहह पेच्छह सयल-जय-हरण-

रोसारुण-लोयणिण रक्खसेण जो मुक्कु गिरिवरु ।  
 सो लीलइं कंदुगु व खिविवि दूरि विप्फुरिय-मच्छरु ॥  
 धावइ को वि जयब्भहिउ सुहडु किं पि जंपंतु ।  
 इय तियसासुर-नहयरहं वयणइं कुमरु सुणंतु ॥

[५८७]

पीण-मह-भुय-जंत-निप्पिट्टु

सरसिच्छ-लट्ठि व गलिय- सयल-धाउ-रस-पसर-दाणिण ।  
 अरि रक्खस पाव तुहुं कुणसु तोसु दिय-गणहं अइरिण ॥  
 मइं जीवंति स-तेय-भर- विजिय-सेस-तेयस्सि ।  
 निल्लज्जिण किण घोसियइ जय-जय-रखु इयरेसि ॥

[५८८]

इय पर्यप्पिरु तुरिउ पसरंत-

दुप्पेच्छ-मच्छर-वसिण अरुण-नयणु धाविवि खणद्धिण ।  
 आवीडइ रक्खसह देहु निविड-भुय-दंड-जतिण ॥  
 तह जह परिवियलिर-नयणु गरुय-मुक्क-पुक्कारु ।  
 रक्खस-अहमु मही-वलइ पडियउ नीसाहारु ॥

[५८९]

अह कहिचि वि लद्ध-वेयन्नु

लहु पुणरवि उट्ठिण फुरिय-कोवु सो रक्खसाहमु ।  
 जिण निहणिय-महिहरहं सिरइं पलउ पावंति निरुवमु ॥  
 तसिय-सुरासुर-नहयरिहिं पेक्खिज्जंतु — सु एउ ।  
 मुगरु वच्छ-त्थलि पडउ पाव तुह कखय-हेउ ॥

[५९०]

इय मणेविणु गुरु-निहाएण

संभंत-सुर-कामिणिहिं निहय-वच्छ-तुटंत-ठारहं ।  
 मुत्तावलि-संवलिय- गलिर-नयण-दल-नीर-धारहं ॥  
 नीसासिहिं सह परिमुयइ मुग्गरु भीरु कराल ।  
 उवरि कुमार-सिरोमणिहिं निरु अप्पह खय-काल ॥

[५९१]

तयण मुग्गर-वाय-विहुरंगु

धरणी-यलि निवडियउ कुमरु खयर-सुर-तरुणि-दुह-यर ।  
 ता रक्खस-तणउं वलु किंचि फुरिय-संतोस-मुंदरु ।  
 धावइ वग्गइ उप्पयइ घोसइ जय-जय-सहु ।  
 अह आगय-वेयन्न-भरु कुमरु विभाविय-भहु ॥

[५९२]

गुरु-मडप्फरु फुरिय-भुय-मूलु

उम्मूलिवि वड-विडवि गरुय-कोव-कंपंत-खंधरु ।  
 भू-भंगिण भीम-मुहु चलण-भरिण चालिय-वसुंधरु ॥  
 अरिरि पिसाय-अहम्म तुह वड-विडविण दलियंगु ।  
 कुणउ हरिमु वायस-कुलहं गलिय-जीय-सव्वंगु ॥

[५९३]

इय पयंपिरु समर संरंभ-

अवलोयण-चाउलिय- खयर-तरुणि-दंसण-कयायर ।  
 मूलगइ वड-तरुहु दलिवि करिण गुण-रयण-सायर ॥  
 आससेण-निव-अंगरुहु कर-कय-वड-दंडेण ।  
 एग-पहारिण रिउ हणइ तह जह उदंडेण ॥

[५९४]

गहिउ तक्खणि खुहिय-खोणिद-  
 खयरहिंव-दुस्सदिण जीवियंत-पीडा-विसेसिण ।  
 अह वेविर-देहु भय- भीउ चत्तु लहु पुरिस-यारिण ॥  
 मेल्लिवि गुरु-पुक्कार-रवु वेयण-विहुरिय-पाणु ।  
 वज्जिय-लज्जु विमुक्क-मउ रक्खस-अहमु पलाणु ॥

[५९५]

अह कुमारह उवरि सुर-असुर-  
 खयरहिंव-कामिणिहिं हरिस-पुलय-विलसंत-अंगिहिं ।  
 वर-परिमल्ल सुक्क सिय- कुसुम-वुट्ठि गयण यल-संगिहिं ॥  
 जय-जय-रवु उग्घोसियउ दुंदुहि पहय स-तोसु ।  
 सणत्तुकुमारु विनिदलिय- जक्ख-पयासिय-रोसु ॥

[५९६]

सरय ससहर-सरिस-जस-पसर-  
 परिधवलिय-भुवण-यल्ल मणि धरंतु पुव्वुत्त कामिणि ।  
 जा गच्छइ कित्तिउ वि मग्गु ताव सुरवहु-स धम्मिणि ।  
 पाविय तियसासुर-तरुणि- मज्झि महिम-अइरेग ।  
 नियइ स-संमुह आगमिर पवर नियंविणि एग ॥

[५९७]

तयणु विम्हिय-मणिणि कुमरेण  
 गच्छंतिण तस्समुहु दिट्ठ सत्त तस्सरिस वालिय ।  
 नंदण-वण-मज्झ-गय पवर-रुव-गुण-विणय-कुसलिय ॥  
 पुव्व-दिट्ठ-तरुणिहि पुरउ तयणु मणिउ-नणु मुद्धि ।  
 काउ इमाउ णियंविणिउ इय मह साहसु सुद्धि ॥

५९४ ७ क वेहुरिय

५९५. ७ क पह सतोसु ५९६. ४ क कित्तिओ. ५९७. ५. गुरुविणय, ९ क साहस.

[५९८]

ईसि विहसिर किंचि नमिरंग

चलणगुलि-लिहिय-महि पाणि-पउम-संवसिय-अंवर ।

चलियाहर-पल्लविय फुरिय-नयण-आणंद-जल-भर ॥

खलिरवखर गगगर-गिरिहिं किंचि वियासिय-अत्थ ।

मुद्ध पयंपइ सिर-उवरि परिसज्जिय नेवत्थ ॥

[५९९]

सुहय संपइ पसिय मह उवरि

एत्तो च्चिय चुय-वणह नाडदूर-देसोवसंठिउ ।

सुर-किन्नर-नर-महिय- मलय-निलय-देउल-गरिद्विउ ॥

पिय संगम-अहिलास इय नामिण पत्त-पसिद्धि ।

चिट्ठइ विज्जाहर-नयर पसरिय-गरुय-समिद्धि

[६००]

तहिं कियंतु वि कालु आगंतु

वीसमिउण निय-तणुहु अवहरेह गरुयुरु परिस्समु ।

ता सयमवि होइसइ तुम्ह एय-वुत्तंत-अवगमु ॥

अह तारिं चिय कामिणिहिं कंचुगि-दंसिय-मगु ।

निव-धवलहरि कुमरु गयउ अइ-विमिहय सव्वंगु ॥

[६०१]

तयणु तप्पुर-सामि-नरवरिण

सिरि-भाणुवेगाभिहिण उट्ठिऊण अभिमुह-कयायर ।

सीहासणि निय-करिण ठविउ कुमरु गुण-रयण-सायर ॥

अह सिरि कय-करयंजलिण गुरु पडिवत्ति करेवि ।

भणिउ-कुणसु संतोसु मह धूय अट्ट परिणेवि ॥

[ ६०२ ]

जमिह अम्हहं नियय दुहियाहं  
 विसयम्मि चिंताउरहं विहिय-विणय-पणमिर-सुरिंदिण ।  
 परिसाहिउ आसि सिरि- अच्चिमालि-नामिण सुणिंदिण ॥  
 जो अवहरिहइ दप्प-भरु जक्खह असियक्खस्सु ।  
 सो तुह धूयहं अट्ठहं वि हविहइ दइउ अवस्सु ॥

[ ६०३ ]

ता कुमारिण गरुय-विहवेण  
 तत्थेव य तक्खणि वि अट्ठ ताउ तरुणियण-सारिय ।  
 पसरंत-अणुराय-रस- सोहमाण परिणिय कुमारिय ॥  
 अह कय-नव-परिणीय-विहि विरइय-कंकण-वंधु ।  
 पविसइ रइ-मंदिरि कुमरु हुय-नव-वहु-संवंधु ॥

[ ६०४ ]

गुरु-परिस्सम-वसिण पुणु तस्सु  
 अइरेण वि रइ-भवणि धरणि-नाह-लीलइं पसुत्तह ।  
 समुवागय निह बहु तयणु सयण-सुहियण-विउत्तह ॥  
 गोसि विहंगम-कुल-रविण पयडिय-पडिवोहस्सु ।  
 त पुरु सु परियणु ताउ नव पिययम अ-नियंतस्सु ॥

[ ६०५ ]

सिविणु कि एहु किं व मइ-मोहु  
 किं व जायउं सच्चवउं इंदयालु किं व किण-वि दरिसिउ ।  
 जं पुव्व-सपुर-सयण- दइय-विरह-दुहिओ वि हरिसिउ ॥  
 आसि किंचि हउं अट्ठहिं वि दइयहिं सह संवंधि ।  
 परि मह सिरि कुसुमिय-तरुहु डालि व भग्ग अ-संधि ॥

[६०६]

इय कुमारह विगय-नीसेस-

घर-परियण-पिययमह सुद्ध-धरणि-तल-सनिसन्नह ।  
 अवियविक्रय द्रुणि सवणि पडिय एह गयण-यल-मंगगह ॥  
 हा सहि हा पिय हा जणणि हा भाविय-भत्तार ।  
 आससेण-नरवइ-तणय रवखहि सणत्तुकुमार ॥

[६०७]

तह — सुल्लोयणि किमिह ताएण

किं जणणिहिं किं सहिहिं किं व नियय-देवय-विसेसिण ।  
 कि व तिण महि-गोयरिण आससेण-निव-सुय-कुपुरिसिण ॥  
 तियसासुर-नर-मय-महणु मडं सुमरसु पसयच्छि ।  
 कामाउर-मण जेण तुह तत्ति करावइ लच्छि ॥

[६०८]

तयणु पावणि केण परिकुविय-

जमदूयालोइएण दसण-गणण-उच्छहिय-चित्तिण ।  
 परिखित्तउ नियय-करु वयणि सीह-पोयह कु-मंतिण ॥  
 अवहरमाणिण किं पि एहु मह अणुरत्तु कलत्तु ।  
 कुमरु पलोयइ नह-यलह संमुहु इय चित्तंतु ॥

[६०९]

किंतु न नियइ किं पि गयण-यलि

ता — एहु वि पुव्वु जिम्भ इंदियालु किचि वि मुणंतउ ।  
 वंदुल्लइ जाव वणि स जिज तरुणि हियइण वर्हतउ ॥  
 ता सुर-भवणह निवडिउ व महरिह-सिरि अवतारु ।  
 इगु धवलहरु महाडइहिं नियइ तिलोयह सारु ॥



[६१०]

\*अह सु विम्हिउ — जत्थ सउ तत्थ

पंचास वि इय सुणिरु सणिउ सणिउ धवलहरि पविसइ ।  
 ता निसुणइ मिउ-महुर- रविण लविर तिय इग महासइ ॥  
 जह — जय पणय-मणिच्छियरि कमल-गवभ-गोरगि ।  
 नमिरामर-नर-नायगहं रिउ-नासण-सव्वंगि ॥

[६११]

हुं खु दुरियहं हरणि ओं ह्रीं हि

संपाइय-इट्ट-फलि खग-गुलिय-अंजणुवसाहणि ।  
 फट्कारिण हणिय-रिउ- सेणि पणय-आणंद-कारिणि ॥  
 जे तुह भत्तिहि पय नमहिं जोगेसरि तुहुं तेसि ।  
 विहिहि अगोयरु सिविणहं वि फलु असरिसु वियरेसि ॥

[६१२]

इय पसीयसि किं न पणइ-यण-

चिंतामणि देवि मह गरुय-विणय-पणमंत-अंगह ।  
 तसु दइयइ सुह-कमल- दंसणेण दुल्लंभ-संगह ॥  
 नियय-अवत्थहं सम-गुणहं निच्छु वि विणय-पराहं ।  
 किं जुज्जइ अंतर-करणु निय-जणणी-जणयाहं ॥

[६१३]

अह विसेसिण कुमरु सुमरंतु

हिययंतर-उल्लसिय पुव्व-दिट्ठ हरिणच्छि सु-चरिय ।  
 हुं हुं एस वि क वितरुणि फुरिय-गरुय-अणुराय-विहुरिय ॥  
 मगइ गोरिहि पय-पुरउ पत्त-इसम-दस-काल ।  
 अइ-दुल्लंभउ को वि पिउ एणिह मडं व सा वाल ॥

\* The text of stanzas 610, 611, 612, 613, 614, 615, and 616 in क is mostly blurred and illegible

[६१४]

इय विचिंतिरु जाव अग्गम्मि

चउ पंच वि पय खिवइ कुमरु ताव सुह-सील-सुद्धह ।  
 जय-पायड-गुण-गणह पुरउ सु-गुरु-भत्तीए सुद्धह ॥  
 गोरिहिं देविहिं भणिउ इहु पयडेविणु अप्पाणु ।  
 एहु ससि-मुहि पिउ आइयउ सो तुह गुणह निहाणु ॥

[६१५]

सावमाण व तयणु तणुयंगि

जपेइ गोरिहि पुरउ अजु वि देवि केत्तिउ पयारसि ।  
 कर-संठिउ साहिउण मज्झ दइउ जं नेय पयडसि ॥  
 जइ पुणु कुरु-कुल-गयण-ससि पेक्खउं सणतुकुमारु ।  
 ता जाणहि भगवइ करउं कु-वि कु-वि तसु उवयारु ॥

[६१६]

इय सुणंतु वि हरिस-वियसंत-

सव्वंग-पुलयंकुरिय- वयण कमलु कुर-रंस-मंडणु ।  
 एहु ससि-मुहि निय दइउ पेक्खिपेक्खि पडिक्ख-खंडणु ॥  
 कुणसु सु मणिण जि कप्पियउ चिट्ठइ तसु उवयारु ।  
 जं एहु हउं जि सु आइयउ पयडिय-मयण-वियारु ॥

[६१७]

अहव साहसु पसिय तुहुं कवण

कुरु-वंसह जस-कलसु को व सुयणु पइं दइउ मग्गिउ ।  
 ता कन्नय भणइ अणुसरिवि लज्ज अज्जवु निसग्गिउ ॥  
 जह साकेय-पुराहिबह समरसीह-निवइस्सु ।  
 अवितह-रूवह चंद-जस- अभिहाणह दइयस्सु ॥

[ ६१८ ]

धुय सुनंदा नाम हउं अन्न-

दियहम्मि उ मह जणय- पयहं पुरउ संपत्त-मेत्तिण ।  
 एगयरिण दूयगिण नमिर-सिरिण विण्णत्तु जत्तिण ॥  
 जह — गयउर-नयर-प्पहुहु आससेण-निवडस्सु ।  
 निज्जिय-भुवण-नियंविणिहि सहदेविहि दइयस्सु ॥

[ ६१९ ]

अत्थि नंदणु भवण-अव्भहिय

चक्काहिव-सिरि-तरुणि- रमणु अतणु-गुण-रयण सायरु ।  
 सोहगिय-सिरि-तिलउ रिउ-मरट्ट-घट्टण-ऊयायरु ॥  
 पुणिम-ससि व समग्गहं वि विमल-कलाहं निहाणु ।  
 रुविण जसिण जयव्वहिउ सणतुकुमारभिहाणु ॥

[ ६२० ]

इय सुणंदह जइ न संवंधु

नर-रयणिण तेण सह हवइ विहिण ता नूण हारिउ ।  
 मह जणएण तयणु नणु जुत्तु एहु इय संपधारिउ ॥  
 आससेण-नरवइ-पुरउ स-वल्लिण गच्छंतेण ।  
 निय हउं सिरि-गयउर-नयरि हरिस्सु पयासंतेण ॥

[ ६२१ ]

अन्न-अवसरि सहिहिं परियरिय

कंदप्प-पूयण-विहिण गइय आसि हउ नयर-काणणि ।  
 ता मयणह पयडह जि विहिय पूय मइं हसिरि सहियणि ॥  
 तयणंतुरु निय-घरि गइय केण-वि विहिहि वसेण ।  
 अइव-दुरंतणि उप्परिण हउं गहीय दोसेण ॥

[६२२]

तयणु अविहिय-तणु-परित्ताण

बहु-मंत-तंत णुइहिं कइ कहिंचि अइममिय जामिणि ।  
 गोसम्मि उ तहिं जि गय मयण-भवणि हिययाहिरामिणि ॥  
 न उण सु तारिसु सच्चविउ पयडीहुयउ अणंगु ।  
 तो मविसेसिय-दुहिहिं हउं विहुरीहुय सव्वंगु ॥

[६२३]

किंतु पयडीहुय-कंदप्प-

नेवत्थिण सहिहिं तहिं तह कहिंचि तइयहं विणोडय ।  
 जह अइरिण पुव्व-दिण- संभवाइं दोसहं वि मोइय ॥  
 तयणंतरे पुणु अवहरिउ आससेण-निव-पुत्तु ।  
 दुट्ठ-तुरंगिण ता खणिण भुत्तणु वि हुयउं दुहत्तु ॥

[६२४]

हउं विसेसिण मुणिय-वुत्तंत

पसरंत-दुह-विहुर-तणु पत्त मुच्छ सहि-यणिण कहमवि ।  
 निय निय-वरि अह परु जु किंपि तं तु न मुणेमि सयमवि ॥  
 किं पुण केण-वि नहयरिण विलविर हरिवि विमुक्क ।  
 इह इय चिट्ठउं मंकडि व नियह पलंवह चुक्क ॥

[६२५]

सो उ संपइ कह वि अन्नत्थ

खयरहसु गयउ इय गोरि-देवि-पय-पउम-पणमिर ।  
 इह चिट्ठउं हउं जणय जणणि दिणु निय-दइउ मगिर ॥  
 अह विहसेवि स-ताल-रवु भणइ कुमरु - पसयच्छि ।  
 इह स मयण हउ किं न नियसि समरसीह-निव-वच्छि ॥

[६२६]

अह सया-वि हु विसम-पगईए  
 कंदप्पह तह तसु वि ससि-मुहीए लज्जाउलत्तिण ।  
 विम्हारिय-तस्समय- उचिय-विहिहि रायाउरत्तिण ॥  
 मह मणहरणिय स ज्जि एह इय परिर्वितंतेण ।  
 सा कुमरिण कामिणि भणिय विम्हिय-मण-पसरेण ॥

[६२७]

चइवि संभमु मुइवि अवमाणु  
 विहिऊण पसाउ अणु सरिवि राउ सो पुव्व-इसिउ ।  
 जो तइयहं पयडियउ उइसेवि तइं निय-वयंसिउ ॥  
 पसरिय-अणुरायाणलिण उवताविय-अंगस्सु ।  
 किं न वियरसि पसयच्छि तुहुं मह नेहह सव्वस्सु ॥

[६२८]

किं न सुमरसि सुयणु जं नयर-  
 उज्जाणि कीलण-गयह मज्झ कंठि तइं मयण-बुद्धिण ।  
 निक्खेविय कमल-वर- माल पूय कय भाव-सुद्धिण ॥  
 मह नेवत्थिण सहिहिं सहुं आरंभिय-कीलाए ।  
 तह तह परिरंभणु विहिउ मह जि सु-वीसंभाए ॥

[६२९]

इय भणंतिण कुमर-रयणेण  
 तसु लज्ज-अहोमुहिहि वयण-कमलु दाहिणिण हत्थिण ।  
 उक्खेविणु भणिउ - नणु सुयणु लद्ध तुहुं मइं कयत्थिण ॥  
 चिंतामणि व अहन्न-घरि दुलह इमम्मि वणम्मि ।  
 ता पसियसु अवलोयणिण धरिवि सु णेहु मणम्मि ॥

[६३०]

अह वियासिय-वयण जा किंचि

सा मुद्ध समुल्लवइ ताव दिट्ठ हय-विहि-विसेसिण ।  
 रोसारुण-लोयणिण गयण-ठिइण तिण खयर-पुरिसिण ॥  
 अहह जियंतह फणिवइहि चूडामणि कु छिवेइ ।  
 कु व केसर पंचाणणह जगंतह वि गहेइ ॥

[६३१]

इय भणंतिण विरसु रसिरस्सु

परिकंपिर-तणु-लयह संनिहीउ तसु तरुणि-रयणह ।  
 अवहरिउ कुमार लहु अह मुएमि सुर-सिहरि-सिहरह ॥  
 तह जह पर-पिय-मण-जणिय- पावह फलु पेक्खेवि ।  
 निहणु उवेइ ह्यासु इहु सय-सक्करउ हवेवि ॥

[६३२]

इय विचित्तिरु तुरिउ अलि-गवल-

दल-नीलिण नह-यलिण लगु गंतु सो पाव-नहयर ।  
 जा ताव निरिक्खिउण कुमर-वरिण सरि सिहरि पुरवर ॥  
 गुरु लहु लहुयर लहुयतमु उद्ध उद्ध गमिरेण ।  
 कह मइं दिट्ठउ जाइसइ एहु इय चित्तंतेण ॥

[६३३]

हणिउ मुट्ठिण कुलिस-कट्ठिणेण

निस्संकु कवाल-तलि तयणु गलिर-रुहिर-च्छडाविलु ।  
 अवक्रंदिय-पडिरविण भरिय-गयण-गिरि-धरणि-मंडलु ॥  
 मुह-कंदरह विणिस्सरिय- दीहर-रसणा-सप्पु ।  
 कसु सोहगु न हुयउ लहु सो नहयर गय-दप्पु ॥

[६३४]

अह विङ्जजह कुमर-घायस्सु

वीहंतु व तक्खणिण खयर-अहम-जिउ नट्टु वेगेण ।  
 ता न्हयरं-संवह तसु वयणु अ-नियमाणिण व तरणिण ॥  
 अत्थ-सिहरि-सिहरह परइ गंतु विहिउ आवांसु ।  
 हय-रिउ कुमरु वि तसु पियह सुमरंतउ संभासु ॥

[६३५]

निसिय-ससहर-किरण-सर-भरिण

कर-कलिय-कराल-तणु कुमुय-कंति-कोदंड-लट्ठिण ।  
 नहयर-वह-वइयरिण तविय-मणिण इव मयण-धट्ठिण ॥  
 रयणि-समागमि तहं कहं वि परिसल्लिउ सव्वंगु ।  
 असुहिण सुहिण व घत्थियउं जह न मुणइ निय-अंगु ॥

[६३६]

नणु हयासु सु सत्तु निदल्लिउ

लीलाए वि एहु पुणु किह णु भुवण-दुज्जउं जियव्वउ ।  
 हु हुं अत्थि उवाउ मडं जिणणि रिउहु एयह वि लद्धउ ॥  
 जइ जीवंतु स-नयणुलिहिं हरिण-नयणि पेक्खेसु ।  
 ता एयह मयणह रिउहु तुरिउ जलंजलि देसु ॥

[६३७]

इय विचित्तिरु कुमरु अडईए

ढंढोल्लिवि को-वि खणु गयउ कह वि धवलहरि तम्मि वि ।  
 ता ससि-मुहि संभमिण उत्तरीउ संवरिवि विहसिवि ॥  
 उट्ठिवि संमुह हरिस-भर-खलिरक्खर-वयणेहिं ।  
 पुच्छइ पच्छिम कह मुइर वाह-सल्लिउ नयणेहिं ॥

[६३८]

अह समासिण निविड-नेहाए

तहि सारय-ससि-मुहिहि पुव्व-उत्त कह सयल साहिय ।  
 ता पसरिय-हरिस-भर सा मयच्छि कुमरिण विवाहिय ॥  
 अह पाविय-चक्कि-स्सरि व फुरिय-हरिस-वावारु ।  
 तीए सुनंदह कामिणिहि सविहि वड्डटु कुमारु ॥

[६३९]

अरिरि ससहर तवहि तुहुं अज्जु

मलयाणिल तुहुं फुरहि लेहि पसरु सहयार तं पि हु ।  
 हलि कोडलि लवि तुहुं वि तुमि वि भमर झंकार पयडहु ॥  
 अरि अरि धट्टय कुसुम-सर पुरिमु होहि तुहुं अज्जु ।  
 एह पाडेसइ सयलहं वि तुम्हहं मत्थइ वज्जु ॥

[६४०]

तह सुलोयणि एहि जह तुज्जु

क-वि अक्खउं वत्तडी इय भणंतु पविसेइ अंगह ।  
 जा ताव समुल्लसिय-रोस-पसर गयणयल-मग्गह ॥  
 तसु खयरह कुमरिण ह्यह आयणिय-वुत्तंत ।  
 संझावलि-नामिय लहय भइणि तत्थ संपत्त ॥

[६४१]

किंतु कुमरह वयण-हरिणंक-

अवल्लोयण-अमय-रस-सित्त जीण-तणु-कोह-यव्वह ।  
 मयणाणल-तविय-तणु ह्य स ज्जि सव्वंग-दुस्सह ॥  
 ता गंधव्व-विवाह-विहि अणुसरेवि परिणीय ।  
 कुमरिण संझावलि वि निय-वसुकय-सिण उवणीय ॥



[६४२]

अह कुमारह सुकय-सयलम्भ-

हिय-इच्छिय-अत्थ-कर पढिय-सिद्ध गुरु-कमुवणामिय ।  
 संज्ञावलि-कामिणिहिं दिण्ण विज्ज पणत्ति-नामिय ॥  
 तेण वि साहिय अइरिण वि उवएसिय-विहि-पुव्वु ।  
 विज्ज स पयडंतिण नियय- मणि उच्छाहु अउव्वु ॥

[६४३]

एत्थ अंतरि पढिण गयणस्सु

सासाउल खुहिय-मण खयर-कुमर दो तत्थ आगय ।  
 पणमंति य आयरिण कुमर-वरह तस्सु पाय-पंकय ॥  
 तयणु कुमारिण भणिउ—किं एहु इय चित्तंतेण ।  
 नणु के कत्तु व कह व तुमि इह आगय वेगेण ॥

[६४४]

अह पयंपहिं खयर—नर-रयण

वेयइढ्ह गिरि-वरह विहिय-सिरिहि गंधव्व-नयरिहि ।  
 नाहेहिं खयराहिविहिं चंडवेग-सिरिभाणुवेगिहिं ॥  
 पेसिय अम्हि नियंगरुह एहु रह-रयणु गहेउ ।  
 चंदसेण-हरिचंद इय- नामय तुम्हह हेउ ॥

[६४५]

मुणिय-निहणिय-तणय-वुत्तंतु

रोसारुण-नयण-दल्लु खयर-वलिण संछन्न-नह यल्लु ।  
 नाणाविह-समर-धर- पत्त कित्ति जिय-पिसुण-मंडल्लु ॥  
 असणिवेग-अभिहाणु खयराहिवु गरुय मरद्दु ।  
 आगच्छंतु सुणेवि कय- नहयर-मण-संघद्दु ॥

[६४६]

ता पसीउण तुम्हि नर-रयण

रह-रयणि इहारुहह      तुरिउ एत्थ-अंतरि पहुत्तय ।  
 खयरिद ति बहु-वल्लिण      चंडवेग-सिरिमाणुवेगय ॥  
 जाव य ति वि कुमरेण सह      सुह-दुह-कह अक्खित ।  
 अइवाहई तहिं कालु कु-वि रण-रस-पुलइज्जंत ॥

[६४७]

ताव निसुणिवि तणय-वुत्तंतु

साडोवु समुल्लसिय-      रोसु जसु व तिहुयण-भयंकरु ।  
 सदाविवि मंडलिय-      सचिव-नियरु निय-रज्ज-सुंदरु ॥  
 असणिवेगु पभणेइ - लहु      चल्लहं संवहिज्जण ।  
 अज्जु जिम्बेसहुं सुय-वहय- कुमरह वल्लु मल्लिज्जण ॥

[६४८]

ता पयंपिउ पवर-मंतीहिं

नणु नाह न सत्तु लहु      इय मुणेवि अवगणियव्वउ ।  
 कु व एगु महावल्लह      मह इमो त्ति न उवेहियव्वउ ॥  
 वड्ढंतिण हुयवह-कणिण      डज्जइ सयल्लु वि लोउ ।  
 किज्जइ सीहिण एणिण वि करि-वड-हणणि विणोउ ॥

[६४९]

धरणि-गोयरु एहु अहयं तु

विज्जाहर-चक्क-पहु      इय मुणेवि रिउ मावहीलह ।  
 कि न रामिण रावणु सु      हरिण कंसु सु न नीउ पलयह ॥  
 इय वल्लवंतिहिं थिर-मणिहिं दिट्ठ-सत्तु-सत्तेहिं ।  
 सु वियारेवि विहेउ खमु रण-संरंभु निवेहि ॥

[६५०]

इय विचित्तिहि वयण-रयणाहिं

जंपंत वि मंति-वर अवगणेवि सो खयर-सामिउ ।  
 चउरंगिण वल-भरिण चलिउ कुविय-विहि-रज्जु-दामिउ ॥  
 समग-समाहय-विप्पुरिय- समर-तूर-निग्घोसु ।  
 पुव्व-पयट्ठ-अणेग-रण- सत्तु-विजय-संतोसु ॥

[६५१]

फुरिय-गरुयर-विविह-अवसउण-

पडिसिद्धु वि सुय-मरण- असुह-तिमिर-आवरिय-लोयणु ।  
 लहु पत्तु महाडइहिं तीए उवरि तोरविय-संदणु ॥  
 अह जा खयराहिव-सहिउ कुमरु उद्धु जोएइ ।  
 भुवण-भयंकरु ता गयणि कोलाहल्लु निमुणेइ ॥

[६५२]

तयणु किं एहु फुट्ठु वंभंडु

वेयालु व कु-वि कुविउ जलनिहि व्व खुहियउ अयंडि वि ।  
 जं सुम्मइ पलय-घण- गहिरु सहु ठिउ भुवणु भंडिवि ॥  
 इय-चित्तिर-खयराहिविहिं सहिउ सु सणतुकुमारु ।  
 जा चिट्ठइ ता खणिण तहिं पत्तु सु नहयर-सारु ॥

[६५३]

अह खणद्धिण विहिय-संनाह

विज्जाहर-पहु ति दु वि चंडवेग-सिरिभाणुवेगय ।  
 खयरिदिण तेण सह दुक्क नियय-सेन्नेण संगय ॥  
 किंतु खणेण वि दो वि तिण असणिवेग-खयरेण ।  
 हय-विप्पहय विहिय घण व झंझाणिल-पसरेण ॥

[६५४]

तयणु नासिर-सेन्न भज्जंत

ते दो वि निरिविखउण कुमर-वरिण अखलंत-पसरिण ।  
 मा भायह नियह खणु दलिसु दप्पु इमह त्ति भणिरिण ॥  
 पण्णत्तिहि विज्जह वसिण कय-चउरंग-वलेण ॥  
 खग्ग-खणवखण-रव-खुहिय- पडिवविखय-खयरेण ।

[६५५]

निसिय-करयल-कलिय-करवाल-

लय-निदय-निदलिय- सत्तु-कुंभि-कुंभयड-लविखण ॥  
 थणु-जंत-विमुक्क-सर- निहय-भडिण रण-मग्ग-दविखण ॥  
 लुरिय-घाय-पसरिय-रुहिर- छड-अरुणिय-गयणेण ।  
 मुग्गर-पहर-विणिदलिय- उत्तिमंग-सुहडेण ॥

[६५६]

सत्ति-भल्लय-सेल्ल-वावल्ल-

नाराय-मुसुंढि-गय- वज्ज-चक्क-कत्तरिय-कुंत्तिहि ।  
 निहणंतिण करि-तुरय- सुहउ-सत्थ बहु-विह-विभत्तिहि ॥  
 उवसाहिउ खण-मेत्तिण वि असणिवेग-खयरिंदु ।  
 तयणु सु परिविप्फुरिय-कुरु- वंस-गयण-रयणिंदु ॥

[६५७]

खयर-वियरिय-रहवरारुदु

सुर-नहयर-तरुणियण- मुक्क-पंचविह-कुमुम-वुट्ठिउ ।  
 स-परिक्कम-सुर-असुर- खयर-सुहउ-मण-जणिय-तुट्ठिउ ॥  
 भुवणव्मंतर-वित्थरिय- निरुवम-कित्ति-कलावु ।  
 पत्तु तर्हि चिय धवलहरि पसरिय-महुरालावु ॥

[६५८]

तयणु तक्खणि विणय-पणयाहं ।

गुरु-हरिसिण पुल्लइयं धम्म-कम्म-निम्मल-विवेगहं ।

दुण्हं पि खयर-प्पहुहुं चंडवेग-सिरिभाणुवेगहं ॥

वयणिण निय-दइयउ दुवि वि वेप्पिणु सणतुकुमारु ।

सिरि-गंधच्च-पुरम्मि गउ कय-रिउ-कुल-संहारु ॥

[६५९]

अह अणुक्कम-गहिय-नीसेस-

विज्जाहर-रज्ज-सिरि फुरिय-गरुय-खयराहिवत्तणु ।

उवसाहिय विज्ज-सय- सहसु पणय-इच्छिय-पयच्छणु ॥

चंडवेग-खयराहिविण भणिउ इयर-दियहम्मि ।

पहु भुवणस्सु वि इच्छियइं पूरसि तुहुं हिययम्मि ॥

[६६०]

ता पसीउण मह वि एयाउ

सय-संखउ कन्नयउ समगमेव परिणेउ सामिउ ।

तह गेण्हउ रज्जु इहु हउं हवेमि जह मोक्ख-गामिउ ॥

जम्हा एत्तिउ कालु इह ठिउ तुह मग्गु नियंतु ।

रज्ज-धुरंधरु को-वि निय- नंदणु अ-निरिक्खतु ॥

[६६१]

जमिह पत्तउ आसि अइसइय-

निय-नाणिण मुणिय-जग्गु अच्चिमालि-अभिहाणु मुणि-वरु

त्तिण अक्खिउ — चक्कवइ आससेण-कुल-गयण-ससहरु ।

तुह कन्नहं सय-संखहं वि होहिइ पिउ जय-सारु ।

भाणुवेग-धुरयहं वि सु जि पिययसु सणतुकुमारु ॥

[६६२]

तसु पसाइण तुहुं वि निच्चित्तु

स-कु 'व-रज्जहं विसइ होउ होसि सद्धम्म-साहणु ।  
 ता जंपिउ मइं — कहसु साहु-वसह तसु मुणण-कारणु ॥  
 ता आइइउं मुणि-वरिण जो तुरइण हरिऊण ।  
 पाडिज्जिहिहि महाडइहिं तत्तु वि आणेऊण ॥

[६६३]

चिर-समज्जिय-मुकय-माहप्प-

आयइह-उत्तिम-चरिय- विजिय-जगिण उचियत्त-दक्खिण ।  
 माणस-सरि मुच्चिसइ करयलेण कमलवख-जक्खिण ॥  
 असियक्खह जक्खह नियय- रिउहु जु हणिहइ दप्पु ।  
 सो जाणिज्जमु निय-दुहिय- हियय-प्पिउ अवियप्पु ॥

[६६४]

भणिउ मइं — अह किह णु मुणि-नाह

नर-रयणह तसु वि असियक्ख-जक्खु सो हुयउ वइरिउ ।  
 ता सूरिण भणिउ — नणु अप्पु चेव मुह-अमुह-पेरिउ ॥  
 जायइ सयलसु वि जयह सुहि सत्तु व जिय-लोइ ।  
 एत्थ वि खयरहिइ तुहुं हेउ इमो च्चिय जोइ ॥

तहाहि —

[६६५]

दीवि एत्थ वि कणयपुर-नयरि

निय-तेय-निज्जिय-तरणि फुरिय-कित्ति पडिक्ख-खंडणु ।  
 पणय-प्पिउ दाण-रुइ धीर-चरिउ दुन्नय-विहंडणु ॥  
 सारय-रयणीयर-सरिस- बहु-गुण-रयण-निहाणु ।  
 आसि नराहिवु जय-पयडु विक्कमजस-अभिहाणु ॥

[६६६]

तसु विसप्पिर-कुल-पसूयाहं

सरडुंदु-उज्जल-जसहं कुंद-कलिय-सम दंत-पंतिहिं ।  
 वियसंत-मुह-पंकयहं उत्तसंत-सिमु-हरिण-नेत्तिहिं ॥  
 अंतैउरियहं रइ-समहं चिट्ठइं पंच सयाइं ।  
 तार्हिं य सह भुंजंतु निवु चिट्ठइ विसय-सुहाइं ॥

[६६७]

तर्हि वि धण-कण-रयण-कलहोय-

समुवहसिय-वेसमण- विहवु नयर-नर-पवर-बुद्धिउ ।  
 ससि-निम्मल-नियय-गुण- वसुवलद्ध-जस-कित्ति-रिद्धिउ ॥  
 निरुवम-रूवु थिर-प्पगइ इगु सत्थाहह पुत्तु ।  
 आसि पसिद्धउ धरणियलि नामिण नागहत्तु ॥

[६६८]

तसु वसुंधर-पवर-सिंगार

असवण्ण-लायण्ण-निहि महिय-देव-गुरु-पाय-पंकय ।  
 नव-जोव्वण तरुण-मण- रयण-हरण-विहि-विगय-संकय ॥  
 मिउ-भासिर थिर-चंकमिर गुरु-गुण-रयण-समिद्ध ।  
 हियय-प्पिय पिय आसि जगि विण्हुसिरि त्ति पसिद्ध ॥

[६६९]

इयर-वासरि रायवाडियहं

गच्छंतउ धरणिवइ विहिय-चारु-सिंगारु मग्गिण ।  
 अवलोयइ विण्हुसिरि विजिय-तियस-सुंदरि निसग्गिण ।  
 अह तइंसणि तक्खणिण पसरिय-गुरु-कंदप्पु ।  
 विहुरिय-अंगोवंगु परिचितइ विविह-वियप्पु ॥

[६७०]

जइ न भुज्जइ विसय-सुहु अज्जु  
 सह ससहर-वयणियए जिय-रइए तरुणीए एइए ।  
 ता मणउं अप्पु मय- निव्विसेसु संगहिउ अरइए ॥  
 दूरि वसंतइ वल्लहइ न हवइ मणि संतोसु ।  
 चक्कु दुहिज्जइ रवि-विरहि तहिं कु-वि अन्नु कि दोसु ॥

[६७१]

अह निउत्तिहिं नरिहिं सा वाल  
 नेयाविणु निय-भवणि निविण विविह पडिवत्ति कारिवि ।  
 अंतेउरि परिखिविय जय-पहाण एह इय वियारिवि ॥  
 पत्तावसरि पवत्तिउण विण्हुस्सिरि उवभुत्त ।  
 तह जह मयण-हुयासणह समियह कह संवुत्त ॥

[६७२]

अह निसामिय-निवइ-वुत्तंतु  
 अ-लहंतु मगंतउ वि नागदत्तु निय-पियहि विरहिण ।  
 सुहि-सयणिहिं पूरिउ वि स-घरु मुणिरु उव्वसिउ भूइण ॥  
 सोइज्जंतउ सज्जणिहिं खलिहिं खलीकिज्जंतु ।  
 निरु परिचिट्ठइ कह कह न नयरि असेसि भमंतु ॥

[६७३]

गलिय-परियणु चइय-सुहि-सयणु  
 संपीणिय-पिसुण-मणु दलिय-माणु परित्तविय-सज्जणु ।  
 संपिंडिय-डिंभ-यणु चत्त-पाण-भोयण-विलेवणु ॥  
 विण्हुस्सिरि तुहुं कहिं गइय चइउ ममं ति भणंतु ।  
 दिट्ठउ विण्हुस्सिरि-जुइण निभइण कह-भि भमंतु ॥

६७० ३ क. एइय.

६७२. ८-९ क कह कह नयरि

६७३ १ क. परिहणु



[६७४]

न उण कहमवि निविड-नेहेण

परिमुक्किय विण्हुस्सिरि अह कयावि हय-विट्ठि-निओइण ।  
 निव-दइयहिं सेसियहिं अमरिसेण ओसह-पओइण ॥  
 सज्जण-गरहिय-विट्ठिण परिउज्झिय-भोगुवभोय ।  
 सा पत्तिय पंचत्तु लहु विहलिय-इह-पर-लोय ॥

[६७५]

अह नराहियु तीए विरहेण

परिसुन्नउं तिहुयणु वि मन्नमाणु तक्खणि वि मुच्छिउ ।  
 तयवत्थ-विण्हुस्सिरिहि उवरि पडिउ परिमउलियच्छिउ ॥  
 अह हाहाविरु मंति-यणु विल्विरु नयर-पहाणु ।  
 कुणइ चिगिच्छ नराहिवह पसरिय-सोय-निहाणु ॥

[६७६]

निवु वि किंचि वि पत्त-वेयन्नु

उवल्ल-वहुयर-असुहु फुरिय-गरुय-वियलत्त-वइयर ।  
 खणु उट्ठइ खणु सुयइ खणु हसेइ खणु रुयइ दुहयर ॥  
 दइयए पुणु अ-कुणंतियए न कुणइ भोयणु किंपि ।  
 न वि य विमुंचइ पिययमहि तमु-संनिहि ईसिं पि ॥

[६७७]

न वि य छिविउ वि देइ इयरस्सु

ता सचिविहिं मंतिउण कह वि दिट्ठि वंचिवि नरिंदह ।  
 उप्पाडिवि विण्हुसिरि खिविय नेउ मज्झम्मि विविणह ॥  
 ता अ-नियंतउ निय-दइय भोयणु जलु वि न लेइ ।  
 अंसु-जलाविल-नयणु निवु विक्कमजसु विलवेइ ॥

[६७८]

अह नराहिउ स-पिय अनियंतु

मा मरिहइ इय समगु सचिव-जणिण सयलेण मंतिवि ।  
 कायव्वउं जह कह वि सत्थु हियउ पहुहु त्ति चित्तिवि ॥  
 भणिउ नमेविणु नरवरह पुरउ — देव पसिऊण ।  
 भोयणु कुणसु पसन्न-मणु निय-पिययभ दट्ठूण ॥

[६७९]

तयणु — कहि कहि कत्थ कत्थत्थि

सा ससि-मुहि विण्हुसिरि इय भणंतु उट्ठेवि नरवरु ।  
 वयणेण सचिवहं चडिवि तुरइ गहिय-निय-सार-परियरु ॥  
 पत्तु तइज्जह लंघणह अंति चउत्थ-दिणम्मि ।  
 जत्थ खिवाविय विण्हुसिरि चिट्ठइ तत्थ वणम्मि ॥

[६८०]

ता निरंतरु पूइ-पव्वभार-

किमि-संकुल-सयल-तणु काय-सहस-आवट्ट-लोयण ।  
 वहु-गिद्ध-सिगाल-सय- सुणय-सहस-परिविहिय-भोयण ॥  
 विगलिय-दसण कराल-मुह पूइ-गंध-वीभच्छ ।  
 दिट्ठ नरिदिण विण्हुसिरि विहय-सहस-पडिहत्थ ॥

[६८१]

अह नराहिउ फुरिय-वेरगु

धिसि जीए निमित्तु मइं सील-रयणु लीलइं कलंकिउ ।  
 परिचत्तु कुल-वक्कमु वि सुयण-वग्गु सयलु वि धव्वकिउ ॥  
 अब्भुवगय पागय-किरिय वित्थारिय अवक्कित्ति ।  
 भुवणि वि अप्पु विगोइयउ तसु एरिस मुत्ति त्ति ॥

[६८२]

इय विचिंतितरु रज्जु पंजरु व

सुहि-सयण वि बंधण व विसय-सुहु वि विस-विडवि-फल्ल इव ।  
 तारुणु वि जल-लवु व जीवियं पि करि-कलह-सवणु व ॥  
 तरुणिउ दुग्गइ-सरणिउ व हियउ वि सुर-धणुहु व्व ।  
 विग्गहु सयलावइ-गिहु व पिय-संगु वि असुहु व्व ॥

[६८३]

धरिवि हियइण मुणिय-परमत्थु

नीसेसु वि परिहरवि भणिय-वत्थु-वित्थरु खणद्धिण ।  
 स-कुहुंवह सयलह वि करिवि सुत्थु सह रज्ज-रिद्धिण ॥  
 गंतु तहा-विह-मुणि-वरहं पुरउ फुरिय-रोमंचु ।  
 मेण्हइ चरणु नराहिवइ अवगय-पाव-पवंचु ॥

[६८४]

तयणु निंदइ पाव-कम्माइं

पडिवज्जइ गुरु-भणिउ पायल्लित्तु तव-चरणु सेवइ ।  
 अणुसीलइ मुणि-किरिय मुणइ सयल-सत्थत्थु केवइ ॥  
 तह जह जायउ अइरिण वि दुविह-समहिगय-सिक्खु ।  
 अणुचरियंतिम-सयल-विहि सहलीकय-निय-दिक्खु ॥

[६८५]

खविवि गुरुयरु पाव-पव्वभारु

उवसंचिवि सुकय-भरु परिहरेवि तणु इहु उरालिउ ।  
 तइयम्मि सुर-घरि गयउ नागदत्तु पुणु दुह-करालिउ ॥  
 समुवज्जिय-गुरु-पाव-भरु पसरिय-दुह-पव्वभारि ।  
 मरिवि चउ-ग्गइ-भव-गहणि निवडिउ भव-कंतारि ॥

[६८६]

अह ठिइ-क्खइ सुक्कय-क्कय-रक्खु  
 सो तस्सु सुरालयह चविवि पवर-वासर-सुहुत्तिण ।  
 सिरि-विक्रमजस-तियसु नयरि रयण-पुरि सुप्पवित्तिण ॥  
 सिविण-सइण उवस्सइयउ कसु वि महिम्भह पुत्तु ।  
 जायउ कय-सुहि-सयण-सुहु वहु-लक्खण-संजुत्तु ॥

[६८७]

तयणु जणइण सिविण-अणुस्सु  
 जिणधम्मो इय नंदणह दिण्णु नामु गरुयरिण रिद्धिण ।  
 कम-जोगिण वालगु वि सहिउ सरय-ससि-सुद्ध-बुद्धिण ॥  
 गुरुहु पसाइण पत्तु लहु सयल-क्कलोयहि-पारि ।  
 तह संपाविय-जस-पसरु जिण-सासणह वियारि ॥

[६८८]

काल-जोगिण कित्ति-सेसत्ति  
 संपन्नइ तप्पियरि मिलिवि सयल-सज्जणिण सो च्चिय ।  
 तम्मंदिरि पहु विहिउ तयणु तेण उवलद्ध जच्चिय ॥  
 गुरु-गुण-धम्म-समज्जिजणिय महियल-पयड-पयास ।  
 निरुवम-कित्ति-पुरंधि निय- पह-पंडुरिय-दसास ॥

[६८९]

एत्थ अंतरि भमिवि संसारि  
 सिरि-सीहउरम्मि पुरि नागदत्त-जीवु वि स-क्कम्मिण ।  
 उववन्नु तहा-विहह कसु वि दियह गिहि पुत्त-भाविण ॥  
 कोहण-पगड स-मच्छरिउ अ विहिय-स-कुआयारु ।  
 अग्निसम्म-नामिण पयडु अमुणिय-वेय-वियारु ॥

[६९०]

अह तहाविह-गुरुहु पय-मूलि  
 परिवायग-वउ गहिवि परियडंतु वसुहहं समग्गहं ।  
 निय-धम्मिण पत्त-जसु मज्झि वाल-तवसिहिं उदग्गहं ॥  
 विहिहि निओइण रयणउर-निव-भवणम्मि पहुत्तु ।  
 अह नरवाहण-नरवरिण निसुणिवि तव-वुत्तंतु ॥

[६९१]

भणिउ - महरिसि कुणसु तुहुं अज्जु  
 मह मंदिरि पारणउ तयणु तेण वालय-तवस्सिण ।  
 जिणधम्मु तहिं गयउ दट्ठु फुरिय-रोसिण हयासिण ॥  
 भणिउ - नराहिव पारणउं तुह वरि करिसु अवस्सु ।  
 महियल-गयह अहो-मुहह वणियइ जइ एयस्सु ॥

[६९२]

ठविवि पट्ठिहि कंस-पत्तीए  
 उण्हण्हु पायस-असणु देसि जमिह मइं अज्जु एरिसु ।  
 गोसम्मि वि आयरिण गहिउ नियमु चिट्ठेइ असरिसु ॥  
 अह नरनाहिण विहि-वसिण निव्वंधिण जिणधम्मु ।  
 भणिवि अणिच्छंतु वि कह-वि काराविउ तं कम्म ॥

[६९३]

तयणु अगहिय-नामु सु हयासु  
 उण्हण्हु-पायस-असणु सणिउ सणिउ भुंजइ पढट्ठउ ।  
 जिणधम्मु वि तवभणिय-विहिण सुद्ध-महियलि निसिट्ठउ ॥  
 पट्ठि निविट्ठण्हुहयर-कंस-पत्ति-दाहत्तु ।  
 भावइ भव-उव्विग्ग-मणु विमल-विवेय-पवित्तु ॥

[६९४]

अहह अरि जिय करिसि म म रोसु  
 इयरस्सु करसु वि उवरि विहि वसेण कु व कु व न पावइ ।  
 भव-विविणि दुहावणइ मण-अगोयर वि विविह आवइ ॥  
 निय-सुह-असुहइं पुव्व-भव- समुवज्जियइं चएवि ।  
 को गिण्हइ जसु अवजसु व भद्दु अभद्दु व देवि ॥

[६९५]

जलिर-मंदिर-सरिसु संसारु  
 निरुवद्दु मोक्ख-पुरु दुहय विसय सुह-हेंउ सिव-पहु ।  
 तणु चंचल धम्म थिरु सुहउ सुगुरु खलयणु दुहावहु ॥  
 अप्पु वि अ-नियंतिउ पिसुणु सु-नियंतिउ सु जि मित्तु ।  
 ता जिय वट्टसु इयरवरि राय दोस चइत्तु ॥

[६९६]

जलहि-सुरगिरि-गहिर-थिर-मणह  
 इय तस्सु विचिंतिरह सो हयासु बालय-तवस्सिउ ।  
 अइ-मंथरु भुजिउण उण्ह-उण्हु परमन्नु हरिसिउ ॥  
 सेट्ठिहि पट्ठिहि कह कह वि जा उप्पाडइ पत्ति ।  
 ता उक्खिडिय स रुहिर-वस- मंस-न्हारु-जुय त्ति ॥

[६९७]

अहह धिसि धिसि पाव-तवसिण  
 किह एडण धम्म-निहि पुरिस-रयणु एरिसु विडंविउ ।  
 निक्कारणि निवडण वि किह अ-कज्जु एहु एहु कराविउ ॥  
 नहि पर-लोइ वि निय-कयहं सुह-असुहहं संसारि ।  
 छुट्ठिज्जइ गुरु-गुरुएहिं वि विसम-विवागि अ-सारि ॥

६९४ ४ क विणिवि. ५. विविहिह.

६९६. ५. क. उण्हउण्ह. ६ पिट्ठिहि

[६९८]

इय निसामिरु देव-गुरु-वयण-

परमामय-सित्त-तणु राय-दोस-परिहरिय-माणसु ।  
 आगंतुण निय-भवणि बहु-दुहत्तु निय-कज्ज-अणलसु ॥  
 मेलिवि संघु चउव्विहु वि तह मुहि-सज्जण-लोउ ।  
 त्रिहिउण पुय-सक्कारु तसु सो निय-कुल-उज्जोउ ॥

[६९९]

करिवि निय घर-मुत्थु गृहि-सयण-

धण-धन्नु परिच्चइवि धरिवि हियइ जिणनाह-सासणु ।  
 पडिवज्जिवि वर-वरणु गंतु गिरिहिं गेण्हेवि अणसणु ॥  
 पुव्व-दिसिहिं उस्सग्गि ठिउ गमइ पणरस दिणाणि ।  
 इय सेसासु वि तिसु दिसिसु पिहु पिहु पन्नरसाणि ॥

[७००]

इय दु-मासिउ उग्गु तव-कम्म

अइ-दुक्करतरु करिवि ढंक-कंक-वग-उलुग-कागिहिं ।  
 सिंचाण-सिगाल-विग-वण-विराल-भल्लुंकि-मुणगिहिं ॥  
 खज्जिर-पट्टि-पएसु सुर-सिहरि-सिहर-थिर-चित्तु ।  
 मरिवि सु हुयउ सुराहिवड सोहम्मम्मि पवित्तु ॥

[७०१]

सु वि तहाविह-नियय-दुच्चरिय-

परिखेइय-मुहि-सयणु वाल-किरिय-परिसीलणुज्जउ ।  
 बुह-वग्गिण अवगणिउ मरिवि नियय-दुक्कय-विइज्जउ ॥  
 अग्गिसम्मु सोहम्म-सुर-मंदिरि तियसिंदस्सु ।  
 एरावणु वाहणु हुयउ वसिण स-कय-कम्मस्सु ॥

[७०२]

पत्त-अवसरु विहिय-सिंगारु

अभिओगिय-गुर-गणिण नीउ पुरउ तियसाहिरायह ।

तदंसणि करिवरु वि अणुसरंतु गरुयर-विसायह ॥

चिक्कारारव-भरिय-दिसि तसिउ पयट्टउ जाव ।

वज्जंकुस-करु तियस-पहु तहिं आरुढउ ताव ॥

[७०३]

तयणु दुगुणीहुयउ करि-राउ

तियसिंदु वि दुगुण-तणु चउ-सरीरु अह दत्थि-नाहु वि ।

सुर-सामि वि चउ-गुणिउ तयणु अट्ठ-गुण हूय ते दु-वि ॥

किं बहुइण तह तह सुइरु खेइवि गरुय-विसाइ ।

आरुढउ तियसाहिवइ तइयहं तहिं करि-राइ ॥

[७०४]

इय निरंतरु तेसि दोणहं पि

तियसेसर-गयरायहं फुरिय-गरुय-सुह-दुह-विसेसहं ।

सुइरज्जिय-निय-नियय- कम्म-वसिण गच्छंत-दिवसहं ॥

पुव्वयरु वि करिवरु चइवि पडियउ भवि चउरंगि ।

धम्मिय-जण-उक्कंप-यरि पसरिय-दुह-सव्वंगि ॥

[७०५]

तियस-सामि वि चविवि ठिइ-खइण

सिरि-हत्थिणाग-प्पुरिहिं आससेण-मेइणि-मयंकह ।

सहदेविहि पिययमह कुच्छि-कमलि अणहुव-कलंकह ॥

चउदह-सिन्निणुवस्सइयउ हुउ गुण-रयण-निहाणु ।

नंदणु भुवणाणंद-यरु सणतुकुमारभिहाणु ॥



[७०६]

भमिवि चउ-गइ-भव-अरणम्मि

बहु-भेय-परिप्पुरिय- जम्म-मरण-सहसिहिं कयत्थिउ ।  
 विलवंतउ पर-वसिउ दास-पेस-अधणत्त-दुत्थिउ ॥  
 तारिस-निय-कम्मह वसिण अभिहाणिण असियक्खु ।  
 हुउ वेयइह-महागिरिहिं एरावण-जिउ जक्खु ॥

[७०७]

इय समासिण कहिवि वुत्तंतु

तुह संतिउ मुणि-वसहु अच्चिमालि अन्नत्थ विहरिउ ।  
 तुह अंतर-वास-कइ भाणुवेगु पुणु गहिवि कुमरिउ ॥  
 मह वयणिण माणस-सरह सविह-देसि गंतूण ।  
 टिउ पिय-संगम-नामु पुरु सुर-पुर-समु रइऊण ॥

[७०८]

तयणु तइयहं तह तुमं तेण

परिणाविउ अट्ट निय- दुहिय किं तु तुह पाय-जुयलह ।  
 पत्थाविण सेव हउं करिमु धरिवि इहु मज्झि हिययह ॥  
 तइं मिल्लेविणु एक्कलउ भाणुवेगु निय-ठाणि ।  
 गउ ता पहु मरिसिज्ज तुहु इहि अवराह-पयाणि ॥

[७०९]

चंडवेगिण भणिवि इय कुमरु

परिणाविउ वित्थरिण कन्नयाहं तहं सउ अणूणउं ।  
 ता भुंजइ विसय-सुहु गरुय-सय-रज्जिण सम्वाणउ ॥  
 चंडवेग-खयरिंदु पुणु स-कुडुंव वि निय-रिद्धि ।  
 सणतुकुमारह देइ लहु सारय-ससि-सम-बुद्धि ॥

[७१०]

अह तहाविह-गुरुहुं पय-मूलि  
 विज्जाहर-चक्कवड् एहु गंतु चारित्तु सेवड् ।  
 इय गच्छड कालु कु-वि कुमर-वरिण पुणु अज्जु केम्बड् ॥  
 अम्हहं पुरउ समगहं वि संलत्तउ एगंति ।  
 जह कीलण-कड एह लहु मानस-सर-मामंति ॥

[७११]

ता मुनंदा-पमुह-दइयार्हि  
 सारेण य परियरिण विहिय-सेवु इह अज्जउत्तउ ।  
 जायागउ ताव नर- रयण एत्थ तं पि हु पहुत्तउ ॥  
 एत्थंतरि कयलीहरह वियसिय-मुह-अरविंदु ।  
 उट्टेविणु नीहरड कुरु वंस-गयण-रयणिंदु ॥

[७१२]

तयणु दो वि हु विहिय-तवकाल-  
 पाउग्ग-विहाण लहु जणिय-सयण-आणंद-विन्थर ।  
 पुव्वज्जिय-तियस-गिरि- तुंग-पुण्ण-पव्वभार-सुंदर ॥  
 भुवणव्भंतर-वित्थरिय- निम्मल-कित्ति-कलाव ।  
 सिरि-वेयड्ढ-महागिरिहि गया ति सरल-सहाव ॥

[७१३]

ता विसेसिण खयर-सेणीसु  
 दोमुं पि सव्वायरिण नियय आण अडरिण पयारिवि ।  
 पणमंतहं नहयरहं उचिउ रज्ज-अहिसेउ कारिवि ॥  
 परिणेविणु नाणा-विहउ विज्जाहर-कुमरीउ ।  
 अह अप्पिण वियसिय-मुहिउ घेप्पिण अंतेउरीउ ॥

[७१४]

सूर-नरवड-तणय-वयणेण

निसृणेविणु जह जणय- जणणि-सयण चिट्ठंति दुक्खिण ।  
 आऊरिय-गयण-यलु विविह-सयर-खोणिंद-लक्खिण ॥  
 निय-माहणु समग्गह वि जयह मज्झि पयडंतु ।  
 सणतुकुमारु कुमार-वरु हत्थिणाग-पुरि पत्तु ॥

[७१५]

तयणु स-हरिसु जणणि-जणयाहं

अहिणंदइ पय-कमल कुणइ गरुय-पडिवत्ति सयणहं ।  
 संभूसड पणइ-यण जणइ तोसु जय-जंतु-वयणहं ॥  
 सविह-निवैसिय-सूर-सुय- वयणिण निय-वुत्तंतु ।  
 जणणी-जणयाइय-जणहं कइइ साइ-पज्जंतु ॥

[७१६]

अह निदित्तु व अमय-कुंडम्मि

संपाविय-सुरतरु व गिह-पसुय-वर-कामयेणु व ।  
 उवलद्ध-चित्तामणि व चक्कवट्टि-रज्जहाहिसित्तु व ॥  
 आससेण-वसुहाहिवड निय-सुहि-सयण-समेउ ।  
 चित्तइ पसरिय-हरिस-भरु विलसिर-गरुय-विवेउ ॥

[७१७]

अहह धीरिहिं सुकुल-उप्पत्ति

अच्चवमुय-रुव-सिरि जीवियवु उवसग्ग-वज्जिउ ।  
 पंडिच्चु जयवमहिउ विउल-भोग-धणु स-भुय-अज्जिउ ॥  
 रज्जु जयस्स चमक्क-यरु कित्ति परक्कम-सार ।  
 लवमड धम्म-वसिण सुवणि विलसिर-गुरु-वित्थार ॥

[७१८]

इय-विचित्तिरु गरुय-चडयरिण

कारेवि वद्धावणउं निय-पुरम्मि सयलम्मि निवड्ढण ।  
 निय-रज्जि निवेसिउण कुमर-रयणु पसरंत-रिद्धिण ॥  
 अणुजाणाविवि सुहि-सयण गुरुयण-भत्ति करेवि ।  
 चारय-बंध विमोड्ढण जिणवर सक्कारेवि ॥

[७१९]

कमु वि तारिस-गुरुहु पय-मूलि

वहु-नरवड्ढ-मुय-सहिउ स-दइओ वि विस्संभराहिवु ।  
 निमुणेविणु धम्म-कह हियड धरिवि जिण-वयणु कय-सिवु ॥  
 संसारिय-सुह-विरय-मणु पडिवज्जिवि चारित्तु ।  
 आससेणु सो राय-रिसि सु-गड्हि गयउ पवित्तु ॥

[७२०]

काल-जोगिण पुण सउण्णेहिं

भरहेसर-चक्कवड- विहिण सुहिण छक्खंड-वसुमड्ढ  
 उवसाहिय अणुकमिण वरिस-सहस-कालम्मि अडगड्ढ ॥  
 वहुविह-समर वसुंधरहं पसरिय-कित्ति-लएण ।  
 सणत्तुकुमारिण स-भुय-वल- पाविय-अवमुदएण ॥

[७२१]

अह सुनंदा-नाम-थी-रयण-

पमुहाण जयव्भहिय- पिययमाण चउसट्ठि-सहसहं ।  
 अच्छवमुय-भुय-वलहं नरवड्ढेण वत्तीस-सहसहं ॥  
 सिंधुर-तुरय-रहाहं पिहु पिहु चउरासी लक्ख ।  
 नव निहि चउदह रयण मण-डच्छिउय-वियरण-दक्ख ॥

[७२२]

सुइर-संचिय-सुकय-जोगेण

इयरो वि भरहाह्विइ- उचिउ विहउ अइरिण समज्जिवि ।  
 संपत्तउ निय-नयरि कित्ति-दइय दह-दिहि विसज्जिवि ॥  
 एत्थंतरि सोहम्मिण सुर-राइण साणंदु ।  
 दिट्ठु तहाविह-सिरि-सुहउ सणतुकुमारु नरिंदु ॥

[७२३]

तयणु सायरु भणिउ वेसमणु

मह वयणिण भइ लहु पुरउ गंतु सहदेवि-तणयह ।  
 चक्किस्सु चउत्थयह सोल-सहस-वर-जक्ख-पणयह ॥  
 सणतुकुमारह एहु मह कोसल्लिउ वियरेज्ज ।  
 तह तुहं तसु चक्काह्विइ- रज्जहिसेउ करेज्ज ॥

[७२४]

ता कयत्थउ अप्पु मन्नंतु

आयसिण निय-पहुहु तुरिउ तुरिउ सह्रिसु नमिप्पिणु ।  
 सीहासण-उत्त-वर- मउड-हार-रयणाइं वेप्पिणु ॥  
 कुंडल-चामर-पाउयहं जुयलइं तह वर-माल ।  
 पायत्रीह-रयणिण सहिय विलसिर-सिरिहि वम्बाल ॥

[७२५]

गंतु गयउर-नयरि कुरु-वंस-

जस-कलसह पय-पुरउ विणय-नमिरु वेसमणु जपइ ।  
 सोहम्मिय-सुर-वरिण पेसिउ म्हि तुह पुरउ संपइ ॥  
 तह कोसल्लिउ दिव्वु एहु पेसिउ तुम्हहं जोगु ।  
 काराविउ पुणु चक्कवइ- रज्जहिसेउ उदग्गु ॥

[७२६]

जेण पच्छिम-जम्मि किल जत्थ

सुर-मंदिरि आसि तुहुं गरुय-रिद्धि-वित्थरु पुरंदरु ।  
 सोहम्मि तहिं पि इहु हुयउ एण्हि सुर-नियर-मुंदरु ॥  
 इय तुह गुरु-बंधव मउहिं कारावइ पडिवत्ति ।  
 तह मह मुहिण महायरिण तुम्ह पयासइ भत्ति ॥

[७२७]

इय सृणेविणु चक्कि परिओस-

वियसंत-वयणंवुरुहु कोसलीउ सयलु वि पडिच्छइ ।  
 वेसमणह पुणु पवरु स-सविहम्मि आसणु पयच्छइ ॥  
 एत्थंतारि सुरु वेसमणु अभिओगिय-तियसेहिं ।  
 जोयण-महिहिं समुद्धरिय- रय-रुयवर-तणएहिं ॥

[७२८]

वडर-मरगय-पुलय-वेरुलिय-

ससि-सूरकंत-प्पमुह पंच-वन्न-रयणिहिं विणिम्मिउ ।  
 निय-किरणिहिं अवहरिय- तिमिरु रयण-पेढउं कराविंउ ।  
 तदुवरि निरुवम-निय-महिम- निज्जिय-तियस-विमाणु ।  
 अहिसेयहं मंडवु विहिउ तिहुयण-सिरिहि निहाणु ॥

[७२९]

तस्सु अतरि पुव्व-दिसि-समुहु

सीहासणु संठविवि पायवीहु तहिं पुरउ ठाविवि ।  
 सु-मुहुत्तिण नर-रयणु पणय-पुव्वु आसणि निवेसिवि ॥  
 अह खीरोय-महोयहिहि मणि-कंचण-कलसेहिं ।  
 आणेविवि निम्मलु सलिलु अभिओगिय-तियसेहिं ॥

[७३०]

तयणु मागह-गंग-वरदाम-

पमुहुत्तिम-तित्थ जल कुसुम-गंध-ओसहि गहेविणु ।  
 जय जय चिरु नर-रयण महियलि त्ति पुणु पुणु भणेविणु ॥  
 विज्जाहर नर सुर-गणिहि मंगलि पयडिज्जंति ।  
 मगगण सयण-किमिच्छियहं इच्छिइ वियरिज्जंति ॥

[७३१]

पडह-मदल-तिलिम-ढक्काहि

कंसालय-ताल-वर वंस-वेणि-काहलिय-बुक्कहि ।  
 वज्जतिहि पडु-रविण करडि-भंभ-भेरिय-हुडुक्कहि ॥  
 नट्टारंभि पयट्टियहि तहि आगंतु खणेण ।  
 रंभ-तिलोत्तिम-उव्वसिहि सुर-सामिहि वयणेण ॥

[७३२]

अइ-महंतिण विहव-जोण

चक्काहिव-रज्ज-अहिसेय-महिम वेसमणु विरइवि ।  
 उवसाहइ सुरवडहि पुरउ पुव्व-बुत्तंतु सयलु वि ॥  
 सणत्तुकुमारु वि नर-रयण पाविय-चक्कवड्तु ।  
 उवभुंजइ छक्खंड महि असम-सुहामय-सित्तु ॥

[७३३]

अवर-वासरि स-परिवारस्सु

सोयामिणि-नाडयह रंग-मज्झि सहरिसुवविट्ठह ।  
 कय-भूसण-सयल-तणु तियसु एगु ईसाण-कप्पह ॥  
 नियय-पद्दा-पसरुवहसिय- सेस-तियस-तणु-कंति ।  
 कज्ज-वसिण संपत्तु सुर- सामिहि सविहम्मि त्ति ॥

[७३४]

अह सुरिदिण विहिय-सक्कारु

परिसाहिय-कज्ज-विहि नियय-ठाणि सो तियसु पत्तउ ।  
 स-वियक्कु सोहम्मिइहि सुरिहि तयणु तियसिदु वुत्तउ ॥  
 जह पहु एइण सुरवरिण पसरिय-तेय-भराहं ।  
 निय-तणु कंतिण पइ हरिय सन्वेसिं पि सुराहं ॥

[७३५]

तयणु पभणिउ तियस-नाहेण

नणु एइण पुव्व-भवि विउल-भाव-सुद्धिण पविच्छिण ।  
 संचिणु आयंविलय- वद्धमाणु तवु एग-चित्तिण ॥  
 इय तव-तेइण तेण इहु असरिस-कंति-कलावु ।  
 हुयउ तियसु ईसाण- सुर-पहु-सम-सिरि-सव्भावु ॥

[७३६]

पुण वि पणमिवि भणिउ तियसेहिं

पहु पसिय कहेसु नणु भुवण-मज्झि किं कसु वि अन्नह ।  
 एयारिस-तेय-सिरि अत्थि एत्थ चिर-चिन्न-पुन्नह ॥  
 ईसि हसेविणु सुर-वइण तयणु भणिउ — नणु हंत ।  
 एयह पुण्णइं काइं कव तेय-स्सिरि विलसंत ॥

[७३७]

का व अवरह ति-जय-रंगम्मि

विलसंतह खयर-सुर- असुर-पहुहु सयलह वि मिलियह ।  
 पुव्वज्जिय-तव-सिरि व देह-पह व जा मणुय-मित्तह ॥  
 आससेण-कुल-कमल-सर- मंडण-कलहंसस्सु ।  
 सणतुकुमार-नराहिवह ससहर-विमल-जसस्सु ॥



[७३८]

एत्थ-अंतरि तियस-पहु-सहह

मज्झस्मि वि सुर-कुमर दोणि किंचि संजाय-मच्छर ।  
 नणु माणव-मेत्तयह इहु घडेइ कह इय विचित्तिर ॥  
 तियसराय-वयण-स्सवण- समणंतरु पसरंत ।  
 कुणहिं संक पत्थुय-विसइ तयणंतरु तूरंत ॥

[७३९]

तियस-सत्तिण वडुय-रूवेण

सिरि-गयउर-नयरि लहु पत्त तयणु दोवार-पालिण ।  
 संभालिय दो वि तसु चक्कवइहि ते अइर-कालिण ॥  
 तयणु पवेसाविय लहु वि जवणिय-अंतरिएण ।  
 तवखणु सणतुकुमारिण वि कारिय-मज्जणएण ॥

[७४०]

भणिउ — साहह केण कज्जेण

इह आगय तुब्धि अह भणहिं हरिस-वियसंत-लोयण  
 लहु जवणिय-अंतरिण दिट्ठ-चलण-अंगुट्ठ वंभण ॥  
 जह — पहु तुह रूव-स्सिरिहि अवलोयण-कज्जेण ।  
 दूरह आगय अम्हि अह जंपिउ चक्कहरेण ॥

[७४१]

एहु जइ ता तुम्हि अवरणिह

आगच्छह मह पुरउ दो वि भइ अत्थाण-मंडवि ।  
 जिह पेच्छह मइं विहिय- सव्व-अंग-सिंकारु पुणरवि ॥  
 इय चक्काट्ठिव-भासियउं मुणिवि तियस ते ताव ।  
 गमहिं कट्ठि चि वि चक्कवइ सहहं वईसइ जाव ॥

[७४२]

अह पढंतिण वंदि-विंदेण

गायंतिहिं गायणिहि नच्चिरेहिं नड-नट्ट-जल्लिहिं ।  
 किज्जंतिहिं मंगलिहिं अकय-सुकय-जण-हियय-सल्लिहिं ॥  
 मग्गण-सयहं मणिच्छियइ वियरिज्जंतइ दाणि ।  
 चक्क-प्पहुहु नियट्टियइ इय मज्जणय-विहाणि ॥

[७४३]

संख-सद्धिण सुणिय-मज्झणह-

भंकारि भेरि-रविण वार-तरुणि-कहियम्मि अवसरि ।  
 वीसंतइ तूर-रवि सेवगम्मि गच्छंति निय-वरि ॥  
 नच्चणि-नड-नट्टारइहिं निय-निय-ठाण-गएहिं ।  
 सयलेहिं य अहिगारिइहिं खेय-विणोय-रण्हिं ॥

[७४४]

लहु मिलंतिहिं धावमाणेहि

पडिसवणिय-माणविहिं वज्जिरेहिं अवसरिय-संखिहि ।  
 परिसोहिज्जंतियहिं अतिहि-सत्तसालहिं असखिहिं ॥  
 अग्गासणियग-वंभणिहिं सज्जीकिज्जंतेहिं ।  
 किविणाणाह-वणीमगहं भत्तिहिं दिज्जंतेहिं ॥

[७४५]

वार-तरुणिहिं सारविज्जंति

निव-भोयण-वेइयए वेज्ज-मंत-वाइएहिं पहुत्तिहिं ।  
 भुंजय-जणि आगयइ वइसदेव-आहुइहिं हुंतिहिं ॥  
 तुरिउ चकोरय-पंजरिहिं संचारिज्जंतेहिं ।  
 वायस-पिंडिहिं तरु-सिहर- फलणि खिविज्जंतेहिं ॥

[ ७४६ ]

सालि-सिहरिणि-सूत्र-पक्कन्न

महु-सप्पि-तीमण-दहिय- दुद्ध-पउर-पाणय सु-वंजण ।  
 लहु महुर-कसाय-कडु- तित्त-लवण-हिय भुवण-रंजण ॥  
 निवइ-निउत्तय-माणविहिं रसवइ सुह-सय-लवभ ।  
 निष्पाइय अइरिण-जणिय- बुद्धि-धाउ-संदब्भ ॥

[ ७४७ ]

तयणु सक्कर-दक्ख-खज्जूर-

अक्खोड-दाडिम-कलम- सालि-दालि-वंजण-सुसक्किय ।  
 घय-उण्ह लवण-स्सिरिय सुट्ठि-सेव-मोयग-सुरुक्किय ॥  
 वर सुकुमारिय सक्कुलिय मंडिय भुडुहुडिया य ।  
 वेज्ज-विहिण भुंजय-जुइण चक्कवइण भुत्ता य ॥

[ ७४८ ]

अह लवंगय-एल-घणसार-

जंवीरिय-जाइफल- तय-तमाल-दल-जाइवत्तिय ।  
 कक्कोलय-पूगिफल- नागवल्लि-कप्पूर-वत्तिय ॥  
 जहरिहु वियरिय सेवयहं नमिरुत्तिम-अंगाहं ।  
 तयणंतुरु तिण गहिय-रस इय-सयलहं भोगाहं ॥

[ ७४९ ]

तयणु मिगमय-परिमल्लुगार-

हरियंदण-घुसिण-सिरिखंड-अगुरु-कप्पूर-पंकिण ।  
 सयवत्ति-चंपय-करुणि- जाइ-कुसुम-दल-परिमलंकिण ॥  
 सुकय-विवाग-सहस्स-भवु करिवि विलेवणु अंगि ।  
 ओलगाविवि आहरण सुर-विइण सव्वंगि ॥

[७५०]

अह सहाविय-कंति-पवभार-

अवहत्थिय-सुर-असुर- तारयालि-ससहर-दिवायरु ।  
 निम्माणय-कम्म-कय- संधि-बंध-सव्वंग-सुंदरु ॥  
 कय-असरिस-सिंगार-विहि परिहिय-देव-दुगुल्लु ।  
 वंदि-विंद-उग्घुट्ट-जसु निय-परियण-सोहिस्सु ॥

[७५१]

सच्च-अवसरि विउल-अत्थाण-

वर-मंडवि उवविसिवि निय-निउत्त-पुरिसेहिं स-हरिसु ।  
 सदावइ चक्कवइ वडुय ते वि तहिं एंति असरिसु ॥  
 हरिसु वहंता निय मणिण किं पुण चक्कवइम्मि ।  
 सच्चवियम्मि विसेसयर विरइय-सिंगारम्मि ॥

[७५२]

अहह धिसि धिसि वि-रसु संसारु

जमिमस्सु वि नरवरह एत्तिए त्रि अंतरि इमेंरिस ।  
 संजायइ विसम दस जणिय-सुयण-सुहि-ताव-पगरिस ॥  
 इय परिचिंतिर तियस दु-वि लहु विहलिय-मुह-छाय ।  
 भणिय नरिंदिण - तुम्हि किह दीसह हय-मुह-राय ॥

[७५३]

अह पयंपहिं तियस - चक्किद

किं न नियहि नियय-तणु जमिह आसि जो कंति-वित्थरु ।  
 तुह मज्जण-कालि सु न एण्हि तयणु सहस-त्ति नरवरु ॥  
 नणु किं एइ भणंति इय चिंतिरु निय-तणु जाव ।  
 नियइ निरिक्खइ मसि-रसिण ओहलियं पि व ताव ॥

[७५४]

तयणु तक्खणु मणु समुक्खिविधि  
 छक्खंड-खोणीयलहं नवहं निहिहिं चउदहहं रयणहं ।  
 वत्तीस सहसहं गरुय - मउड-वद्ध-नरवइहिं अणहहं ॥  
 जक्खहं सोलस-सहस-परिसंखहं आण-कराहं ।  
 चउसट्ठि य सहसहं सुकुल - विलयहं भत्ति-पराहं ॥

[७५५]

अ-थिरु जोव्वणु धणु अ-साहीणु  
 सुहि-सयणु स-अत्थ-रुइ सलिल-विंदु-चंचलु सरीरु वि ।  
 इय दुहयरि भव-गहणि रमइ किह णु इह पुरिसु धीरु वि ॥  
 इय चित्तिरु उव्विग्ग-मणु गहिउ-कामु चारित्तु ।  
 सणत्तुमारु समुल्लवइ भव-कंतार-विरत्तु ॥

[७५६]

अहह अहमिह भइ तुम्हेहिं  
 नित्थारिउ भवु जत्तिहिं वित्तह-रुव-अहिमाण-वत्थउ ।  
 पुइडंतु महन्नवहं मज्झि देवि निय दो-वि हत्थ उ ॥  
 तयणु तियस वज्जरहिं मणु वक्क-प्पहुहु मुणेवि ।  
 धन्नु महायस तुहुं जि पर जो एत्तियमेत्ते वि ॥

[७५७]

विलिय-कारणि चइवि चक्कित्तु  
 चारित्त-गहणूसुयउ हुयउ जमिह तुह अज्ज दुज्जय ।  
 संकंत य संति तणु- मज्झि रोग ओसह-अ-सज्झय ॥  
 नणु कह जाणह तुब्भि इय चक्कवइण पुट्ठम्मि ।  
 पयडिय-रुविहि सुरिहि सुरपहु-वइयरि सिट्ठम्मि ॥

[७५८]

अहह धिसि धिसि कम्म-परिणाभु

कु-वि दारुण भुवणह वि अइव तुच्छ संपय समग्ग वि ।  
 चल्ल परियणु मणु अथिरु सरय-अब्भ-सम दइय संग वि ॥  
 तणु पुणु एहु अणत्थ-फलु सयलामुडहि निहाणु ।  
 अ-बुह-जणिय-पडिकम्म-विहि वितह-स्व-अभिमाणु ॥

[७५९]

जमिह एयह पढम-उप्पत्ति-

हेऊ वि विवेड-जण- गरहणिज्जु उव्वेय-कारणु ।  
 पगईण वि निग्गुणउ नवहिं अमुड-विवरिहिं दुहावणु ॥  
 कप्पूरागरु-मिगमयहं बहु-भोगुवभोगाहं ।  
 एहु सरीरु विणास-यरु दुह-यरु निस्संगाहं ॥

[७६०]

मुक्क-सोणिय-रुहिर-वस-मंस-

मज्जामुड-पूइ-रस- मुत्त-अंत-पित्त-प्पलाविउ ।  
 नव-छिहु मलाविलउं विठ्ठिण अमुड-दलिएहि घडाविउ ॥  
 इय जह जह परिचितियइ तणुहु सुइत्तणु किंपि ।  
 तह तह दीसइ अमुडमउ सयलु वि विवुहेहिं पि ॥

[७६१]

जाव अज्ज वि सयण साहीण

जा लच्छि न परिहरड जाव भियग वट्टंति वस-गय ।  
 जा पिययम पिय-करिय जाव आण खंडहिं न अंगय ॥  
 जाव न जायइ विहुर-यरु तणु परिणाम-असारु ।  
 ता कु-वि किज्जउ धम्म-विहि पर-भव-कय-साहारु ॥

[७६२]

इय विचिंतितु मेरु-थिर-चित्तु

कुरु-वंसह जस-कलसु आससेण-नरनाह-नंदणु ।  
 उज्जेविणु धण-रयण- सयण-सुहड-करि-तुरय-संदणु ॥  
 बहु-वित्थरिण पहाविउण जिण-वर-तित्थु पवित्तु ।  
 उसहदत्त-सुरिहि पुरउ पडिवज्जइ चारि ॥

[७६३]

अहह नरवर चरिउ अणुसरिउ

तइं भरह-नराहिवह वसुह सयल लीलइं चइंतिण ।  
 आराहिउ जिणवरहं गुरुहं वयणु इय उज्जमंतिण ॥  
 इय उववूहिर पय नमिर सणतुकुमार-मुणिस्सु ।  
 तियस गंतु वइयरु सयल साहई तियसिंदस्सु ॥

[७६४]

किं तु सज्जण ते जि ति जि दइय

ति जि नरवर ते जिज सुहि ति जिज तणय ति जि निय-सहोयर ।  
 ति जि संदण ति जिज भड ति जि तुरंग ति जि गंध-सिंधुर ॥  
 ते जिज चउइह रयण ति जि जक्खहं सोल सहस्स ।  
 पुट्ठि न छड्ढहिं निय-पट्ठु सणतुकुमार-मुणिस्स ॥

[७६५]

अहह सामिय पणय-कारुणिय

विलवंतउ भिच्च-यणु सयल एहु किह किह वि उज्जसि ।  
 परिवालसु किच्चिय वि दियह वलिवि एमेव सुज्जसि ॥  
 पुन्नि पि हु भरहाहिवह उसह-जिणिद-मुयस्सु ।  
 जायउ केवल-नाण-धणु निय पय-पालंतस्सु ॥

[७६६]

कह व भुय-वल-दलिय-रिउ-कुलह  
 तुह नाह विरट्टिण भुवणु विविह-खुह-विद्विउ हविहड ।  
 कु व अ-सरणु विल्विरह एण्हि तम्मु उवयारु करिहड ॥  
 इय विल्वंत परिभमिय सयल ति जा छम्मास ।  
 विगय-त्ताण अणाह परिमिल्लिर-गुरु-नीसास ॥

[७६७]

राय-रिसिण वि तियस-गिरि-सिहर-  
 थिर-चित्तिण सीह-अवलोइएण वि हु ति न निरिक्खिय ।  
 तयणंतरु निय-नियय- ठाणि पत्त अच्चंत-दुक्खिय ॥  
 राय-रिसी वि हु पुव्व-कय- भोग-हल्लिय-कम्मंति ।  
 एगागी उज्जय-दियउ चरणि जणिय-जम्मंति ॥

[७६८]

विद्विय-छट्टह तवह पज्जंति  
 गुरु-वयणिण अन्नयरि ठाणि गंतु विहरंतु मह-रिसि ।  
 पुव्वज्जिय-अमुह-निय- कम्म-सेस-उदयम्मि असरिसि ॥  
 गोयर-चरियहं परिभमिरु कत्थ वि भवणि लहेइ ।  
 छेल्लिय-तक्किण उल्लियउ वीणाउरु भुंजेइ ॥

[७६९]

तयणु वेयण सीसि तणु-दाह  
 उक्कोउ पुणु लोयणहं कुच्छि-सूलु पाउम्मि अरिसय ।  
 वच्छ-त्थलि तोडु करि कंप्पु पाय-मूलेसु रप्फय ॥  
 पुट्टि जलोयरु कंधरहं गंड-माल खय-काल ।  
 पाउव्भुय सव्वंगि पुणु कुट्ट-व्वाहि कराल ॥



[ ७७० ]

इय दुरंतिहिं जीय-पज्जंत-

समयावह-दुहयरिहिं      हुयहिं बहुहिं अन्निहिं वि वाहिहिं ।  
 सयलस्सु वि भुवण-यल-      जणहु जणिय-गुरु-हियय-दाहिहिं ॥  
 सुरगिरि-चूल व अविचलिर-      साणसु सणतुकुमार ।  
 चिट्ठइ अहियासंतु निरु      सुमरंतउ नवकार ॥

[ ७७१ ]

अह निरिक्खिय सु-मुणि-चरिएण

अड-विम्भिय-माणसिण      भणिउ सहहं सोहम्म-इंदिण ।  
 जह — पेक्खहु सुर-गणहु      चरिउ चक्क-पहु-मुणिहि भाविण ॥  
 जो छट्ठ-दुवालसम-      पमुह-तविण विविहेण ।  
 सोसइ धम्म-सरीरु भव-      भावुन्विग्ग-मणेण ॥

[ ७७२ ]

न उण वाहिहिं विहुर-जय-जंतु-

ववरोवण-कारिहिं वि      बहु-विहाहिं पीडिज्जमाणु वि ।  
 सिक्कारु वि मुयइ न य      उवयरेइ तणु भणमाणु वि ॥  
 भुवणस्सु वि सारीरिडहिं      वाहि-विसेस-हराहिं ।  
 उप्पन्नहिं वि ओसहिं      आमोसहि-पमुहाहिं ॥

[ ७७३ ]

इय भणंतह तियसनाहस्सु

मणि विम्भिय सयल सह      गुण सुणेइ तसु निव-मुणिंदह ।  
 भुवणुत्तर-मुचरियह      आससेण-कुल-गयण-चदह ॥  
 किं पुण ति जि पुव्वुत्तसुर      दो-वि अ-सदहमाण ।  
 आगय राय-रिसिहि पुरउ      वेज्ज-रुवु धरमाण ॥

[७७४]

खसुहु खासह जरह अरुईए

कर-कंपह रप्फयहं गंडमाल-वाहीए सोसह ।  
 अरुईए भगंदरह मूल-रुजह अन्नह वि दोसह ॥  
 विहिउ विगिच्छ खणद्धिण वि करहुं देहु निरवज्जु ।  
 एहु सु-विणिच्छिवि मुणि वसह अम्ह वयणु पडिवज्जु ॥

[७७५]

इय पर्यंपिर तियस पुणुरुत्तु

पक्खंतारि परिभमिर भणिय साहु-वसहिण ति - साहह ।  
 किं वाहिर रोग अह अंतरा वि तुब्भे विसोहह ॥  
 ता स-विमक्किय भणहिं सुर - नणु मुणि वाहिर रोग ।  
 फेडिवि अम्हि करहुं खणिण सयलि वि सज्जा लोग ॥

[७७६]

तयणु दाहिण-करिण परिमुसिवि

निय-वामह करह नव- तरणि-किरण-दिप्पंत अंगुलि ।  
 उवदंसिवि तहं सुरहं पुरउ भणिउ मह-रिसिण - नणु सलि ॥  
 मह अंतर-रोगहं तणी एहि पुणु केत्तिय-मेत्तु ।  
 किं तु सहेवा पच्छह वि अज्जु ति सहउं निरुत्तु ॥

[७७७]

अह - महा-मुणि नूण जइ तुहुं जि

इह-अंतर-रोग-हरु इय भणंत चलणेसु निवडिवि ।  
 दु-वि साहहिं तियस सुर- पहु-पसस अप्पाणु पयडिवि ॥  
 सणतुकुमार-महारिसिहि आसिन्वाउ गहेवि ।  
 सुर घरि गतु सुर प्पहुहु तव्वुत्तंतु कहेवि ॥

[७७८]

वपु रि धीरिम कट रि सरलत्तु  
 अरि उवसमु हुंहुं वयण- मण-निरोहु निउंछणउं खंतिहिं ।  
 वलिकिज्जहुं संजमह तवह तह य तसु ह-कंतिहिं ॥  
 इय पुणु पुणरवि सुर-सहं दु-वि ति तियस जपंत ।  
 सणतुकुमार-महारिसिहिं चिट्ठहिं गुण गायत ॥

[७७९]

रायं-रिसि वि हु निय-गहीरत्त-  
 अवहत्थिय-दुध्दुयहि सयल-रोग निरु सम्म-करणिण ।  
 अहियासइ जिणवरिण मणिय-विहिण भावइ य हियइण ॥  
 एंतु खलिज्जइ जलनिहि वि लहरि-भिन्न-कुलसेलु ।  
 न उ पुव्वज्जिय-अमुह-निय-कम्म-विवागह मेलु ॥

[७८०]

जिय अयाणुय विहिउ सयमेव  
 तइं पच्छिम-जम्मि इहु पावु कम्म-पव्वभारु गरुयउ ।  
 तिण दुक्कहिं एउ तुह दुसह दुक्ख-दंदोलि बहुयउ ॥  
 नासतिहिं वि न छुट्ठियइ निय-दुक्कय-कम्माहं ।  
 ता वलिकिज्जहुं हउं रिउहुं समइ संमुहु पत्ताहं ॥

[७८१]

इय पमाइण राग-दोसेहिं  
 मिच्छत्तिण अविरडिं विहिउ जमिह हय-मोह-वत्थिण ।  
 तसु पाव-महदुमह फलइं लेसु जिय तुहुं स-वत्थिण ॥  
 नहि लव्वंत्तइ स-कय-फलि पुरिस परम्मुह हुंति ।  
 सह-धाविर निय-छाय नहि के-वि हु छइडिवि जंति ॥

७७८. ५. क कंतिहि

७८०. २. क ख जमि ३ पाव, ४ दुक्कइ

७८१. ५. क सुहु, ख. तुहु

[७८२]

इय विचिंतितरु चरणु अणुचरिवि

अहियासिवि पुव्व-निय- कम्म-जणिय-गुरु-चाहि-वेयण ।  
 परिसीलिवि सयल-जिण- क्हिय किरिय चिर-पाव-भेयण ॥  
 उसह-भरह-पसुहुत्तिमहं पुरिसह चरिय सरंतु ।  
 जिणवर-वयण-महोसहं निच्चु वि हियइ धरंतु ॥

[७८३]

सुहिण कुमरहं भावि मंडलिय-

निव-रज्जि वि अइगसिवि वरिस-सहस पन्नास पिहु पिहु ।  
 चक्कित्ति समणत्तणि वि लक्खु लक्खु इय सव्वओ वि हु ॥  
 परिवालेवि अहक्कमिण तिणिण वरिस-लक्खाइं ।  
 आउय-अंति खविवि असुह- कम्म-रोग-दुक्खाइं ॥

[७८४]

समय-नीइण गंतु सम्मेय-

गिरि-रायह सिहर-तलि मासिण तव-कम्म-जोगिण ।  
 निय-पावइं विहडिउण विहिय-मुद्धि निम्मल-विवेगिण ॥  
 सणतुकुमार-सुरालयइ गयउ सु सणतुकुमार ।  
 मह-रिसि गुरु-गुण-रत्त-मणु पाविय-जीविय-सारु ॥

[७८५]

तत्थ महरिह-विसय-सुक्खाइं

सुरनाह-सामाणियहं सुरहं उचिय चिर-कालु सेविवि ।  
 कम-जोगिण पुणु तउ वि निय-ठिईए पज्जंतु पाविवि ॥  
 होउ विदेहि निवंगरुहु सेविय-चरणायारु ।  
 सुगहिय-नामु मु सिज्झिहड खविय-पाव-पव्वमार ॥

[ ७८६ ]

इय निरंतरु मणिण जिणचंद-

मुणिनाह-सीसुत्तिमह सुयण-सुहय-गुण-रयण-भूरिदि ।  
 सुमरंतिण अणुदिणु वि नाम-मंतु सिरिचंद-सूरिदि ॥  
 सिरि-हरिभद-मुणीसरिण विरइउ लेसिण एहु ।  
 सणतुकुमार-नराहिवह चरिउ सुकय कुल-गेहु ॥

इति श्रीश्रीचंद्रसूरि-क्रम-कमल-भमल-  
 श्रीहरिभद्रसूरि-विरचित-श्रीमदरिष्टनेमि-चरिते  
 श्रीसनत्कुमारचक्राधिराज-चरितं समाप्तमिति\* ॥

\* \* \*

[७८७]

इय तुहविखय मडं समासेण

जा चारण-मुणि-रयण- पुरउ आसि निस्सुय पहाणिय ।  
 कुरु-वंस-सिरोमणिहि चउथ-चक्कवट्टिहि कहाणिय ॥  
 अह निस्सुणिवि मागह-मुहिण गुरु-विम्हय-लय-कंद ।  
 सणत्तुकुमार-महानिवह कह कय-भुवणाणंद ॥

[७८८]

पुव्व-नरवर-चारु-चारित्त-

आयण्णण-उल्लसिय- हरिस-भरिण धर-पवर-चरिण ।  
 सिरि-सूरतेयंगइण तेण चित्तगइ-नाम-पयडिण ॥  
 वियरेविणु तसु मागहह बहु-परिओसिउ दाणु ।  
 गुरु-भत्तिण नहयर-सहहं ललइ सु सु-गुण-निहाणु ॥

[७८९]\*

\*

\*

\*

[७९०]

तयणु तं चिय चरिउ सुमरंतु

गिज्जंतु खयरंगणहिं वड्हमाण-वंछिय-समिद्धिउ ।  
 पणमंत परिपंथि-कुलु उल्लसंत-बहु-विज्ज-सिद्धिउ ॥  
 मणगइ-चवलगइहिं जुयउ सहियउ रयणवईण ।  
 कुमर-रयणु सिरि-चित्तगइ तूसिउ विमलमईण ॥

[७९१]

विसय सेवइ दलइ रिउ-दप्पु

सुस्ससइ गुरु-चलण ललइ सुहिहिं नमणिज्ज पणमइ ।  
 अणुसासइ पणइ-यणु जणइ सुत्थु सयलम्मि जणवड ॥  
 वंदइ सासय-चेइयइं केवलि-वयणु सुणेइ ।  
 नमइ सुणिहिं साहम्मियहं पुणु सम्माणु कुणेइ ॥

[७९२]

भुवण-भंदिरु कित्ति-सुह-रसिण

गुण-मालिय-सिंगियइ विमल-बुद्धि-कामिणिहि हत्थिण ।  
 धवलाविवि सज्जवइ चारु-चरिय-कुच्चिण पसत्थिण ॥  
 अहव समत्थु कु वण्णणिण अप्पेडिहय-पसरस्सु ।  
 गुण-कंचण-कसवदट्टयह चित्तगइहि कुमरस्सु ॥

[७९३]

अन्न-वासरि वयह परिणामि

निसुणेविणु धम्म-कह पुरउ कसु वि केवल्लि-मुणिदह ।  
 निय-नंदणु चित्तगइ तिलउ मज्झि तमु खयर-विंदह ॥  
 रज्जि निवेसिवि वित्थरिण स-पिउ वि वेत्तु चरित्तु ।  
 सूरतेउ सो राय-रिसि सिव-पुरि पत्तु पवित्तु ॥

[७९४]

ता विसेसिण फुरिय-माहप्पु

विज्जाहर-चक्कवड दल्लिय-सयल-रिउ-कुल-मडप्फरु ।  
 सन्वायरु चित्तगइ जणिय-सुयण-आणंद-वित्थरु ॥  
 सन्वत्थ वि जिण-सासणह कुणउ पहावण लोड ।  
 कहमवि तह जह समइ तहिं इयरह सरइ न कोइ ॥

[७९५]

दूर-देसि वि गंतु विहरंतु

तित्थाहिव-धम्मकह मुणउ थुणउ सासय-गिट्ठ-ट्टिय ।  
 जिण-विंवडं धम्मि-ग्रण थिरिकरेउ सम्मग्ग-संठिय ॥  
 जिण-जम्मण-वय-नाण-सिव-गमण-प्पमुह-महेसु ।  
 सयलारंभिण उज्जमइ आयइ-जय-मुहएसु ॥

[७९६]

वयइ जिय-वहु वयइ न अलीउ  
 आसंसइ न पर-धणु इयर-रमणि जणणि व्व पेक्खइ ।  
 निय-परिगहि अहिरमइ सवि-वि सेस गुण-गण भिकंखइ ॥  
 सयलंतेउर-उत्तिमइ सम-सुह-दुह-हिययाए ।  
 सुइरु कालु अइगमइ सह रयणवईए पियाए ॥

इओ य —

[७९७]

तम्मि चेव य सिहरि-तिलयम्मि  
 सोमणस-नामणि नयरि संति अट्ट खयरिंद-नंदण ।  
 उवसाहिय-विविह-वर- विज्ज नियय-गुण-भुवण-रंजण ॥  
 ससिगइ-रतिगइ-ललियगइ मगगइ-पवणगइ त्ति ।  
 तडिगइ-उडुगइ-तुरियगइ इय विस्सुय-नाम त्ति ॥

[७९८]

सिरि-सरस्सइ लच्छि-कित्ति त्ति  
 मइ-कंति-मयणस्सिरिय- चंदरेह इय पत्त-नामय ।  
 निय-रुविण विजिय-रइ- रंभ-महिम तह आसि कन्नय ॥  
 सम-गुण सम-वय सम-सिरिय सम-लायण-विलास ।  
 सम-अहिगय-ससि-विमल-कल सम-सुंदर-संभास ॥

[७९९]

कमिण पाविय-जोव्वणारंभ  
 नउ रज्जहि विसय-सुहि ललहिं धम्म-कम्मम्मि निच्चल ।  
 अन्नम्मि उ दिणि विरह- भीय भणहिं भणियव्व-पच्चल ॥  
 मिलिवि परोप्परु कह विरहि जह — पिय सहि कु-वि एगु ।  
 मग्गिज्जउ निय-निय-जणय- पुरउ पहाण-त्रिवेगु ॥



[८००]

तयणु पिहु पिहु विहिय-आयरहं  
 वीवाह-विहि उदिसिवि नियय-जणणि-जणयाहं विहिहिं ।  
 सव्वाहिं वि वज्जरिउ तत्थ ताव इहु भणिउ पढमहिं ॥  
 कु जियइ कु सुहिउ सव्वगु कु जगह वि सुहु कु जणेइ ।  
 इय जो जाणइ नर-रयणु जणय सु मइं परिणेइ ॥

[८०१]

अह सरस्सइ भणइ नीसेस-  
 पासंडिय-समय-विहि- छंद-सद-साहिच्च-सत्थहं ।  
 परमत्थु जु वज्जरइ तुम्ह सहह एयहं पसत्थहं ॥  
 धुवु निज्जिय-सुर-असुर-गुरु- मइ-माहप्प-विसेसु ।  
 सो पर होसइ पुरिसु पइ मह इह जम्मि न सेसु ॥

[८०२]

स्व-जोवण-विणय-लायण-  
 विलसंत समुल्लसिय- वंस-जाइ-सिंगार-सुंदरु ।  
 ससि-विमल-कलाहं निहि सिहरि-गरुय-गुण-रयण-मणहरु ॥  
 जो मइं जिणिहइ निय-गुणिहिं कु-वि विज्जाहर-नाहु ।-  
 लच्छि पयंपइ-जणय मह तिण सहं करिह विवाहु ॥

[८०३]

कित्ति जंपइ — जणय-जणणीण  
 जिण-नाहं गुरुयणहं विणय-कम्म-कोसल्ल-सुंदरु ।  
 सरणागय-वच्छलउ स भुय-दंड-निज्जिय-पुरंदरु ॥  
 सरल-सहावु उदारु थिरु दुत्थिय-जण-साहारु ।  
 मज्झ चिरेण वि जणय तुहुं इहु घडिज्ज भत्तारु ॥

[८०४]

मइ पयंपइ - दक्खु सु-विवेउ

परिविलसिर-गुरु-विणउ      जणिय-सुयण-आणंद-वित्थर ।  
 भव-काणण-भीरु-मणु      मग्ग-गामि अणहुंन-मच्छर ॥  
 जइ परि मइं निज्जिजिणिवि कु-वि खयर-हिवह कुमार ।  
 परिणेतइ पायडिय-निय-      गुरुय-सुरुय पवभार ॥

[८०५]

कंति पभणइ - मुणिय-भव-भावु

जिण-जंपिय-तत्त-रुइ      धम्म-कम्म-उज्जुत्त-माणसु ।  
 अ-क्खोद्विउ कामिणिहिं      खयर-कुमार को-वि हु वियाणसु ॥  
 सुमणस-सुहयर-गुण-जडिय      सिजिर-भमर-वम्भाल ।  
 जिम्ब वच्छ-त्थलि पिययमह तसु यत्तहुं वर-माल ॥

[८०६]

मयणसिरि पुणु भणइ - नणु जणय

इह वीणा-वायणिण      जोव्वणेण वरु खव-रिद्धिण ।  
 लायणिण तरुणियण-      छंद-रुडण ससि-विमल-बुद्धिण ॥  
 सिंगारिण पेसल-बुणिण तुम्ह पयडु जिणिहेइ ।  
 खयर-कुमार जु को-वि मइं सो मह पाणि गहेइ ॥

[८०७]

जो विउव्विय-सत्ति-जोगेण

स-समाण-रुविण भरइ      धरणि-गायण-अंतरु खणद्धिण ।  
 नीसेस-खयरवभद्विउ      चारु-चरिय-वर-कित्ति-लद्धिण ॥  
 सो अप्पट्टमयह वि मह      पुरिसु गहेसइ पाणि ।  
 इय परिभाविवि कु-वि जणय वरु यडि मन करि काणि ॥

[८०८]

इय सुणेविणु वयणु कन्नयहं

सव्वासि विसेसयरु चंद-मुहिदि तयु चंदरेदह ।  
 उक्कंठिय खयर-वर वरहि-कुल व उन्नयहं मेदहं ।  
 आगय तिहि खयराहिविहिं कुमरि-विवाहह जोगि ।  
 कयइ सयंवर-मंडवइ निय-सिरि-अहरिय-सगि ॥

[८०९]

न उण को-वि हु खयर एगह वि

कुमरीए पइण्णयह गयउ पारि ता सयण कुमरिहि ।  
 सविसेस-समुल्लसिय- हियय-सल्लसंगहिय अरइहि ॥  
 विज्जाहर-चक्काहिवह गुरु-गुण-मणि-भवणस्सु ।  
 गच्छहिं चित्तगइहि पुरउ भणहिं य--पहु निमुणस्सु ॥

[८१०]

जो महीयलि गयउ गेण्हेइ

मय-लंछणु करयलिण धरइ जो व भुय-दंडि मुर-गिरि ।  
 जु व भुवणि वि उल्लसिउ गसइ पलय-हुयवाहु गुरु सिरि ॥  
 जो स-धराधरु रयण-निहि पियइ पाणि-पुडएण ।  
 कुमरि-पइण्णहं पारिसु वि जाइ न तुह विरहेण ॥

[८११]

इय पसीउण पणय-कारुणिय

सिरि-सुरतेयंगरुह भुवण-पयड-गुण-रयण-मंडण ।  
 सारय-ससि-विमल-जस महि-ललंत पडिक्ख-खंडण ॥  
 तुम्हि सयंवर-मंडवह सविहिहिं आगच्छेह ।  
 कन्नय-विहिय-पइण्णहं वि पारु जणह दरिसेह ॥

[८१२]

तयणु किंचि वि पगड-विलसंत-

उवरोह-सीलत्तणिण किंचि फुरिय-कोऊहलत्तिण ।  
 चक्काहिवु चित्तगड गहिय-सार-परियणु पयत्तिण ॥  
 गंतु सयंवर-मंडवह तलि उवविट्टु पट्टिट्टु ।  
 अह अट्टहिं वि नियंविणिहि मयणाउरिहिं मु दिट्टु ॥

[८१३]

निय-वियप्पिउ पुच्छमाणीए

सिार-तरुणिहि पुरउ अह भणड - सुयणु निसुणेसु अवहिय ।  
 जह जीवइ सो जिज जगि जसु रमेड मड भम्मि पर-हिय ॥  
 सुट्टिउ मु जो संतोस-रुइ सच्च-गु पुणु आगासु ।  
 सुह-कारणु जिण-भम्मु पर जगह वि पूरिय-आसु ॥

[८१४]

इय पिहुप्पिहु ताहं तरुणीण

अट्टणह वि तहि सहह मज्झि पारु दरिसइ पइण्ह ।  
 ता खयरहिवह तसु विप्फुरंत-वहु-साहु-वन्नह ॥  
 वियरिय निय-निय धूय वियसिय-मुह-अरविदेहिं ।  
 हरिससिय-पुलयंचिइहिं सयलिहिं खयरिदेहिं ॥

[८१५]

अह महा-मह-पुव्वु परिणीय

खयरिदिण चित्तगड- नामगेण तरुणीउ अट्ट वि ।  
 तियसोसुर-नहयरहं मज्झि जाउ इयरिण न दिट्ट वि ॥  
 तयणंतरु सिरि-चित्तगड विज्जाहर-चक्किंदु ।  
 संतेउरु गुरु-खयर-निव- सेविय-पय-अरविंदु ॥

[८१६]

गयण-मंडलि धरणि वलयम्मि ।

परिकीलिरु सर-सरिय- तियस-सिहरि-नंदण-वणाइयु ।

अणुरायाउर-हियय- खयर-तरुणि-गिज्जंत सिय-जसु ॥

नंदीसर-वरि सासयहं जिण-विंवहं पूयत्थु ।

गच्छइ मन्नंतउ नियय- जम्मु जिउ वि स-कयत्थु ॥

[८१७]

तयणु केयइ-करुणि-वियइल्ल-

मंदार मालइ-वउल- पारियाय-पाडल-कयंवहं ।

हरियंदण-कुंद-लय- जूहियाहं सव्वत्तु-पहवहं ॥

चंपय-सयवत्तिय-पमुह- तरु लइयहं कुसुमेहिं ।

चीणंसुय-पटंसुइहिं तह रयणाहरणेहिं ॥

[८१८]

पूय विरइवि नियय-हत्येहिं

सव्वेसि वि निच्च-जिण- भवण-चासि जिण-इंद-विंवहं ।

अह वंदिवि भणिवि तह थोत्त-जणिय-आणंद-संतहं ॥

नट्टारंभु पयासिउण स-परियणु वि जह-जोग्गु ।

पणमइ पय पंकय जिणहं पुलइय-अंगोवंगु ॥

[८१९]

तयणु सुरगिरि-दीव-कुलसेल-

पउमदह-काणणिहि वंदमाणु जिण-नाह-विंवइं ।

जोयंतउ सर-सरिय- साहि-सिहरि-नयराइं सव्वइं ॥

सिरि-वेयइह-महागिरिहिं जा सविहम्मि समेइ ।

ता एगत्थ महाडइहिं एगु धवलहरु निएइ ॥

[८२०]

तयणु — किं इहु सरय-घण-खंडु

कि व चंद-विमाण-दलु गयण-गमिर-सुर-कंति-पसरु व ।  
 वण-देवय-मंदिरु व वणि रमंत-हरि-दइय-निलउ व ॥  
 दीसइ किंपि जयब्भहिउ इय पुणु पुणु चितंतु ।  
 जा सम्मुहु तसु संचलिउ विम्हय-हीरिज्जंतु ॥

[८२१]

ताव लोयण-सलिल-परिसित्त-

मुह कमल-थणावरणु करुण-राव-पूरिय-दियंतरु ।  
 सासाणल-परित्तविय- अहर-विउ सुहि-सयण-दुहयरु ॥  
 उप्पाडिय-दाहिण चरणु तरुणि-जुयलु पेक्खेइ ।  
 चियह जलंतह सविहि गउ न य निमित्तु लक्खेइ ॥

[८२२]

अह तुरंतउ उत्तरेज्जण

गयणयलह चित्तगइ पुरउ गंतु तसु तरुणि-जुयलह ।  
 मिउ-महुरिहि अक्खरिहि भणइ — तुम्ह को हेउ अ-सुहह ॥  
 कि व एहु दीसइ धवलहरु कु व एहु चिय-बुत्तंतु ।  
 इय साहह जइ पुणु तयणु हउं वि करउं दुह-अंतु ॥

[८२३]

ता पयंपइ दीह-नीसास-

परिसोसिय-अहर-दल वाल एग जह — किमिह साहउं ।  
 निय-मदिर-दुच्चरिय- पयडणेण लज्जेमि तुह हउं ॥  
 तह वि हु आयारिण कहिय भुवण-रयण नर-नाह ।  
 निमुणसु जिण तुह कहउं हउं निय-बुत्तंतु अणाह ॥

तहा हि ॥

[८२४]

अत्थि एत्थ त्रि दीवि हिमवंत-

कुलसेलहं सन्निहिहिं धणय-जक्ख-पुरि-रिद्धि-तक्करु ।  
 बहु-विज्जा-वल-कलिय- खयर-राय-निउरंव-मुंदरु :  
 नयरु धणंजय-नामु तहिं पसरिय-कित्ति-कलावु ।  
 खयराहिवु सिरि-अमियगइ चिद्धइ महुरालावु ॥

[८२५]

तस्सु पुणु मण-मत्त-मायंग-

आणालय-खंभ-सम विमल-सयल गुण-मणि-निहाणिय ।  
 अंतेउर-पवर-पिय अग्ग-महिसि भद्दाभिहाणिय ॥  
 ताहं तहा-विहपुव्व-सुह- वसिण अणंगरइ त्ति ।  
 अवितह नामिण विस्सुयउ जायउ अगुरुहु त्ति ॥

[८२६]

तह महोदय-सिचिण उवड्ड

दो जाय विलासवइ- कंतिवइउ नामियउ कन्नउ ।  
 सयणेहिं य अणुसरिस- वरह विरहि नउ कसु वि दिण्णउ ॥  
 चिट्ठंति य नहयर-उचिय कलअवभासु कुणंत ।  
 दो वि त्ति कन्नय गुरु-सविहि गउ वि कालु अ-मुणंत ॥

[८२७]

अवर-अवसरि गुरु-दुरायार-

जणयत्तिण जोव्वणह विहि-वसेण सयलम्मि तहिं पुरि ।  
 पर-तरुणिउ भोगवइ वलिण हदिण अवहरइ पर-सिरि ॥  
 दुल्ललियहं गोट्टिहि रमइ अवलोयइ स-वियारु ।  
 जण-मण तवइ अणंगरइ- नामु सु खयर-कुमारु ॥

[८२८]

ता समग्गु वि लोगु विलवंतु

संपत्तु खयर प्पहुहु पुरउ कहइ कुमरावरद्धइ ।  
 सयलस्सु वि नायरह जणह तरुसु घरि घरि पसिद्धइ ॥  
 ता विज्जाहर-चक्कवइ नंदणु सद्दावेवि ।  
 रोसारुण लोयण-जुयलु भणइ करुण उब्भेवि ॥

[८२९]

अरिरि हय हय तुहुं मह मुक्ख

किह एयहि निय-पयहि भइणि-माइ-साडिय-समाणहि ।  
 एवं-विह विसम दस जणिय-सुयण-संताव आणहि ॥  
 अह व किमन्निहिं बहु-विहिहिं डंड-राडि-रडिएहिं ।  
 अम्हिहि तुह अ-विणय सहिय गरुय-नेह-नडिएहिं ॥

[८३०]

कालु एत्तिउ एण्हि पुणु इंत

मह लोयण-गोयरह अवकमेसु तूरंतु अन्नह ।  
 निय-हत्थिहि सिक्ख हउं करिसु तुज्झ पसरिय-अवन्नह ॥  
 जो निय-भवणु न सारवइ न कुणइ वसि अप्पाणु ।  
 सो किह सयल-महीयलह करिहइ सिक्ख अयाणु ॥

[८३१]

तयणु सयलह जणह मज्झम्मि

किह जणइण धरिसियउ धिसि धिसि त्ति हउं इय विचिंतिरु ।  
 निय-पुरह अणंगरड नीहरेइ परिभविण खिज्जिरु ॥  
 वंधु-सिणेहिण विहि-वसिण ताउ वि तव्भडणीउ ।  
 नीहरियाउ अणुप्पहिण गुरु-दुह तरु धरणीउ ॥



[८३२]

अह महाडवि-मज्झि हिमवंत-

गिरि-खंडु व धवलहरु एहु विहिउ विज्जाणुद्वाविण ।  
 कुमरेण अणंगरइ- नामगेण ता काम-जोगिण ॥  
 भोग-हलिय-कम्मोदइण जगि परियडमाणेण ।  
 पूरिय पंच-सयाइं वर- तरुणिहिं आणिवि तेण ।

[८३३]

अन्न-दिणि पुणु तियस-गिरि-समुहु

गच्छंतु असोय-तलि नियइ महिहिं गुरु खेय-दुम्मुह ।  
 तियसिदिण उव्वसि व रइ व विसम-वाणिण परम्मुह ॥  
 निरु रोयंत डुसुक्कएहिं वाह जलाविल-नित्त ।  
 किण वि सु-पुरिसिण क वि तरुणि धणिउ पसाइज्जंत ॥

[८३४]

तयणु — कट कट अहह वपु वपु

कु वि एहु महा-पुरिमु पुव्व-जम्म-कय-सुकय-संचउ ।  
 जाइ नह-नियंविणिहि लहिवि संगु फेडिहइ उवचउ ॥  
 जगडिय-भुवण-महाभडह विसम-वाण सुहडस्सु ।  
 इय एसो च्चिय नर-रयणु तिलउ सयल भुवणस्सु ॥

[८३५]

कह-वि जइ पुणु वाल-हरिणच्छि

संपज्जइ मज्झ इह निय-सरुव-जिय-तिजय-कामिणि ।  
 ता मन्नउं हउं वि कय- किच्चु गमिरु निय-दिणु स-जामिणि ॥  
 इय चिंतंतु अणंगरइ निय-विज्जा-सत्तीए ।  
 वरहि-रुवु मणहरु करिवि पुरउ पहुत्त ज्ञत्तीए ॥

[८३६]

तार-पम्हल-तरल-नयणेहिं

स-विलासु ससहर-मुहिहिं अह सिहंडि सच्चविउ पुणु पुणु ।  
 तयणंतरु तप्पिण्ण भणिउ ईसि हियइण हसेविणु ॥  
 मइं मेळिलि वि कसु संमुहउं जोइज्जइ दइयाए ।  
 जइ वरहिण पुणु कज्जु ता हउं अप्पउं सु पियाए ॥

[८३७]

इय स-दइयह वयणु निसुणेवि

वाहाविल-लोयण वि पणय-कोढ-परमुहि वि तरुणिय ।  
 ईसी-सि विहसिर भणइ — अप्पि अप्पि मह वरहि आणिय ॥  
 ता मन्नंतु अणुगाहु व वयणु त निय-दइयाए ।  
 सणिउ सणिउ मंजुलु लविरु मेल्लिरु चप्पुडियाए ॥

[८३८]

चलिर-चूलह तिवख-तुंडस्सु

अइमहुर-ककारवह भुवण-सुहय-सुविचित्त-असह ।  
 अलि-हरगल-गवल-दल- नीलकंठ-नामह सुवंसह ॥  
 पंच-वन्न सुरवइ-धणुह- सरिस-कलाव-भरस्सु ।  
 चलिउ सु गहणूसुय हियउ नच्चंतह वरहिसु ॥

[८३९]

नीलकंठु वि मत्त-कलहंस-

सम-गइण परंमुहउ दिट्ठि-विसउ अमुयंतु चल्लिउ ।  
 समयंतरि उप्पइउ नह-यलेण धरणि-यलु मेल्लिउ ॥  
 अह इयरु वि तुरियर-गइहिं चल्लिउ तप्पिट्ठीए ।  
 तो जा खण-मेत्तिण वरहि अविसइ हुउ दिट्ठीए ॥

[८४९]

तयणु कुमरिण भणिय भइणीउ

जह-कह-मवि तह जयह जेण एय मइं तरुणि मन्नइ ।  
 उवरोहिण वंधवह तयणु ताहिं सा वाल भणइ ॥  
 सुंदरि चयसु विसाय-भरु भुंजसु विसय-सुहाइं ।  
 जं जोव्वण-लायण-वर- रुवहं जगि दुलहाइं ॥

[८५०]

अह शुद्धं किय-वयण-कमलाए

इयरीए समुल्लविउ— हल्लि हल्लि किं एम्ब जंपह ।  
 जय-गरुयउ खरउ खरु ता कि उचिउ सीहिणिहि संगह ॥  
 अहवा नहयर-राय-कुल- गरुय-कलंक-करस्सु ॥  
 जणणि य भइणि य मइं सरिस कि न चिद्धहिं एयस्सु ॥

[८५१]

अवि य ॥

सुइर-संचिय-सील-रयणस्सु

जइ भंगु करेमि हउं कय-कलंक-सुगुरुवएसह ।  
 ता अयल-पुर-प्पहुहु पिउहु मज्झ ससिवेग-नामह ॥  
 तह नहयर-कुल-मंडणह ससुरह रविवेगस्सु ।  
 खयर-कुमार-सिरोमणिहि पुणरवि पवह पियस्सु ॥

[८५२]

नूण वियरहुं वयणि मसि-कुच्चु

तह सीलवइ त्ति निय- नामु नेउ पायालि वोलउं ।  
 ता एरिसु मह पुरउ मन भणेह पुणु वयणु भोलउं ।  
 तयणु ति दो वि अणंगरइ- पुरउ भणहिं स-विसाय ।  
 एइण जलिण न वप्फहइं एहि मुग कहमवि भाय ॥

[८५३]

ता विमुंचसु एह असग्गाहु

पच्चक्ख-अणत्थ-फल उभय-लोय-संहार-कारण ।  
 अह भणइ अणंगरइ-- हउं जि इमह दुव्विणय-वारण ।  
 ता अवसरिउण कचि खणु दो वि हु तुव्विभ रहेह ।  
 जेण सुसिक्खिय एह चिय भाउज्जाय निएह ॥

[८५४]

अह तह च्चिय तार्हि विहियंमि

कुमरेण हवेउ रहि कहवि वाल करयलि धरेप्पिणु ।  
 अणुकूल-चाडुय-पणय- निट्ठुरेहिं वयणिहि भणिप्पिणु ॥  
 पत्थुय-अत्थ-पडुच्चरणि थुक्कंति पुणरुत्तु ।  
 समुहु वि अनियंती हट्ठिण तिण पारद्धिय भोत्तु ॥

[८५५]

एत्थ-अंतरि विहि-निओएण

निरु अट्टम-दियहि परि- भमिरु नयर-गिरि-काण्णाइसु ।  
 सो चेव य सीलवइ- दइउ पत्तु उवरिमए एसिसु ॥  
 तयणु हयासिण तेण तह हट्ठिण वि उव्वुज्जंत ।  
 अवलोइय रविपहिण निय- दइय करुण विलवंत ॥

[८५६]

तयणु फिडु फिडु अरि दुरायार

किह गच्छसि दिट्ठु मई उट्ठि उट्ठि करवालु गेण्हसु ।  
 मा जंपसि किं मन मह कहिउ किं-पि पुव्वं पि एरिसु ॥  
 हउं पुणु बहु-दुन्नय-परह चिर-सच्चिय-पावस्सु ।  
 तुव्वम सरीरिण दिसिहि वलि अज्जु करेसु अवस्सु ॥

[८४०]

एत्थ-अंतरि-दइय नर-रयण

निक्कारण-कारुणिय सुहउ-वग्ग-मुह-वन्न पसिउण ।  
 लहु रक्खहि नाह मइं निज्जमाण एएण हरिउण ॥  
 इय निसुणंतु वि-नणु अहह एहु मह पियह रवो त्ति ।  
 परिचितंतु पढावियउ करुण-रवह समुहो त्ति ॥

[८४१]

एत्थ-अंतरि वाम-अंगेण

वामेण य लोयणिण तह फुरंत-पडिक्कल-पवणिण ।  
 कंटय-तरु-सिर-गइण दाहिणेण वाहरिउ रिद्धिण ॥  
 अवसच्चिहिं सयलिहिं वि अहि- पमुहिहिं असुह-जिएहिं ।  
 सुइय-भावि-अणत्थ-फलु जीवियंत-कहएहिं ॥

[८४२]

तह वि धाविरु तंमि गहणंमि

सव्वत्तु वि करुण-रवु विलवमाणु परियडिवि तत्थ वि ।  
 संपत्तु असोय-तरु- वरह मूलि सु वराउ कहमवि ॥  
 अनियंतउ पुणु निय-दइय मुच्छ-निमीलिय-अच्छु ।  
 विहलंघल-सव्वंगु लहु पडिउ महीयलि हच्छु ॥

[८४३]

अह कहं-चि वि पत्त-चेयणु

हुय गरुयर-दुह-विहुरु सरिवि सरिवि निय-दइय-गुण-गणु ।  
 वियलंत-विवेय-भरु भणइ-अहह ससि-वयणि तुह विणु ॥  
 सुन्न-वगुंधर-गिरियडिहिं मइं न सदारइ कोइ ।  
 इय एक्कसि पच्छिम दसहं आविवि मह मुहु जोइ ॥

[८४४]

सुयणु नीहरि कयलि-भुवणाउ

परिहासह न खमु हउं एयमित्तु वक्करु न सुंदरु ।  
 सम-सुह-दुहि तुह विरहि सरणु मज्झ होइहइ जमहरु ॥  
 इय विलवंतउ सरवरहं तडिहिं स-विंनु नियंतु ।  
 एहि एहि ससि-वयणि इय भणइ जलंमि विसंतु ॥

[८४५]

इय निरंतरु विविह-चेट्टाहि

वण-देवय-खयर-कुल- देवयाहं नामइं सरंतउ ।  
 अइवाहइ सत्त दिण तत्थ तत्थ एहु परियडंतउ ॥  
 तइयहं सो वि अणंगरइ वरहिहि रूवु चएवि ।  
 तह तह विलवंतिय हदिण सा पसयच्छि हरेवि ॥

[८४६]

पत्तु गयणिण एत्थ धवलहरि

ता वियसिय-सुह-कमल उवविसेवि एगंति जंपइ ।  
 मिग-लोयणि ससि-वयणि मज्झ समुहु विहि हुयउ संपह ॥  
 करयलि चडिय ज सुहिण तुहुं कज्जि पयत्तह सज्झि ।  
 ता दुडुगुसु कुदंतु हउं अच्छिसु सुवणह मज्झि ॥

[८४७]

इय अणंगिण तविउ मह अंगु

निय-अंग-संगामइण निव्ववेसु पसयच्छि पसिउण ।  
 इयरी वि सु-सील-रुइ सगसगंतु वाउ व सु गणिउण ॥  
 निय-पिययमु गुण-रयण-निहि हियय-ट्टिउ सुमरंत ।  
 चिट्ठइ अविरल-परिगलिर- नयण-सलिल झूरंत ॥

[८५७]

इय पयंपिवि केस-पासेण

आयद्धिवि हठिण तनु वयण-कुहरि गुरु-धूलि-वच्चकु ।  
 परिखित्तउ रविपहिण अह अणंगरइ अप्प-वंचकु ॥  
 बहु-अवसउण-निवारिउ वि रोसारुण-नयणिल्लु ।  
 करयल-कय-करवाल्लु परि-कंपिर-अहर-दलिल्लु ॥

[८५८]

हुयउ संसुहु तयणु ते दो वि

विज्जाहर-पहु-तणय दो वि समर-संरंभ-हरिसिय ।  
 दु वि कामिणि-विसय-गुरु वइर दो वि पर-हणण-तरिसिय ॥  
 दोणिण वि फुरियामरिस-भर दोणिण वि गरुय-पहार ।  
 दोणिण वि कंपाविय-सुहड दोणिण वि रिउ-संहार ॥

[८५९]

दो वि दीहर-दोस सिसिर व्व

गुरु-तेय दु वि दिणयर व फुरिय-धम्म-गुण दो वि मुणिणु व ।  
 दु वि करिणु व दाण-पिय कुडिल-गमण-रुइ दो वि अहिणु व ॥  
 दु वि गलगज्जहि कुंजर व दु वि वग्गहि तुरय व्व ।  
 दु वि फुक्कारहि विसहर व दु वि धडहडहि रह व्व ॥

[८६०]

दु वि विडच्चिय-वाण परिमुयहिं

अन्नुन्नु दु वि वाहरहिं नियडि-रुव पयडंति दोणिण वि ।  
 दु वि वज्जिय-करुण दु वि य परहं वयणु न धरंति कन्नि वि ॥  
 चिरु दु वि कोलहि रण-महिहिं अह रविपहिण सदप्पु ।  
 मुक्कउ को वि पहारु जिण खण-मेत्तिण अ-वियप्पु ॥

[८६१]

गल्ल-विवरहं गल्लिर-रुहिरौहु  
 मुह-कुहरह नीहरिय- जीह-दीह-काइय-विहीसणु ।  
 फुटंत-कवाल-तल- गल्लिर-कीकस-दुहावणु ॥  
 अवलोइय-निय-दुव्विणय- पायव-फल-पवभारु ।  
 हुयउ हयासु अणंगरइ पयडिय-जमहर-सारु ॥

[८६२]

अह सहोयर-मरण-पसरंत-  
 रोसारुण-लोयणहिं एगिहोउ भइणिहिं दुवेहिं वि ।  
 निय-विज्जा-वल्लिण तसु उवरि गरुउ गिरि-खंडु खेविवि ॥  
 खयर-कुमारु रविप्पहु सु तह किउ जह अइरेण ।  
 गरुय-पहारिण जज्जरिउ परिचत्तउ जीएण ॥

[८६३]

तयणु पिययमु काउ उच्छंगि  
 कुल-वालिय सीलमइ लहु पविट्ठ चिय-मज्झि एयह ।  
 इयरो वि विलासवइ- कंतिमइहिं भडणीहिं इयरहं ॥  
 चियहं निहित्तउ ताउ पुणु पुरिस-रयण एहि अम्हि ।  
 अनियंतितु गइ अन्नहहिं चियहं पडिउकामम्हि ॥

[८६४]

इय सुणेविणु अहह संसारि  
 विसयाउर-माणसहं जियहं कम्म-परिणामु दारुणु ।  
 जं एरिसु मरणु तहं तारिसहं वि भव-भमण-कारणु ॥  
 अह वा कम्म-वसेण जिय सय-सदस्स-संखाइं ।  
 असरण सहहिं सरीर-मण- वयणुवभव-दुक्खाइं ॥

८६२. This stanza is added marginally in क in ख. this and the following stanza bear the same number

८६२ ३ क एगिहोइ उइणिहिं दुवेहि, ५ क गरु, ६ क कुमार.

८६३. ५ क. सइणिहिं



[८६५]

इहु मुणेविणु सयल्ल परमत्थु

सु-विवेयालंक्रियहं दाउ न खमु अवयासु सोयह ।  
 न य भवियहं अवसरु वि उभय-ल्लोय-दुह-वाल-मरणह ॥  
 ता उज्जेवि विसाय-भरु गच्छह निय-निय-ठाणि ।  
 इय जंपंतइ चितगइ- खयरहिइ-पहाणि ॥

[८६६]

अहह जोन्वणु वपु रि लायणु

कट वयण-निवेसु हुं हुं भुवण-अहिय-तणु-तेय-चंगिम ।  
 वपु उचिय-पवित्ति जय- जंतु-सुहय अरि का वि तुंगिम ॥  
 मरहुं मरहुं सुचरियहं वलि वलि सील-सिरिस्सु ।  
 इय जइ पांवहुं इहु जि वरु ता फलु लिहुं स-जियस्सु ॥

[८६७]

इय विचिंतिर किंचि-परिगलिर-

स-सहोयर-मरण-दुह फुरिय-गरुय-अणुराय-विहुरिय ।  
 परिजंपहिं खयर-पहु- पुरउ दु वि ति खयरिंद-कुमरिय ॥  
 जइ तुहुं पणय-प्पिय सुहय अम्ह अणाहं नाहु ।  
 हवहि मुयहुं ता अम्हि इहु मरण-विहिहिं असगाहु ॥

[८६८]

तह इमंमि वि धवल-हरयंमि

चिटंतिहि जिय-रइहिं ति-जय-तरुण-मण-रयण-हरणिहिं ।  
 संपाविय वि स-विसम- दसहं सयहं पंचणह तरुणिहिं ॥  
 निय-वयणामय-वियरणिण जइ कुणसि परिताणु ।  
 ता मन्नहिं ति वि वप्पुडिय कय-किच्चउं अप्पाणु ॥

[८६९]

तयणु नहयर-नाहु निव्वंधि

सह तार्हि वि धवलहरि पविसमाणु वियसंत-लोयणु ।  
 अवलोयइ सरय-ससि- मुहिउ ताउ परिविम्हियाणणु ॥  
 अह नणु अछिवंतेण इव करिहि विहिण घडियाउ ।  
 इहि तरुणिउ अन्नह किह णु एयारिस-सोहाउ ॥

[८७०]

रूव-जोव्वण-विणय-विण्णाण-

सिंगार-विलास-रइ- हाव-भाव-विब्भम कहेरिस ।  
 संजायहिं सुर-असुर- कामिणिहिं वि एइण जारिस ॥  
 इय किह पुण्हं विणु घडहिं एरिस तिय जिय-लोइ ।  
 ता सो चेव कयत्थु जगि जो एयहं पिउ होइ ॥

[८७१]

इय विचित्तिरु चित्तगइ खयर-

चक्काहिबु नह-यलहं उत्तरंतु सच्चविउ तार्हि वि ।  
 सहस-त्ति य फुरिय-अणु राय-विहुर-हिययहिं सवार्हि वि ॥  
 एत्थंतरी चक्काहिवह परिवारिण संलुत्तु ।  
 तह तह पक्खहं दुहिं वि परियाणिवि मण-वुत्तंतु ॥

[८७२]

सरिय-सलिलहं ठाणु जह जलहि

जह जुण्हह रयणि-यरु जेम्भ गयणु तारय-समूहह ।  
 जह माणसु कमलिणिहिं पउम-संडु जह भमर-नियरह ॥  
 तह पहु दइयत्तिण उचिउ गुरु-गुण-रयण-महीण ॥  
 सव्वारिं पि नियंविणिहिं एयहं पउम-मुहीण ॥

८७२. ४ क कमलिणिहि

८६९. क. ७. घडियाओ; ८ क तरुणिओ ९ क सोहाओ,

८७१. २. क नहयल

[८७३]

एत्थ-अंतरि ईसि विहसेवि

खयरहिबु सव्वहं वि पुरउ ताहं तरुणीण जंपइ ।  
 जह साहह सुंदरिउ काउ कत्थ मुच्चंति संपइ ॥  
 जम्हा एत्थ महाडविहिं तुम्हहं जुत्तु न ठाउ ।  
 ता मेल्लहं निय-निय-भवणि चल्लह चइवि विसाउ ॥

[८७४]

ता मुएविणु दीह नीसास

जोएवि विलासवइ - कंतिवइहिं वयणाइं सायरु ।  
 तरुणीउ समुल्लवहिं खयर-नाह गुण-रयण-सायरु ॥  
 जइ न हवहि तुहुं अम्ह पिउ पसरिय-गुरु कारुणु ।  
 तो पडिवज्जेयवु लहु अम्हिहिं जलणु सरणु ॥

[८७५]

जमिह अम्हहं हरिय-मेत्तहं वि

अ-पयइ-विवाहं वि अणवलुत्त-निय-सील-मणिहिं वि ।  
 इह आगय-मेत्तहं वि मय-अणगरइ-दुक्ख-हयहं वि ॥  
 गच्छंतहं निय-निय-भवणि धुवु फिट्ठइ न कलंकु ।  
 भुवण-तिलउ ता तुहुं जि पर पिउ अम्हह नीसकु ॥

[८७६]

तयणु झल्लरि-भेरि-सारंगि-

कंसाल-ताल-तिरि- करडि-ढक्क-तंवक्क-बुक्कहिं ।  
 पडु-पडह-सुसंख-चर- वंस-वेणु-मदल-हुडुक्कहिं ।  
 वज्जंतिहिं तूरिहिं बहुहिं वहिरिय-मज्झ-दसासु ।  
 गायंतिहिं गंधव्वइहिं पूरिय-तरुण-जणासु ॥

८७३. ३ क. नाह.

८७४. ४, क तरुणीओ

८७५. ५ क अणगरय

८७६. ९ क. जआस, ख जणेसु

[८७७]

सयल-महि-यल-अहिय-सोढगु

गंधव्व-विवाहिण वि ताउ तरुणि परिणेड सव्व वि ।  
 तयणंतरु तार्हि सह कुणइ पच्च-विह-विसय-सेव वि ॥  
 जिम्ब तियसाहिबु सुर-भवणि अच्छर-नियर-सहाउ ।  
 तिम्ब तहं दइयहं मज्झि ठिउ सहइ सु नहयर-राउ ॥

[८७८]

तयणु परियणु सयलु साणंदु

अन्नोन्नइं मुह-कमल सच्चवंतु पुणु पुणु पयंपइ ।  
 अरि पेक्खह पेक्खह य तुब्धि धरिवि मणु ठाणि संपइ ॥  
 दिट्ठु जु रामिण सिविणुलउं तं फलियउं भरहस्सु ।  
 एहु जु जंपइ सयलु जणु तं फुडु हुयउं अवस्सु ॥

[८७९]

अह गहेविणु ताउ तरुणीउ

पुव्वज्जिय-सुकय वस- उल्लसत-सविसेस जय-सिरि ।  
 सिरि-सूरतेयंगरुहु पत्तु खणिण वेयइह-गिरि-वरि ॥  
 इय जु जु कु वि महियल-वलइ जायइ रयण-विसेसु ।  
 सु सु तसु अ-प्पत्थिउ वि लहु लहु संपडइ असेसु ॥

[८८०]

अन्न अवसरि गिम्ह-समयंमि

निय-सार-परियण-सहिउ गहिय-रयणवड-पमुह-पिययमु ।  
 सव्वंगु वि करिवि लहु समय-उचिउ सिंगारु निरुवमु ॥  
 नंदण-वणि खणु कीलिउण गिम्हायव-संतत्तु ।  
 नहयर-पहु सिरि-चित्तगइ माणस-सरि संपत्तु ॥

[८८१]

जं च तरुवर-सिहर-गाय-विहय-  
 कुल-कोलाहल-रविण पहिय-नियरु निरु वाहरेइ व ।  
 कलहंस-सारस-सहस- कूजिएहिं फुडु गायए इव ॥  
 आलिंगइ इव उल्लसिय- लहरि-वाहु-लइयादिं ।  
 हसइ व वियसिय-मुह-सरिस- सरस-कमल-मालाहिं ॥

[८८२]

भमिर-महुयर-महुर-अंकार-  
 पसरेण संसइइ व नच्चइ व्व वण-लय-करगिहिं ।  
 जोयइ इव मिड-पवण- निहय-कमल-दल-नयण-भंगिहिं ॥  
 पढइ व सुय-सारिस-रविण रमइ व सह मीणेहिं ।  
 तूसइ इव मज्जंत-सुर- खयर-मयच्छि-थणेहिं ॥

[८८३]

अवि य पसरिय-पउर-कल्लोल  
 विरसंत-सारस-सहसु चक्कवाय-कलहंस-सुंदरु ।  
 परिवियसिय-कमल-वणु भमिर-भमर-अंकार-मणहरु ॥  
 तिर-द्विय-तरु-नियर-फल- कुसुम-भार-सुंदेरु ।  
 मज्जिर-हरि-करि-हरिण-सुर- खयरिहिं कहिय-अमेरु ॥

[८८४]

तंमि जलनिहि-पत्त-वित्थारि  
 सिरि-माणस-सरि खयर- चक्कवट्टि चित्तगइ स-हरिसु ।  
 निय-अंतेउरिहिं सहु मज्जमाणु सुहु लहइ असरिसु ॥  
 अवगूढउ सामंगियए तरुणिहि कंचण-वणु ।  
 नं पाउस घण-मालियए सुर-गिरि-कय-लायणु ॥

[८८५]

गोत्त-खलणिण किंचि स-विलक्खु  
 अणुणेइ जावेग पिय तावराए ढंढरिण नडियइ ।  
 वाहुल्लइं लोयणइं परिमुसंतु इयराए धरियइ ॥  
 सा वि हु तिण उप्पलिण हय उर-यलि तमु वि पढेइ ।  
 हुं हुं मइं मेल्लिवि रमसि एह इय अन्नयर भणेइ ॥

[८८६]

अरिरि पिययम जाइ एहु मीणु  
 इय जंपिर का वि तमु वाह धरइ उर-यलिण भीडिवि ।  
 क वि सुहय किमेउ इय भणिर वल्लग तमु अंगि धाविवि ॥  
 इयरु वि निद्ध-निरिक्खणिहिं इग संभावइ जाव ।  
 ईसा-उइहुंदुर-मुहिहिं बहुहिं तविज्जइ ताव ॥

[८८७]

सलिल-कीलहिं एण्हि पज्जत्तु  
 अरि भाउय चल्हु जिह नियय-ठाणि गम्मइ य जंपिरु ।  
 खयरहिबु चित्तगइ जिह सणिउ सणिउ पच्छहु विसप्पिरु ॥  
 सारिउ जूयारु व करिण कइढइ क वि तरुणीउ ।  
 जा ता सु जि गंभीर-जलि छुहहिं पोढ-रमणीउ ॥

[८८८]

सलिल-कीलहं सुइरु इय ललिवि  
 कुल-वालिय-सइहिं सहं लहिवि हियय-संतोसु अ-सरिसु ।  
 नणु सासय-जिण थुणिवि एण्हि करहुं निय-पुण्ण-पगरिसु ॥  
 इय चित्तंतउ चित्तगइ निय-परिवार-समेउ ।  
 पसरिय-परिमल-महरिहइं कुसुम-फलाइं गहेउ ॥

[८९१]

तसु वि माणस-सरह सविहंमि  
 जिण-सासय-चेइयहं भुवण-नाह-साहिय-विहाणिण ।  
 अहिणंदण-पूयणहं हेउ गहिय सक्कारु पाणिण ॥  
 सासय-जिण-मंदिरि गयउ पसरिय-गुरु-रोमंचु  
 तिन्नि निसीहय पमुह दह तियगिहि विहिय-मुसंचु ॥

[८९२]

तयणु भत्तिण जणिय-सक्कारु  
 काराविय-नट्ट-विहि विहिय-पडिम मज्जण-महूसवु ।  
 वियसंत-मुहंवरुहु गहिवि कुमुम-भरु पसरियासवु ॥  
 सव्वासि पि हु सासयहं जिण-सामिहि पडिमाहं ।  
 पूय करेविणु थुइ करइ सयणहं निमुणंताहं ॥

[८९३]

भुवण-सामिय उसह-जिण-इंद  
 चंदाणण चंद-सम- कित्ति-पसर-धवलिय-दियंतर ।  
 असरण-तिहुयण-सरण वारिसेण जय-नाह जिण-वर ॥  
 परिवड्ढिर-नीसेस-गुण वड्ढमाण जिण-नाह ।  
 नियरमु पसिउण मज्झ सिरि का वि हु विगयावाह ॥

[८९४]

इय थुणेविणु भुवण-दिणइंद  
 ते सासय जिण-वसह हरिस-फुरिय-वियसत-लोयणु ।  
 उचियासणि उवविसिवि कुणइ पंच नवकार-सुमरण ॥  
 तयणंतरु जिण-मंदिरह पुरउ असोय-तरुस्सु ।  
 तलि उवविसिवि निवइ कुणइ सुद्धि स-परिवारस्सु ।

[८९५]

एत्थ-अंतरि सोय-विहुरेण

वाहुल्ल-लोयण-जुइण      फुरिय-गरुय-संताव-पसरिण ।  
 विण्णत्तउ चित्तगइ      चक्कवट्टि एगेण खयरिण ॥  
 जह पहु जो तुह सेव-करु      मणिण वि अविहिय-कूडु ।  
 आसि पसिद्धउ खयर-वइ      अभिहाणिण मणिचूडु ॥

[८९६]

दइय-संगह चंचलत्तेण

अ-थिरत्तिण जोव्वणह      सिरिहि सरय-वण-संनिहत्तिण ।  
 दुहियत्तिण परियणह      जियह सलिल-वव-चवल-गत्तिण ॥  
 अवडिय-घडण-सरुवयह      सुघडण-विघडणयस्सु ।  
 विहिहि निओइण सो हुयउ अतिहि कयंत-घरस्सु ॥

[८९७]

संति तसु पुणु खर-ससि-नाम

दो नंदण अ-सुय-गुरु-      जणय-वणण सु-विवेय-वज्जिय ।  
 अह मह-मिगयाए पिउ-      रज्ज-गहण-मण जुज्ज-सज्जिय ॥  
 सन्नाहिय-निय-निय-कडय      रण-रंभमि पविट्ट ।  
 चिट्ठिहं एत्तो च्चिय सविहि मइं एण्हि चिय दिट्ट ॥

[८९८]

तयणु धिसि धिसि विसय-लुद्धाहं

जीवाहं वि चिट्ठियइ      हडय हडय इय कम्म-परिणइ ।  
 तक्खणि वि जं पिउ-मरणि      हूय ताह एरिसय दुम्मइ ॥  
 इय चित्तंतउ चित्तगइ      निमुणिवि तहं वुत्तंतु ।  
 तसु ठाणह दु वि वाहरइ      अप्पुणु पुरउ तुरंतु ॥



[८९९]

ता वि भइउण रज्जु वियरेवि

तहं दोण्ह वि नहयरहं      कमिण ढेइ अणुसट्ठि वहु-विह ।  
 नणु जीविउ अथिरु तह      पत्त केण सह रज्ज-सिरि इह ॥  
 इय चित्तिवि निय-निय-गिट्ठिहि      पमुइय-मण चिट्ठेह ।  
 किण किण पुरिसिण पंच-दिण      पएहि न महि घट्टेह ॥

[९००]

खयर-पहु अह गयउ स-ट्ठाणि

ससि-सुर वि दो वि गय      निय-निएसु ठाणेसु उट्ठिवि ।  
 परमंतर-दुट्ठ-पहु      गिहिवि गय य न मेलहिं दिट्ठि वि ॥  
 विहिहि वसेण उ डयर-दिणि      इग-रज्ज-ट्ठिय दो वि ।  
 तिं व जुज्झिवि मय जेम्भ तहं      सार वि करइ न को वि ॥

[९०१]

धणु विलुत्तउं सयलु पुणु ताहं

पर-पक्खिय-नरवइहिं      तयणु चित्तगइ एहु वइयर ।  
 निमुणेविणु वत्ति भव-      भाव-विमुह हुय हियय-गोयर ॥  
 चित्तइ-धिसि धिसि सुवण-रिउ-      मोह-निहय-हिययाहं ।  
 चरियं सुयण दुहावइइ      भव-निवडंत-जियाहं ॥

[९०२]

केण सह गय रज्ज-सिरि एह

सह केण समागय व      कसु व भवणि जा-जीवु थिरिहुय ।  
 जसु कज्जिण कुणहिं नर      पाव-क्किरिय अ-विवेय-संभुय ॥  
 वंचहिं पहु निहणहिं जणउ      आणहिं कुलह कलंकु ।  
 चिणहिं पावु अविदिण मरहिं भमहिं भवंमि अ-संकु ॥

[१०३]

चयहिं के वि हु कमिण पत्ता वि  
 रज्ज-स्सरि तिण-लहु व के-वि परहं संतिय वि पत्थइं ।  
 अ-लहंतय भव-गहणि भमहि सहहिं वहु-विहइं दुत्थइं ॥  
 लद्ध वि अ-सइ महेल इव परिकीलइ इयरंमि ।  
 इय घड-दासि-सरिच्छियहिं रमइ कु रज्ज-सिरिम्मि ॥

[१०४]

माण-धणु नरु वयण-मेत्ते वि  
 निय-दइयह पर-पुरिसि भीम-भिउडि ईसाइ तक्खणि ।  
 एसा उण रज्ज-सिरि नर-सहस्स-सेविय नि-लक्खणि ॥  
 रयणायरु वि परिच्चडवि लोह-ट्ठाणि वसेइ ।  
 इय कु स-कण्ण अणत्थ-यर मणिण वि एहहि लसेइ ॥

[१०५]

इय विचिंतिवि सुइरु खयरिंदु  
 संसार-विरत्त-मण- पसरु रयणवइ-देवि-नंदणु ।  
 नीसेस-कला-निलउ सयल-सयण-सुहि-हियय-रंजणु ॥  
 संपाविय-तारुण-भरु गुरु-गुण-गण-मणि-धामु ।  
 ठवियउ गरुयर-वित्थरिण रज्जि पुरंदर-नामु ॥

[१०६]

तयणु विरइवि गरुय-सक्कारु  
 जिण-सासण-चेइयहं वसुह-वलइ सयलहं वि भत्तिण ।  
 संमाणु करेवि तह सयल-समण-संवह स-सत्तिण ॥  
 अणुजाणाविवि सुहि-सयण परियणु संभासेवि ।  
 निम्मलु निय-जस-पसरुजगि सयलंमि वि पयडेवि ॥

[९०७]

तेहि मणगइ-चवलगइ-नाम-

निय-वंधुहिं परियरिउ सद्धिउ रयणवइ-पट्टदेविहिं ।  
 इयरेहि वि बहु-विहिहिं खयर-राय-सामंत-सचिविहिं ॥  
 परिवारिउ गरुयर-सिरिण बहु-गुण-मणि-भूरीण ।  
 सिरि-दमवर-अभिहाणयहं पत्तु पुरउ खूरीण ॥

[९०८]

अह जिणिदह भणिय-नीईए

वंदेविणु मुणि-वरह पाय-पउम रोमंच-अंचिउ ।  
 उचियासणि उवविसइ पाणि पुडउ भाल-यलि संठिउ ॥  
 तयणु मुणिदिण धरुम-कह भव-निव्वेय-पहाण ।  
 पारद्धिय तहं चित्तगइ- खयरहिंव-पमुहाण ॥

[९०९]

ता विसेसिण जाय भव-विरइ

खयरहिंवु चित्तगइ भणइ पुरउ मुणिवरहं पायहं ।  
 जह वियरसु चरणु मह तह दुवेण्हमवि मज्झ भायहं ॥  
 नित्थारसु एए वि मह पिययम-सुद्धि-सयणोह ।  
 चरण-रयण-वियरणिण पहु पयडिय-सिव-सुह-बोह ॥

[९१०]

अहह सुदर जुत्तु जुत्तु त्ति

मा कुणसु विलंबु इय भणिवि तेण मुणि-वरिण तक्खणि ।  
 चारित्तु विइणु तहं तयणु चित्तगइ मुणि वियक्खणु ॥  
 आराहइ गुरु-पय-पउम चरण-करण सेवेइ ।  
 अवंगाहइ सुय-रयण-निहि मणि भावण भावेइ ॥

[९११]

किं व बहुङ्ग वयण-वित्थरिण

नीसेस वि समण-जण- उचिय-क्रिय चिरु कालु पालिवि ।

पुव्वज्जिउ सुह-मणिण पाव-कम्मु लहु निरुवलेविवि ॥

पज्जंति य कय-सयल-विहि आउ-कम्म-अवसाणि ।

उप्पन्नउ माहिंद-सुर- मंदिरि पवर-विमाणि ॥

[९१२]

तियस-भाविण इंद सम-रिद्धि

कम-जोगिण कय-सुकय रयणवड वि ति वि दो वि वधव ।

उप्पन्न तियसत्तणिण धणिउ भमर-हिय-सुरद्धि गंध व ॥

तयणु ति तत्थ वि पुव्व-भव- संचिय-दह-पडिवंध ।

चिट्ठहिं परिकीलिर सुइरु अकय-विओय-निबंध ॥

॥छ॥ इति श्रीश्रीचद्रसुरि-क्रम-कमल-भसल-श्रीहरिभद्र-सूरि-  
 विरचित-श्रीनेमिनाथचरिते श्रीमन्नेमिजिनराजिमत्यो-  
 श्चित्रगति-रत्नवती-वक्तव्यतानुगतो द्वितीयो मनुज-  
 भवः सुरभवः चतुर्थः समाप्त इति ॥

[९२१]

अह नराहिवु देवि-सच्चच्चिउ

उवसाहड तहं सिविणु ते वि सिविण-सच्चत्थु चित्तिवि ।  
 उवसाहहिं सु जिज पर निवु वड्डु सुविणत्थु मंतिवि ॥  
 तयणु पढिट्ठिण नरवरिण ते सक्कारिय संत ।  
 निय-निय-ठाणि पट्टुत्त गुरु हरिस-भरिण रेहंत ॥

[९२२]

ता नरिदिण कहिय-वुत्तंत

पियदंसण गुरु-हरिस- रोमराइ-रेहंत-अगिय ।  
 परिवालइ गम्भु सविसेस- फुरिय-तणु-कंति-चंगिय ॥  
 कम-जोगेण य ससि-जुयळ- विमल-कवोल-मऊह ।  
 नं निय-जस-कप्पूर-रय- परिधूसर मुह-सोह ॥

[९२३]

वयणि पसरहिं वहल-जिभाउ

उयर-ट्टिय-सुय-रयण- दंसणत्थु नं विहि वियासिय ।  
 सिट्ठिलायहिं अंग पय नं विइण लज्जावयासिय ॥  
 उयर-नियंव-त्थल वयहिं बुड्ढिहिं अणु-दियहं पि ।  
 इय ईसाइय इव ति-वलि एग पत्त विलयं पि ॥

[९२४]

जच्च-कंचण-कलस-सरिसा वि

हुय फाल्हि-कुंभ-सम न मु-पुत्त-मुह-अमय-धवलिय ।  
 वर-वारण-कुंभ-थिर- थोर-तुंगतर-सिट्ठिण-जुयलिय ॥  
 ता स निरंतरु परिहरइ दूरिण गम्भायामु ।  
 धम्मिय-कम्म-विसेसं वि निरु वियरड अवयायु ॥

[१२५]

गन्ध-जोगिण धरणि-वलयम्मि

सव्वत्थ वि अक्खलिय- कित्ति-पसरु दिप्पंत-पोरिसु ।  
 हरिनंदि-धरणिप्पहु वि हुयउ तम्मि समयम्मि असरिसु ॥  
 अह सु विचित्तइ - नणु जु सह होसइ गुण-मणि-धामु ।  
 नंदणु वियरेयव्वु मइ तसु अवराजिय-नामु ॥

[१२६]

इय विचित्तिरु कुणइ नरनाहु

पियदंसण-दोहलय- पूरणाइ-कायव्व-वित्थरु ।  
 देवी वि अ-विग्घ निय- सुकय-वसिण संपत्त-अवसरु ॥  
 पुव्व-दिसि व्व दिणाहिक्खइ वित्थरंत-गुरु-तेउ ।  
 उप्पायइ नंदण-रयणु सयल-धरह सिरि-हेउ ॥

[१२७]

अह पियंवय-नाम निव-दासि

गुरु-हरिस-ल्हसिय-निय- उत्तरीय-वावडय-करयल ।  
 परिकंपिर-थोर-थण- वेग-गलिय-निय-सणय-अंचल ॥  
 गरुयाणंदिण परिखलिर- अक्खर-वयण-निवेस ।  
 पुरउ गंतु वसुहाहिक्ख सिर-विरइय-कर-कोस ॥

[१२८]

भणइ जह - पहु पढम-दियहे वि

सव्वंग-समुल्लसिय- तेय-पसर-परिविजिय-तरणिण ।  
 निय-वंस-मुत्तामणिण सु-प्पसत्थ-लक्खण-निहाणिण ॥  
 अहुणुप्पन्निण धरणि-यल- जण-आणंद-यरेण ।  
 वद्धाविज्जसि देव त्थं निय-नंदण-रयणेण ॥

तओ य-

[९२९]

कप्प-विडवि व अमय-संसित्तु

सरयागम-जणिय-गुरु- तेय-पसरु छण-रयणि-रमणु व ।  
 ससि-उदइण लहरि-भर- विहिय-सोहु रयणायरो विव ॥  
 तणय-रयण-जम्मिण मुणिरु कय-किच्चउं अप्पाणु ।  
 देइ पियंवय-दासियहि सत्त-वेणि पिइ-दाणु ॥

[९३०]

तयणु सज्जण-जणिय-संतोसु

आणंदिय-भिच्चयणु नयर-नारि-नर-नियर-रंजणु ।  
 आराहिय-देव-गुरु- पाय-पउमु पडिवक्ख-गंजणु ॥  
 उवरोहिय-नर-कारविय- संति-विहिण विहवेण ।  
 काराविउ वद्धावणउं सयलहं महिहिं निवेण ॥

[९३१]

अह अणुक्कमु कीरमाणेहिं

सयलेहिं वि पढम-सुय- रयण-जम्म-उचिएहिं कम्मिहिं ।  
 संपत्ति एक्कारसमि दियहि समणु सुहि-सयण-सम्मिहिं ॥  
 अवरजिय इय विस्सुयउं अणुसुमरिय-सिविणेहिं ।  
 नामु विइणु महा-महिण सुयह जणणि-जणनेहिं ॥

[९३२]

तयणु पमुइय सयल-धरणि-यल-

सुद्धि-सज्जण भिच्चयण कुमर-रयण-अभिदाणु निसुणिवि ।  
 अवलोइवि रुव-वर- लक्खणइहु पुलइयउ पिसुणु वि ॥  
 अवरजिय-कुमरो वि जह- भणिय-गुणोलि-सहीहिं ।  
 लालिज्जंतउ उत्तिमहिं पंचहिं कुल-थाईहिं ॥

\*[९३३]

सिहरि-कंदरि कप्प-विडवि व्व

सिय-पक्खि कुमुइणि-पहु व अइरिणावि विग्घिण विवज्जिउ ।

सुहि-सयण-मणोरहिहिं समगु विमल-गुण-रयण-सज्जिउ ॥

दिट्ठउ पणयहं छियरु (?) [लच्छियरु] तम-पव्वारु हरंतु ।

xx

xx

xx

xx ॥

[९३४]

xx

xx

xx

xx

xx

xx

विहिं निलीणउ ।

पउमासणु जस्सु गुण- गहण-मणु व हुउ चउर-वयणउ ॥

जसु तणु-रुवु निरिक्खिउ व सहस-नयणु तियसिंदु ।

हुउ जसु गुण-जंपण-मणु व सहस-जीहु नागिंदु ॥

[९३५]

जस्सु जोव्वण-भर-कुढारेण

सव्वंगु वि ताडिय उ अवल हूय कामिणि वराइय ।

जसु विक्कम-निज्जिय व हरि-किसोर काणणि भमाडिय ॥

जसु गंभीरिम-अहरिउ व जलहि जडत्तु पवन्नु ।

तसु तरुणत्तणि धरणि-यल- तिलयह तुलइ कु अन्नु ॥

[९३६]

इय समग्गहं गुणह आहारु

परियाणिवि कुमर-वरु तुट्ठ-मणिण मेइणि-मयंकिण ।

जुव-रज्जि निवेसियउ सु-प्पसत्थि वासरि अ-संकिण ॥

अह अवराजिय-जुव-निवइ पसरिय-सुकय-सहावु ।

पायडिहूयउ महि-वलइ दुगुणिय-नियय-प्रयावु ॥

+ The first line of the दुहा of 933 is partly readable, but the last line of 933 and the first three lines of 934 are blurred and illegible in क Except the final दुहा of 934, the portion blurred in क is not found at all in ख Thus the text of the portion from 933 to 937 is mostly blurred and illegible in क.



[९३७]

तयणु पमुइय सुयण नीसेस

सुहडा वि कय-किच्च हुय वुह कयत्थु मन्नहि स-जीविउ ।  
 पडिवक्खिय उत्तसिय सयण वसहिं महियल्ल सुहाविउ ॥  
 वग्गहिं मागह जियहिं नड विलसहिं वेस स-तोस ।  
 रिउ-तरुणि वि गायहिं तसु जि गुण-गणु ववगय-रोस ॥

[९३८]

जम्मि चलियइ चारु-चउरंग-

वल-पूरिय-धरणियलि विहिय-अंग-सिंगार-मणहरि ।  
 मयणाउर-हियय लहु कुणइ सयल-पुर-पवर-सुंदरि ॥  
 मंडणु भाल-यलहं तणउं का-वि कवोल-पएसि ।  
 क-वि कुंडलु कन्नह करिण गेण्हइ चलणह रेसि ॥

[९३९]

खिवइ नेउरु का-वि सवणम्मि

क-वि हारु कवरिहिं भँवइ का-वि देइ अंजणु उर-त्थलि ।  
 क-वि नियसणु पावरिवि उत्तरीउ परिहइ स-भिंभलि ॥  
 क-वि अंवोडउ भाल-यलि विणिवेसेइ विसालु ।  
 क-वि कूवह तडि घडु मुइवि मज्झि निवोलइ वालु ॥

[९४०]

का-वि कामिणि तणय-बुद्धीए

मज्जारु कडि-यडि करिवि समुह एंत भुवणु वि हसावइ ।  
 क-वि कुमर-मुहंवरुहु निरु नियंत अणुराउ दावइ ॥  
 जिंभायइ क-वि का-वि पुणु छोडइ कैस-कलावु ।  
 मोडइ अंगइ का-वि क-वि पयडइ महुरालावु ॥

[९४१]

अवि य-

हट्ट-कुट्टिम-विवणि-पासाय-

वायायण-तल-मिलिय      राय-विहुर कुल-विलय जंपहिं ।  
 हलि पेक्खहु पेक्खहु-न      एहि अंगु किमलीउ कंपहिं ॥  
 आवइ आइउ जाइ गउ      इहु इहु इहु एहु त्ति ।  
 तरुणी-यण-मण-वल्लहउ      अवराजिय-कुमरु त्ति ॥

[९४२]

इयर पभणइ-तुह पसाएण

मइं दिट्ठउ भइणि इहु      विजिय-कुसुम-कम्मुय-मडप्फरु ।  
 परिवण्णउं तसु जि पर-      सुंदरीए सोहग्ग-वित्थरु ॥  
 जा एरिसि वच्छयलि गुरु-      नयर-पउलि-विसालि ।  
 विवरिय-रय-परिसंत-तणु      खणु वीसमइ पियालि ॥

[९४३]

ईसि विहसिवि भणइ अह अन्न

जइ पिय-सहि एहु तुह      मेलावमि ता किं पयच्छहि ।  
 अह कर-यल-ताल-रव-      पुब्बु भणइ सवि तुहुं ज मग्गहि ॥  
 इय तुहुं कहमवि एहु महा-      सोहग्गिउ संपाडि ।  
 परमम्हइं कह एरिसइं      सहि लक्खणइं निलाडि ॥

[९४४]

इय समुज्झिय-निय-निय-सेस-

वावारहं सयलहं वि      तिब्ब-राय-विहुरिय-सरीरहं ।  
 पुर-तरुणिहिं विविह-मण-      वयण-काय-गय-किरिय-पसरहं ॥  
 पेक्खंतउ परिचेट्ठियइं      विम्भिय-मण वावारु ।  
 विविह-विणोइहिं ललइ पुरि      सिरि-हरिनंदि-कुमारु ॥

[९४५]

तसु जि कुमरह आसि सह-जाउ

सह-पंसु-कीलियउ सह-गहीय-निम्मल-कलालउ ।  
 सम-संचिय-कित्ति-भरु समुवलद्ध-गुण-मणि-विसालउ ॥  
 सम-तणु सम-मणु सम-किरिउ सरिस-सील-सवभाउ ।  
 मइधण-मतिहि अंगरुहु विमलवोहु सुहि जाउ ॥

[९४६]

इयर-वासरि अहिणवुवलद्धि

निरु निरुवम-रुव-गुणि तुरय-रयण-जुयलम्मि दोणि वि ।  
 आरुहिउण विहि-वसिण सेसु सयलु वलु समवगणि वि ॥  
 जा संचलिलय कित्तिउ वि पहु ता दुहि वि हएहि ।  
 अवहरिउण महाडइहि निय-विवरिय-सिक्खेहि ॥

[९४७]

अह पह-स्सम-खिन्न-देहेहि

दोहि पि तुरंगमिहि परिविमुक्क-निय-जीवियासिहि ।  
 संपत्तइ सिर-उवरि रविहि तेय-पूरिय-दसासिहि ॥  
 कुमरु तुरंगह उत्तरिवि निय-मित्तिण वि समेउ ।  
 निविसिवि सहयारह तरुहु छायहं निय कुल-केउ ॥

[९४८]

लहु वि अ-विहिय-हिय-संतावु

रयणायर-गहिर-मणु तियस-सिहरि-सिहरोळि-अविचलु ।  
 निय-मित्तु समुदिसिवि भणइ — वयणु मह सुणसु निच्चलु ॥  
 पुरिसु जु कोऊहल-कलिय सयल चसुंधर एह ।  
 न नियइ नूण सु लहु अवड- तड-मंडुक्कु सुणेह ॥

[९४९]

अवि य न मुणइ लोय-आयारु

न वियाणइ कज्ज-विहि देस-हास परिहरइ दूरिणं ।  
 हीलिज्जइ दुज्जणिहिं धुत्त-सएहि वंचियइ अइरिण ॥  
 तह स-ट्ठाणि निविट्ठ मिग- मसग-काग-काउरिस ।  
 मरहिं अ-पाविय-स-जिय-फल न उण एम्म सप्पुरिस ॥

[९५०]

तावहारु वि अम्ह अणुकूल

इहु हूयउ इहरह उ निविड-नेह न वि जणय-जणणिय ।  
 अणुमन्नहिं कह-वि इय इच्छ-माणि परियडहुं धरणिय ॥  
 अणणुणायहं सु-पुरिसहं पुणु जणणी-जणएहिं ।  
 न गुणावहउ वि एस गमु भणियउ नय-निउणेहि ॥

[९५१]

तयणु पसरिय-हरिस-रोमंचु

भणियव्व-वियक्खणउ विमलवोहु पभणइ - महा-यस ।  
 गुण-दोस वि सयल तइं कहिय सम्मु सु-विवेय-माणस ॥  
 ता सच्चत्थ वि नर-रयण तुब्भि जि मज्झ पमाण ।  
 इय अक्कमह समगग धर रयणायर-अवसाण ॥

[९५२]

इय पयंपिर गलिर-परिखेय

खणु एगु अइक्कमिवि चलिय कलिय-निम्मल-विवेइण ।  
 गच्छंत य पत्त पुर- विवणि कह-वि स-कयाणुहाविण ॥  
 तत्थ य पउम-सरोवरह एगह तीरि पढिट्ठ ।  
 आलोडिय-सरवर-सलिल चिट्ठहि जाव निविट्ठ ॥

[९५३]

ताव दिसि दिसि नयण निखिविरु

परिकंपिर-कर-चरण वयण-कुहर-विणिवेसियंगुलि ।  
 पहु रक्खहु पसिय मइं तुम्ह पुरउ एह वद्ध अंजलि ॥  
 इय विलविरु दूरह पहह नियय-कम्म-आइट्टु ।  
 धाविप्पिणु नरु एगु तसु कुमरह सरणि पविट्टु ॥

[९५४]

अह पयंपइ कुमरु - अरि भइ

मा भाहि कयंतह वि वेल मज्झ धुवु तुज्झ संतिय ।  
 एत्थंतरि धुणिय-सिरु विमलवोहु पभणइ-असंतिय ॥  
 मा करि कुमर पइण्ण इह ज न नज्जइ कु-वि एहु ।  
 कत्तु वि कह वि समागयउ नयहं कु-नयहं व गेहु ॥

[९५५]

ईसि विहसिवि कुमरु वज्जरइ

मा जंपसु मित्त एहु जं सयं पि नयवंत रक्खिय ।  
 सरणम्मि उ सु-पुरिसहं विसहिं ते ज्जि जे कु-नय-दुक्खिय ॥  
 इय दुहियहं सरणागयहं विहलिय-माण-धणाहं ।  
 कज्जि जि न तुलहिं नित्तुलउं ते गणि मज्झि मुयाहं ॥

[९५६]

इय भणंतहं तेसि तिण्हं पि

उक्खाय खरगुग्ग-कर भीम-भीउडि-भासुर-निडालय ।  
 परिधाविर सेस-नर अरुण-नेत्त नं अंत-कालय ॥  
 अरि अरि हण हण गहि-न गहि केसिहिं इय जंपंत ।  
 सिरि-कोसल-पुर-नरवइहि बहु-विह सुहउ पहुत्त ॥

[९५७]

अह कुमारिण भणिउ - नणु जेम्ब

चविज्जहिं चणय जणि तिम्व न किण वि चव्वियहिं मिरियइं ।  
 जिम्ब चेप्पहिं सुणय करि तिम्व न पंचवयणहं वि पोयइं ॥  
 जिम्ब कलियइ कंदुगु करिण तिम्व न कणय-गिरि-नाहु ।  
 जेम्ब तरिज्जइ गाम-सरु तिम्व न सु-जलहि-पवाहु ॥

[९५८]

जिम्ब विहीसिय विविह एरिसय

पयडेविणु इयर-जणु भेसाविवि तुब्भेहिं चेप्पइ ।  
 तिम्व अम्ह सरणावडिउ सुद्धिण एहु निय-करि न खिप्पइ ॥  
 ता उब्भिवि एय-ग्गहण-मणु माणु वि घरि जाउ ।  
 मा उण सीह-किसोर-मुहु धरिसिवि करिह विसाउ ॥

[९५९]

अह पयंपहि किंचि सासंक

आरक्खिय-सुहड - नणु राय-उत्त किं तुब्भ खेइण ।  
 जं अम्हहं सयल-पुर- घरइं मुसिय पावेण एइण ॥  
 इय दुन्नय-सय-करण-रुइ एहु समप्पसु एण्हि ।  
 नूण पराइय एह कलि मुहिइण सुहड म गेण्हि ॥

[९६०]

तयणु सुर-गिरि-सिहर-थिरु कुमरु

विहसेवि समुल्लवइ अहह तुम्ह विण्णाण-पगरिसु ।  
 जं दुन्नय-परु जि पर-सरणु लेइ नरु विसमि एरिसु ॥  
 चेप्पइ कलि वि पराइय जि मुहिइण न उ मुल्लेण ।  
 इय जुत्ति-क्खमु निच्छिउण निय-मइ-कोसल्लेण ॥

[९६१]

कुणह किं पुण मरिह सव्वे वि

इहु मण्णिर मह पुरउ हठ्ठिण नूण ता वयह निय-धरि ।  
 ठक्केविणु कन्न एहु रक्खियव्वु तक्करु वि मइं परि ॥  
 जं निय-कज्ज-परम्मुह वि सम्मुह पर-कज्जम्मि ।  
 होंति सहाविण सप्पुरिस निय-वलि निरवज्जम्मि ॥

[९६२]

इय पयंपिरु कुमरु साडोवु

आरक्खिय-माणविहिं गहिय-असिहिं चउ-दिसिहिं वेढिउ ।  
 ता विरुइण पसु-गणु व रिउ-समूहु तक्खणि विहंडिउ ॥  
 एगेण वि कुमरेण कर- कय-तरवारि-लण्ण ।  
 तयणु सु कोसल-पुर-निविण निसुणिय-वुत्तंतेण ॥

[९६३]

फुरिय-कोविण विविह-करि-तुरय-

रह-सुहडाइण-धर- विवरु पउरु निय-सेन्नु पेसिउ ।  
 खण-मेत्तिण तं पि तिण करि-घड व्व सीहिण पणासिउ ॥  
 तयणु नरादिवु मागहिण एगयरिण विण्णत्तु ।  
 जह पहु को वि अउव्वु भडु नयरुज्जाणि पहुत्तु ॥

[९६४]

एण्हि एगह पुरिस-मेत्तस्सु

सरणम्मि समागयह कज्जि गरुय-पसरंत-मच्छरु ।  
 आभिद्वइ गय-घडहं हणइ सुहड विहडेइ रह-भरु ॥  
 फोडइ उरइं तुरंगमहं माणु मलइ रहियाहं ।  
 एगो च्चिवय सय-सहस-गुण दीसइ मज्झि भडाहं ॥





[९६९]

जा सुकोसल-निवह स-वलस्मृ

सविहस्मि समागयह असिण दलित बहु-वलु खणद्धिण ।  
 ता सचिविण विमलमइ- नामगेण परिकलिय-तत्तिण ॥  
 भणिउ सुकोसल-नरवइहि सवण पएसि हवेउ ।  
 जह - पहु सिरि-हरिनंदि-वमुहाहिराय-कुल-केउ ॥

[९७०]

तुम्ह कज्जिण गइण सीइउरि

हरिनंदि-निवइहि पुरउ मइं कुमार एहु बहु-निरिक्खिउ ।  
 अवराजिय-नाम-फुहु सयल-कलहं गोयरि मु-सिक्खिउ ॥  
 तयणु खणद्धिण नर-वरिण हुय-पच्छुत्तावेण ।  
 आण फिराविय सयलि वलि नियय-पवर-पुरिसेण ॥

[९७१]

अह कुमारह हत्थि निय-करिण

संजोइवि साणुणउ कुमर-रयणु उच्छंगि वेप्पिणु ।  
 संलत्तु नराहिविण जह - अ-कज्जु केरिसु करिप्पिणु ॥  
 धिसि धिसि अ-जसु विढत्तु मइं चंद-महीयल जाम्ब ।  
 जं हरिनंदि-नराहिवइ वंधु-सरिसु एणु ताम्ब ॥

[९७२]

अन्नु तसु कुल-गयण-हरिणंकु

नीसेस-कला-निलउ असम-विरिय-परिविजिय-पर-वलु ।  
 ससि-निम्मल-गुण-रयण- सरिय-रमणु असरण-वच्छलु ॥  
 एगागि च्चिय विहि-वसिण पत्तउ स-पुरुज्जाणि ।  
 तुहुं तसु मइं पडिवत्ति कय एह एरिसय-नियाणि ॥

[१७३]

इय पुणु-पुणु निवु विसरंतु

वाहुल्ल-लोयण-जुयल्ल पिक्खिखऊण तिण कुमर-रयणिण ।  
 सिरि विरइय-करयलिण विणय-पुव्वु पप्फुल्ल वयणिण ॥  
 भणिउ - कु तुम्हहं दोसु इह अ-मुणिय-परमत्थाहं ।  
 फुडु अवरद्धउ महिं जि एहु तुम्ह महासत्ताहं ॥

[१७४]

जं सुणंतिण दोस-यारि त्ति

सो तक्करु परिगहिवि तुम्ह कु-नय-उद्धरण-धीरहं ।  
 निय-पिउहु सरिच्छहं वि मइ वरद्धु वसुहेक्क-वीरहं ॥  
 तं निय-नेदण-समह महु पसिउण खमह समग्गु ।  
 हुइ दुविया उ दुमाय नउ इय सुम्मइ जण-मग्गु ॥

[१७५]

एत्थ-अंतरि कुमर-रयणस्सु

वयणेण रंजिउ निवइ सुहड थुणहिं भुय-दंड-चड्डिम ।  
 परिकित्तिहि विउस गुण सुयण-वग्ग वण्णंति वड्डिम ॥  
 चाउ पसंसहिं वंदि-यण तरुणि रूवु सलहंति ।  
 निव सवि वाइ-पहाण जण-वालिय सो ज्जि वरंति ॥

[१७६]

अह नरिदह-वयणु आसज्ज

परिमोइय-तक्करिण सचिव-सुइण सह विमलवोहिण ।  
 निव-कारिय-वित्थरिण विहिय-सयल-परमग्ग-सोहिण ॥  
 जयकुंजर-खंधर-गयउ मागह-गण-गिज्जंतु ।  
 नयरि पविट्ठु कुमारु जय-लोइण सलहिज्जंतु ॥

[९७७]

तयणु नरवड-विहिय-सक्कार

वियराविय-धवलहर पढम-दियहु अइगमहिं ते दु-वि ।

वीयम्मिउ दियहि दिण- उदड निवइ-सचिविंदु आविवि ॥

भणइ - महा-यस नर-वरिण पदियउ हउं तुह पासि ।

तयणु पयंपइ कुमरु - सचिवाहिव कज्जु पयासि ॥

[९७८]

किमिह किंचि वि दुग्गु साहेमि

सीमाल व के-वि निव अ-पणमंत पहु-पइहि पाडउं ।

पडिरुंधुं रिउ-वल्ल व समुहु एंतु वइरु व निहोडउं ॥

अह व किमन्निण पहु-पयहं जायउं किंपि जु कज्जु ।

तं साहसु सचिविंद लहु जह करेमि हउं अज्जु ॥

[९७९]

अह वियासिय-त्रयण-कमलेण

सचिविंदिण वज्जरिउ कुमर-रयण तुहुं एत्थ जइयहं ।

सपत्तउ सयल-गुण- रयण-रासि मह पहुहु तइयहं ॥

सिद्धइं दुह-सज्झइं वि लहु नीसेसइं कज्जाइं ।

तह वि हु निमुणसु जाइं तुह चिट्ठहिं कहियव्वाइं ॥

[९८०]

तहा हि -

अत्थि निवइहि पवर-देवीए

कणयावलि-नामियहि विमल-सयल-गुण-रयण-मंडिय ।

संपिंडिय-सयल-कल सविह-ठिइण गुरु-यणिण-वइहिय ॥

जणणी-जणय-सवंधु-सहि- सयणहं हियय-निहाण ।

चिट्ठइ कन्न स-उण्ण-सिरि कणयस्सिरि-अभिहाण ॥

९७७ Lines 2 to 7 are missing in ख.

९७८. ७ क. ज.

९७९. ८. दुहु.

[९८१]

तसु पसीयसु पाणि-गहणेण

तयणंतरु कुमर-वरु नियइ वयणु सुहि-विमलवोहह ।  
 ता मित्तु समुल्लवइ कुमर-रयण तुह जणय-सरिसह ॥  
 एयह विस्संभर-पहुहु वयणु न लंघिउ जुत्तु ।  
 ता पडिवज्जसु दुक्करु वि सचिवाहिविण ज वुत्तु ॥

[९८२]

नणु वियाणसि उचिउ तुहुं मित्त

किमु पत्थुय-अत्थि हउं सचिव-पुरउ उत्तरु पयच्छउं ।  
 ता कुमरह मुणिवि मणु भणिउ सुहिण - नणु सचिव इह हउं ॥  
 कुमरु अणिच्छंतु वि कह-वि भणिवि पयट्ठावेसु ।  
 इय वंछिय-सिद्धिण वसुह- पहु तुहुं वट्ठावेसु ॥

[९८३]

तयणु डु-गुणिय-हरिस-पम्भारु

सचिवाहिवु निव-पुरउ विण्णवेइ जइ-भणिय-वइयरु ।  
 नर-नाहु वि अइ-गरुय- वित्थरेण संपत्त-अवसरु ॥  
 सिरि-अवराजिय-कुमर-वर- कणयस्सरि-कन्नाहं ।  
 कारावइ पाणिग्गहणु उदिओदिय-पुन्नाहं ॥

[९८४]

देस-दंसण-विसय-पसरंत-

कोऊहल-तरलिओ वि धरणि-नाह-कय-गुरु-निवंधिण ।  
 परिथक्कउ किच्चिय वि दियह तहिं वि सह तिण पुरंधिण ॥  
 अन्नम्मि उ अवसरि निसिहिं परिवंचिय-परिवारु ।  
 मित्त वि इक्क वि नीहरिउ सो नरनाह-कुमारु ॥

[९८५]

तयणु गिरि-सर-सरिय-उज्जाण-

नयराइं अइक्कमिरु कमिण कुमरु दिव्वाणुहाविण ।  
 एगत्थ सुमाण-वण- मज्झि पत्तु अह विहि-निओइण ॥  
 अहह अयंडि वि हूय महि मह सप्पुरिस-विट्ठीण ।  
 अकय-पडिक्कय जमिह हउं अच्छउं विलविर दीण ॥

[९८६]

इय सुणेविणु — अहह विलवंत-

महिला-यण-सहु इहु ता मए वि जीविरि वसुंधर ।  
 कह हूय अणाह इय चिंतयंत अ-स्वुहिय-पय-भर ॥  
 जाव ति गच्छहिं नर-रयण अगिम-मगि तुरंत ।  
 ता चाउंड-भडारियह पुरउ करुणु विलवंत ॥

[९८७]

रत्तयंदण-लित्त-सव्वंग-

चच्चिकय-मसि-रसिण खडिय-पंक-कय-रेह-भालय ।  
 गल-कंदल-परिलुठिर- वहल-रत्त-कणवीर-मालय ॥  
 इट्ठु सरेसु हयांसि कु-वि अज्जु मरेसि अ-संधि ।  
 इय भणिरिण एगिण नरिण पगहिय-वीणा-वंधि ॥

[९८८]

नियय-जोव्वण-रुव-लायण-

परिणिज्जिय-जय-तरुणि मन्नु-भरिण-परिगलिर-लोयण ।  
 अवलोयहिं वाल इग भुवण-तरुण-नर-दियय-खोहण ॥  
 तयणु कुमारिण भणिउ — अरि अरि नर-अहम हयास ।  
 कि न पेक्खसि इहि मंडिया तणा कयंतह पास ॥

[९८९]

सरिउ ससहर-चारु-वयणाए

निय-इद्रु-एईए लहु आगओ य तुहुं पुणु पयत्तिण ।  
 सुरु खयरु व नरवइ व अत्थि को वि जइ सहिउ सत्तिण ॥  
 ता सुमरसु सव्वप्पण वि न उण विळुट्टसि अज्जु ।  
 धुवु मत्थइ पडिहइ तुह जि इहु निय-दुक्कय-वज्जु ॥

[९९०]

अहव संपइ होउ मह सुमुहु

तरवारि कर-यलि कलिवि किंपि किंपि माहप्पु पयडिवि ।  
 अप्पाणु पयासि मह पुरउ रमणि-वहि चित्तु विहडिवि ।  
 ता इयरिण वज्जरिउ — नणु एज्ज एज्ज एमेव ।  
 दलिवि मडप्फरु सयलु जिह तहिं जि करावउं सेव ॥

[९९१]

इय-पयंपिर दो-वि साडोवु

आयइदिवि असि-लइय भिडहिं सुहड दद-दद-उट्टय ।  
 खणु वग्गहिं अ-क्खुहिय खणु पहारु सज्जंति दुट्टय ॥  
 नउ अक्कमहिं परुप्परिण वंचिय-खग्ग-पहार ।  
 ता वाहुहुं जुज्झिण भिडहिं दु-वि ति परक्कम-सार ॥

[९९२]

तयणु टालहि उवहिं संगहहि

आवीडहिं निदलहिं संधि-बंध सव्वंगुवंगह ।  
 अह केण-वि विहि-वसिण वाहु-जुयलु तसु कुमर-चंगह ॥  
 सयल-सरीर-दुहावहिण नाग-पास-बंधेण ।  
 निविडु निवडु चिवक्खिण तिण अ-सच्च-संधेण ॥

[९९३]

किं तु दुज्जण-नेह-बंधं व्व

हरिनंदि-नरवइ-सुइण      नाग-पास तोडिय खणद्धिण ।  
 ता वरिसइ आयरिण      कुमर-उवरि रिउ वाण-वरिसिण ॥  
 कुमरु वि पावं पिव तविण      खंडइ खग्गिण वाण ।  
 इय चिरु जुज्झहिं बहु-विहिहिं      दु-वि गुरु-कोह-निहाण ॥

[९९४]

एत्थ-अंतरि तेसिं सूरहं

दोणं पि हु समर-भर-      जणिय-गरुय-कोऊहलं पिव ।  
 अवलोइउकामु रवि      उदिउ तयणु तणुयंगि-दुहमिव ॥  
 गलिउ समग्गु वि तिमिर-भरु फुरिउ दिणिंद-पयाउ ।  
 ता करवालिण अरिहि उरि      कुमरु पयच्छइ घाउ ॥

[९९५]

कह-वि तह जह गलिय-वेयन्नु

रिउ महि-यलि पडिउ अह      निय-करेहिं तिण कुमर-रयणिण ।  
 उवयरिउण बहु-विहिहिं      विहिउ झत्ति पच्चलु सरीरिण ॥  
 तयणु पयंपिउ - अरि सुहड गिण्हसु असि हत्थेहिं ।  
 म म मइं दिट्ठउ उट्ठिउण      वयसि तिहिं जि वत्थेहिं ॥

[९९६]

अवि य न मुयहिं सुहड रिउ-मइण

सोडीरिम पहरिय वि      जाव जीवु निवसइ सरीरि वि ।  
 इय निसुणिवि तह तरुणि-      विसय-विहिय-अवराह सुमरिवि ॥  
 पच्छुत्ताव-दवानलिण      परिडज्झिर-सव्वंगु ।  
 भणइ वि थक्किउ नर-रयणु हउं कय-पाव-पसंगु ॥

[९९७]

तह महा-यस तइं स-चरिएहिं

पढमं पि हु विजिउ हउं इय कु इत्थ जुज्झह विहायगु ।  
 तउं अवरह रक्ख-यर हउं हयासु अवलह वि घायगु ॥  
 इय तुहुं पुहइ-अलंकरण तुहुं जि पुरिस-सिरि-केउ ।  
 मज्झ वि सरणु तुहुं जि तिय- वह-पाव वखलणे उ ॥

[९९८]

इय पसीउण गहिवि मणि एग

संरोहण-ओसहिहिं सहिय मज्झ वत्थेगदेसह ।  
 ता घरिसिय ओसहिहिं रसिण जलिण ओहलिय-रयणह ॥  
 खग-पहारु स-करयलिण सुंदर परिसिंचेसु ।  
 ता सज्जीकय-विगहह महु पुट्ठिहिं करु देसु ॥

[९९९]

तयणु पत्थण-भंग-भय-भीरु

सरणागय-जियहं निरवज्ज-वज्ज-पंजरु सहाविण ।  
 मणि-ओसहि-जुयलु करि धरिवि कुणइ तह तसु खणद्धिण ॥ -  
 तयणु अ-लग-पहारह व सज्जीहुय-देहस्सु ।  
 अभउ पयच्छिवि कुमरु गय- वइयरु पुच्छइ तस्सु ॥

[१०००]

अह पयंपइ इयरु - नर-रयण

नय-वच्छल तुह पुरउ अ-कहियव्वु नत्थित्थ किंचि-वि ।  
 ता निसुणसु पसिय निय- हियय-पसरु इग-ठाणि संचिवि ॥  
 जह वेयइह-महागिरिहिं उत्तर-सेहिहिं रम्मि ।  
 पयड-नामि रहनेउरय- चक्कवाल-नयरम्मि ॥



[१००१]

विविह-विज्जाएवि-कय-सेवु

चउरंगिण निय-वल्लिण भविय-सयल-गयण-यल-मंडल ।  
 निय-गहिरिम-परितुलिर- रयण-रासि भुय-वल-अखंडल ॥  
 चिट्ठइ रयणीयर-विमल- बहु-गुण-रयण-निहाण ।  
 विज्जाहर-चक्काहिवइ अमियसेण-अभिहाण ॥

[१००२]

तस्सु निरुवम-सील-सिंगार

संसार-उत्तर-चरिय जणिय-सुयण-आणंद-सुंदर ।  
 सव्वंग-सुलक्खणिय विप्फुरंत-गुरु-गुण-मणोहर ॥  
 दइय जह-द्विय-नाम परिचिट्ठइ कित्तिमइ त्ति ।  
 तेसिं पुण एह धूय जह- नाम रयणमाल त्ति ।

[१००३]

अन्न-अक्सरि निवइ-देवीण

नेमित्तिय-माणविण कहिउ — सामि तुम्हाण धूयह ।  
 निय-सुकय-विवाग-परिविजिय-तिजय-वट्ठंत-विलयह ॥  
 सिरि-हरिनंदि-नरिंद-कुल- नहयल-सरय-दिणिहु ।  
 पिययमु अवराजिय-कुमरु हविहइ विमल-कलिंदु ॥

[१००४]

तयण तसु सुह-चरिय-सरिसस्सु

नर-रयणह विमल-गुण- गिज्जमाण-खयरिंद-तरुणिहिं ।  
 निसुणेविणु फुरिय-अणुराय-रसहिं छण-इंदु-वयणिहिं ॥  
 एकह मणु न रमइ इयरि सुरवइ-समि वि नरम्मि ।  
 अह विहि-वसिण समागयइ अवसरि अन्नयरम्मि ॥

[१००५]

गयणवल्लह-नयर-नाहस्सु

सिरिसेण-खयरहिबह सुइण सूरकंताभिहाणिण ।  
 अवलोइय तयणु परिविप्फुरंत-अणुराय-पसरिण ॥  
 अप्पिण परिणवि बहु-विहिहिं मग्गिय परिणयणत्थु ।  
 न-उण कहं-चि अभुवगमइ भणिय वि पत्थुय-अत्थु ॥ -

[१००६]

कुणइ पुणु निय-जणणि-जणयाहं

पच्चक्खु पइण्ण जह जइ न होइ हरिनंदि-नंदणु ।  
 अवराजिउ दइउ मह ता सरीरि लग्गइ हुयासणु ॥  
 इय निमुणिवि सिरिसेण-सुउ दढ-वद्धाहिनिवेसु ।  
 एह मइं परिणेयव्व इय कुणइ पइण्ण-विसेसु ॥

[१००७]

तयणु साहइ विविह-विज्जाउ

कुलएवि-चलणहं नमइ भमइ कइण ओसहि-विसेसहं ।  
 तसु परियणु उवयरइ देहं दाणु दूइहिं अ-सेसहं ॥  
 न-उण कहं-चि-वि संघडइ रयणमाल तणुयंगि ।  
 अह खयरहिब-अंगरुहु हरिवि करिवि उच्छंणि ॥

[१००८]

मयण-सवरिण हणिय-सव्वंगु

समसाण-मज्झ-ट्टियहि पुरउ पत्तु चामुंड-देविहि ।  
 तयणंतरु निय-मुद्दिण पुणु वि पुणु वि बहु-भेय-वयणिहिं ॥  
 पयडिवि चाडुय-सय-सहस संगम-सुहु मग्गेइ ।  
 तरुणि भणइ - मह तसु विरहि जइ हुयवहु लग्गेइ ॥

[१००९]

अंगि लग्गउ अग्गि एईए

निभग्गिहि इय मणिण चिंतिऊण सामरिसु पाविण ।

इय एय विडंविउण एत्थ चेव तिण सूरकंतिण ॥

मई अ-ग्गिज्झय-नामणिण उवहणेउमारद्ध ।

जा ता तई असरण-सरण- तिलइण रक्खिय मुद्ध ॥

[१०१०]

तयणु पयडिय-लज्जु हरिनंदि-

अंगुब्भवु महि-वलय- समुह-निसिय-निय-वयण-ससहरु ।

जा चिट्ठइ ता सचिव- सुउ कहेइ तसु मित्त-वइयरु ॥

तेसि दुवेण्ह-वि हूय अह वहल-हरिस-रोमंच ।

तयणंतुरु ससिमुहि फुरिय- गुरु-अणुराय-पवंच ॥

[१०११]

एस असरिस-गुण-समूहो त्ति

मा मं न पवज्जिहिइ इय फुरंत-भय-वेविरंगिय ।

किह तस्सु इहागमणु इय विसाय-विहुरंग-चंगिय ॥

नत्थि अहव भवियव्वयह भुवणि अ-गोयरु किं-पि ।

इय कह-कहमवि संठविर विरह-विहुरु-हिययं पि ॥

[१०१२]

मलय-मारय-निहय-सयवत्त-

दल-चवलिहि विप्पुरिय- राय-अरुण-निद्धेहिं नयणिहिं ।

मई एसु वि नियइ इय हरिस-भरिण न समाइ धरणिहिं ॥

इय चिंता-भर-हरिय-मण रयणमाल हरिणच्छि ।

जा चिट्ठइ खणु एगु तहिं ता - किं किं इहु वच्छि ॥

१००९ ६. मई. क अग्गिज्झय.

१०१० ३. क निमिय

१०११. ५. क. ख. विहुरंगु.

[१०१३]

इय पयंपिर पउर-चउरंग-

वल-पूरिय-गयणयल जणणि-जणय वालह कुढावइ ।  
 समुवागय तयणु तहं ससि-मुहीए निय कहिय आवइ ॥  
 संपय वि हु हरिनंदि-निव-नंदण-वस-उवलद्ध ।  
 तयणंतर्ग खयरहिबिण स-पिययमिण सा मुद्ध ॥

[१०१४]

पुव्व-परिचिय-कुमर-रयणस्सु

अवराजिय-नामयह दिण्ण तयणु तत्थ वि विवाहिय ।  
 हरिनंदिहि नंदणिण तयणु हत्थु पुट्ठिहि द्वाविय ॥  
 मोयाविउ सिरिसेण-सुउ खामिय-निय-अवराहु ।  
 ता कुमरिण स-विसेसयरु अमियसेण-नरनाहु ॥

[१०१५]

पत्ति अवसरि तुब्धि निय-धूय

अप्पेज्जह मज्झ निय- ठाणि गयह संतह समाणिवि ।  
 इय भणिवि स-परियण वि रयणमाल-सहिउ वि विसज्जिवि ॥  
 विमलवोह-मित्तिण कलिउ जा संचलिउ कुमारु ।  
 ता खयरिण तिण निय-रयणु ओसहि-जुउ जय-सारु ॥

[१०१६]

तस्सु अणिच्छतह वि कुमरस्सु

कह-कहमवि वंधिउण विमलवोह-अंवरह अंचलि ।  
 अवराजिय-पय नमिवि सूरकंतु उप्पइवि नहयलि ।  
 विहलिय-सयल-मणोरहु वि गयउ नियय-नयरम्मि ।  
 सिरि-अवराजिय-कुमरु पुणु सुट्ठि-सहिउ वि अवरम्मि ॥

[१०१७]

गमिरु कत्थ वि पुर-विसेसम्मि

संपत्तु महाडविहि तयणु तण्ह-लुह-विहुर-विग्गहु ।

कय-पत्तल साह-सय- सुहय-चूय-तरु-तल-परिग्गहु ॥

सुहि-कय-किसलय-सत्थरइ निवडिउ नीसाहारु ।

ता सचिवाहिव-अंगरुहु परिविमुक्क-सिक्कारु ॥

[१०१८]

कुमर धीरउ होसु खणु एगु

एहु हउं वि समागयउ गहिवि अन्न-पाणाइं तक्खणि ।

इय पभणिवि धाविउण गंतु सविह-गोउलिय-वासणि ॥

वेत्तु तहाविह-तस्समय- उचियाहार-जलाइं ।

जाव पहुत्तउ ठाणि तहिं ता ति जि विडवि-दलाइं ॥

[१०१९]

नियइ निय-करयलिण खिवियाइं

निय-मित्तह सत्थरइ न-उण कह-वि हरिनंदि-नंदणु ।

तयणंतरु — अहह कह गयउ मज्झ सुहि सत्तु-खंडणु ॥

अहव कि ठाणह भोलविउ केण-वि विहिहि वसेण ।

नासेविणु व इहत्थि मह उवरि पणय-रोसेण ॥

[१०२०]

किं व को-वि हु मज्झ मइ-मोहु

इहु अहव सु मज्झ सुहि हरिउ पुन्व-भव-रिउण केण-वि ।

परि एहु न सक्कियइ हरिउ किण-वि खयरिण सुरेण वि ॥

इय वण-देविउ कि न कहहु तसु मह मित्तह सुद्धि ।

दिसि-वालहु परमेसरहु तुम्हि वि किमिह कु-बुद्धि ॥

[१०२१]

जं न साहहु मह अणाहस्सु

विलवतह सुहि-विरह- हरिय-मणह क-वि सुद्धि कुमरह ।

इय विलविरु सचिव-सुउ पडइ व्रत्ति उच्छंगि वसुहह ॥

कह-वि-हु चेयण-लवु लहिवि सिरि-हरिनंदि-कुमारु ।

सुमरिवि सुमरिवि विहुर-मणु वियलिय-मण-वावारु ॥

[१०२२]

पडइ उट्टइ हसइ गाएइ

अक्कंदइ दलइ उरु उद्ध-वाहु नच्चइ पहावइ ।

अप्फालइ वकरिय मिलिउ रिउण रणि वीरु नावइ ॥

इय वियलिय-चेयन्न-भरु ह-कह न वि चिट्ठेइ ।

सचिव-तणूरुहु दुस्सहइ जायइ मित्त-विओइ ॥

[१०२३]

अह कहं-चि-वि पत्त-चेयन्नु

निय-मित्त-निरिक्खणह हेउ सयल धर परियडंतउ ।

विहि-जोइण नंदिउर- नयर-वाहि उज्जाणि पत्तउ ॥

तत्थ य चित्ताउर-मणह दह दिहि जोवतस्सु ।

पत्तु पुरउ न्हयर-जुयल्ल सचिवाहिव-तणयस्सु ॥

[१०२४]

तयणु पभणिउ खयर-जुयलेण

सचिवाहिव-सुय-रयण तुज्झ पुरउ पैसिय कुमारिण ।

अवराजिय-नामणिण धरणिनाह-हरिणंदि-तणइण ॥

ता पसिउण अम्हेहिं सहं चल्लसु तसु सविहम्मि ।

इय निसुणिवि हरिसिण सचिव-सुउ न माइ अंगम्मि ॥

[१०२५]

तयणु ससहर-उदइ जलहि व्व  
 तरणिम्मि कमलायरु व महु-महम्मि सहयार-साहि व ।  
 सिहि-कुलु व घणागमणि चक्कवट्टि धरणियल-लाहि व ॥  
 पसरिय-हरिस-विसेस-वस- संपाविय-वित्थारु ।  
 भणइ सचिव-सुउ - अत्थि कहिं सिरि-हरिणंदि-कुमारु ॥

[१०२६]

तयणु नहयर-जुयलु साहेइ  
 जह अम्मिहिं अन्न-जल- हेउ तुरिउ तह तइं पउत्थइ ।  
 अवराजिय-कुमर-वरु हरिवि रविहि आरुहि मत्थइ ॥  
 तण्हा-लुह-अभिभूय-तणु निय तोसिय-भुवणस्सु ।  
 विज्जाहर-चक्काहिबह पुरउ भुवणभाणुस्सु ॥

[१०२७]

नणु न मह सुहि तियस-पहुणा वि  
 हीरिज्जइ हट्ठिण इय हरिउ इमिण किह खयर-जुयलिण ।  
 इय चित्तिरि-सचिव-सुइ भणइ इयरु - तिण खयर-नाहिण ॥  
 सिरि-वेयड्ढ-महा-गिरिहि सिरिपुर-नयरि ठिण्ण ।  
 सुर-सन्निह नहयर-सहह निययह मज्झ-गण्ण ॥

[१०२८]

भुवण-निरुवम-रुवलंकार  
 वर-लक्खण-सय-कलिय जाय-पढम-तारुण-सुंदर ।  
 समढीय-ससंक-सम- गुण-कलाव धरणियल-मणहर ॥  
 कमलिणि-कुमुड्णि-नामिउ य निय-धूयउ पेक्खेवि ।  
 नणु एयहं परिणयण-विहि- अवसरु त्ति लक्खेवि ॥

[१०२९]

निय-निउत्तय-नरिहिं आयरिण

नेमिच्छिउ वाहरिवि करिवि गरुय-सक्कारु स-हरिसु ।

विज्जाहर-पहु भणइ भद कहसु दुहियाहं केरिसु ॥

को व हविस्सइ कंतु अह नेमिच्छिण स-तोसु ।

सम्मु निहालिवि भणिउ पहु तरणि व वियलिय-दोसु ॥

[१०३०]

नियय-भुय-वल-दलिय-पडिवक्खु

पणमंत-चिंता-रयणु रूव-रिद्धि-हरिणच्छि-मणहरु ।

संपीणिय-सुहि-सयणु असम-विमल-कल-नियर-ससहरु

सिरि-हरिनंदि-नराहिवइ- कुल-मंदिर-सिरि-केउ ।

सिरि-पियदंसण-देवि-तणु- संभवु महि-सुह-हेउ ॥

[१०३१]

दइउ हविहइ तुज्झ धूयाहं

एत्थंतारि खयर-पहु भणइ — भद पुणरवि निवेयसु ।

अवराजिय-कुमरु किह पेक्खियव्वु अम्हेहि सु-पुरिसु ॥

ता जंपिउ नेमिच्छिण पयडिय-पुरिसायासु ।

अत्थि पत्तु विज्ञाडइहिं सिरि-हरिनंदि-कुमारु ॥

[१०३२]

तयणु नहयर-नाहु अ-विलंबु

निय-दुहियउ दु-वि गहिवि गंतु विंझ-अडइहिं तहि-चि-वि ।

वेउव्विवि धवल-हरु संभवेइ जि न जगि कहिं-चि-वि ॥

तिण तयणंतरु पत्थुयहं कज्ज-विहिहि कय-लक्ख ।

पेसिय दु-वि सुय अम्हि रविकिरण-चंदकिरणक्ख ॥



[१०३३]

ता नमेविणु चलण-कमलाणि  
 गिण्हेविणु सिक्ख बहु- भेय उत्तिमंगेण जणयह ।  
 छुह-तण्हाउर-तणुहु पुरउ गंतु हरिनंदि-तणयह ॥  
 निय-कर-पुडइण तस्समय-उचिय करिवि पडिवत्ति ।  
 अम्हिहि अवराजिउ नियउ भुवणभाणु पुरओ त्ति ॥

[१०३४]

तयणु पिक्खिवि तस्सु तणु-कंति  
 परिभाविवि रुव-सिरि सुणिवि पवर-लक्खण-समिद्धि वि ।  
 काराविवि देह-ठिइ कह-वि को-वि पत्थावु चित्तिवि ॥  
 जंपिउ खयरहिण जह हउं तइं किं-पि भणेसु ।  
 काउ अणुग्गहु मज्झ इहु दुहिय-जुयलु परिणेषु ॥

[१०३५]

किंतु महियल-निसिय-नयणेण  
 दीहुहुस्सासस-वस- सुसिय-अहर-पल्लविण कुमरिण ।  
 पडिउत्तरु किं पि न त्रिण्णु तयणु खयरहिण ॥  
 नणु सु-कुलीणु वि गुण-निहि वि सयल-नीइ-निउणो वि ।  
 वियरइ पडिउत्तरु किह न इय चित्तिरिण पुणो वि ॥

[१०३६]

भणिउ - नंदण किं विसूरेसि  
 निय-जणयहं नयरह व रज्ज-सिरिहि सुहि-सज्जणाण व ।  
 दूरयर-पहागमिण विरह-दुहिण निय-जणयगाण व ॥  
 इय निय-दुह-कारणु तणय मज्झ पयाससु सिग्धु ।  
 दुह सज्जु जिम्ब कज्जु हउं तुह साहेमि अ-विग्घु ॥

[१०३७]

ता कुमारिण भणिउ कह कह-वि  
 नणु साहउं किमिह हउं जेण सरिस-सुह-दुक्ख-माणसु ।  
 विच्छोहिउ अज्जु महु नहयरिंद इय कह-वि आणसु ॥  
 सारय-रयणीयर-विमल- गुरु-गुण-रयण-निहाणु ।  
 सचिव-तण्णरुह मज्झ सुहि विमलवोह-अभिहाणु ॥

[१०३८]

अह तुरंतिण खयर-नाहेण  
 आणत्त तुहाणयण- हेउ अम्हि सचिविंद-नंदण ।  
 ता हरिसुब्भव-जलिण भरिय सचिव-नंदणह लोयण ॥  
 ता नहयर-जुयलिण कुमर- मित्तु गहेविणु सिग्धु ।  
 अवराजिय कुमरह पुरउ निउ गयणिण निव्विग्धु ॥

[१०३९]

ता परुप्परु विहिय-संलाव-  
 परिवियलिय-विरह-दुह- फुरिय-हरिस रोमंच-अंचिय ।  
 खयरिंद-निउत्तइहिं तेसि दोणि आसणइं संचिय ॥  
 तयणंतरु खयरहिविण करिवि विविह-पडिवत्ति ।  
 कुमरह कमलिणि-कुमुइणिउ वियरिय दु-वि दुहिय त्ति ॥

[१०४०]

तयणु कइवय दियह तहि ठाउ  
 उवभुंजिरु विसय-सुह तहिं दुहिं-वि सह खयर-तरुणिहिं ।  
 पुव्वं व विमोइउण अप्पु मित्त-परियरिउ धरणिहिं ॥  
 परियडमाणु अणुक्कमिण सुवणव्वभहिय-सिरिम्मि ।  
 पत्तउ अवराजिय-कुमरु सिरिमंदिर-नयरम्मि ॥

[१०४१]

सूरकतिण दिण्ण-अहिलसिय-

संपायग-वर-रयण- वसिण सयल-जायंत-वंछिउ ।  
 सयलम्मि वि तम्मि पुरि ललइ कुमरु स-वुद्धि वि जह्छिउ ॥  
 अवरम्मि उ कम्मि वि दियहि जक्खाययणि निविट्ट ।  
 नट्टारंभु नियंत दु-वि चिद्धहि जाव पहिट्ट ॥

[१०४२]

ता समग्गि वि पुरि समुच्छलिउ

कोलाहल-तुमुलु-रवु तरुणि-नियर गुरु-खेउ दावहि ।  
 परिसोयहि संत-जण गहिय-खग्ग भड-निवह धावहि ॥  
 कि-वि पीडिय-तूणीर-गुणि आरोविय-कोदंड ।  
 गहिय-सेल्ल-चावल्ल कि-वि अच्चुब्भुय-भुय-इंड ॥

[१०४३]

के-वि पुणु तणु-विहिय-सन्नाह

कि-वि तुरयारूढ भड के-वि गुडिय-करि-खंधरा-गय ।  
 रह-रयणारूढ कि-वि के-वि नियय-पय-गमण-संगय ॥  
 कि-वि पुक्कारु परिमुयहि कि-वि उरयलु कुट्टंति ।  
 कि-वि मोडहि निय-चाव-लय कि-वि करयलु घरिसंति ॥

[१०४४]

अविय ढंक्हि घर-दुवाराइं

लहु हड्डं सारवहि निय-कुडुंव इयरहं भलावहि ।  
 गय-लक्खु वि नायरय सयल-नयर-मग्गेसु धावहि ॥  
 तयणु कुमारिण यिर-मणिण विमलवोहु संलत्तु ।  
 नणु किह इम्भ वल्लुप्फलिउ सयलु लोउ सवुत्तु ॥

[१०४५]

इय करेविणु सुद्धि परमत्थु

मट साहसु तुरिउ तुहुं तयणु विमलबोहिण स-वुद्धिण ।  
 परियडिउण पुर-पहिहि पणिहि सयलु बुद्धिंवि खणद्धिण ॥  
 अवराजिय-कुमरह पुरउ कहिउ झत्ति आगंतु ।  
 जह - अवहिय-मणु खणु हविवि निसुणसु पहु वुत्तंतु ॥

[१०४६]

इह हि निहणिय-सयल-पडिवक्खु

विलसंत-कित्ति-प्पसरु फुरिय-गरुय-सामत्थ-वित्थरु ।  
 पसरंत-दुन्नय-दलणु नमिर-सरणु सव्वंश सुंदरु ॥  
 अहव किमन्निण सयल-गुण-रयण-समूह-निहाणु ।  
 आसि वसुंधर-सिरि-तिलउ निवु सुप्पह-अभिहाणु ॥

[१०४७]

सो उ केण-वि विहि-निओगेण

पडिहारिहि वाउलिहि रिउ-निउत्त-घायणिण पुरिसिण ।  
 असि-वेणुहुं आहयउ मम्म-ठाणि ता विज्ज-सहसिण ॥  
 मिलिण वि सविह-ट्टिण अ-पयासिय-परिताणु ।  
 चिट्ठइ मुक्कु वसुंधरहं कंठ-पइट्ठिय-पाणु ॥

[१०४८]

गहल गुंदलिहूउ पुर-लोउ

तिण महियलि परियडइ निवइ-तणय-विरहे य सयलि वि ।  
 परिचिट्ठहि हय-हियय रज्ज-धरह विणु दुहिय सचिव वि ॥  
 एत्थंतारि धिसि धिसि विहिहि वलिउ वि न वि छुट्ठेइ ।  
 ता विहलु च्चिय जणु स-वल-अभिमाणिण वट्ठेइ ॥

[१०४९]

जं च जइयहं जेम्ब भविष्यवु  
 तं तइयहं तिम्व हवड नत्थि एत्थ पडिमल्ल पाइण ।  
 इय चित्तिरि कुमर-वरि विहिय-सेवि मित्तेण नियइण ॥  
 वार-पुरंधिहिं विलविरहं अप्पणहा-पिय-रेसि ।  
 कामलयहं पभणिउ कह-वि स-विहिहिं सचिवहं तेसि ॥

[१०५०]

सम्भु न सुणउं किंतु इह के-वि  
 निय-पुण्ण-पगरिस-विजिय- भुवण-तरुण सव्वंग-सुंदर ।  
 दो चिट्ठहिं नर-रयण भुंजमाण-विसय-सुह मणहर ॥  
 ओसहि-सिद्ध व नहयर व तियसासुर-कुमर व्व ।  
 इय ति जि सदावह तुरिउ मा चिट्ठह सुन्न व्व ॥

[१०५१]

तयणु नणु एहु जुत्तु जुत्तु त्ति  
 परिजंपिर सचिव लहु पुरउ गंतु तसु कुमर-रयणह ।  
 अइ-करुणु समुल्लवहिं कुणसु कुणसु लहु दीण-वयणह ॥  
 एत्तिय-मेत्तह सयलह वि लोयह जीविय-रक्ख ।  
 नर-नायग-जीवावणिण तुहुं नर-रयण सु-दक्ख ॥

[१०५२]

विमलवोहिण सहिउ कुमरो वि  
 सचिविद-अणुव्वइउ गयउ सविहि सुप्पह-नरिंदह ।  
 तयणंतरु पुरउ निव- सचिव-सेट्ठि-सामंत-विंदह ॥  
 नणु मा तुम्हि अ-सुहु कुणहु निवड वेल एह मज्झ ।  
 जम्हा एह मज्झ वि निवइ- पीड अच्छि मुह-सज्झ ॥

[१०५३]

अहह एत्तिय-मेत्तु जणु एउ

तुमए च्चिय नर-रयण दढ पइण्ण एरिस कुणंत्तिण ।  
 जीवाविउ अज्जु धुवु भुवण-अहिय-सामत्थ-जुत्तिण ॥  
 इय जंपंतइ निव-पवर- वग्गि समग्गि वि सिग्गु ।  
 ओहल्लिउण चिंता-रयणु वंछिय-विहि-निव्विग्गु ॥

[१०५४]

तेण सल्लिलिण झत्ति निव-घाउ

अहिसिंचिवि निय-करिहिं वरिसिज्जण ओसहि चि सच्चि य ।  
 असिघेणु-घायह उवरि देइ तयणु निवु तवखण च्चिय ॥  
 सुत्त-विउज्जु व उट्ठिउण मोढेविणु अंगाणि ।  
 अकय-च्छुरिय-पहारु इव जंपइ - नणु किमिमाणि ॥

[१०५५]

विविह दीसहि वलि-विहाणाणि

कह-वेत्तिउ जणु मिलिउ किह कलत्त रोयहिं डुसक्कइं ।  
 कु व एहु महा-पुरिसु कह-व वेज्ज मेलिय झवक्कइ ॥  
 इय जंपिरि नर-वरि खणिण फुरिय-विसाय-पमोय ।  
 विरइय-कर-संपुड कहहिं नरवइ उत्तिम लोय ॥

[१०५६]

पुव्व-वइयरु सयल्लु जाविमिण

नर-रयणिण देव तुहुं विहिउ सज्जु अन्नह असेसहं ।  
 अत्थमिउ हुंतु जगु पहुहु विरहि एत्तियहं पुरिसहं ॥  
 एत्थंतारि नर-नायगह पुरउ हविवि एगेण ।  
 वियसिय-वयण-सरोरुहिण विण्णत्तउं सच्चिवेण ॥

[१०६५]

जत्थ माहवि-लइय तोमरिय

सेहालिय कुंतलिय जालइय लहु सुरहि-लइय वि ।

चूय-हुम-मंजरिय बहु-गुलुछ पायव-असोय वि ॥

आलिगिज्जहिं पूग-फलि तरु-कामुय सवंगु ।

नागवल्लि-तरुणिहिं जणहं उज्जीविरिहिं अणंगु ॥

[१०६६]

जहि पवालंकुरिहिं कय-सोह

डिंभाइं व तिलय-कय- गरुय-महिम कामिणि-मुहाइं व ।

बहु-लक्खण-चित्त-सय- मणहराइं नरवइ-गिहाइं व ॥

उत्तिम-जाइ-प्पसव-कय- महि-मंडणइं वणाइं ।

विलसहिं भुवणाणंद-यर नं नरनाह-कुलाइं ॥

[१०६७]

जहिं य वियसिय-कुसुम कणियार-

वण-राइ कंचण-मय व कुणइ पहिय-हिययाण विव्वभु ।

अहिकंखहिं भुवण-यलि सयल-मिहुण निय-दइय-संगमु ॥

गिज्जहिं रासहिं चच्चरिउ पिज्जहिं वर-मइराउ ।

माणिज्जहिं तुंग-त्थणिउ किज्जहिं जल-कीलाउ ॥

[१०६८]

एत्थ-अंतरि ताल-रव-पुव्वु

नर-नाहिण संनिहिय- निय-पियाए उर-यलि निवेसिवि ।

कर-पल्लवु दाहिणउ भणिउ एउ पुणरुत्तु विहसिवि ॥

कटकट उज्जाणिय चिरह अइ-सुंदरु विणत्तु ।

ता उज्जाणि स-परियणु वि माणिसु अज्जु वसंतु ॥

१०६६. ३. क. महिन, ख. महि

१०६७. ६ रासय; ७ क पज्जहिं, ख पेज्जहिं. ९. क. कीलाओ

१०६८ ५ क. पुणरुत्तु, ६ क ख. विरह

[१०६९]

तयणु विहसिरि निव-सहा-लोइ  
 परितुट्टइ वंदि-यणि ईसि लज्जमाणए दइयए ।  
 उज्जाणिय-माणविहिं हरिसिएहिं सुहि-वग्गि सुहियइ ॥  
 तुरिउ निउत्तिहि माणुसिहि निय-नयरम्मि असेसि ।  
 घोसाविउ नर-नायगिण जह - महु-ऊसव-रेसि ॥

[१०७०]

सयल-लोगिण सयल-रिद्धीए  
 सयलेण वि निय-वलिण महुविलास-अभिहाणि काणणि ।  
 आहरण-विहसिउण सयल-भुवण-आणंद-कारणि ॥  
 गोस-समइ सव्वायरिण आगंतवु अवस्सु ।  
 जयकुंजरु पुणु पेसियउ अवराजिय-कुमरस्सु ॥

[१०७१]

तयणु विरइय-असम-सिगारु  
 सिरि संठिय वर-मउडु नियय-तेय-उवहसिय-दिणयरु ।  
 निय-मित्तिण परियरिउ सुह-विसेस-निज्जिय-पुरंदरु ॥  
 मागह-निवहुग्घुट्ट-जसु भत्त-विसेसिअ-मूडु ।  
 सिरि-अवराजिय-कुमर-वरु जयकुंजरि आरुडु ॥

[१०७२]

चलिउ निवइण सहिउ उज्जाण-  
 वण-सम्महु नयर-जण- जणिय-असम-संतोस-पगरिसु ।  
 वियरंतउ वंदियहं दाणु सुहिहिं सम्माणु अ-सरिसु ॥  
 मंगल-तूरिहि पसरियहि संखिहि वज्जंतेहिं ।  
 सुप्पह-निव-अवराजियहं जसिहि य गिज्जंतेहिं ॥



[ १०७३ ]

अमर-नहयर-तरुणि-नियरेण

गयणंगण-संठिण्ण      साहिलासु निय-नयण-पुडइहिं ।  
 पिज्जंत-लवणिम-सलिल्लु      हम्ममाणु पणइणिहिं कुसुमिहिं ॥  
 हय-गय-रह-भड-वल-भरिण      जणिय-वमुह-संमद्दु ।  
 चिंध-ज्झय-किंकिणि-रविण      दु-गुणिय-मंगल-सद्दु ॥

[ १०७४ ]

खयर-सुरवर-तरुण-नयणाण

निय-रुविण हरिय-मउ      दाण-विजिय-वण-सत्त-वारणु ।  
 अइरेण य तरुणि-यण-      हियय-गरुय-संताव-कारणु ॥  
 सिरि-अवराजिय-कुमर-वरु      संपत्तउ उज्जाणि ।  
 तयणु कुणइ परमायरिण      जणु निय-निय-कज्जाणि ॥

[ १०७५ ]

के-वि मिगमय-अगुरु-घणसार-

सिरिखंड-पंकिण धरणिनाह-कुमर-रयणाण अंगइं ।  
 आलिंपहिं के-वि पुणु      देंति विविह तरु-फलइं चंगइं ॥  
 कि-वि चपय-मालइ-वउल-      विचइल्लहं कुसुमाइं ।  
 वियरहिं पयडहिं पण-तरुणि पुणु      नट्टइं परमाइं ॥

[ १०७६ ]

महुर-चच्चरि-गीय-अंकार-

परिओसिय-किन्नरइं      आलवंति गंधच्च-गीयइं ।  
 परिविलसहिं बहु-विहिहिं      ठाणि ठाणि पुणु तरुण-मिहुणइं ॥  
 पेक्खइ खणु निवइ वि विहिय-      सोहुज्जाण-विभाग ।  
 ताल-तमाल-असोय-चूय-      वउल-नाग-पुन्नाग ॥

[१०७७]

खणु नियच्छइ विविहे-नष्टां

खणु निसुणइ गेय-झुणि खणु पियौउ आलवइ स-हरिसु ।

खणु कुमरिण सहं ललइ देइ दौणु मागहं अ-सरिसु ॥

खणु खणु आवाणय-महिहिं आसव-पाणु करेइ ।

खणु सह निय-अंतेउरिहिं अंदोलइण ललेइ ॥

[१०७८]

अह परिस्सम-खिन्नु दिण-इंद-

संताव-विणोय-कइ धरणि-नाहु पणइणि-समंनिउ ।

जल-कीलह करण-कइ सरि विसेइ वंदियण-वन्निउ ॥

तह बहु-विहिहिं तहिं जि वणि परियण-जणियाणंदु ।

सिरि-हरिनंदि-नराहिवइ- कुल-गयणंगणि-चंदु ॥

[१०७९]

सुइरु कीलिवि स-मय-तरुणियण-

मण-महुयर-कुल-कमलु दलिय-सयल-माणिणि-मडप्परु ।

वियइल्ल-चंपय-कुसुम- दाम-रइय-सिंगार-सुंदरु ॥

वार-विलासिणि-सय-सहिउ अन्नयरम्मि सरम्मि ।

परिकीलिवि मज्जिर-तरुणि- अंगराय-सुहयम्मि ॥

[१०८०]

कय-विळेवणु गहिय-तंवोलु

बहु-मागह-घुट्ट-जसु असम-दौण-तूसविय मग्गणु ।

सारय-ससि-कर-पसर- चारु-चरिय-रंजविय-सज्जणु ॥

कुसुमाहरण-विहूसियउ कय-असरिसि-सिंगारु ।

खणु कयली-हरि वीसमइ सिरि-हरिनंदि-कुमारु ॥

[१०८१]

तयणु रइ-सुह-खेय-वस-पत्त-

निदा-भर-परवसिउ विमलवोह-कय-पाडिहेरु वि ।  
 अवराजिउ नहयरिण वाउवेग-नामेण हरिउ वि ॥  
 सिरि-वेयइह-महागिरिहि निरुवम-सिरिहि निहाणि ।  
 अमरावइ-सन्निहि नयरि केउमाल-अभिहाणि ॥

[१०८२]

सयल-नहयर-राय-तिलयस्सु

सोमत्तण-जिय-ससिहि निय-पयाव-अहरिय-दिणिदह ।  
 दह-विज्जा-वल-जुयह अंसुमालि-नामह खगिदह ॥  
 नाणा-विह-मणि-निम्मियइ धवलहरम्मि विमुक्कु ।  
 निदावगमिउ मकडु व नियय-पलंवहु चुक्कु ॥

[१०८३]

अहह किं इहु सग्गु सुर-गिरि व

सिचिणो इव विवममु व इंदियालु इव किण-वि पयडिउ ।  
 जं तियसहं हरइ सिरि लोउ भवणु रयणेहिं सु-वडिउ ॥  
 कह तं नयरु सु धरणि-वइ मिच्छु सु तं उज्जाणु ।  
 इय परिचित्तिरु कुमर-वरु पत्थुय-विहिहिं अ-याणु ॥

[१०८४]

अंसुमालिण खयर-नाहेण

काराविय-सागइण महरिहम्मि आसणि निवेसिउ ।  
 ता पणमिवि महयरिण नहयरेण एगिण सुहासिउ ॥  
 जंपिउ जह — हरिनंदि-सुय वियसिय-कमल-दलच्छ ।  
 हउं किंचि-वि विण्णविमु तइं इय अच्छलिउ पयच्छ ॥

[१०८५]

ता विसेसिण विम्हयावन्न

अवराजिय-अणुमइण परिकहेइ सो बुइढ-नहयरु ।  
 संयलो वि हु पत्थुयउ कुमर-रयण-अवहरण-वइयरु ॥  
 जह-सारय ससि-विमल-जस धवलिय-दिसि-विवरंस्सु ।  
 अंसुमालि-अभिहाणयह एयहं खयर वरस्सु ॥

[१०८६]

सुहय-सीलिण चारु-चरिण

सल हिज्ज-उज्जल-जसिण विहिय-सोह गुण-रयण-हारिण ।  
 सु-सिलिट्ठ-तणु-संचइण पत्त-कित्ति गुरुयण-पसाइण ॥  
 सयलंतेउर-पवर-पय- पाविय-गरुय-पइट्ठ ।  
 दइय पहावइ नाम तहिं पुणु निय-गुणिहिं गरिट्ठ ॥

[१०८७]

विमल-लक्खण पवर-तारुण

अ-सवण्ण-गुण-मणि-जलहि कणय माल-अभिहाण-पयडिय ।  
 हर-हास-समुल्लसिय- धम्म-कम्म-वावार-विनडिय ॥  
 भण्णंती विहु परिणयण- कारणि वि मुहारंभ ।  
 चिट्ठइ बहुयहं नंदणहं उवरि धूय गय-डभ ॥

[१०८८]

इय स-धूयइ विसय-सुह-कह वि

अकुणंतिइ तहि जणणि- जणय चित्तमावडिय चिट्ठइं ।  
 जा ताव नहंग मिण किण-वि भणिउ किंकुणह कट्ठइं ॥  
 चिट्ठइ कंचणपुर-नयर- उज्जाणम्मि पहुत्तु ।  
 अमियगइ त्ति पसिद्ध इगु चारण-समणु पवित्तु ॥

[१०८९]

तसु नमंसिवि पाय-पउमाणि

निमुणेविणु धम्म-कह विजिवि अप्पु कय-किच्चु इत्थ वि ।  
 आराहिवि धम्म-विहि करिवि सु-लहु वंछिउ परत्थु वि ॥  
 पुच्छिवि कारणु विसय-सुह- विमुहत्तह दुहियाए ।  
 वट्ठिज्जह तुम्हे वि पहु तयणु रुव-किरियाए ॥

[१०९०]

तयणु कटकट चारु भणियं ति

जंपंतउ खयर-वइ विहिय-अंग-सिगार-पगरिसु ।  
 निय-दइय-दुहियहिं सहिउ तहिं पहुत्तु तवखणिण स-हरिसु ॥  
 चारण-मुणिवर-पय-कमल- जुयलु नमेइ स-तोसु ।  
 अह चारण-भुणि तहं कहइ सिव-पहु ववगय-दोसु ॥

[१०९१]

पत्त-अवसरु विहिय-कर-कोसु

खयरहिबु विण्णवइ पसिय कहसु एहु मज्झ मुणि-वर ।  
 किं खयरह कसु वि पिय कणयमाल होइहइ मण-हर ॥  
 ता मुणि-सीहु समुल्लवइ तुह कुल-नह-ससि-लेह ।  
 सुर-सरिसस्सु वि नहयरह दइय न हविहइ एह ॥

[१०९२]

अह धवक्कय-हियउ खयरिंदु

पुणुरुत्तु समुल्लवइ किं न इमीए परिणयणु हविहइ ।  
 ता चारण-मुणि भणइ खयर-नाह एईए धुवु पइ ॥  
 सिरि-हरिनंदि-नराहिवह कुल-गयणंगण-चंदु ।  
 हविहइ अवरारजिउ भुवण- जणिय-हरिस-नीसंदु ॥

[१०९३]

तयणु वियसिय-वयणु खयरिंदु

साणंदु समुल्लवइ किह मुणिंद सो जाणियव्वउ ।  
 अह पभणइ अमियगइ सयल-सयण-मुहि-सेवियव्वउ ॥  
 सिरिपुर-नयरुज्जाण-वणि विमलवोह-मुहि-जुत्तु ।  
 रय-सम-खिन्नउ कयलि-हरि चिट्ठइ मुहिण पसुत्तु ॥

[१०९४]

परि तुह-च्चय खयर-कुमारेण

एगयरिण अवहरिवि निह-विवसु निय-मित्त-सहिउ-वि ।  
 आपेप्पिणु धवलहरि तुज्ज पुरउ मुच्चिहइ एहि वि ॥  
 तइंसणिण समुल्लसिय अणुरायाउर-देह ।  
 पडिवज्जिसइ विवाह-विहि सयमवि तुह धुय एह ॥

[१०९५]

तयणु जइ-वि हु तरणि पच्छिमहं

उगच्छइ जइ जलहि मुयइ नियय-मज्जाय अइरिण ।  
 जइ छत्तु हवेइ धर तियस-सिहरि पुणु डंड-रुविण ॥  
 तह वि न मुणि-वर-भासियउ वितह-सरुवु हवेइ ।  
 इय चित्तिरु खयरिंदु मुणि- पय हरिसिण पणमेइ ॥

[१०९६]

अह गहेविणु गुरुहु आसीस

खयराहिवु निय-नयरि गयउ जाव ता सुकय-जोगिण ।  
 आयणिणवि अमियगइ- समण-वयणु लहु वाउवेगिण ॥  
 विज्जाहरिण हरेवि तुहुं इह आणित जय-सार ।  
 इय अवराहु खमिज्ज इहु सिरि-हरिनंदि-कुमार ॥

[१०९७]

ता वियासिय-वयण-तामरसु

अणुमन्निवि तत्रवयणु अंसुमालि-खयरिद-दिन्नइ ।  
 बहु-नहयर-परियरिउ ठियउ गंतु धवलहरि भिन्नइ ॥  
 अह भोयण-ठिइ वित्थरिण पत्तावसरु करेवि ।  
 विमलचोह-नहयर-कुमर- परियणु सारु गहेवि ॥

[१०९८]

खयर-पुरवर-सरिय-गिरि-सिहर-

सर-काणण-जिण-भवण- विहवु सयलु साणंदु पेच्छिरु ।  
 पफुल्ल-लोयण-कमलु कुमर-रयणु वेयइदि हिंडिरु ॥  
 कत्थ-वि बहु-सहियण-सहिय विहिय-चारु-सिंगार ।  
 तिकख-कडकख-सर-प्पहर- दारिय खयर-कुमार ॥

[१०९९]

पढम-जोव्वण असम-सोइग्ग

ससि-वयणिय गय-गमण चारु-चरिय सव्वंग-सुंदर ।  
 ससि-विमल-कला-निलय अमय-महुर-वयणेण मण-हर ॥  
 अनणु-रणिर-मणि-मेहलय परिसिजिर-मंजीर ।  
 वर-अक्खय-फल-कुसुम-कर परिहिय-असरिस-चीर ॥

[११००]

खयर-तरुणिय एग मयणस्सु

पडिर्विवह पूय-विहि- करण-निरय कुमरेण दिट्ठिय ।  
 ता जंपिउ नयहरहं पुरउ - हंत पेच्छह पुर-ट्ठिय ॥  
 किं परमेसरि एह रइ कुणइ पूय एयस्सु ।  
 लेप्पमयह कुसुमाउहह नउ सक्खं चिय तस्सु ॥

[११०१]

तयणु एगिण खयर-कुमरेण

ललियप्पिय-नामगिण भणिउ ईसि विहसिवि — सुहगिय ।  
 परमेसरि रइ दइय एह तुज्झ होइहइ चगिय ॥  
 ईसि वियासिय मुह-कमलु कुमरु भणइ — जइ एउ ।  
 ता कि न गुरु-भत्तिहि महिं जि नाराहइ पूएउ ॥

[११०२]

तयणु विहसिवि ताल-रव-पुव्वु

ललियप्पिउ वज्जरइ म न कुमार उत्तालु हविहसि ।  
 गुरु-भत्ति कुणंत रइ इह तुमं पि सयमेव पेक्खसि ॥  
 जमिह न भुक्खालुय-वसिण उंवर-तरु पच्चंति ।  
 न-वि हु लुहा-भर-पीडिय वि दुहिं इत्थिहिं जेमंति ॥

[११०३]

एत्थ-अंतरि अंव-धाईए

सा वाल समुल्लविय एहि एहि तुहुं वच्छि वेगिण ।  
 हउं देविण पेसविय तुरिउ तुज्झ वाहरण-कज्जिण ॥  
 तुह संतियउ कलायरिउ चिट्ठइ भवणि पहुत्तु ।  
 वीणा-वायणु अज्जु तइं काराविसइ निरुत्तु ॥

[११०४]

अह अणंगह विहिय वर-पूय

सा वाल गिहाभिमुहु चलिय जाव ता विहि-निओइण ।  
 चउराणण-नामियहि सहिहिं कुमरु सह मित्त-विदिण ॥  
 दिट्ठउ अणिमिस-लोयणिहिं कुमरिहि समुहु नियंतु ।  
 पेक्खि पेक्खि पहु सामि इय तयणंतरु विण्णत्तु ॥



[११०५]

तयणु तग्गय-मण व सा बाल

कुसुमाउह-सवरणिण निहय अंगुवंगेसु तह जह ।

हुय इयरहं ओसहिहिं लहु अ-सज्ज इय कुमर-रयणह ॥

कुसुमचाव-भट्ट-पडिक्किइहि समुहीहोउण मुद्ध ।

स-कडक्खिहि नयणिहि नियइ असम-सिणेह-सिणिद्ध ॥

[११०६]

भणइ पुणु अणवगय-तत्त व्य

जह — पिय-सहि किमिह इहु कुसुम-वाणु रइ-रहिउ चिट्ठइ ।

चउराणण वयइ — नणु इह रई वि काणणि विसिट्ठइ ॥

चिट्ठइ परिकीलंत जिह एहु अणंगु तह त्ति ।

ईसि ईसि विहसंत पुणु कणयभाल निय-चित्ति ॥

[११०७]

किमिहु सुर-रिउ न न न सो कण्ह

किमु ईसरु न न न सु वि नग्गु इंदु पुणु अणिमिसिञ्जणु ।

विस-दूसिय-वयणु धरणिंदु वंशु चउ-वयण-दूसणु ॥

मयणु अणंगु तावइ रवि रयणीयरु स-कलंकु ।

इहु पुणु दोस-विवज्जियउ कु-वि नर-रयणु अ-संकु ॥

[११०८]

इय विचित्तिर भणइ नणु मामि

चउराणणि इह वि लहु विसम-वाणु इहु वाहरिज्जउ ।

तयणंतरु निय-करिहिं इमह पूय-सक्कार किज्जउ ॥

अह चउराणण विहसिउण भणइ — सुयणु विसमस्सु ।

आणयणिण सक्कारिण वि किमिह विसम-वाणस्सु ॥

[११०९]

तह-वि मइं पिय-सहिहिं आइहु

कायव्वउं इय भणिर पुरउ गंतु वियसंत वयणह ।

सविह-ट्टिय-नहयरह धरणिनाह-हरिनंदि-तणयह ॥

भणइ - अणंग लया-हरह इमह मज्झि तूरतु ।

आगच्छसु अह खयर-गणु-ईसि ईसि विहसंतु ॥

[१११०]

जच्च-कंचण-पह-सरीरो वि

किमणंगु भणीउ इहु अह सरीर-कारणु किमेयह ।

परिचिट्ठइ किं-पि इय सुयणु तुरिउ तुहुं लइय-हरयह ॥

अब्भंतारि परिखिवसि इहु वाहरिउण अतिहि त्ति ।

तयणु स-लज्जु समुल्लवइ चउराणण तरुणि त्ति ॥

[११११]

क-वि नवल्लिय एण्हि इय जाय

सु-वियड्ढिम तुम्ह इय कणयमाल-कुमरीए वरयह ।

भयवंतह मयणह वि कुणह एम्ब उवहासु एयह ॥

अहवा किं एएहिं सह मह कवोल-वाएण ।

इय सिरिनंदण कयलि-हर-मज्झि एह अइरेण ॥

[१११२]

सु-कय-जोगिण पयडिहूयस्सु

सक्कारु करेवि तुह कणयमाल इह मह वसंसिय ।

मग्गिस्सइ इच्छियह कसु-वि सिद्धि निय-हियय-दंसिय ॥

तुह अणु-पहिण इ नेवि लहु चल्लहुं खयर-कुमार ।

सुयण-समीहिउ कुणहि कय- गरुयायर-सक्कार ॥

[१११३]

इह सु सत्तुय-मज्झि यय-खंडु

साहामिगु सु जिज इहु फलिय-विडवि साहहं निवद्धउ ।  
 जं महियल-सिहि-तिलउ पुरिस-रयणु इहु इहुवलद्धउ ॥  
 इय चित्तिवि सदाविउण लइय-भवणि सुहयम्मि ।  
 तीए सु निउ मित्तिहि सहिउ कणयमाल-सविहम्मि ॥

[१११४]

ता खणद्धिण ताल-रव-पुव्वु

विहसंतिहि नहयरिहि सहिउ कुमरु माहविय-लइयह ।  
 अव्वंभंतरि गयउ अहं कणयमाल-कुमरीए सुहयह ॥  
 स-करिहि पवरासणु रंडउ तहि ठाणह पाउग्गु ।  
 इयरहं आसण सहियणिण लहु वियरिय जह-जोग्गु ॥

[१११५]

तयणु नियइण चारु-चरिण

सम्माणिण जोव्वणिण गुण-गणेण वर-खव-रिद्धिण ।  
 तह कुमरीए गहिउ मणु तसु कुमार-रयणह स-बुद्धिण ॥  
 जह आराहइ स जिज पर सुत्तउ जग्गंतु व्व ।  
 सिरि-अवराजिय-कुमर-वरु निय-मणु मग्गंतु व्व ॥

[१११६]

एत्थ-अंतरि करुणं विलवंतु

दह-रज्जु-निजंतियउ विसम-तूरि वज्जंति अगगइ ।  
 अणुमग्गोगमिरं-वहु- संख-खयंरु निरु अमउ मग्गइ ॥  
 आगच्छंतउ तिण पडिण कुमरह सविहि निलीणु ।  
 पढमेल्लय-जोव्वणु पुरिसु इगु दीसंतउ दीणु ॥

[१११७]

तयणु माहवि-लयह नीहरिवि

असिधेणुहुं वंध तसु छिदिऊण जंपिउ कुमारिण ।  
 अरि भदय दिण्णु तुह अभउ एत्थ-अंतरि वि अइरिण ॥  
 आगय खयर-नरिंद-भड करयल-कय-करवाल ।  
 भणहिं य साहिकखेवु जह सविहागय-खय-काल ॥

[१११८]

अरिरि मेल्लहि इहु दुरायारु

परखुट्टइ म-न मरहि दुलह पुण-वि एरिस-समिद्धिउ ।  
 अहवा इह गरुयहं वि अंतयालि जायहिं कु-बुद्धिउ ॥  
 तयणंतरु फुरियाहरिण कुमरिण भणिउ स-रोसु ।  
 सीहह मुहु म-न खंडुहिवि दइवह देज्जहु दोसु ॥

[१११९]

दलिसु हउं पुणु दप्पु तुम्हाहं

सयलाहं वि न-उण इहु सरण-पत्तु अप्पेसि कहमवि ।  
 ता कन्न पिहेवि लहु तुब्भि जाह निय-ठाणि सयमवि ॥  
 अम्हे बहुया एहु इगु इय म-न हियइ धरेज्ज ।  
 इहु तुब्भहं वल्लु दलिसु हउं तुब्भि वि पुरिस हवेज्ज ॥

[११२०]

एत्थ-अंतरि अंसुमाली वि

विण्णाय-वइयरु खणिण पत्तु सविहि हरिनंदि-तणयह ।  
 तयणंतरु नहयरिहि भणिउ पुरउ तसु खयर-नाहह ॥  
 जह — पहुनहवल्लह-नयर- सामिहि रवितेयस्सु ।  
 किरणावलि अभिहाणियह देविहि पाण-पियस्सु ॥

[११२१]

विज्जुवेगय-नामु इहु चोरु  
 घरि पविसिवि आहरणं गहिउ तुरिउ वहि नीहरंतउ ।  
 आयणिय-वइयरिहिं अणु-पहेण धाविरिहिं पत्तउ ॥  
 इहु अम्हिहिं इय निय-पहुहु आप्सेण निवद्धु ।  
 वज्झ-घरहं निज्जंतु पुणु चिट्ठ सुहड-निरुद्धु ॥

[११२२]

किंतु संपइ लद्धिण एएण  
 कंक्खल्लिउ एहुं इय देइ अम्ह नामु वि न पाडिउ ।  
 समुवागय इह तुमि वि तुडि-वसेण ता एहु वियारिउ ॥  
 एयह सुहडह सन्निहिहि दोसारिहु अम्हाण ।  
 अप्पावसु खयरिंद तुहुं पसिउण मग्गंताण ॥

[११२३]

एत्थ-अंतरि ईसि विहसेवि  
 अवराजिउ वज्जरइ होतु जइ न एहु दोसवंतउ ।  
 ता विलविरु करुण-रत्तु किह-णु मज्झ सरणम्मि एंतउ ॥  
 सामिण भेइण दंडिण वि इय लुट्टेइ निरुत्तु ।  
 एहु इह अ-खलिय-माण-धणु मह सरणम्मि पहुत्तु ॥

[११२४]

ता जहिच्छिउ खयर-भड तुम्भि  
 सर-धोरणि-परिमुयह अहव चोर-मग्गणि असग्गहु ।  
 हउं एगु वि अज्जु लहु खयर-पहुहु एयहु नियंतहु ॥  
 भंजिसु तुम्ह समग्गहं वि चिर-पसरिउ वि मरदहु ।  
 तिप्पउ तुम्ह तणुहिं जमु वि वहु-जिय-दलण-घरदहु ॥

[११२५]

तयणु नहयर रोस-रत्तच्छ

आरोविय-धणुह लहु मुयहिं वाण सम्मुह कुमारह ।  
 रयणायर-गहिर-मण- वयण-तणुहु सुर-सिहरि-सारह ॥  
 अह लहु कुमरु निवारिउण हय-गय-सुहड-सणाहु ।  
 अंसुमालि-खयरहिवह सेन्नु विहिय-सन्नाहु ॥

[११२६]

नियय-भुय-वल-दलिय-दुहंत-

पडिवक्खु खयरहं समुहु होउ लग्गु तह कह-वि जुज्झिउ ।  
 जह नहयर सयल लहु विमुहिहूय सव्वंगु खुब्भिउ ॥  
 जंपंति य जह - नर-रयण खमसु अम्ह अवरद्धु ।  
 सरणागय-वच्छलु इवइ सुयणु सुकय-उवलद्धु ॥

[११२७]

एहु न मुणिउ तुज्झ माहप्पु

न य दिट्ठउ भुवणयलि तुज्झ सरिसु अम्हेहिं सु-पुरिसु ।  
 ता अ-विणय-विस-तरुहु फल-विवागु हुउ अम्ह एरिसु ॥  
 तयणु कुमारिण परिहरिय- समरारंभिण हत्थु ।  
 पुट्ठिहिं दिन्नउ नहयरहं अभय-पयाण-पसत्थु ॥

[११२८]

इय निरिक्खवि कुमर-माहप्पु

सिरि-अंसुमालि-प्पमुहु खयर-निव्वहु हियइ पहिट्ठउ ।  
 पडिवक्खिय-वग्गु पुणु पत्त-सासु दिसि-मुहिहि नट्ठउ ॥  
 दाविज्जंतउ अंगुलिहि तरुणिहि कामिज्जंतु ।  
 पिज्जंतउ नयणंजलिहिं सुयणिहि सलहिज्जंतु ॥

[११२९]

खयर-पहु-कय-गरुय-वित्थरिण

सुहि-सज्जण-परियरिउ      जणिय-भुवण-आणंद-वित्थरु ।  
 परिपठिर-मागह-निवहु      दिण्ण-अभय-मोयविय-तक्करु ॥  
 कुमरु पहुत्तउ धवल-हरि      इयरि वि खयर-कुमार ।  
 परिचिद्धहिं तसु सन्निहिहि चइय-नियय वावार ॥

[११३०]

ता विसज्जिय-सेस-परिवार

निय-सार-परियण-सहिउ      धवलहरय-अवलोयण-ट्टिउ ।  
 परिचितइ कुमर-वरु      बहु-वियप्पु अणिमेस-दिट्ठिउ ॥  
 किं जीवंतहं आविहइ      कह-वि पुणु-वि सो कालु ।  
 जहिं पिच्छेस्सहुं वालियह तहि मुह-कमलु विसालु ॥

[११३१]

एत्थ-अंतरि अत्थ-सिहरिम्मि

अवइण्णउ सहस-करु      सह कुमार-सुक्खाणुबंधेण ।  
 अणुरत्त य अवर दिसि      हरिण-नयणि सह कुमर-बुद्धिण ॥  
 उच्छलियउ पुणु तम-नियरु सह तसु संतावेण ।  
 पत्तावसरु समुग्गयउ      ससि सह रणरणएण ॥

[११३२]

तयणु अवगय-कुमर-भावेहि

वियसंत-मुह-पंकइहिं      भणिउ सविह-गय-खयर-कुमरिहिं ।  
 किमु ज्ञायसि जोगिउ व      पुरिस-रयण अणिमिसिहिं नयणिहिं ॥  
 कुमरु पयंपइ — सिद्धि हउं ज्ञायहुं निय-कज्जस्सु ।  
 अह अ-मुणिय-तत्त व खयर जंपहिं — केरिस तस्सु ॥

[११३३]

कुमरु पभणइ - कणयमालस्सु

अह खयरिण क्किण-वि निय रयण-माल कंठह गहिप्पिणु ।  
 इह समहिय नणु कणय- मालयह वि धुवु इय भणेप्पिणु ॥  
 वियरिय करि अवराजियह तयणु तेण संलत्तु ।  
 नणु इविहइ जइ इयर-भवि एह तसु सरिस निरुत्तु ॥

[११३४]

तयणु खयरेण कणय-माला वि

आणेप्पिणु भणिउ - नणु नियह नियह केवइडु-अंतरु ।  
 मणि-कंचण-मालयहं अवगणेइ जइ धरणि-गोयरु ॥  
 मह मणि-माल अ-मुल्ल एह लुद्ध कणय-मालाए ।  
 ता टिविडंकि-सुहु कुमरु भणइ आल-जालाए ॥

[११३५]

किमिह कीरइ हंत एईए

जं सुवण-सुहावहिय अवर का-वि सा कणयमालिय ।  
 अह नहयर भणहिं - नणु कत्थ अत्थि सा गुण-विसालिय ॥  
 कुमरु पयंपइ - मह हियइ इयर भणहिं - जइ एउ ।  
 ता किह उरयलि तुम्ह नियहुं अम्हि स जय-सुहहेउ ॥

[११३६]

दइय-विरहिण विहुर-हियओ वि

अह ईसि विहसिवि कुमरु भणइ - तुग्भि धुवु हंत अंधल ।  
 तिण न नियह मह हियय- ठिय वि एह सुह-दाण-पच्चल ॥  
 इय अवराजिय-कुमर-वरु कणयमाल-विसयहिं ।  
 सुहु पावंतउ गमइ निसि नाणा-विहहिं कहाहि ॥



इओ य ।

[११३७]

दिट्ट-निसुणिय-कुमर-माहप्प-

सविसेस-सगुल्लसिय- गरुय-राय-सव्वंग-विहुरिय ।  
कह-काहमवि कणगह गइय नियय-धवलहरि कुमरिय ॥  
ता अत्थमियइ सहस-करि रयणि-रमणि उदियम्मि ।  
सव्वक्किहि विरहाउरिहि निसियर-कुलि मुइयम्मि ॥

[११३८]

अह कइयहं पुणु-वि पेक्खेभु

तसु सुहयह सुह-कमलु कह-व सुइरु तसु हियइ विलसिसु ।  
किह पांविमु सु ज्जि वरु किह-णु किह-णु तसु चित्तु रंजिसु ॥  
कइयह रमिहइ सप्पगु मइं पिउ पयडिय-अणुराउ ।  
अहव अहन्नह मह किह-णु इहु सु-कयहं अणुहाउ ॥

[११३९]

अरि निभगिय हउं ज्जि संसारि

जं पत्तु वि तुडि-वसिण भुवण-अहिय-निय-पुण्ण-पगरिसु ।  
तिण तारिस-वइयरिण उत्तरीउ इत्थह सु तारिसु ॥  
अहव अकारण-वच्छलिण विहिण अहन्न-घरम्मि ।  
चिंतामणि पट्टविओ वि वच्चइ अन्नयरम्मि ॥

[११४०]

इय पयंपिर वियल-वावार

खणु उट्ठइ खणु सुयइ लुलइ महिहिं खणु खणु पणच्चइ ।  
गायइ खणु खणु हसइ खणु वहिम्मि अ-निमित्तु वच्चइ ॥  
इय दुल्लंभह माणुसह तसु रेसिहिं सा वाल ।  
कह कह नडइ न अप्पु लहु नं सविहिय-खय-काल ॥

[११४१]

इय वियाणिय-उभय-वुत्तंतु

खयराहिवु तृट्ट-मणु वित्थरेण धरणियल-सारह ।  
 हरिनंदि-नरिंद-कुल- गयण-ससिहि स-हरिसु कुमारह ॥  
 कणयमाल वियरइ तयणु केत्तियइं वि दियहाणि ।  
 तीए सह सेवइ कुमरु निरुवम-विसय-सुहाणि ॥

[११४२]

तहुवसाहइ विविह-विज्जाउ

सुहि-सज्जण तूसवइ ललइ संयल-गिरि-काणणाइसु ।  
 सुस्ससइ सु-गुरु-पय जयइ सययमवि इयर-अत्थिसु ॥  
 उच्चिय-क्किरिय-पवित्ति-परु पगइ-अदीण-सहावु ।  
 अ-दढाणुसउ कयणुयउ अ-विहिय-पर-सतावु ॥

[११४३]

देव-मुणिवर-विहिय-वहुं-माणु

रयणायर-गहिर-मंण पसरु सहल-आरंभु सुहयरु ।  
 वंदतउ जिण-वरहं विव हरिस-रोमंच-मणहरु ॥  
 निय-जस-धवलिय-सयल-दिसि सुयण-मणेसु वसंतु ।  
 चिट्ठइ दोगुंदुग-सुरु व गउ वि कालु अ-मुणंतु ॥

[११४४]

अवर-अवसरि विहि-निओएण

आकंपिय सयल महि विरस-सरिण धडहडिउ गिरि-वरु ।  
 अंधारिउ गयणयलु जलिउ लग्गु दह-दिहिहिं अंतरु ॥  
 दियहि वि पविसहि वसिमि वण-सावय परिधावेउ ।  
 भग्ग-सुक्क-त्तरु-सिहर-ठिय त्रायस विरसु रसेउ ॥

[११४३]

जलिर-पुच्छय गलिर-उच्छाह

हुय सिंधुर वसह ह्य रुहिर-वरिसु गयणह निवडियउ ।

सिव-सह समुल्लसहिं केउ-सहम् गयणम्मि फुरियउ ॥

निसियर नच्चहिं किलकिलहिं भुय साडणि वेयाळ ।

नहयर-वग्ग [विवग्गहिं य ?] परिसुडय-खय-काल ॥

[११४६]

तयणु पसरिय-गरुय-आयंकु

नीसेसु वि खयर-जणु दुम्मिमित्त-कारणु निहालइ ।

अह चारण-समणु इगु अंसुमालि-सविहम्मि साहइ ॥

विज्जा-साहण-वाउलह फुरिय-कित्ति-पसरस्सु ।

सीलालंकिय-तणु दइय खयरह रवितेयस्सु ॥

[११४७]

हरिय विलविर रुव-लुद्धेण

मयणाउर-माणसिण कामरुवि-नामेण खयरिण ।

ता मुद्ध अणिच्छिर वि हट्ठिण भोत्तु आटत्त पाविण ॥

अवहि-ण्णाणिण मुणिवि इहु सयलु वि धरणिं देण ।

नणु अइरिण लंघिय किह-णु मह मज्जाय इमेण ॥

[११४८]

जमिह खयरहं सिद्धि-कालम्मि

नमि-विणमिहिं पुरउ मइं आसि विहिय मज्जाय स-मुहिण ।

जह हरिय वि पर-रमणि हट्ठिण नेव भोत्तव्व खयरिण ॥

ता सव्वेसि वि नहयरहं करिसु समगु संहारु ।

इय चिंतंतिण सयलु इहु किउ अ-निमित्त-पयारु ॥

[११४९]

ता खणद्धिण खुहिउ खयरिंदु

विज्जाहर निरु डरिय नियहिं वयण अन्नुन्नु तरुणिउ ।  
 एत्थंतारि सुर-सिहरि- थिर-मणेण कुमरेण पभणिउ ॥  
 नणु भय-वेविर तुब्भि इह किह च्चिट्ठह सव्वे वि ।  
 कि न उवसामह इहु अ-सिवु जिण-विंवइं पूएवि ॥

[११५०]

जमिह झिज्जहिं सयल उवसग्ग

परिल्लिज्जहिं विग्घ-लय हवहिं हियय-वंछिय-समिद्धिउ ।  
 उवलब्भहिं सयल सुह उल्लसंति ससि-विमल-बुद्धिउ ॥  
 तियसासुर-नर-खयर-गण- थुणिय-चलण-जुयलिहिं ।  
 पुज्जिज्जंतिहिं जिण-वरिहिं निक्कारण-सरणेहि ॥

[११५१]

अहह सुंदरु भणिउ नर-रयण

तइं अवरु कु एरिसउं अमय-महुरु जंपेइ जाणइ ।  
 इय जंपिरु नहयरहं वग्गु सयलु सहस-त्ति आणइ ॥  
 कुसुमाहरण-विलेवणइं जिण-विंवहं पाउग्गु ।  
 सिद्धाययणि स-परियणु वि तयणंतरु जह-जोग्गु ॥

[११५२]

पूय विरइवि जिणवरिंदाण

तवकालागइण सह अमियगइण चारण-मुणिदिण ।  
 धरणिंदु मणम्मि धरि खयर-वग्गु ठिउ काउसग्गिण ॥  
 सु-विसेसिण जिण-मुणिवरहं पय-पउमइं सुमरेवि ।  
 अवराजिउ उस्सग्गि ठिउ मणि धरणिंदु धरेवि ॥

[११५३]

चलिय-आसणु तयणु धरणिंदु

संपत्तु सिद्धाययणि भणइ पुरउ संग्रह नमेविणु ।  
 भयवंतिण अणुगहिउ हउं किमित्थ संघिण सरेविणु ॥  
 अह अवराजिय-कुमर-सिरि-अंसुमालि-पमुहेण ।  
 धरणिंदह सम्मुहु भणिउ भयवंतिण संघेण ॥

[११५४]

कामरूविण खयर-अहमेण

अम्हाण समायरिउ एगु एहु अवराहु मरिसिवि ।  
 उवसामसु असिव-भरु खयर-उवरि कारुणु दंसिवि ॥  
 पाइण दु-वियायउं हवइ सव्वत्थ-वि न दु-माय ।  
 हवहिं सहाविण पणय-पिय अहवुत्तिम सुर-राय ॥

[११५५]

इय सुणेविणु संघ-वयणाइं

उवसामिवि असिव-भरु नमिवि अमियगइ-साहु-वलणिहिं ।  
 अवराजिय-कुमरह वि गुण थुणेवि साणंद-वयणिहिं ॥  
 संघु वि सयलु थुणेवि निय-ठाणि गयउ धरणिंदु ।  
 ता सयलु वि नइयर-निवहु विम्हिय-मुह-अरविंदु ॥

[११५६]

भणइ पणमिवि अमियगइ-साहु-

पय-पंकय भत्ति-भरु जह - मुणिंद साहसु पसीउण ।  
 धरणिंदणि किह इयरु खयर-वग्गु सयलु वि विमुत्तुण ॥  
 थुणिउ स-तोसिण गुण-निवहु अवराजिय-कुमरस्सु ।  
 तयणु मुणिंदिण भणिय - नणु गुरु वइयरु एयस्सु ॥

[११५७]

जमिह एत्थ वि भरह-खेत्तम्मि

सिरि-वारवइहिं पुरिहिं समुदविजय-नरनाह-नंदणु ।  
 हरि-वंसह जस-कलसु ति-जय-लोय-आणंद-संदणु ॥  
 वावीसइसु जिणाहिंवइ उसह-चउव्वीसाए ।  
 हविहइ सामिउ नेमि-जिणु महिहि सु-ऊय-आसाए ॥

[११५८]

विमलवोहु वि सचिव-अंगरुहु

सिरि-नेमिनाहह जिणह तणउ सीसु गण-हारि हविहइ ।  
 तयणंतरु स-परियणु अंमुमालि नहयरहं अहिवइ ॥  
 पुणु पुणु अवराजिय-कुमर- गुण-गणु मणि सुमरंतु ।  
 भणइ रइय-कर-कोसु कय- किच्चु अप्पु मन्नंतु ॥

[११५९]

भयवमसरिस-सुकय-रासिस्सु

हरिनंदि-नरवइ-सुयह उभय-लोय-जय-जंतु-सुहयह ।  
 अवराजिय-नामयह इमह सयल-गुण-पुरिस-रयणह ॥  
 रज्ज-धुरंधरु अंगरुहु किमिह कणयमालस्सु ।  
 हविहइ कु-वि अहवन्नयह सुकयवइहि दइयस्सु ॥

[११६०]

तयणु चारण-सुणि भणइ — नेय

खयरिंद तुह कन्नयह न-वि य इयरह वि खयर-दुहियह ।  
 हविहइ कु-वि रज्ज-धरु तणउ कित्तु सोहग्ग-निलयह ॥  
 पुव्व-जम्म-संतइ-निविड- सुघडिय-पडिवंधस्सु ।  
 तरुणी-रयणह पीइमइ- अभिहाणिण पयडस्सु ॥

[ ११६१ ]

अह विसेसिण भणइ खयरिंदु  
 नणु मुणिवर मह कहसु तीए पीइमड-चाम-नयणह ।  
 बुत्तंतु लेसिण तयणु मुणि भणेइ जह — वसुह-वलयह ॥  
 मंडणि तिव्व-पयाव-निव- पयडिय-सोह-समिद्धि ।  
 सिरि-आणंदपुरु त्ति अ-वितह-अभिहाण-पसिद्धि ॥

[ ११६२ ]

साहु-वसहु व गय-अलंकारु  
 धण-संदणु पाउसु व दुसह-सूरु सारइय-कालु व ।  
 सुर-सरि व पचाह-सिरि रायहंस-कय-सेवु गयणु व ॥  
 इय बहु-हय-गय-सुहड-रह- चउविह-सेन्न-समिद्धु ।  
 आसि वसुंधर-नाहु सिरि-जियसत्तु त्ति पसिद्धु ॥

[ ११६३ ]

तस्सु हिमगिरि-धर व परमहिम  
 ससि-रेह व विमल-पह रयण-निहि व बहु-संख-सुत्तिय ।  
 रोहण-गिरि-वसुमइ व विमल-रयण-गुरु-देव-भत्तिय ॥  
 सारय-रयणीयर-किरण- निम्मल-गुणहं निहाण ।  
 धारिणि-नामिय आसि पिय अंतेउरह पहाण ॥

[ ११६४ ]

तेसि अणहुय-पुव्व-विरहाहं  
 भुंजंतहं विसय-सुहु असम-सुमिण-सुइय-समाणिय ।  
 चविज्जणं रयणवइ- तियसु धूय हुय बुह-वखाणिय ॥  
 तयणंतुरु पत्तावसरु निवइण दिण-सुद्धीए ।  
 पीइमइ त्ति विइणु तसु नामु गसय-रिद्धिए ॥

[११६५]

तयणु मंदर-कप्प-लइय व्व  
 निव्विग्घिण अडरिण वि पंच-विहहिं धाईहि लालिय ।  
 सह अ-सरिस-गुण-गणिण पत्त पढमि तारुणि वालिय ॥  
 न-उण समाण-वयहिं सहिहि भणिय वि भव सुहयासु ।  
 अणुसज्जइ सा पीइमइ कहमवि विसय-कहासु ॥

[११६६]

अवर-अवसरि धरणि-हरिणंकु  
 रहि धारिणि-पिययमहं भणिउ - देव नणु पत्त-कालिय ।  
 वीवाह-महूसवह उचिय-वरिण सह तुम्ह वालिय ॥  
 जं सन्नहुं तियस वि कुमरि- संग-तण्ह-अभिभूय ।  
 अवलोयण-परमोसहिण अणिमिस-लोयण हूय ॥

[११६७]

अवि य वुज्झइ रयणमाल व्व  
 सा हियइण सज्जणिहि जणइ हरिसु मंदार-लइय व ।  
 परिवड्ढइ कलहिं सिय- पक्खि निच्चु रयणियर-रेह व ॥  
 जसु सव्वंगिय-रूव-सिरि- अवलोयण-तल्लिच्छ ।  
 अणिमिस-लोयण-कमल हूय मणुय वि तियस-सस्सिच्छ ॥

[११६८]

इय स-दइयह वयणु निसुणेवि  
 वसुहाहिवु पीइ- - कुमरि-पुरउ वज्जरइ सायरु ।  
 जह - वच्छि वरेसु वरु को-वि तयणु कुमरि वि अ-कायरु ॥  
 अ-छइलु पिउ पोढंगणहं सामिउ मुक्खु बुहाण ।  
 चाईण य दारि इय तिन्नि वि मूलु दुहाण ॥



[११६९]

इय विचिंतिर भणइ - नणु ताय  
 परिवाग-दारुण विसय भवि हवंति जीवहं सहाविण ।  
 अवियद्धिण माणुसिण सह उ दुहइं वियरवि विसेसिण ॥  
 इय अ-दिहु विस-कंटगु व गरुय-दुहउ विसयइहु ।  
 सिग-विज्जिउ दु-पउ पसु चइयवउ अवियइहु ॥

[११७०]

इय वहत्तरि-कल-वियारेण  
 जो तुम्हहं पयडु मइं जिणइ मज्झ सु जि देज्ज पिययसु ।  
 इयरह किमणत्थ-फल- विसय-सुहिण ता लेसु संजसु ॥  
 इय निसुणिवि धूयह वयणु निउ परिउदुह मणेण ।  
 सद्दावइ सचिव-प्पवरु स-निउत्तेहिं खणेण ॥

[११७१]

ता नराहिवु धूय-बुत्तु  
 सचिविंदह कहइ अह तेण भणिउ - नणु देव जइ इहु ।  
 ता गरुयर-वित्थरिण विजिय-तियस-गिह-सोहु इह लहु ॥  
 काउ सयंवर-मंडवउ सदावहु जय-सार ।  
 निरुवम-कित्ति-पयाव-भर सयलि वि निवइ-कुमार ॥

[११७२]

अह सयंवर-मंडवु करेवि  
 स-निउत्तय-माणविहिं उचिय-उचिय-निय-लेह पेसिवि ।  
 सव्वेसि वि निव-सुवहं पीडमइहि वडयरु पयासिवि ॥  
 सद्दाविय जियसत्तु नरनाहिण तियस-विसेसु ।  
 परिसीलिवि ससि-निम्मलहं कलहं कलावु अ-सेसु ॥



[११७७]

तक्क-लक्खण-गणिय-साहिच्च-

सिद्धंतहं सयलहं वि कलहं विसइ परमत्थु पुच्छिय ।  
 सव्वे वि अ-मुणंत पुणु गुरु-विसाय विणिमीलियच्छिय ॥  
 सयलंगुवभव-सेय-जल- धारुल्लिय-नेवत्थ ।  
 चिट्ठहिं धगवगिय-हियय गरुय-खेय-पडिहत्थ ॥

[११७८]

एत्थ-अंतरि गुरु-विसायस्सु

जियसत्तु-नराहिवह पुरउ सार-परियण-समेयह ।  
 कुलएवि जंपइ - अहह कोवयासु निवु तुह विसायह ॥  
 जम्हा सिरि-हरिनंदि-निव- कुल-मंदिर-सिरि-केउ ॥  
 हविहइ अवराजिउ दइउ तुह धूयह सुह-हेउ ॥

[११७९]

तयणु निवइण अ-कय-विक्खेवु

तहिं पेसिय पवर-नर ते वि नयरि हरिनंदि-रायह ।  
 जा गच्छहि ता नियहिं नयर-लोउ गउ गुरु-विसायह ॥  
 तयणंतरु विक्खुहिय-मण किं इहु इय चितंत ।  
 मुणहिं कुमर-अवहार-विहि निवइ-पुरउ पुच्छंत ॥

[११८०]

ता विसेसिण फुरिय-संताव

जियसत्तु-नराहिवह पुरउ गंतु कह-कह-वि साहहिं ।  
 जह - नाह हरिनंदि-निवु स-पुर-जणु वि अइ-गरुय-वाहहिं ॥  
 विहुरिय-मण-तणु-जीविउ वि चिट्ठइ कह-वि धरंतु ।  
 मिरि-अवराजिय-कुमर-गयि- निरुवम-गुण सुमरंतु ॥

[११८१]

जओ—

महु-महूसव-समइ चउरंग-

बल-पूरिय-धरणियल नियय-गरिम-परिविजिय-सुर-गिरि ।  
 अवराजिय-कुमरु किल आसि गयउ वणि तयणु महु-सिरि ॥  
 पेवखंतो वि तुरंगमिहि हरिउण मित्त-समेउ ।  
 खिविउ कह-वि हरिनंदि-निव-कुल-मंदिर-सिरि-केउ ॥

[११८२]

अह नराहिवु मंति-सामंत-

सत्याह-सेट्ठिहि सहिउ कह कहं न परियडिउ वसुहहं ।  
 अ-लहंतउ पुणु सुयह मुदि-येत्तमवि अज्जु स-सहहं ॥  
 निसुयउ अम्हिहि स दइउ वि निवु मंतणउं कुणंतु ।  
 जह — अवराजिय-कुमर-विणु अम्ह जिइण पज्जत्तु ॥

[११८३]

इय न जइ लहु कुमर कत्तो वि

आगंतुण ताहं मणु संठवेइ ता अज्जु नित्तुल ।  
 हरिनंद स-दइउ गुरु- जणिण सहिउ स-पइण-पच्चल ॥  
 कय-अंतिम-कायव्व-विहि निवडेविणु वि हवक्कि ।  
 अत्तिहि कयंतह होइसइ देव म अवरु वियक्कि ॥

[११८४]

तयणु — धिसि विसि किमु अ-संबद्धु

इहि जंपहिं इय मणिण चितयंत पीइमइ वालिय ।  
 लहु निवडिय धरणियलि गरुय-दुवख-हुयवह-करालिय ॥  
 सिरि-जियसत्तु-नराहिवु वि सयल-सार-परिवार ।  
 अवराजिय-वइयरु सुणिवि हुउ परिगलिय-वियार ॥

[११८५]

पृथ-अंतरि — ग्रह मह जम्मु

धिसि विलसिउ दृश्य मिरि किमु उमेण गरुण पयाविण ।  
 जं चिट्ठहिं मह जणणि- जणय गहिय-मच्चंग ताविण ॥  
 इय चित्तिरु चारण-मुणिहिं पय-पउमडं पणमेवि ।  
 अंसुमालि-सयराहियु वि लहू अणुजाणावेवि ॥

[११८६]

विचिह-नहयर-विट्ठिय-पय-नेवु

नव-परिणिय-गहिय-पिउ समग-चलिय-वट्ठ-सयर-परियणु ।  
 फुडु गहिर-पठंत-वहु- वंदि-सट-पूरिय-नहंगणु ॥  
 स-निउत्तय-नहयर-रडय- पवर-विमाणि चढेउ ।  
 अवराजिउ आणंदपुर- उवरि नियय-कुल-केउ ॥

[११८७]

पत्तु ता जियसत्तु-नामेण

नीसेस-नायर-जुइण गरुय-चोज्ज-विम्भइय-दियइण ।  
 नणु सुर-गणु को-वि इहु इय स-तोसु पप्फुल्ल-नयणिण ॥  
 धूव-कडच्छुय-करयलिण परिहिय-सिय-वत्थेण ।  
 उप्पाडिय-कुसुमंजलिण स-हरिसु मणिउ निवेण ॥

[११८८]

जक्खु किन्नरु सिद्धु गंधवु

सुरु असुरु व नहयरु व नियय-पउर-परिवार-कलियउ ।  
 जो कु-वि सु स-परियणह मज्झ अग्र-गिण्हणिण पसियउ ॥  
 तह अवराजिय-कुमर-वर- संपायणिण तुरंतु ।  
 मह धूयहं तसु जणयहं वि कुणउ पसाउ महंतु ॥

[११८९]

तयणु जणणी-जणय-वुत्तंत-

आयण्णिण दुक्खिउ वि ईसि हसिरु हरिनंदि-नंदणु ।

गयणयल्लह अवयरिउ मागहेण ता निवड-रंजणु ॥

पढिउ फुडक्खरु जह - जयउ गरुय-परक्कम-सारु ।

अवराजिय-नामिण पयडु इहु हरिनंदि-कुमारु ॥

[११९०]

तयणु अ-सरिस-हरिस-पसरंत-

पुल्यंचिय-सयल-तणु नियय-सार-परियण-समन्निउ ।

तं मागह-जण-वयणु परम-तत्तु एहु त्ति मन्निउ ॥

ज ज्जि गवेसहुं वेल्लडो स ज्जि विलग्गी पाइ ।

इय चित्तु नराह्विइ कह-वि न माइ न ठाइ ॥

[११९१]

तह विसप्पिर गरुय-मुच्छा वि

अवराजिय-नर-रयण- नाम-सवण-अमएण सत्तिय ।

परिवियलिय-मुच्छ-दुह कुमरि पीइमइ झत्ति उट्ठिय ॥

जाव निरिक्खइ विहसिरह कुमरह मुहु ससि-चंगु ।

ता दहयरु कुसुमाउहिण सा विहुरिय सव्वंगु ॥

[११९२]

तयणु सचिविण सुमइ-नामेण

निय-कुमरिहि मणु सुणिवि वंदि-वयण-विण्णाय-तत्तिण ।

अवराजिय-कुमर-वर- पुरउ भणिउ निय-वयण-सत्तिण ॥

जह - नर-रयण कुमारियह कल-कोसल्लु निएवि ।

करिमु पसाउ महायरिण पाणि-ग्गहणु करेवि ॥

[११९३]

अह — तियहं सहं कल-वियारेण  
 का गरिम महायसहं नहि ललेइ हरिणीहिं सह करि ।  
 परि पगइहिं तुच्छ तिय इय इमीए एयम्मि अवसरि ॥  
 जइ हउं दप्पु न उद्धरहुं ता नहवइयह (अ)वस्सु ।  
 वज्जेइ य अवजस-पडहु सयल-पुरिस-वग्गस्सु ॥

[११९४]

इय विचिंतिरु सयल-निव-सुइहिं  
 परियरियह नरवइहि पयडु पीइमइ सविह-संठिय ।  
 अवराजिय-नर-मणिण पढसु सह-विसयम्मि पुट्टिय ॥  
 ता विसमाउह-धीवरह सर-सल्लिय-सव्वंग ।  
 पडिउत्तरु अ-मुणंत ठिय मोणिण चवल-अवंग ॥

[११९५]

अह कुमारिण अन्न-अन्नम्मि  
 विसयम्मि पुच्छिय कुमारि न-उण किं-पि उत्तरु पयच्छइ ।  
 ता स-सहिहि बहु-विहिहिं हसिय संत पीइमइ जंपइ ॥  
 अज्जउत्त हउं तुह पुरउ ताव न किं-पि मुणेमि ।  
 तह-वि हु पुच्छेऊण कि-वि तुह गुण उवजीवेमि ॥

जहा —

[११९६]

विणहु सेउ वि जिण-विसेसो वि  
 आभासइ नणु धरणिनाहु रुद्धु किं देइ चोरहं ।  
 निय-गरिमहं कु व मलिवि माणुस-सुर-नर-खयर-कुमरहं ॥  
 सिजिर-भमरावलि-कुसुम कंठि खिवाविवि माल ।  
 परिणेतइ नर-नायगह सिरि-जियसत्तुहु बाल ॥

[११९७]

ईसि विहसिवि नियय-अभिहाणु

पडिउत्तरु कुमरियहि कहिवि भणइ साणंदु कुमरु वि ।  
 नणु ससि-मुहि पीइमइ मह वि पणहु फोडसु अ-सारु वि ॥  
 जं निसुणिउ मइं आसि तुह सयल-कलहं कोसल्लु ।  
 इय दायवु अवस्सु तइं मह पुच्छह पडिवुल्लु ॥

[११९८]

तहा हि --

धन्नु को वि हु रिउ वि कीलणु वि

परिपुच्छइ रमइ कहि लोउ का व कामिणिहि सुंदर ।  
 आयाणु परितप्पणु वि के व निसुय धाऊ पयंपिर ॥  
 तुट्ठि स्सिरि पडिसेहयर भणहिं क जगु वि निणइ ।  
 मयणु भणइ केरिसिय क व तरुणहं हियउं हरेइ ॥

[११९९]

तयणु खणु इगु कुमर-संभासु

खणु तस्सु सरीर-सिरि खणु कलहं सयलहं वियड्ढिम ।  
 खणु चंगिम मुह-ससिहि खणु कुमार-चरियाहं वड्ढिम ॥  
 खणु गहिरिम पणहुत्तरह तसु वालिय चिंतंत ।  
 थक्क पसारिय-नयण न य कस्सु वि पारि पहुत्त ॥

[१२००]

खलिर-सुललिय-थोव-सविलास-

महुरक्खर-मालियहि किं-पि किं-पि अह कह-वि जंपइ ।  
 तियसासुर-खयर-बुह- रयण-जाइ उत्तरु वि संपइ ॥  
 पयडसु निय-पणहुत्तरह अह विहसंतु कुमार ।  
 साहइ सिंखल-जाइ तह निय-पणहुत्तर-सारु ॥



‘परमेहला पीडमइ’ ति ॥

[१२०१]

इय विचित्तिहिं वयण-रयणहिं

आणांदिवि निवइ-मणु माणु दलिवि पडिवविख-कुमरहं ।  
परिणिज्जिवि पीडमइ जणिवि चोज्जु निरु विवुह-विसरहं ॥  
धवलिवि महि-मंडलु जसिण सविहिं पहुत्तइ लगि ।  
किज्जंतइ हिय-इच्छियइ पणइयणहं जह-जोगि ॥

[१२०२]

कुमर-रयणिण पीडमइ-कन्न

वीचादिय विथरिण तह कहं-चि जह लहु अ-सेसहं ।  
वद्धावण तूर-रवु हरिस-भरु वि पसरियउ वसुहहं ॥  
गरुयाणंदिण विथरिय कुमरि-जणय-जणणीउ ।  
असरिस-पसरिय-तोस-भर विलसहिं पुर-तरुणीउ ॥

[१२०३]

तयणु चच्चरि तिगि चउक्कम्मि

पुर-रच्छहिं क्व-सर- सरिय-तीर-धरणियल-सिहरिहि ।  
उद्धीकय-कट्ट-लहु- कय-निवेस-वहु-मच-विवरिहि ॥  
घर-अवलोयण-जिणभवण- पायारुवरि निविट्ट ।  
नयण-पहागइ नव-मिहुणि तहिं तरुणियण पहिट्ट ॥

[१२०४]

भइणि अगालु सुयसु जिह हउं वि

नव-परिणिय-पीडमइ- पियह असम-सोहग्ग-सारह ।  
अवलोयहुं मुह-कमलु अकय-तवहं दुलहह कुमारह ॥  
अवर भणइ - हलि हेल्लडी कि तुह एत्तिउ सोडु ।  
एयह मिहुणह जोयणइ अम्हाहं वि कि न कोडु ॥

[१२०५]

अवर पेच्छिर कुमर-लायणु

कुसुमाउह-हय-द्वियय खिवइ गहिवि कन्नम्मि नेउरु ।  
 सुय-बुद्धिहिं करयलिण कडियडम्मि संठवइ वानरु ॥  
 अगहिय-कंचुग-उत्तरिय क-वि पुणु नीवी-हत्थ ।  
 नियइ कुमार-मुहंवरुहु जुव-चुज्जयर-अवत्थ ॥

[१२०६]

का-वि कन्नहं कुणइ कंडुयणु

पयडीहुय-सिद्धिण-जुय अवर उत्तरिय-मित्त-अंवर ।  
 धावंत सवडंमुहिय हासवेइ सयल वि वसुंधर ॥  
 कुमरु वि अणुरायाउरहं तरुणिहिं चरिय नियंतु ।  
 ससहर-उदइ स-भारिउ वि वास-भवणि संपत्तु ॥

[१२०७]

तयणु आइम-जम्म-संवंध-

पसरंत-रायाउरिण समणु पीइमइ-तरुणि-रयणिण ।  
 परिकीलिवि बहु-विहिहिं पत्त-कालु सह स-परिवारिण ॥  
 अणुजाणाविवि कह-कह-वि सिरि-जियसत्तु-महिंदु ।  
 निय-पुर-गमणिण तोसवइ सिरि-हरिनंदि-नरिंदु ॥

[१२०८]

ता नरिंदिण सुणिय-वइयरिण

वद्धावणु आयरिण जणिय-चुज्जु कारविउ वसुहहं ।  
 अह गरुयरु वित्थरिउ हियइ हरिसु सुहि-सयण-विवुहहं ॥  
 अह तहिं कोसल-निव-दुहिय कणयस्सिरि संपत्त ।  
 रंभ वि सिरिमंदिर-नयर- पहु-निव-धूव पहुत्त ॥

[१२०९]

कमिण चविउण तियस-भवणाउ  
 माहिंदह चवलगइ- मणगइ त्ति ते पुव्व-सोयर ।  
 तसु वधव इह वि हुय सूर-सोम-अभिहाण मणहर ॥  
 अवरम्मि उ अवसरि निवह अत्थाणुवविट्ठस्सु ।  
 पुरउ भणिउ उज्जाणिइण उद्धाविय-हिअवस्सु ॥

[१२१०]

जमिह सामिय अज्जु उज्जाणि  
 मुणि-महुयर-विहिय-पय- पउम-सेवु वर-नाण-दिणयर ।  
 मुसुमूरिय-तम-तिमिरु भविय-जंतु-संताण-सुहयर ॥  
 दस-पयार-मुणिवर-किरिय- परिवालण-गय-चित्तु ।  
 विमलवोह-अभिहाणु गुरु आइउ चारु-चरित्तु ॥

[१२११]

अह समुस्सिय-वहल-रोमंतु  
 अवराजिय-जुव-निवइ सूर-सोम-सुय-रयण-पमुहिण ।  
 सामंत-अमच्च-वणि- वरिण जणिय-निय-निय-समिद्धिण ॥  
 सयलंतेउर-परियरिउ निय-परिवार-समेउ ।  
 आगंतु वि वंदइ गुरुहुं पय-पउमइ पणमेउ ॥

[१२१२]

अह जहारिहु धरणि-नाहम्मि  
 उच्चियासणि संठियइ विमलवोह-मुणिवरु स-वित्थरु ।  
 परिसाहइ जह - अहह भवु पलित्त-गेहु व अ सुंदरु ॥  
 काइय-वाइय-माणसिय- दुह-लक्खहं य निहाणु ।  
 न खमउ खणु वि विवेइयहं एत्थ पमाय-विहाणु ॥

[१२१३]

दुलहु माणुस-जम्मु पर-लोय-

परिसादणु तहिं पवरु विसय-सुक्ख परिणाम-दारुण ।  
 परि चंचलु जीविउ वि दइय-संग-सुह विरह-कारण ॥  
 ता संसार-पलीवणय- विज्झावणि जइयवु ।  
 तं पुणु जइ परि धम्म-वर- मेहिण उवसमियवु ॥

[१२१४]

तत्थ अहिगमियवु सिद्धंतु

निसियव्वउ मणि सु-गुरु झाइयव्व असरणय-भावण ।  
 चइयव्व य संत-जण- संगई वि दुन्नय-निवारण ॥  
 भवियव्वउं आणा-परिहिं कायव्वउं पणिहाणु ।  
 रक्खेयव्वउं आयरिण जिण-पवयण-अदमाणु ॥

[१२१५]

तं तु भवियणु कुणइ विहिवंतु

ता व यव्वु विहि- परिण सुत्त-मग्गाणुसारिण ।  
 मुणियव्वउं अप्पु अणु- समउ कलिउ गुण-दोस-भाविण ॥  
 जइयव्वउं अणु-वासरु वि अ-सवन्निहिं जोगेहि ।  
 रक्खेयव्वइं इंदियइं गच्छिर-विस्सोएहिं ॥

[१२१६]

इय जयंतह भविय-सत्ताहं

सोवक्कम-कम्म-खउ निरुक्कमहं अणुबंध-ववगमु ।  
 संजायइ कमिण पुणु हवइ सग्ग-अपवग्ग-संगमु ॥  
 ता संसार-पलीवणउं विज्झायइ नीसेसु ।  
 इय परिसीलहि वसुह-पहु इहु तुहुं कम्म-विसेसु ॥

[१२१७]

इय सुणेविणु वयणु सुणि-वरहं

संसार-विरत्त-मणु      सिव-सुहिच्छु हरिनंदि-नरवइ ।  
 सामंत-अमच्च-वणि-      वग्ग-सहिउ निय-भवणि आवइ ॥  
 अह अवराजिउ वित्थरिण      विणिवेसिउण स-रज्जि ।  
 गहिवि चरणु हरिनंदि-निउ जयइ सिद्धि-सुह-कज्जि ॥

[१२१८]

कमिण बहु-विह-तव-विसेसेहिं

परिसोसिय-कम्म-मल्लु      विमल-नाण-सच्चविय-तिहुयणु ।  
 पडिवोहिय-भविय-जणु      परित्रिमुक्क-माणविय-भव-तणु ॥  
 अ-प्पडिहय-वर-नाण-धणु      गलिय-सयल-अवलेउ ।  
 हुउ हरिनंदि सु राय-रिसि      सिव-मंदिर-सिरि-केउ ॥

[१२१९]

सो वि पुणु तिण पीइमइ-पमुह-

बहु-भेय-अंतेउरिण      समगु पंच-विह-विसय-सुक्खइं ।  
 उवभुंजिरु पायडइ      पुव्व-जम्म-कय-सुकय-लक्खइं ॥  
 देइ य दुण्ह वि बंधवहं      पिहु पिहु देसु समिद्धु ।  
 ठवइ सचिव-पइ मित्त पुणु विमलवोहु सु-पसिद्धु ॥

[१२२०]

अइर-कालिण महिहि सयलाहं

परिसाहिवि सत्तु-गणु      एग-छत्तु निय-रज्जु संठिवि ।  
 नच्चाविवि कित्ति-बहु      भुवण-रंगि तह आण फेरिवि ॥  
 कारिवि नवइं जिणाययणजि ण्ण समुद्धारेवि ।  
 पवयण-भत्ति पयासिउण      गुरुयणु सक्कारेवि ॥

[१२२१]

सुयण-विबुहं करिवि पडिवत्ति

सम्माणु साहम्मियहं मणि धरेवि उत्तिमहं नायइं ।  
 परिसीलइ एग-मणु निच्च-कालु जिण-धम्म-कम्मइं ॥  
 एग-दिणं पिव अइगमइ वहुयइं वरिस-सयाइं ।  
 दोणुंदुग-तियसु व्व उवुंजिरु परम-सुहाइं ॥

[१२२२]

अवर-अवसरि निसिद्धि सिविणम्मि

सुह सयणिज्जम्मि गय नियइ पीइमइ सुह-पसुत्तिय ।  
 अंक-ट्टिय-रयण-निहि पंच वन्न-मणि-पह-विचित्तिय ॥  
 अह उट्टेविणु पीइमइ सिर-विरइय-कर-कोसु ।  
 सिरि-अवराजिय-नरवइहि साहइ सिविणु स-तोसु ॥

[१२२३]

ता नरिदिण भणिउ — नणु अम्ह

कुल-कप्प-पायव-सरिसु तुज्झ देवि हविहइ तणूरुहु ।  
 तयणंतरु पीइमइ तुट्ठ भणइ जह — होउ पहु इहु ॥  
 अह धम्मह धम्मियहं कह- जोगिण रयणि गर्मिति ।  
 जा ता गोस-समागमणि मागह-निवह पढंति ॥

[१२२४]

देव चिर-कय-सुकय-जोगेण

पसरंत-तेयव्वभहिउ निहय-सयल-पडिवक्ख-वित्थरु ।  
 उदयायल-सिहर-ठिउ नं जयस्सु साहेइ दिणयरु ॥  
 हवइ उवरि उदयह उदउ गरुय-सुकय-वीयाहं ।  
 उज्जमवंतहं सु-पुरिसहं उत्तिम-मग्ग-ठियाहं ॥

[१२२५]

तयणु कट कट सिविण-अणुरुवु  
 वंदियणिण पढिउ इय चितयंतु निवु वंदि-विंदह ।  
 वियराविवि दाणु बहु वियसमाण वयणारविंदह ॥  
 तयणु तुरंतु करेवि निय- पाओसिय-कम्माइं ।  
 सिविण-विसारय वाहरिवि पुच्छइ सिविण-फलाइं ॥

[१२२६]

ता हवेविणु रहि मिलेऊण  
 एगग-चित्तिण सयल विउस सिविण-सत्थत्थु भाविवि ।  
 अवरजिय-नरवइहि पुरउ समगु सव्वे वि आविवि ॥  
 साहहिं जह — पहु तुम्ह कुल- गयणंगण-रयणिंदु ।  
 सहस-करु व तेयव्वहिउ हविहइ तणउ नरिदु ॥

[१२२७]

अह स-हरिसिण निविड-पडिवत्ति  
 पयडेविणु बहु-विदिहिं सिविण-विउस सयलि वि विसज्जिय ।  
 देवी वि अ-विग्घ-सुय- रयण-लाह-विहि-कज्ज सज्जिय ॥  
 आराहइ गुरु-देव-पय कुणइ विविह-किरियाउ ।  
 गमिउण अद्धम-दियह समहिय-नव-मासा उ ॥

[१२२८]

कप्प-पायवु भोग-भूमि व्व  
 पणइयणाणंदयरु तणय-रयणु पीइमइ पसवइ ।  
 तयणंतरु महिहि सुय- जम्म-महिम कारवइ नरवइ ॥  
 पत्तावसरु विइणु तसु नामु पउमसारु त्ति ।  
 अद्रेण य वुड्ढिहिं गयउ गुणिहिं समगु कुमरु त्ति ॥

१२२६ ३ विउस विग.

१२२७ ७ क किरियाओ ९ क मासाओ

After 1227. क ख. प्रथाग्र ३५००

[१२२९]

अवर-अवसरि नियय-उज्जाणि

परिकीलण-उज्जयउ सहिउ पउर-चउरंग-सेन्निण ।  
 गच्छंतउ विजिय-रइ- रमणु नियय-तणु-रूव-वन्निण ॥  
 मयलंछण-सन्निह-वयणु तसिय-हरिण-नयणिल्लु ।  
 कणय-सिला-वच्छयलु पुर- अगल-भुय-जुयलिल्लु ॥

[१२३०]

रत्त-उप्पल-गवभ कर-चरण

उत्तत्त-कंचण-सरिस- अंगुवंगु सव्वंग-सुंदरु ।  
 साहावि-कित्तिम-असम- भूसणेहिं कामिणि-मणोहरु ॥  
 सरिस-रूव-वय-वेस-गुण- सुहि-निवहिण परिखित्तु ।  
 जिय-सुर-सुंदरि-तरुणियण- लास-पणासिय-चित्तु ॥

[१२३१]

निय-निउत्तिहि पणय-लोयस्सु

मण-इच्छ-पमाणिण य अन्न-पाण-भूसणइं दाविह ।  
 घणसार चंदण-अगुरु- हरिणनाहि-पंक वि पयच्छिरु ॥  
 वियरंतउ निय-करयलिहिं कप्पूरिण तंवोलु ।  
 निसुणंतउ फुडु परिपडिर- मग्गण-जण-हलवोलु ॥

[१२३२]

पुरउ पसरिय-भेरि-भंकार

सारंगि-मुइंग-चर- वेणु-पमुह-आउज्ज-सहिहिं ।  
 गायंतिहि कामिणिहिं नच्चिरेहिं पण-तरुणि-विदिहिं ॥  
 पडिरव-वहिरिय-धरणियलु आणंदिय-जय-जंतु ।  
 नियइ नराहिवु कसु वि पुर- इवभह तणउ ललंतु ।



[१२३३]

ता नरिदिण तुट्ट-हियण

सविह-ट्टिउ पुट्टु नरु एगु - भद को एहु दीसइ ।  
 कीलंतउ विजिय-सुर- रूवु तयणु इयरु वि पयासइ ॥  
 जह - पहु चिट्ठइ इह वि पुरि समुदवाल-सत्थाहु ।  
 तस्स हु एहु अणंगरइ- नामु स-मित्त-सणाहु ॥

[१२३४]

तयणु भणइ निवइ जह - अहह

सलहिज्जउ हउं जि पर निय-समिद्धि-जिय-तियस-पगरिस ।  
 वणि-मेत्त-तणुवभव वि जसु पुरीए विलसंत एरिस ॥  
 जं वणिणो चिय बहु-विहव निवहं लच्छि पच्चक्ख ।  
 इय उववूहिवि वणि-तणउ तह पीणिवि सय-लक्ख ॥

[१२३५]

गयउ नरवइ धवलहरयस्मि

वीयस्मि उ द्वियहि विहि- वसिण राय-चाडीए गच्छिरु ।  
 अवलोयइ मयगु इगु पुक्करंत-पुर-लोय-दुहयरु ॥  
 पुरिसिहिं चउहिं समुक्खिविउ बहु-नायर-कय-खेउ ।  
 विरस-विसम-तूरारविण सुहि-सयणहं दुह-हेउ ॥

[१२३६]

हरिण-नयणिय चंपय-च्छाय

ससि-सोम-वयणवुरुह कुंद-कलिय-सम-दंत-पंतिय ।  
 परिदेविय-रव-भरिय- धरणि-गयण-अंतर मयच्छिय ॥  
 कुट्ठहिं सिरु कर-भुग्गरिहिं पीडहिं उरु वाहाहि ।  
 ताडहिं वच्छोरुह वियड निय-निय-कर-साढाहिं ॥

[१२३७]

रुयहिं गायहिं ललहिं मुच्छहिं य  
 सिक्कारहिं पुक्करहिं सद्धि गहिय उरि हार तोडहिं ।  
 उल्लूरहिं चिहुर-भर कणय-रयण-वल्यालि मोडहिं ॥  
 सरिवि सरिवि निय-पिययमह गुण-गणु तहिं विलवंति ।  
 जह सविह-ट्टिय-तरु-विहय- नियरु वि रोयावंति ॥

[१२३८]

वच्छ वंधव दइय सुहि-जणय  
 पहु-सयण-सुहावणय पणय-लोय-कल्लाण-कारय ।  
 निक्कारण-कारुणिय दुहिय-हियय-जण-दुह निवारय ॥  
 विलसंतउ तुहुं दीसिहसि पुणु कइयहं सुह-हेउ ।  
 जणय-बंधु-पिय-मित्त-सुय- भिच्च भणहिं पत्तेउ ॥

[१२३९]

इय निरिक्खवि जणु अ-पज्जंतु  
 विलवंतउ बहु-विहिहिं स-दुहु पुरिसु कु-वि निविण पुच्छिउ ।  
 जह-साहसु कसु नरह मरणि सयलु जणु एहु दुत्थिउ ॥  
 अह इयरिण जंपिउ - इह वि समुदवाल-नामस्सु ।  
 पयडु अणंगरइ त्ति इहु नंदणु सत्थाहस्सु ॥

[१२४०]

आसि पच्छिम-दियहि उज्जाणि  
 बहु-परियण-सहिउ गउ कीलणत्थु अह विहि-निओइण ।  
 निय-भवणि समागयउ संतु निसिहिं आहार-दोसिण ॥  
 मूल-व्वाहि-समागमिण विहुरिय-अंगोवंगु ।  
 इउ सु कयंतह पाहुणउ सत्थवाह-कुल-चंगु ॥

[१२४१]

इय सुणेविणु निवइ सु विसन्तु

परिचितइ-अहह धिसि धिसि किमेहु मइ-मोहु सिविणु व ।  
 जं कल्लि जि दिदुहु मइ एहु ललंतु तह तह सुरिंदु व ॥  
 एउ जि कल्लि जि सविहि तसु परियणु परिकीलंतु ।  
 दिदुहु जु सु जि संपइ अहह सुम्मइ करुणु रयंतु ॥

[१२४२]

अरिरि धिसि धिसि हय-कयंतस्सु

अइ-विरसइं विलसियइं अणवसरि वि दडवडउ निवडइ ।  
 अइ-गरुयह इयरह वि इहु हयासु जमणत्थु पयडइ ॥  
 इहु गुणवंतउ इहु अ-गुणु इहु पहु एहु अ-सारु ।  
 इहु बहु-परियणु एहु इय न कुणेइ वियारु ॥

[१२४३]

किंतु काणणि जल्लिउ हुयवह व

अ-गणंतु सुहासुहइं इहु हयासु भुवणु वि दुहावइ ।  
 जिय-लोणु वि हय-विहिण हीरमाणु सयल वि स-संपइ ॥  
 अ-संरणु अ-वसु परिच्चयइ स वि भुज्जइ अन्नेहिं ।  
 एत्तो च्चिय भडु उज्झियउ पुन्व-पुरिस-सीहेहिं ॥

[१२४४]

जं पि वालिण चिहुर-उक्खणण-

उर-पिट्ठण-रुयण पिय- पढम-विरहि दो-तिन्नि दियहइं ।  
 पयडिज्जइ तं पि धुवु जाणियव्व अविवेय-ललियइं ॥  
 सोय-विहिहिं बहुहिं वि कइहिं हवइ कु तसु उवयारु ।  
 सु-गइहिं द-गइहिं वि वयइ जिउ स-सुहासुह-सारु ॥

[१२४५]

इय कयंतह दूउ जय-जंतु

सदाविरु धुवु कह-वि      मह वि समुहु आविहइ तइयहं ।  
 न-वि सत्थु न संवलउं      गहिउ तरिसु गच्छंतु जइयहं ॥  
 ता मज्झ वि जुज्जइ न इम्व वीसत्थह चिट्ठेउ ।  
 नहि मयरायरि रहइ नरु निय-पवहणु उव्भेउ ॥

[१२४६]

इय विभाविरु धरणि-हरिणंकु

अवराजिउ आयरिण      कुणइ धम्म-कम्मइं निरंतरु ।  
 रह-जत्तउ कारवइ      महइ विहिहिं तिव्कालु जिण-वरु ॥  
 आराहइ सुह-गुरु-चलण      नव-तत्तइं भावेइ ।  
 निच्चु वि भव-उव्विग्ग-मणु गुरु-संगमु इच्छेइ ॥

[१२४७]

अह मुणेविणु मणु नरिंदस्सु

पुव्वुत्तु जि सिरि-विमलवोह-सूरि केवल दिवायरु ।  
 तहिं नयरुज्जाण-वणि पत्तु विमल-गुण-रयण-सायरु ॥  
 ता उज्जाणिय माणविण सुह-गुरु-आगमणेण ।  
 वद्धाविउ वसुहाहिवइ भविय-लोय-सुहएण ॥

[१२४८]

(१) तयणु नीसेस-निय-सार-परियण-सहिउ ।  
 मंति-सामंत-सत्थाह-लोगिण महिउ ॥  
 चलिउ अइरेण पसरंत-गुण-भूसणो ।  
 वियलिय-प्पाय-संसार-रिउ-दूसणो ॥१॥

[१२४९]

गंतु सिरि-विमलवोदह मुणिदह पुरो ।  
 धुणिवि पय-पउम तसु हरिस-भर-बंधुरो ॥  
 उचिय-ठाणम्मि निवसेइ वसुहाद्विवो ।  
 तयणु मुणि-नाहु सिव-सुवख-फल-पायवो ॥२॥

[१२५०]

भणइ - नणु जम्म-जर-मरण-जल-संकुलो ।  
 जंतु अ-थिर-मण-गंभीरिमा-आउलो ॥  
 कोह-मय-माय-पायाल-जय-भीसणो ।  
 मोइ-आवत्त-दुल्लंघया-दूसणो ॥३॥

[१२५१]

राय-दोमुल्लसिय पवण-विक्खोहिओ ।  
 विविह-दुह-दुट्ठ-जल-जीव-संवाहिओ ॥  
 विरह-संजोग-कल्लोल-भर-भंगुरो ।  
 गरुय-पसरिय मणोहर-पवाहुद्धुरो ॥४॥

[१२५२]

एहु अइ-भीमु भव-जलहि भो भइया ।  
 इय तहा जयह जह हवइ निव्विग्घया ॥  
 निम्मल-ण्णाण-वर-कण्णधाराणुगं ।  
 वारस-वियप्प-तव-पवर-निज्जामगं ॥५॥

[१२५३]

सत्तरस-भेय-संजम-पिहिय-छिड्डयं ।  
 दु-विह-चारित्त-संचिय-पवर-मंचयं ॥  
 अनणु-अल्लीण-तइल्लोय-जय-सत्थयं ।  
 अणुसरइ भावओ संघ-वोहित्थयं ॥६॥

[१२५४]

तयणु स-विसेसु निवु गुरुहु पय-पंकयं ।  
 नमिवि जंपइ-कयाणदु निस्संकयं ॥  
 कुणसु तइ कह-वि मुणि-नाह जह सिव-पयं ।  
 जायए अइर-कालेण मह संपयं ॥७॥

[१२५५]

ता मुणिदेण पर-हिय-निरय-बुद्धिणा ।  
 भणिउ — निव चरणु अणुसरसु मण सुद्धिणा ॥  
 जं न अन्नयरु सिव-सुवख-संपायणे ।  
 धुवु उवाओ वि नर-नाह इह तिहुयणे ॥८॥

[१२५६]

सुणिवि इहु निवइ - गुरु-हरिस-पुल्लयंकुरिउ ।  
 गंतु गिहि भणइ सुय-पुरउ जह — हरिय-रिउ ॥  
 रज्जु पडिवज्जि नंदण जहा हउं चरणु ।  
 गहिचि जिण-विहिण पउ णेमि अप्पणु सरणु ॥९॥

[१२५७]

एस्व बहु-वयण-रयणार्हि नंदणु मणिवि ।  
 ठविवि रज्जम्मि निरु नियय-इंदिय जिणिवि ॥  
 करिवि पवयणह सम्माणु सव्वायरिण ।  
 गंतु पय-मूलि मुणि-वरह मण-पगरिसिण ॥१०॥

[१२५८]

चरणु नर-नाहु गिण्हेइ तयणंतरं ।  
 पुव्व-सुकयाणुहावेण सु निरंतरं ॥  
 पढइ सुत्तथु परिसीलइ य मुणि-किरिय ।  
 अहव विहि सयल सेवइ जिणिण वज्जरिय ॥११॥

[१२५९]

लेंति चारित्तु कम्मारि-विच्छेइणो ।  
 पीइमइ-विमलवोहा वि भव-विरइणो ॥  
 सयण-पडिवक्ख-मणि-लेट्ठु-सम-चित्तिणो ।  
 सूर-सोमा वि पडिवन्न-चारित्तिणो ॥१२॥

[१२६०]

तयणु संसार-कंतर-तड-गामिणो ।  
 भयहि परमप्प-बुद्धीए मुणि-सामिणो ॥  
 सव्व-जीवेसु भव-वल्लि निक्किंतणं ।  
 कुणहि पंच वि ति सम-सत्तु-मित्तत्तणं ॥१३॥

[१२६१]

खंति मद्दविउ अज्जविउ मुत्तित्तणउं ।  
 तवु वि संजमु वि सच्चत्तु सोयत्तणउं ॥  
 किंचणच्चाउ वंभत्तु दस-विह वि इहु ।  
 धम्मु सेवंति पंच वि ति सिव-मग्ग-रहु ॥१४॥

[१२६२]

नाण-दंसण-चरित्ताइं भव-झोसणइं ।  
 सम्मु पालिति पंच वि ति सिव-लक्खणइं ॥  
 असुह-संसार-मयरायरुत्तारणउं ।  
 भाव-पवहणु वि दहु लेति सिव-पावणउं ॥१५॥

[१२६३]

कमिण पंच वि ति गुरु-आण-आराहणं ।  
 काउ सिव-नयरि-संपत्ति-सुह-साहणं ॥  
 चइवि अ-पवित्तु अइ-अथिरु तणु माणविउ ।  
 परम-अपवग्ग-मग्गम्मि मणु आणविउ ॥१६॥

[१२६४]

जयसिरि-गभि सुह-सय-लब्धि आरण-सुर-घरि गुरु-हरिसि ।  
 सूरिण सोमिण मित्तिण कंतिण समगु वि गयउ सु राय-रिसि ॥१७॥

\*

इति श्रीश्री-चन्द्रसूरि-क्रम-कमल-भसल-श्री-हरिभद्रसूरि-विरचित-श्रीमद्-  
 रिष्टनेमिचरिते श्रीमदपराजित-प्रीतिमती-वक्तव्यता-निबद्धः सुर-  
 भवः षष्ठस्तृतीयो मनुज-भवः समाप्त इति ।

\*



[१२६५]

इओ य —

- (२) जंबु-दीवम्मि वासम्मि सिरि-भारहे ।  
 सरिय-सर-नयर-गिरि-सिहरि-पयडिय-महे ॥  
 आसि पसरंत-जय-जंतु-संतोसओ ।  
 गरुय-सिरि-निवइ-हय-सत्तु कुरु-जणवओ ॥१॥

[१२६६]

तुंग-पायार-पडिवक्ख-दुल्लक्खयं ।  
 उग्ग-नरनाह-माहप्प-वस-अक्खयं ॥  
 धम्मियासेस-जण समिय-विइढेरयं ।  
 गिह-विवणि-सेणि-जिण-भवण-सुंदेरयं ॥२॥

[१२६७]

स-मय-गायंत-नच्चंत-नायर-जणं ।  
 निच्चु पडि-भवण-किज्जंत-वद्धावणं ॥  
 तुरय-रह-गंध-सिंधुर-सुहड-वित्तयं ।  
 आसि पुरु हत्थिणागु त्ति सु-पवित्तयं ॥३॥

[१२६८]

तत्थ सोमो वि न कलंकया-दूसिओ ।  
 अ-कर-चंडो वि तेय-स्सिरी-भूसिओ ॥  
 लच्छि-दइओ वि नो कवडया-भाविओ ।  
 अ-जल-मुत्ती वि गंभीरिमा-गाविओ ॥४॥

[१२६९]

वाहिणी-वल्लहो वि हु न जलयायरो ।  
 दइय-चंदो वि न गहीय-दोसायरो ॥  
 विगय-कलहो वि कइया वि न मयाउलो ।  
 आसि सिरिसेण-अभिहाणु निवु गुरु-कुलो ॥५॥

[१२७०]

जा य महु-सिरि व विलसिर-तिलय-मणहरा ।  
 पाउसिय-रिउ व घण-पीण-सु-पओहरा ॥  
 सरिय-तड-विडवि-साह व्व पत्तोसिया ।  
 विसमवाणस्सु धणुहि व्व वर-वंसिया ॥६॥

[१२७१]

मरु-विसय-महि व पयडिय-तरुण-तण्हया ।  
 वीय-रयणिंद-रेह व्व वर-जुण्हया ॥  
 राय-मुत्ती वि न कया-वि मय-लंछणा ।  
 सुहय-माणस वि जल-पडल-निब्भंछणा ॥७॥

[१२७२]

रइ व मयणस्सु रंभ व्व सुर-सामिणो ।  
 मइ व सुर-गुरुहु कंति व्व खर-दित्तिणो ॥  
 सिरि व मुर-रिउहु गोरि व्व ससि-सेहरह ।  
 सिरिमई नाम पिय आसि तसु नर-वरह ॥८॥

[१२७३]

तयणु अमुणंत सिविणे वि विरहिय-दुहई ।  
 सुडरु भुंजंति ते असम-विसइय-सुहई ॥  
 अवर-अवसरि पुणो निसिहिं सुह-सुत्तिया ।  
 नियइ सिविणम्मि सिरिसेण-नरवइ-पिया ॥९॥

[१२७४]

सेउ चउ-दंतु सव्वंग-लक्खण-धरो ।  
 वयणि पविसंतु वग्गंतु वर-कुंजरो ॥  
 अह लहु वि मुद्ध पडिबुद्ध-नरवइ-पुरो ।  
 रइय-कर-कोस साहइ सिविण-वइयरो ॥१०॥

[१२७५]

ता नरिंदेण तुट्ठेण उट्ठिवि लहुं ।  
 हियइ धरिऊण गुरु-पयइं तह जिण-पहुं ॥  
 भणिउ देवीए पुरओ जहा — नंदणो ।  
 इमिण सिविणेण तुह कहिउ जय-रंजणो ॥११॥

[१२७६]

तयणु एवं हवेउ त्ति परिजंपिरी ।  
 हरिस-वियसंत-मुह हूय स वि पणमिरी ॥  
 अह चवेऊण आरण-अमर-मंदिरह ।  
 तियसु अवराजिउ सु उयरि तसु गोरडह ॥१२॥

[१२७७]

अवयरिउ तयणु सा वाल गव्वभह वसिण ।  
 पंडु-गंडयल हुय धोय इव जस-रसिण ॥  
 अवरिहिं वि कुच्छि-वट्ठंत-गव्वभह गुणिहिं ।  
 सिरिमई देवि संगहिय जय-रंजणिहिं ॥१३॥

[१२७८]

दिणिहि कित्तिइहि अइगइहि पुणु सिरिमइहि ।  
 हुयउ दोहलउ एरिसउ निरु सुह-मइहि ॥  
 जह — जु जं किं-पि इच्छेइ तसु तं लहुं ।  
 महिहिं वियरेमि मग्गिउ वि हउं निय-पहुं ॥१४॥

[१२७९]

तयणु विण्णाय-वइयरिण तसु नर-वरिण ।  
 दोहलउ सयलु पूरियउ सव्वायरिण ॥  
 कमिण पुण्णेसु दियहेसु देवि वि सुयं ।  
 सुहिण उप्पायए तयणु सुहि-संमयं ॥१५॥

[१२८०]

महिहिं सयलहं वि सुय-जम्मु जाणावियउ ।  
 जम्म-भवणे य सु-पयत्तु कारावियउ ॥  
 रयण-चुन्नेण रंगावली दाविया ।  
 घर-दुवारम्मि हल-मुसल उव्भाविया ॥१६॥

[१२८१]

खिविय-गुड-पिंड-पय-धार-सुकुमारिया ।  
 चउसु पासेसु मणि-दीवया कारिया ॥  
 गोउरोभय-दुवारेसु मणि-कलसया ।  
 ठाविया दिण्ण तरुणीहिं मंगल-सया ॥१७॥

[१२८२]

पडिगिहं वद्ध तोरणइं उब्भिय झया ।  
 दिण्ण दाणाइं सोहिय नयर-रच्छया ॥  
 मुत्त गोत्तीओ सम्माणिओ सज्जणो ।  
 महिय जिण-पडिम पडिलाहिओ मुणि-जणो ॥१८॥

अवि य —

[१२८३]

नच्चंत-विलासिणि-मणहरयं महु-पाण-निरय-वर-नायरयं ।  
 अइ-सुंदर-गेय-वरायरयं विलसंत-निवइ-अंतेउरयं ॥१९॥

[१२८४]

पिज्जंत-पउर-रस-पेसलयं दीसंत-कणय-रयणुज्जलयं ।  
 दिज्जंत-वत्थ-तंवोल-फलं वज्जंत-तरुणि-नेउर-मुहलं ॥२०॥

[१२८५]

किज्जंत-निवइ-गिह-सोहलयं सुय-जम्मि निविण सुहि-नेहलयं ॥  
 विलसंत-नराहिव-परियणयं वित्थरिण विहिउ वद्धावणयं ॥२१॥

[१२८६]

तयणु एक्कारसमि वासरे अइगए ।  
 तत्थ धर-सार-जणि सयलि समुवागए ॥  
 दियहि वारसमि अणुकमिण संपत्तए ।  
 सुयह संखो त्ति किउ नामु सु-मुहुत्तए ॥२२॥

[१२८७]

अह इयर-निवइ-सामंत-सचिवाइणो ।  
 कुणहिं तसु निवह पय-पूय गुरु-विणइणो ॥  
 ते वि सिरिसेण-निव-विहिय-सक्कारया ।  
 गया निय-नियय-ठाणेसु सुय-गुण-रया ॥२३॥

[१२८८]

तयणु थण-मज्जणालंकरण-मंडणय-  
 अंक-वियरण-निउण तह य कीलावणय ।  
 पंच-विह-अंव-धाईओ-सुय-कारणिण ॥  
 निविण आणत्त उज्जुत्त तसु पालणिण ॥२४॥

[१२८९]

विमलवोहो वि चविऊण सुर-मंदिरह ।  
 संख-सम-कालु गुण-निहि महामइ-पियह ॥  
 हुयउ मइपहु ति जह-अत्थ-अभिहाणओ ।  
 नंदणो तयणु तिण सरिसु सु पहाणओ ॥२५॥

[१२९०]

संखु गच्छंतु बुद्धीए निखवद्वं ।  
 निवु कलायरिय-सविहम्मि कय-ऊसवं ॥  
 सुयइ अह कुमरु निय-बुद्धि-जिय-सुरगुरु ।  
 हुयउ अइरेण छण-ससि-कला-भासुरु ॥२६॥

१२८७ ४ क. गया added marginally, ख missing

१२८८. ४ क ओज्जुत्त

१२८९. ४ missing in क

१२९० १ बुद्धीए २ क. निवु

अवि य -

[१२९१]

छंद-वागरण-जोइस-निमित्तागमे ।  
गणियऽलंकार-कह-मंत-तंत-वक्त्रमे ॥  
कव्व-नाडय-पमाणत्थ-सत्थे फुडे ।  
भरह-रामायण-स्तिप्प-धणु-गारुडे ॥२७॥

[१२९२]

तुरय-सिंधुर-वसह-उट्ट-सिक्खा-दिसिहिं ।  
दंड-मुग्गर-लुरिय-चक्क-कत्तरि-असिहिं ॥  
लिविहिं चित्तम्मि लेप्पम्मि कट्ठोवले ।  
नट्टि गंधव्वि वाइत्ति ससि-निम्मले ॥२८॥

[१२९३]

कलहं निम्मलहं अवरहं वि कसवट्ठओ ।  
हुयउ सिरिसेण-सुउ फुरिय-सु-मरट्ठओ ॥  
तयणु नर-वरिण सच्चविय-निम्मल-गुणिण ।  
ठविउ जुव-रज्जि सो संखु हरिसिय-मणिण ॥२९॥

[१२९४]

अवर-दियहम्मि कर-गहिय-पिट्ठ-साहुलो ।  
पत्तु निवइहि पुरउ पउर-जणु आउलो ॥  
तयणु पुट्टम्मि निवइण अ-सिव-कारणे ।  
भणिउ इयरेण - धरणियल-भर-धारणे ॥३०॥

[१२९५]

चारु-चउरंग-वल-भरिय-भुवणोयरे ।  
 नासियासेस-रिउ-वग-कय-विड्डरे ॥  
 देव तुमए वि निवइम्मि बहु-लक्खणे ।  
 अम्ह अ-पहुव्व हुय वसुह-परिरक्खणे ॥३१॥

[१२९६]

जमिह पण-तरुणि-नियरु व्व बहु-कूडओ ।  
 कुल-पुरंधीए पाणि व्व गुरु-चूडओ ॥  
 साहु-निवहु व्व विलसंत-गय-कलहओ ।  
 विउल-सिंगो त्ति नामोऽत्थि गुरु-सेलओ ॥३२॥

[१२९७]

नाइदूर-प्पएसे य पुणु तसु गिरिहि ।  
 विण्हु-मुत्ति व्व निहि असम-उदय-स्सिरिहि ॥  
 निवइ-सेण व्व भूसिय पवाहं सइण ।  
 वेगवइ-नाम नइ वहइ पउरिण रइण ॥३३॥

[१२९८]

सिहरि-सरियाहं अंतरि भुवण-भीसणा ।  
 नामिया भिल्ल-वल्ली वसइ दारुणा ॥  
 तर्हि उ दढ-दुग्ग व स-सत्तु-विहडण-सहू ।  
 अत्थि सिरि-समरकेउ त्ति पल्लि-प्पहु ॥३४॥



[ १२९९ ]

तेण अम्हाण अ-पहुण इव पइ-दिणं ।  
 विप्पए देव धण-धन्त-मणि-कंचणं ॥  
 इय सुणेऊण लहु सयल-रिउ-घायगो ।  
 ताडवड ढक्क सिरिसेण-नर-नायगो ॥३५॥

[ १३०० ]

संख-कुमरेण अह भणिउ पुरओ निवह ।  
 ताय वियरेसु आपसु इहु पसिय मह ॥  
 समर-संरंभु कवणु च्च हरि-मूसगहं ।  
 कु व पयंगह उवरि कोवु वण-वारणह ॥३६॥

[ १३०१ ]

तुह पयावेण तमु दप्पु भंजिसु हउं जि ।  
 तयणु कारणिय-लोगिण भणिउ - पहु एउं जि ॥  
 जुत्तु जं तरणि-किरणा वि हरिउण तिमिरु ।  
 कुणहिं जिय-लोउ सयल्लु वि महिहिं चंकमिरु ॥३७॥

[ १३०२ ]

तयणु नर-वरिण माहप्पु जाणिवि सुयह ।  
 दिण्णु आपसु संगहि रिउहु पत्थुयह ॥  
 संख-कुमरो वि माणंदु नुह-साहयहं ।  
 गहिय-आण्णु पणमेवि जणयह पयहं ॥३८॥

[१३०३]

समय-विहि-सारु गंतूण घर-चेइए ।

करिवि सक्कारु वंदेइ जिण-वरयए ॥

हरिस-पसरंत-रोमंचु अह सायरउ ।

थुणइ चउवीस-जिण-निवहु सु गुणायरउ ॥३९॥

जहा -

(३) [१३०४] जय मेरु-सिहर-कय-मज्जणया जय कुलगर-वंस-विहूसणया ।

जय सुर-गण-नाह-नमंसियया जय उसह-सामि जग-नमिय-पया ॥१॥

[१३०५] जय विजय-देवि-जियसत्तु-सुया जय अजिय-जिणिंद महाइसया ॥

जय कम्म-महागेरि-दारणया जय संभव दुरिय-पणासणया ॥२॥

[१३०६] जय संवर-सिद्धत्था-तणया जय जिण-अहिणंदण सुर-पणया ।

जय मोह-महा-तम-दिणयरया जय सुमइ-जिणिंद गुणागरया ॥३॥

[१३०७] जय केवल-पउमालंकियया जय जिण-पउमप्पह-सामियया ।

जय जम्मण-मरण-विणासणया जय पहु-सुपास सुरवइ-पणया ॥४॥

[१३०८] जय दाण-दया-दम-भावियया जय जिण-चंदप्पह जय-सुहया ।

जय सिद्धि-नियंविणि-मुह-तिलया जय सुविहि-जिणिंद महा-फलया ॥५॥

[१३०९] जय मच्छर-कमलि हिमागमया जय सीयल-नाह जगुत्तिमया ।

जय सह-विणिज्जिय-जलहरया जय पहु-सेज्जंस-जिणेसरया ॥६॥

[१३१०] जय असुह-जलण-जलयावलिया जय वासुपुज्ज सुर-नर-महिया ।

जय विमलालोय-दिवायरया जय जय पहु विमल-जिणेसरया ॥७॥

[१३११] जय पाविय-परम-अणंत-पया जय जिण-अणंत-गुरु विहिय-जया ।

जय दंसण-नाण-चरण-सुहया जय धम्म-सामि पायडिय-नया ॥८॥

[१३१२] जय समिय-महीयलुवद्वया जय संति-जिणिंद जयावहया ।  
जय दलिय-सयल-रिउ-वग्ग-गया जय कुंथु-नाह जय-भूसणया ॥९॥

[१३१३] जय असम-सील-भर-धारणया जय अर-जिण पूइय-सासणया ।  
जय अरइ-विसाय-विहोडणया जय मल्लि भवोयहि-सोसणया ॥१०॥

[१३१४] जय लोयालोय-पयासणया जय सुव्वय पायड-पवयणया ।  
जय विजिय-मोह-भड-डामरया जय फुरिय-महा नमि-जिणवरया ॥११॥

[१३१५] जय जायव-वंस-विहूसणया जय नेमि-जिणिंद-सिवा-तणया ।  
जय भुयग-फणा-मणि-रंजियया जय पास-जिणिंद सुरिंद-नया ॥१२॥

[१३१६] जय चालिय-मेरु महाचलया जय वीर-जिणिंद महा-चलया ।  
इय दुवइ-छंद-थुय-विमल-गुणा उवणेतु सुहं मह सयल जिणा ॥१३॥

[१३१७]

(४) इय स-सुर-असुर-हरिभइ-सुरि-त्थुयहं ।  
नमिवि साणंदु चउवीस-जिण-वर-पयहं ॥  
विहिय-असमाण-सिंगार-सोहिय-तणू ।  
जाइ सो कुमरु नरवइहि पुरओ पुणू ॥१॥

[१३१८]

तयणु नर-वरिण तसु विणय-पणमिर-सिरह ।  
एह साणंदु अणुसट्ठि पविइण जह ॥  
वच्छ पाएण विसमम्मि भव-सायरे ।  
पयड-जायंत-वहु-भेय-दुह-वइयरे ॥२॥

[१३१९]

तरलु तारुणु जल-लव-चवल संपय वि ।  
 इत्थ आयास-सम दुलह पुणु वंछिय वि ॥  
 तणु विणस्सरु सयण नियय-कज्ज-द्विया ।  
 विसम-परिणामु विहि कामिणि वि दुद्विया ॥३॥

[१३२०]

पिसुण छल-पिच्छिणो महि दुराराहया ।  
 मणु वि मक्कडु मयच्छीओ तच्चाहया ॥  
 इय मुणेऊण नंदण सया वि-हु तए ।  
 तह जएयवु जह ठाहि उत्तिम-पए ॥४॥

[१३२१]

इय निय-जणयह पयडिय-पणयह वयणु सुणेविणु संखू ।  
 विहिय-पणामू गुण-गण-धामू हियइ धरिवि पडिवक्खू ॥५॥

[१३२२]

(५) चारु-चउरंग-वल-खुहिय-खोणीयलो ।  
 चल्लिउ कंपंत-जोयंत-रिउ-निव-वलो ॥  
 कमिण अइरिण वि वेगवइ-नइ-संनिहिहिं ।  
 जाव संपत्तु कुमर वरु नरवइ-विहिहि ॥१॥

[१३२३]

ताव पच्छन्न-पुरिसेहि कुमरह पुरउ ।  
 भणिउ आगंतु - नणु नाहु लहु पविसरउ ॥  
 भुवणभीसणय-अभिहाण-पल्लिहिं जओ ।  
 तुम्ह आगमणु निसुणेवि भय-विहुरओ ॥२॥

१३१८ २ क आयासम

१३२०. ४ क ओत्तिम.

१३२१ १ क. जणयह

१३२२. ३ क सनिहिहि

[१३२४]

सयल-निय-लोय-सद्विओ वि पल्लि-प्पहू ।  
 नियय-पल्लिं चएऊण नट्टउ लहु ॥  
 तयणु ईसीसि विहसंतु निव नंदणो ।  
 भणइ - नणु कूड-वल-जोगओ इहु जणो ॥३॥

[१३२५]

पालए रज्जु न-उ खत्तियायारओ ।  
 मज्झ लोगो उ तच्चरिय-अवियारओ ॥  
 इय खणं नियह जह तुम्ह कोऊहलं ।  
 किं-पि काहामि दुव्विणय-दंसिय-फलं ॥४॥

[१३२६]

अह सयं होउ पच्छन्नु रण-रस-मणं ।  
 सिक्खवेऊण साणंदु बहु-परियणं ॥  
 ठक्कुरं कं-पि पेसवइ सो वि-हु पहुं ।  
 नमिवि नहु राय-चिंघेहि पूरिवि लहुं ॥५॥

[१३२७]

ढक्क-तंवक्क-बुक्काहिं वहिरिय-दिसो ।  
 पविसिउं पल्लि-मज्झम्मि गुरु-अमरिसो ॥  
 पिहिवि दाराइं नीसंकु जा गेणहए ।  
 रयण-धण-कणय बहु-वत्थए सण्हए ॥६॥

[१३२८]

ताव नणु पल्लि-मज्झम्मि स-वलो वि इहु ।  
 संखु सु पविट्ठु हुउ इय विचितेवि लहु ॥  
 सिरि-समरकेउ पल्लि-प्पहू चउ-दिसं ।  
 वेढए सयल-पल्लिं फुरिय-अमरिसं ॥७॥

[१३२९]

एत्थ-अंतरि कुमारो वि नय-निउणओ ।  
 मुणिय-नीसेस-पल्लिवइ-कय-अविणओ ॥  
 नियय-चउरंग-सेणाए तं पर-वलं ।  
 तुरिय वेढेइ कायव्वया-वाउलं ॥८॥

[१३३०]

तयणु पल्लि-प्पहू खुहिय-मण-पसरओ ।  
 रुद्ध-नीसेस-निग्गमण-वावारओ ॥  
 गरुय-भय-विहुरु गइमन्नमनियंतओ ।  
 तरल-नयणेहिं दिसियक्कु पेक्खंतओ ॥९॥

[१३३१]

गलिय-अहिमाणु परिचत्त-सयलाउहो ।  
 आगओ संख-कुमरस्सु लहु सस्सुहो ॥  
 विण्णवेई य सिरि रइय-कर-संपुडो ।  
 नाह जइ वि हु अहं हुयउ अइ-वंकुडो ॥१०॥

[१३३२]

तह-वि पसिऊण मह खमह अवरद्धयं ।  
 रक्खह य नाह इह मममहम-चिंधयं ॥  
 सज्जणा जन्न अवयारयस्मि वि जणे ।  
 खामिया धरहि अ-पसाउ कहमवि मणे ॥११॥

[१३३३]

सारु जं कि-चि चिट्ठेइ मह मंदिरे ।  
 तमवि सयलं पि तुब्भे कुणह निय-करे ॥  
 जस्सु पणमिरिण लोगिण सिरो दिज्जए ।  
 तस्सु किं कह-वि लोयणु वहिं किज्जए ॥१२॥

[१३३४]

नियय-इच्छाए विसमे वि कज्जे अहं ।  
 आइसेयव्वु सामिय तए पच्चहं ॥  
 सारु साहीण-वाहणह जं एत्तिउं वि ।  
 पुव्व-पुरिसेहि वणिणउ स-सत्थेहिमवि ॥१३॥

[१३३५]

इय सुणेऊण संखो वि पर-हिय-रुई ।  
 देइ पट्ठीए तसु हत्थु उत्तिम-मई ॥  
 किंतु धण-कणय-रयणाणि तसु मंदिरह ।  
 गहिवि स-प्पच्चयं दिण्ण मुसियह जणह ॥१४॥

[१३३६]

सेसु घर-सारु पल्लि-प्पहुहु संतियउ ।  
 नियय-भंडारि संगहिवि लहु घत्तियउ ॥  
 तयणु अभयं पयच्छेउ पल्लि-प्पहुं ।  
 कुमर-पुरओ विहेऊण चल्लिउ लहुं ॥१५॥

[१३३७]

कमिण पत्तो य एगाए पल्लीए सो ।  
 सरय-रयणियर-कर-विमल-पसरिय-जसो ॥  
 अह जहा-जोगु विणिवेसियाखिल-वलो ।  
 लेइ आवास सो तत्थ विहलिय-खलो ॥१६॥

[१३३८]

तयणु मुणिऊणमिव संख-सूरुग्गमं ।  
 विहल-कर तरणि वच्चइ दिसं पच्छिमं ॥  
 अह नहस्सरि-समीवाओ रवि-कामुयं ।  
 वाहरेउं व पच्छिम-मयच्छी दुयं ॥१७॥

[१३३९]

धम्म-कम्मेसु संठविय सावय-मुणि ।  
 आणवइ संझ-दूइं सउंत-ज्झुणि ॥  
 तयणु पच्छिम-वहू-राय-रंजिय-तणू ।  
 अत्थमणु पत्तु दिणयरु दुहाविय-जणू ॥१८॥

[१३४०]

तिमिर-भरु फुरिउ नीसेस-दिसियंतरे ।  
 सव्वओ नं निसेहेइ पह-संचरे ॥  
 अह वियंभेइ कोसिय-कुलं नहयले ।  
 विरसु विरसंति सिव-नियर धरणीयले ॥१९॥

[१३४१]

नलिणि-रमणीओ भमरोलि-परिउज्झिया ।  
 चक्क-रव-मिसिण नं रुयहिं पिय-विरहिया ॥  
 फुरिय परदारि-तक्कर-पमुह दुज्जणा ।  
 रयणि-रमणी वि वित्थरिय सव्वप्पणा ॥२०॥

[१३४२]

संख-कुमरो वि सेज्जायले संठिओ ।  
 साहु-कह-सवण-बुद्धीए समहिट्ठिओ ॥  
 सचिव-तणयं मइप्पहु ति अभिहाणयं ।  
 भणइ - नणु कहसु मह किं-पि अक्खाणयं ॥२१॥

[१३४३]

तयणु सीसम्मि संठविय-कर-संपुडो ।  
 भणइ सचिवंगरुहु चत्त-मण-वंकुडो ॥  
 देव तुम्हाण सविहम्मि नणु को णु हउं ।  
 तह-वि निसुणेह संखेवओ जिह कहउं ॥२२॥



(६) [१३४४] एत्तो उ पच्छिम-दिणे जिण-समय-विसारण एगेण ।  
सु-स्सावगेण कहिया महासि (?) रइसुंदरीए कहा ॥१॥

[१३४५] सा उण इम त्ति अवहिय-हियया होउं सुणेह मह पसिउं ।  
नणु कहसु कहसु इय भणिरम्मि कुमारे वयइ इयरो ॥२॥

तहा हि-

[१३४६] उज्जेणीए पुरीए अहेसि गिरि-मेहल व्व बहु-कूडा ।  
बहु-लोहा य तुला इव परमक्का मयरदट्ठ त्ति ॥३॥

[१३४७] तए य जय-नियंविणि-समहिय-लायण-रुव-सिंगारा ।  
रइसुंदरि त्ति अभिहाण-विस्सुया आसि दुहिय त्ति ॥४॥

[१३४८] सा उण करिवर-मुल्लं विणा न गेण्हेइ पुरिस-गरहणयं ।  
वीय-दिणम्मि य सेवइ न मयण-सरिसं पि तं पि नरं ॥५॥

[१३४९] निय-चंगिम-गव्वेण य लीहं पि न देइ इयर-गणियाणं ।  
एवं च तीए वट्ठंतीए वच्चंति दियहाइं ॥६॥

[१३५०] अन्न-दिणे वेसमणो मयणो य दुवे वि नंदण-वणम्मि ।  
गंतूण कयाणंदा बहुहा कीलेउमाहत्ता ॥७॥

[१३५१] एत्तो य तेसि पुरओ भणियं एगेण सुर-विसेसेण ।  
नणु रइसुंदरिसुज्झिय किमियर-कीलाहिं तुम्हाण ॥८॥

[१३५२] किं तु न सा निय-महिमा-अवहत्थिय-तियस-तरुणि-सुंदेरा ।  
तियसाहिव पि सेविय-पुव्वं सेवेइ वीय-दिणे ॥९॥

[१३५३] करिवर-मुल्ल च विणा गरहणयस्स वि न ओद्धए हत्थं ।  
चिट्ठइ य इमा उज्जेणीए नयरीए वर-गणिया ॥१०॥

[१३५४] अह ईसि विहसिऊणं वेसमणो भणइ — वार-विलयाणं ।  
न ञडइ इमं जओ जो बहुययरं वियरइ इमासिं ॥११॥

[१३५५] तमिमाओ बहुयरमवि कालं सेवंति विहव-इच्छाए ।  
जह न इमं पडिच्चजह ता चलह हरेमि संदेहं ॥१२॥

[१३५६] अह भणियमणंगेणं — मा भणसु इमं तुमं पि वेसमणो ।  
गणिया विहव-पिय च्चिय एसो जं लोइय-पवाओ ॥१३॥

[१३५७] परमत्थेणं तु फुडं सोहग्गि-पियाओ होंति एयाओ ।  
माणेंति पुणो धणयं जं तं अक्काणुवित्तीए ॥१४॥

[१३५८] वेसमणोऽह सहासं पभणइ — नणु जइ इमं तओ मयणो ।  
सोहग्गिय-सिरि-तिलओ तं चिय एयम्मि संसारे ॥१५॥

[१३५९] किं तु सुणिस्सामि अहं जइ वीय-दिणे वि तं तुमं भयसि ।  
इय विवयंताऽनोन्नं दो वि-हु वेसमण-मयणा ॥१६॥

[१३६०] उज्जेणीए पुरीए पत्ता आवासिया य एगत्था ।  
ता सविसेसायणिय-रइसुंदरि-गणिय-वुत्तंतो ॥१७॥

[१३६१] पढमम्मि दिणे मयणं अणुजाणावेउ विहिय-सिंगारो ।  
रइसुंदरीए भवणे संपत्तो वेसमण-जक्खो ॥१८॥

[१३६२] अह एगदंति-दोदंति-सव्वगासाभिहाण-अक्काओ ।  
अक्खुडिर-प्पडिराओ समुहाओ उवेंति से सहसा ॥१९॥

[१३६३] तव्वयणेण य काओ वि चेडीओ मुयंति कुसुमग्घं ।  
काओ वि रयण-कंचण-सीहासणयं पयच्छंति ॥२०॥

[१३६४] काओ वि चलण-सोयं कुणंति वियरंति वायमवराओ ।  
किं बहुणा तह विहिया पडिवत्ती तस्स तार्हि तथा ॥२१॥

[१३६५] जह सो सुर-मंदिरमवि तिण-लव-तुल्लं गणेइ वेसमणो ।  
अह कय-सिणाण-भोयण-विलेवण-प्पमुह-सामग्गी ॥२२॥

[१३६६] उवरिम-मणिमय-कुट्टिम-तलोवविट्ठाए असम-रूवाए ।  
नीसास-वाय-बुब्भंत-परिहियासेस वत्थाए ॥२३॥

[१३६७] जय-तरुणाणं मण-मोहणीए रइसुंदरीए सविहम्मि ।  
संपत्तो पढमं पि-हु वियरिय-दस-लक्ख-आहरणो ॥२४॥

[१३६८] ता सविसेसं रइसुंदरीए स-विलास-हास-वयणेहिं ।  
नह-दंत-छेय-परिरंभणेहि रमियं समंतेण ॥२५॥

[१३६९] तह कह-वि जहा चउ-जामा वि निसा अइगया मुहुत्तं व ।  
वेसमणोऽह विचित्तइ - नणु किं मह अमर-तरुणीहिं ॥२६॥

[१३७०] किं वा तेणं सुर-मंदिरेण जइ हवइ निच्चमवि एसा ।  
कप्पहुम-छायाए निवसेउ मरुम्मि को रमइ ॥२७॥

[१३७१] निवसइ सज्जणु जत्थ वणि तं रण्णु वि सुर-गेहु ।  
हियडा ता दोहिं वि करिहिं ठावडुलउं इहु लेहु ॥२८॥

[१३७२] इय तत्थ कय-थिरासो वेसमणो उग्गयम्मि दिण-इंदे ।  
तरुणि अणुजाणाविय घराओ नीहरइ कज्ज-वसा ॥२९॥

[१३७३] अणुमग्गेण य निय-सामिणीए वयणेण चेडिया एगा ।  
स-विणयमुल्लवइ पुरो गंतुं वेसमण-जक्खस्स ॥३०॥

[१३७४] जह - अज्ज सामि तुमए निययावासम्मि चेव वसियव्वं ।  
मह सामिणी उ एक्कसि सेविय-पुव्वं न सेवेइ ॥३१॥

[१३७५] तयणु विसायावन्नो वेसमणो चित्तए - अहह विहलो ।  
हूओ धण-व्वओ तह अ-ट्ठाण-परिस्समो मज्झ ॥३२॥

[१३७६] जाओ य एस सव्वो मह चेवाहाणगो जण-पसिद्धो ।  
जह भक्खिओ य काओ अजरामरया य नो जाया ॥३३॥

[१३७७] परमिह धुत्तो सुत्तो घोरइ पुक्करइ नालिओ मुट्ठो ।  
इय होज्ज जं व तं वा किं एत्तो तीरण काउं ॥३४॥

[१३७८] इय चित्तिरो य गंतुं पुरओ मयरज्झयस्स वेसमणो ।  
सयलं पि स-वुत्तंतं साहइ मउलिय-मुहंवरुहो ॥३५॥

[१३७९] ता वित्तमसरु पभणइ - नणु भणियं चेव पुरोऽत्थि मए ।  
जह सोहग्ग-गुणेणं जइ वंधिज्जंति गणियाओ ॥३६॥

[१३८०] नणु जइ एवं ता तुह अवरो नत्थित्थ जीव-लोगम्मि ।  
सोहग्गिय-सिरि-तिलओ इय तोलसु तं पि अप्पाणं ॥३७॥

[१३८१] तत्तो - नणु जइ नेयं भुंजामि निरंतरं जहिच्छाए ।  
तो निय-अभिहाणं पि-हु तुह पुरओ नूण न वहेमि ॥३८॥

[१३८२] इय विहिय-गुरु-पइण्णो तग्गोयरमागओ कुसुमचावो ।  
सल्लइ य स-रोसं निय सरेहिं रइसुंदरि-सरीर ॥३९॥

[१३८३] अह सहसा विसमाउह-सर-सल्लिय-तणु-लया निवडिया सा ।  
सुद्धम्मि धरा-वीढे अप्पाणं पि-हु अ-चेयंती ॥४०॥

[१३८४] मयणो वि सणिय-सणियं पच्छिम-पहमक्कमेउमाढत्तो  
अह एगदंति-दोदंति-मयरदट्ठाइ-अक्काओ ॥४१॥

[१३८५] हा हा हयम्हि हा हा हयम्हि इय जंपिरीउ धावेउं ।  
रइसुंदरीए सिसिस्वयारे काउं पयट्ठाओ ॥४२॥

[१३८६] ता किं-चि पत्त-सण्णा जंपइ रइसुंदरी-अहह अंवो ।  
आणेसु कुसुमचावं धरिऊण करम्मि नरमेयं ॥४३॥

[१३८७] अन्नह निस्संदेहं पेच्छंतीए वि तुव्वम अइरेण ।  
एय-नर-संग-सुहमलहंता जाहिति मह पाणा ॥४४॥

[१३८८] तयणु स-वेडीओ वि-हु अक्काओ चविऊण विसमसरं ।  
आणेउ वेत्तु हत्थे मुयंति रइसुंदरीए पुरो ॥४५॥

[१३८९] अह सा तस्संगम-सुह-संपत्त-सुहासिया निसमसेसं ।  
अइगमइ विविह-कीला-विणोय-जोगेण साणंदं ॥४६॥

[१३९०] नूणमिमा मह संगम-विरहम्मि न जीविहि त्ति सयमेव ।  
जा-जीवं पि स-सविहे ममं धरेहि त्ति चिंतंतो ॥४७॥

[१३९१] कज्जतरमुद्धिसिउं मयणो कुट्टिम-तलाओ उत्तरइ ।  
जा ताव तन्निउत्तय-वेडीहिं से पुरो भणियं ॥४८॥

[१३९२] नणु तुव्वेहिं रइसुंदरीए चिंता न का-वि कायव्वा ।  
वसियव्वं च सुहेणं आवासे अज्ज निययम्मि ॥४९॥

[१३९३] तो स-विसेसं स विलक्ख-माणसो हरिय-रज्ज-रिद्धि व्व ।  
विमणुम्मणो पहुत्तो मयणो वेसमण-सविहम्मि ॥५०॥

[१३९४] कहइ य निय-वुत्तंतं तत्तो ते दो-वि चित्तमावडिया ।  
स-विलक्खमुल्लवंता कहिं-चि चिट्ठंति सुन्न-हरे ॥५१॥

[१३९५] एत्थंतरम्मि विहिणो निओगओ मूलएव-अभिहाणो ।  
धुत्त-तिलओ पहुत्तो तेसि दुवेण्हं पि सविहम्मि ॥५२॥

[१३९६] पुट्ठं च तेण - नणु किं तुब्भे अच्चंत-दुक्खमावन्ना ।  
दीसह अह दो वि-हु ते कहेति निय-वइयर तस्स ॥५३॥

[१३९७] अह ईसीसि हसंतो धुत्तो वज्जरइ - अहहतुब्भे वि ।  
थी-मेत्तेण इमेणं चिट्ठह अवमाणिया एवं ॥५४॥

[१३९८] ता जंपियमियरेहि - इमं भणंता-तुमं व अम्हे वि ।  
किंतु दलिओऽहिमाणो एण्हि एईए अम्हाण ॥५५॥

[१३९९] तुब्भ वि जाणिस्सामो सम्मं धुत्तत्तणं जइ इमीए ।  
समगं भुंजसि भोए दो-तिण्णि वि वासराइं ति ॥५६॥

[१४००] नणु जइ समगं रइसुंदरिए जा-जीवमवि न भुंजामि ।  
पच-चियप्पे विसए तो नाहं मूलए वोत्ति ॥५७॥

[१४०१] किं पुण ठायव्वं इह तुब्भेहिं कित्तियाइं वि दिणाइं ।  
तक्कालमोयणो वि न सिज्जेइ लुहालुय-वसेण ॥५८॥

[१४०२] इय दढ-कय-प्पइणो कं-पि उवायं मणे विणिच्छेउं ।  
उत्ताराविय केसे जज्जर वत्थाणि परिहेउं ॥५९॥

[१४२३] किंतु कुणसु तरुणित्थी-रुवं गेण्हेसु चूडियं हत्थे ।  
तस्सविहे वि निलुक्केऊणं चिट्ठेज्ज एगत्थ ॥८०॥

[१४२४] इय कय-संकेओ सो तद्देव काऊण समगमक्काए ।  
करयल-जुयलुप्पाडिय-चूडियओ तप्पिहिय-वयणो ॥८१॥

[१४२५] मणिमय-उवरिम-कुट्टिम-तलम्मि रइमुंदरीए सुत्ताए ।  
सविहम्मि गंतु संपिडियंगुवंगो उवविसेइ ॥८२॥

[१४२६] तस्सुवरि निवेसिय-गुरु-चूडियगे झत्ति निवसए अक्का ।  
खण-मेत्तेण य सुत्त-विउद्धाए भणियमियरीए ॥८३॥

[१४२७] नणु अंवो किह तुम्भे चिट्ठेइ इह त्ति तयणु परमक्का ।  
इयरियर-वयण-वित्थर-मज्झे रइमुंदरिं खिविउं ॥८४॥

[१४२८] भणइ - नणु वच्छि वसुहा-वलए सयले हसिज्जइ जणेण ।  
को-वि भणइ - दढमेसा निय-चंगिम-गव्वमुव्वहइ ॥८५॥

[१४२९] अन्नयरो भणइ - इमा अणुयत्तेउं मुणेइ न छइल्ले ।  
तेणेव इमं वेड्डयमवलंवेऊण चिट्ठेइ ॥८६॥

[१४३०] अवरो उ भणइ - एसा विरसा निल्लक्खणेक्क-कुक्खी य ।  
कहमन्नह स-घराजिर-ठिए चयइ मयण-वेसमणा ॥८७॥

[१४३१] इय वच्छि कहसु केण-वि जेण निमित्तेण वहसि नियममिमं ।  
जह अहमवि-हु अ-याणुय-जणाण वयणं अवगणेमि ॥८८॥

[१४३२] तयणु थुडुंकिय-वयणा जंपइ रइमुंदरी - भणउ लोगो ।  
जं वा तं वा अंवो तुम्हं किमिमाए तत्तीए ॥८९॥

[१४३३] नणु पडिकूलं जइ तुह समुहं को वि-हु खिवेइ दिट्ठिं पि ।  
ता हं तस्स कवाले चडेउमिच्छामि धुवं ॥९०॥

[१४३४] एत्थ पुणो अ-वियाणिय-परमत्था कस्स किं करेमि अहं ।  
ता निच्च-मन्नियाए स-माउयाए कहसु तत्तं ॥९१॥

[१४३५] इय बहु-विह-वयण-परंपराहिं सव्भावमाणिया संती ।  
सोहाविय इयर-जणं सुय-सारिय-चेडियाईयं ॥९२॥

[१४३६] इयरस्स न जा-जीवं कहियव्वमिमं ति सवह-विहि-पुव्वं ।  
रइसुंदरी स-वइयरमुल्लविउमिमं समाढत्ता ॥९३॥

तहा हि -

[१४३७] हिमगिरि-तडम्मि वियडे वण-गहणे भूय-सिहरि-सिहरम्मि ।  
एगम्मि महा-नीडे विजिएयर-नीड-वित्थारे ॥९४॥

[१४३८] अहमासि पुव्व-जम्मम्मि सारसी सह निएण दइएण ।  
पालिंती य स-किंठय-जुयलं कालं गमावेमि ॥९५॥

[१४३९] अह अन्नया य निय-पिययमेण सम-सुह-दुहेण वि-हु कइ-वि ।  
विहिणो वसेण दावानलम्मि संपत्त-पसरम्मि ॥९६॥

[१४४०] किंठय-उवरि-निवेसिय-पक्ख-जुया नीडयम्मि सुह-सुत्ता ।  
परिहरियाऽहं दइयं स-जीवियव्वं कुणंतेण ॥९७॥

[१४४१] दावग्गिणा वि अ-वियक्किएण सव्वत्थ वित्थरंतेण ।  
मह-पक्खार्हि सहस च्चिय नीडं निदइहमइरेण ॥९८॥



[१४०३] तरणिम्मि अणुदयंते गहिऊणं कुसुम-सलिल-छगणाई ।  
गंतूण मयरदट्टा-कुट्टणि-भवणम्मि अणु-दियहं ॥६०॥

[१४०४] वियरेऊण च्छडयं गुंहलियं काउ सत्थिए दाउं ।  
नव-नव-विच्छित्तिए कुसुम-प्पयरं च मोत्तूणं ॥६१॥

[१४०५] अवरं पि रेणु-कयवर-तणाइ नीसेसमवि अवहरेउं ।  
कुट्टणि-चेडीहिं पि-हु अ-मुणिज्जंतोऽणु-दियहं पि ॥६२॥

[१४०६] आगच्छइ निय-भवणे स धुत्त-चूडामणी अहऽन्न-दिणे ।  
सा मयरदट्ट अक्का पढमयरं उट्टिया संती ॥६३॥

[१४०७] तह-रुवमसेसं पि-हु स-मंदिरं पेक्खिऊण स-वियक्कं ।  
पुच्छइ चेडीओ जहा - कोऽणु-दिणं मह घरे एवं ॥६४॥

[१४०८] महिमं करेइ एरिसमह भणियं चेडियाए एगाए ।  
सम्मं न मुणिज्जइ परमंवो इह अणुदिए खरे ॥६५॥

[१४०९] परिमुंड-मुंड-तुंडो परिहिय-जर-चीवरो तुरिय-तुरियं ।  
काऊण इमं वच्चइ पभाय-समए नरो एगो ॥६६॥

[१४१०] अह नूण डमो चोरो चारो पर-दारिओ व्व को-वि नरो ।  
किं-चि वि महेइ मह पुरओ त्ति मुणेऊण स-मईए ॥६७॥

[१४११] आणत्ताओ चेडीओ जह - अहह अज्ज सव्व-जत्तेण ।  
धरिऊण मह पुरो सो आणेयव्वो महा-पुरिसो ॥६८॥

[१४१२] अह वीय-दिणे रयणी-पच्छिम-पहरम्मि ताउ चेडीओ ।  
जगंतीओ तप्पहमवलोएंतीओ चिट्ठति ॥६९॥

[१४१३] पत्तो य मूलएवो निय-ससए तयणु तं तह विहेउं ।  
जा चलिओ निय-भवणाभिमुहं ता अवक-चेडिहिं ॥७०॥

[१४१४] नणु हंत कत्थ वच्चसि पविसेउं पर-घरम्मि पइ-दियहं ।  
इय भणिरीहिं धरिउं नीओ पुरओ स-अक्काए ॥७१॥

[१४१५] तीए वि उदार-रूवं तरुणं तं तारिसं निरिक्खेउं ।  
भणियं — नणु वच्छ कहं मह कुणसि तमेत्तियं भत्ति ॥७२॥

[१४१६] अहव किमन्नेणं तुह तुह म्हि वरेसु इच्छिय-वरं ति ।  
गरुयाण चलण-सेवा न निप्फला होइ कइया-वि ॥७३॥

[१४१७] अह भणइ मूलएवो — तुमए तुहाए किन्न संपडइ ।  
किं पुण सग्गिज्जइ ता जइ न कुणसि पत्थणा-भगं ॥७४॥

[१४१८] अह कुट्टणीए भणियं — किह वच्छ पुणो पुणो पयंपेसि ।  
तुरियं वरेसु इच्छियमहलं न हविस्सए नूणं ॥७५॥

[१४१९] ता मूलएव-धुत्तो महा-पसाउ ति जंपिरो भणइ ।  
नणु केण कारणेणं तरुणी रइसुंदरी पुरिसं ॥७६॥

[१४२०] एक्कसि सेविय-पुव्वं न सेवए पुण-वि सुरवइ-समं पि ।  
एत्तिय-मेत्तं साहसु मह जइ सच्चं पसन्ना सि ॥७७॥

[१४२१] अह धुणिय-उत्तिमंगा पयंपए कुट्टणी जहा — वच्छ ।  
रइसुंदरी न साहइ पुच्छिज्जंती वि मह वि इमं ॥७८॥

[१४२२] अहवा जइ निव्वंधो तुह ता संचलसु जह तुह वि पयडं ।  
पत्थुय-अत्थि रइसुंदरीए सविहम्मि पुच्छामि ॥७९॥

[१४४२] ता दइह-पक्ख-जुयला स-किंटया उड्डिउं अ-तरमाणी ।  
दाह-दुहाओ वि गुरुणा पिय-विरह-दुहेण झिज्जंती ॥१९॥

[१४४३] हा हा निग्घिण पिययम निग्घिण पिययम इमेरिसे विसमे ।  
उज्झिउमिमं स-किंटयमवि कत्थ तुमं पउत्थो सि ॥१००॥

[१४४४] नेहस्स तस्स ललियस्स तस्स तस्स य नियय-वत्तस्स ।  
किं दइय तए विसमे निदंसिओ एस परिणामो ॥१०१॥

[१४४५] अहवा न तुज्ज पिययम दोसो दासो इमस्स हय-विहिणो ।  
जेणं न डिम-रूवाणमवि इमाणं कया करुणा ॥१०२॥

[१४४६] खण-रत्त-सरूवेणं पुरिसेणियराओ अवि चइज्जंति ।  
न-उण वि वक्कर-वत्ता दवइ इमा सम्मुह-विहिम्मि ॥१०३॥

[१४४७] जइ वा किं कुणइ पिओ किं व विही-कोव भरमुवगओ वि ।  
समुहीहवंति कहमवि जइ पुव्व-कयाइं सु-कयाइं ॥१०४॥

[१४४८] इय करुणं विलवंती पिकखंती चलवलंत-डिंभाइं ।  
वयणेण खेय-दुहवकंता दावेण डज्जंती ॥१०५॥

[१४४९] मरिज्जण अहं अंओ जाया एस म्हि तुज्ज दुहिय त्ति ।  
अवरम्मि अवसरे विहि-वसेण एत्थोवविट्ठाए ॥१०६॥

[१४५०] दिट्ठं सारस-जुयलं कुरुलंत नहयलेण वच्चंतं ।  
अन्नोन्न-दुहवकंत अतरियं गरुयसग्गेण ॥१०७॥

[१४५१] अह कत्थ दिट्ठ-पुव्व-पुण्हूय-पुव्वा य एसिवावत्था ।  
इय चिंतंतीए मए नियया जाईं सुमरिय त्ति ॥१०८॥

[१४५२] ता धिसि धिसि पुरिसाण खण-रत्त-विरत्त-चित्त-पसराणं ।  
जे मरमाणीण वि अवलाणं चित्तं पि न कुणंति ॥१०९॥

[१४५३] परमेहिं किं काउं अवरं तीरइ इहोववन्नाए ।  
इय चित्तंतीए मए कुडुंव-निव्वाह-मेत्तमिमं ॥११०॥

[१४५४] एक्कसि एक्को पुरिसो सेवेयव्वो त्ति अत्थि पडिवन्नं ।  
दव्वेण भावओ उण सेवेमि न एक्कसिं पि नरं ॥१११॥

[१४५५] इय अंवो तुज्झ मए कहिओ निय-नियम-वइयरो सयलो ।  
तुमए उण नो कस्स वि कहियव्वो जाव-जीवं पि ॥११२॥

[१४५६] अह पडिवन्नम्मि इमे विम्भिय-हिययाए मयरदहाए ।  
उद्दिसिय देह-चित्तं उट्ठइ रइसुंदरी तरुणी ॥११३॥

[१४५७] दिट्ठि-पहाइ ककंताए तीए सहस त्ति मूलएवो वि ।  
चूडियमुप्पाडेउं स-ट्ठाणे नेउ मुत्तूण ॥११४॥

[१४५८] नूणं सिद्धं सज्झं ति चित्तिरो कुट्टणीए पणमेउं ।  
गंतुं निययम्मि घरे चित्तयरं वाहरावेउं ॥११५॥

[१४५९] चित्त-पडए लिहाविय हिमालयं तत्तले य वण-गहणं ।  
तम्मज्झे वहु-पत्तल-साहालं गरुय-सहयारं ॥११६॥

[१४६०] तस्स सिहर-साहाए सारस-नीडं पुणो अइ-महल्लं ।  
तम्मज्झे उण सारस-जुयलं सह-किटय-जुएण ॥११७॥

[१४६१] एगत्थऽन्तत्थ पुणो डज्झिर-सहयार-पायव-तलम्मि ।  
विहडंत-चंचु संपुडमंक-हिय-साव-जुयलिल्लं ॥११८॥

[१४६२] निहृदोभय-पक्खं सारसिमेगं पहीण-चेयन्नं ।

तह करुण-नयण-वेविर-गल-नालं दलिय-पक्ख-पुडं ॥११९॥

[१४६३] चंचु-कय सलिल-पूरिय-तामरसिणि-पत्त-पुडयमग-गयं ।

अवगणिय-जीवियव्वं सारसमेगं लिहावेइ ॥१२०॥

[१४६४] तस्स य चित्तस्स अहो गाह-चउक्कं इमं लिहावेइ ।

नीसेस-सेस-धुत्त-सिरोमणी मूलएवो सो ॥१२१॥

जहा —

[१४६५] हय-विहि-निओइ ओलूय-चंचु-संपुड-कयंत-भवणाओ ।

कह-कह-वि लुट्टिऊणं पिया-सगासम्मि आगमिरो ॥१२२॥

[१४६६] इच्छामि मीलियच्छं स-किंठयं डज्झिरं निणउ पियं ।

आणिय-जलो वि तीए उवयारं काउमसमत्थो ॥१२३॥

[१४६७] तत्थेव दवे पडिउं लहुं मओ एस सारस-हयासो ।

सा उण अ-मुणिय-पीडा न कुणेइ कहं पि स-पियस्स ॥१२४॥

[१४६८] तह वि-हु तमुज्झिऊणं जइ जलण-सिहे वलगइ महंगे

इय पसिऊणं मह विहि कहसु कहिं चिट्ठइ पिया सा ॥१२५॥

[१४६९] इय चित्त-पडं काऊण करयले मूलएव-धुत्तो सो ।

गहिलाण वेसमवलंघिऊण कय-डिंभ-परिवेढो ॥१२६॥

[१४७०] जह तरुणीओ वहुओ ता मह किं निय-पियाए विरहेण ।

इय भणिरो पुणरुत्तं पुरीए परिभमिउमाढत्तो ॥१२७॥

[१४७१] अवर-दिणम्मि य गमिरो अग्गिम-मग्गेण डिंभ-परियरिओ ।

रइसुदंरीए दिट्ठो अह — नणु किमिमम्मि चित्त-पढे ॥१२८॥

[१४७२] लिहियं कह वा एसो एवं भणइ ति चितयंतीए ।  
चेडीहिं तो कहमवि आणीओ अप्पणो पुरओ ॥१२९॥

[१४७३] अह चित्त-पडयमवलोइऊण ददूणमप्पणो चरियं ।  
वाएऊण य गाहाओ ताओ वियसंत-मुह-कमला ॥१३०॥

[१४७४] अहह नणु मह पिओ वि-हु मह पट्टीए मओ ति चितंती ।  
स-विलक्खं जंपइ-नणु लिहियमिणं केण मह चरियं ॥१३१॥

[१४७५] नहि मज्झ पिययमाओ अवरो चरियं इमं मुणइ को-वि ।  
इय भइ कहसु को एस वइयो अह भणइ इयो ॥१३२॥

[१४७६] जइ तरुणीओ वहुओ ता मह किं निय-पियाए विरहेण ।  
इय पुणरुत्तं ववगय-लक्खं तं चेव जंपतो ॥१३३॥

[१४७७] काउं रहमियरीए पुट्टो सो तह-वि तं चिय भणेइ ।  
अह नणु सो चेव इमो मह दइओ सारसो कह-वि ॥१३४॥

[१४७८] संजाय-जाइ-सरणो वियलत्तमुवागओ मह विओए ।  
इय चितंती धरिउं करे विसेसयरमुल्लवइ ॥१३५॥

[१४७९] देवय-गुरु-सवएहिं सविऊण जहा - महा-पुरिस सम्मं ।  
मह चेव चरियमेयं जेण य लिहियं स मह भत्ता ॥१३६॥

[१४८०] जीवामि इह-गयाहं सेवामि य एक्कसिं वहु-पुरिसे ।  
गइमन्नमपेच्छंती गणिय-गिहे पत्त-जम्मं ति ॥१३७॥

[१४८१] परमत्थेण पुणो मह जीयं पंच-विह-विसय-सुक्खं च ।  
अखलिय-पसरं होही जइ तेण चिय मह पिएण ॥१३८॥

[१४८२] अह पुव्वुत्तं वयणं भणिरो - नणु मुयसु मुयसु मह इत्थं ।  
जं जइ स-पिया-विरहे मह अंगे लग्गिही जलणो ॥१३९॥

[१४८३] एएसिं पुण कइयव-वयणेण न उत्तरं पि वियरेमि ।  
एसो उ पडो लिहिओ मए चरित्तं पि मह एयं ॥१४०॥

[१५८४] निय-दइया-अवलोयण-कयए य सव्वत्थ परिभमामि अहं ।  
जंपंति य मह चरियं इमं ति वहुयाओ तरुणीओ ॥१४१॥

[१४८५] कि पुण न का-वि स-प्पच्चयं चरित्तं कहेइ पुव्विल्लं ।  
जइ पुण सच्चं चिय तुमं तओ कहसु पत्तेय ॥१४२॥

[१४८६] को एस महा-सिहरी का वेस महाडवी तरु को वा ।  
चत्तारि सारसाइं एयाइं काइं कह वेसो ॥१४३॥

[१४८७] निय-चंचु-संपुड-द्विय-जल-पत्त-पुडो दवम्मि पडिऊण ।  
दीसइ पज्जंत-दसं पत्तो सारस-वराओ त्ति ॥१४४॥

[१४८८] अह जं अहेसि कहियं कुट्टणि-पुरओ तमक्खियमसेसं ।  
ता जा मुत्तुं सुत्तं ममं गओ कत्थ वि पिओ त्ति ॥१४५॥

[१४८९] सम्मं पइ-वुत्तंतं न मुणामि समासओ उ मुणियमिमं ।  
गाहा-चउक्क-दंसणओ जह मह चेव विरहेण ॥१४६॥

[१४९०] वयणाणक्खेय-दुहक्कंतो पंचत्तमुवगओ दइओ ।  
इय जइ सच्चं चिय तुह चरियमिमं ता कहसु सेसं ॥१४७॥

[१४९१] अह ईसि विहसिऊणं स धुत्त-चूडामणी पयंपेइ ।  
जह तइया स-पियाए सुत्ताए पहरय दिंतो ॥१४८॥

[१४९२] गहिओ अहमवियविकय-समागएणं उलूय-अहमेण ।  
अह विहि-वसेण तेणं लट्ठयरं लक्खमुवलद्धं ॥१४९॥

[१४९३] गय-जीवियं ति साहीणं ति ममं मुणिय कोट्टरे तरुणो ।  
खिविऊण स-कज्ज-कए उड्डीणोलूय-अहमो जा ॥१५०॥

[१४९४] ताव अहं निय-दइयं स-किंटयं सुमरिऊण सुह-सुत्तं ।  
मा को-वि अवाओ से हवेज्ज इय चित्तिरो तुरियं ॥१५१॥

[१४९५] उड्डीय कोटराओ संपत्तो नियय-नीड-सविहे जा ।  
ता दव-झलक्कियं निय-दइयं दट्ठूण महि-वडियं ॥१५२॥

[१४९६] गंतूणं सविह-सरे जल-पत्त-पुडं तुरियमाणेउं ।  
दट्ठुं च मयं दइयं तयणुपहेणं अहं पे मओ ॥१५३॥

[१४९७] जाओ य वेजयंती नयरीए बुद्धिसार-नामस्स ।  
इब्भस्स नंदणोऽहं मइसारो नाम-विकखाओ ॥१५४॥

[१४९८] मह भवणस्स उ सविहे चिट्ठेइ महालओ वडो एगो ।  
तत्थ य उवेति जति य विहय कुलाइं विचित्ताइं ॥१५५॥

[१४९९] अह अन्नया निसाए उवरिम-साहाए तस्स वड-तरुणो ।  
आगंतूणं सारस-मिहुणं आवासियं एगं ॥१५६॥

[१५००] ता विहि-वसेण तत्थागंतु उलूएण अद्ध-रत्तम्मि ।  
तव्वासि-विहय-वग्गो दिसो-दिसिं नासिओ सयलो ॥१५७॥

[१५०१] अह सारसी स-दइयं अ-नियंती कूजिरी करुण-सदं ।  
विविणंतरेसु भमिउं पडिया तत्थेव आगंतु ॥१५८॥



[१५०२] खण-मेत्तेण य पिययम-विओय-दुह-जाय-हियय-संघट्ठा ।  
पत्ता पंचत्तं सा निस्सरणा सारसि वराइ ॥१५९॥

[१५०३] एत्थंतरम्मि अंवर-तलेण विविणंतरेसु परिभमिरो ।  
करुण-सरं कुरुलंतो अ-नियंतो भारियं निययं ॥१६०॥

[१५०४] तस्सेव महा-तरुणो उवरि-पएमम्मि आगओ जा ता ।  
नियइ गय-जीवियव्वं निय-दइयं महियले पडियं ॥१६१॥

[१५०५] करुण-सरं व सुइरं कुरुलंतो सो वि सारस-वराओ ।  
होऊण तीए सविहे पंचत्तं झत्ति पत्तो त्ति ॥१६२॥

[१५०६] अह एस मए कत्थ-वि सु दिट्ठ-पुन्वोऽणुभूय-पुन्वो य ।  
मरमाण-करुण-कुरुलिर-सारस-मिहुणस्स वुत्तंतो ॥१६३॥

[१५०७] इय चित्तंतो मुच्छा-निमीलियच्छो महीए पडिओ म्हि ।  
पाविय-वेयन्नस्स य जाई-सरणं महुप्पन्नं ॥१६४॥

[१५०८] अह — सरिस-सुह-दुहाए दइयाए विओइयस्स मह इमिणा ।  
किं जीविणं किं वा एयाए विसय-सेवाए ॥१६५॥

[१५०९] जीवियमिमं तु तीरइ न कइढिउं अंकुडोए देहाओ ।  
विसय-सुहं पुण पच्चक्खयं विरहेण तीए मए ॥१६६॥

[१५१०] जइ तरुणीओ बहूओ ता किं मह निय-पियाए विरहेण ।  
इय चित्तिरो य इय विळविरो य अवरम्मि दियहम्मि ॥१६७॥

[१५११] सिरि-आसाऊरीए पुरओ निय-नयर-पत्त-देवीए ।  
अ-प्पक्क-घड-सएणं णवण तुह पिययमा करिही ॥१६८॥

[१५१२] कणयाहरणमहं कारिस्सं जइ मेलिसि त्ति भणिऊण ।  
परिहरिय-भत्त-पाणो पडिओऽहं जीविय-निरीहो ॥१६९॥

[१५१३] तइयोववास-अंते तीए पयडीहवेउ मह पुरओ ।  
भणियं जह-वच्छ तुमं वच्चसु उज्जेणि-नयरीए ॥१७०॥

[१५१४] तत्थ य तुह दइया सा मिलिही होही य संगमो सुइरं ।  
कितु निय-मुह-पवन्न तुभेहिं मज्झ दायव्वं ॥१७१॥

[१५१५] इय देवयाए वयणं सोउं सच्चं इमं ति मन्नंतो ।  
आगंतु एत्थ गहिलीहुओ चिट्ठामि परिभमिरो ॥१७२॥

[१५१६] अह लहु-सव्वंग-समुल्लसंत-रोमंच-राइ-चिंचइया ।  
हरिस-वियासिय-वयणा जंपइ रइसुंदरी - नाह ॥१७३॥

[१५१७] नो वितह-वाइणीओ देवीओ कया-वि होति जिय-लोए ।  
इय तीए अहं चिय तुह पिययम कहिय म्हि दइय त्ति ॥१७४॥

[१५१८] ता काऊण पसायं वीसत्थीहोसु उज्झसु विसायं ।  
चिट्ठसु इहेव हवसु य मज्झ तुमं सामिसालो त्ति ॥१७५॥

[१५१९] एयाओ कणय-तेरस-कोडीओ इमा य अहमिमं भवणं ।  
तुम्हच्चयं ति पसिउं निउंजियव्वं स-कज्जम्मि ॥१७६॥

[१५२०] आसाऊरिय-देवीए वि-हु तुभेहिं जं पवन्नं तं ।  
अ-प्पक्क-घड-सएणं सिणाण-कम्मं करिस्समहं ॥१७७॥

[१५२१] एत्तो वि मज्झ वि तुमं पुव्व-भव-प्पिययमं समुभेउं ।  
अंगे लग्गइ जलणो जइ न त्तो ?) सवखमवि इंदो ॥१७८॥

[१५२२] एसो उण वुत्तंतो पिययम कस्स-वि तए न कहियव्वा ।  
जं पुव्व-छइल्लेहिं भणियमिणं पेम-संवंधे ॥१७९॥

[१५२३] प्रिय-संगमि जे गुल्लडा सहि वित्ता एक्कंति ।  
ते गुरु-मंतक्खर-सरिस कहणा कसु वि न जंति ॥१८०॥

[१५२४] तह पिययम संसारे गिरि-गरुवासे स-दोस-भंडारे ।  
एयम्मि वित्तह-वाई पाएण जणो समग्गो वि ॥१८१॥

[१५२५] किं पुण गणिया-वग्गो इय मा तुह मह य लाहवं होज्जा ।  
मज्जे जणाण वित्तहं सयलं पि इमं ति मुणिराण ॥१८२॥

[१५२६] अहयं तु उज्जमिस्सं कहं पि तह जेण विग्घ-विरहेण ।  
तुमए सह मह होही जा-जीवं विसय-सेव त्ति ॥१८३॥

[१५२७] इय विहिय-निच्छया सा रइसुंदरि-कामिणी गणिय-पवरा ।  
पडिवन्न-सयल-वयणस्स धुत्त-तिलयस्स तस्स लहुं ॥१८४॥

[१५२८] नियय-कर-किसलएहिं विण्णाण-प्पगरिसेण य निएण ।  
पहाण-विलेवण-वत्थालंकारे वियरइ स-तोसं ॥१८५॥

[१५२९] इयरो वि-हु पडिवज्जिय-साहाविय-महिम-रूव-विण्णाणो ।  
जाओ उवहसियाखिल-तियसासुर-खयर-माहप्पो ॥१८६॥

[१५३०] ता स-विसेसुल्लासिय-हरिसा सा कं-चि कालमइगमइ ।  
जा ताव महीवइणो जाए पढमम्मि तणयम्मि ॥१८७॥

[१५३१] कलहट्ठ-कए सयलाओ वि-हु तन्नयर-वारविलयाओ ।  
सदावियाओ नरवइ-पहाण-पुरिसेहिं निव-भवणे ॥१८८॥

[१५३२] ता पेच्छणयारंभे मिलिए सयलम्मि पुहइ-पवर-जणे ।  
रइसुंदरीए सुइराहिगयाए स-नट्ट-किरियाए ॥१८९॥

[१५३३] तह तह वियंभियं जह झडत्ति सयलो वि रंग-लोगो सो ।  
जाओ लेप्पमओ इव पणासियासेस-वावारो ॥१९०॥

[१५३४] अह तुट्ठेण निवइणा — मग्गसु मग्गसु वरं ति भणिया सा ।  
पत्तावसरं मग्गिय रहं स-वुत्तंतमक्खेउं ॥१९१॥

[१५३५] विण्णवइ जहा — तं चिय पुव्व-भव-प्पिययमं महिब्भ-सुयं ।  
वियरेसु सामि पसिउं इयरेण उ मज्झ पज्जत्तं ॥१९२॥

[१५३६] अह नरवइणा कुट्टणि-वग्गं भणिऊण तं तहेवकयं ।  
ता स-विसेसं पाविय-रज्ज-समिद्धि व्व साणंदं ॥१९३॥

[१५३७] पयडिय-उज्जेणी-जण-वेसमण-अणंग-मण-चमक्कारो ।  
आसाऊरिय-देवीए काउ तं तह सिणाण-विहिं ॥१९४॥

[१५३८] तक्कारिय-कणयाहरणेणं पडिपुन्न-वंछियत्थेण ।  
नीसेस-धुत्त-चूडामणिण सह मूलएवेण ॥१९५॥

[१५३९] अणवरयं पि हु अ-मुणिय-रयणि-दिणा पंच-भेय-विसय-सुहं ।  
अणुभुंजइ रइसुंदरि तरुणी जय-तरुणि-तिलय त्ति ॥१९६॥

[१५४०] वेसमण-अणंगा उण ते तह तं सच्चवेउ स-विलक्खा ।  
गुरु-विम्हया य होउं उववूहेउं च धुत्तं तं ॥१९७॥

[१५४१] वियलिय-निय-प्पइणा विच्छाय-मुहा पणट्ट-उच्छाहा ।  
रइमलहंता पत्ता निय-निय-ठाणेसु कह-कह-वि ॥१९८॥

[१५४२] धुत्तो वि-हु तीए समं सुहेण काइं-चि दिणाइं अइगमइ ।  
अह अन्नया य तेसिं स-कय-निओएण केणावि ॥१९९॥

[१५४३] पणय-जण-कप्पविडवी संसार-समुह-तारण-तरंडो ।  
काणण-गयाण मिलिओ सूरि सिरि-धम्मघोसो त्ति ॥२००॥

[१५४४] भत्ति-बहु-माण-पुव्वं नमिउं च गुरुं जहोचिय-ट्ठाणे ।  
दोणिण वि ताइं सिरि-कय-कर-कोसाइं निविट्ठाइं ॥२०१॥

[१५४५] अह स-जल-जलय-गहिर-झुणिणा झुणि-नायगेण ।  
पारद्धा धम्मकहा भव-भाव-विराय-संजणणी ॥२०२॥

[१५४६] हेत अणंताइं भाव-पुग्गल परियट्ठ सय-सहस्साइं ।  
कम्म-वसेणं जीवा भसंति मिच्छत्त-तिमिरंधा ॥२०३॥

[१५४७] तं नत्थि किं-पि ठाणं वालग-पमाणमवि भव-वणम्मि ।  
जम्म मरणाइं जत्थ न अणंतसो पत्त-पुव्वाइं ॥२०४॥

[१५४८] तं नत्थि विसय-सोक्खं तज्जणियं इह दुहं पि तं नत्थि ।  
जं जीवेहि न पत्तं न उ लद्धो एस जिण-धम्मो ॥२०५॥

[१५४९] सत्तरि-कोडाकोडी-सायर-उवमाण-मोहणिज्जस्स ।  
वेयणियावरण-हुग-विग्घाण य तीस-उक्कोसा ॥२०६॥

[१५५०] बीस कोडाकोडी नामय-गोत्ताण हवइ परम-ठिई ।  
एएसि य सत्तण्ह वि करणेण अहा पवित्तेण ॥२०७॥

[१५५१] अंतो कोडिकोडिं धरिउं खवियम्मि सेसए जीवा ।  
पावंति कम्म-गंठिं घण-राय-दोस-परिणामं ॥२०८॥

[१५५२] एत्तिय-दूरं च इमे पत्ता सव्वे अणंतसो जीवा ।  
किंतु अउण्णा पुणरवि परिवडिऊणं गया मूले ॥२०९॥

[१५५३] ववंति य परम ठिइं कम्माण पुणो वि संकिलेसाओ ।  
भमिहत्ति भवमभव्वा एवं पुरओ वि सइ-काल ॥२१०॥

[१५५४] आसन्न-काल-भव-सिद्धियाओ अपुव्व-करण-वज्जेण ।  
गिरिमिव गंठि भिंदंति पाविउं धीरियमउव्वं ॥२११॥

[१५५५] अनियद्विय-करण-येत्तो अइसय-सुद्धि-स्सरूव्वमणुहविउं ।  
अंतो-मुहुत्तमह ते मोक्ख-महा-कप्पतरु-मूलं ॥२१२॥

[१५५६] कारणमणंत-सोक्खाण वारणं तिव्व-डुक्ख-लक्खाण ।  
सम्मत्तं कय-उण्णा लहंति रोर व्व रयण-निहिं ॥२१३॥

[१५५७] तं तु गुरु-संगमाओ दुग्गइ-विमुहाण विसय-विरयाण ।  
पयडिय अइयाराणं आसेविय-पायच्छित्ताणं ॥२१४॥

[१५५८] अणुसमय-समुल्लसिरासमाण-संवेय-भाविय मणाण ।  
सग्गापवग्ग-फलयं संजायइ भविय-सत्ताण ॥२१५॥

[१५५९] जे उण विसय-विमढा मिच्छत्ताविरइ-पमुह-पाव-रया ।  
वट्ठंति अ-कज्जेसुं भमंति ते चउ-गइ-भवम्मि ॥२१६॥

[१५६०] परिणाम-पेसलमिणं सुणिउं संवेगमागओ धुत्तो ।  
विण्णवइ जहा — भयवं हविही किं कह-वि मह सुद्धी ॥२१७॥

[१५६१] वेसमण-मयण-वयणुल्लासिय-कूडाहिमाण-नडिएण ।  
धुत्तत्त-गव्वमुव्वहमाणेणं जं मए एसा ॥२१८॥

[१५६२] अच्चंतमसंतमिमं पयडेउ तहा तहा स-वुत्तंत ।  
वेलविउं संगहिया उवभुज्जंती य चिट्ठेइ ॥२१९॥

[१५६३] इय विसय-वेग-उवहय-विवेय-रयणस्स पाव-चरियस्स ।  
मह कह-वि एसिय भयवं पाव-विसुद्धिं करेसु लहु ॥२२०॥

[१५६४] इय करुणुलवंतस्स तस्स लहु मलएव-धुत्तस्स ।  
सिरि-धम्मवोस-गुरुणा दिण्णो जिण-देसिओ धम्मो ॥२२१॥

[१५६५] इय विसय-वेग-घुम्मिय-मणेण वेसमण-मयण-धुत्ताण ।  
दट्ठु विवेद्वियाइं नियय-चरियं च मुणिऊण ॥२२२॥

[१५६६] आयणिणुं च गुरुगो तं अमय-विवाग-सुंदरं वयणं ।  
संजाय-भव-विराया पडिवज्जइ चरण-रयणं ति ॥२२३॥

[१५६७] तदनुक्रमगो गुरु-पद-कमलाराधन-लसन्मनःप्रसरा ।  
प्रकटित-निजातिचारा प्रायश्चित्ताचरण-चतुरा ॥२२४॥

[१५६८] निर्मथित-पाप-पङ्का समुपचित-शशाङ्क-कान्त-सद्धर्मा ।  
इह-परलोकाराधन-निपुणा रतिसुन्दरी जाता ॥२२५॥

इति रतिसुन्दरी-कथानकं समाप्तमिति ॥

\*

[१५६९]

इय सुणेविणु कुमरु साणंदु  
रइसुंदरि-तरुणि-कह फुरिय-गरुय-विम्हय-चमक्किउ ।  
गुरु-वयणिण मुणिवि भव- भावि-भावु हियवइ धवक्किउ ॥  
परिभावंतउ पुणु पुणु वि मणि जिण-सासण-सारु ।  
निय-निय-ठाणि समाणवइ सयल्लु वि निय-परिवारु ॥

[१५७०]

एत्थ-अंतरि विहि-निओएण  
सेज्जायल-संठियउ संख-कुमरु स-सविह-वणंतरि ।  
पसरंतउ करुण-रघु पविसमाणु निय-सवण-अंतरि ॥  
उवलंभिवि सासंक-मणु उट्टिवि खग्ग-सहाउ ।  
वंचाविय-परियण-नयणु लहु तयभिमुहउ आउ ॥

[१५७१]

जाव ता तिण-कुसुम फल-भार-

अइ-वहल-साहा-सहस- वस-निरुद्ध-दिसि-तरुणि-वयणह ।  
 एगस्स सह-दुमह निय-समिद्धि-सच्छन्न-गयणह ॥  
 मूले वइद्ध कवोल-तल- निवडिर-नयण-जलोह ।  
 विलविर बुद्ध महेल इग दिट्ठिय गरुय-दुहोह ॥

[१५७२]

तयण पुच्छिय-कहसु नणु किह णु

तुहुं अंव स-करुण-रवु अ-सरण व्व विलवेसि संपइ ।  
 अह कह-वि महेल तसु पुरउ दीह-नीसासु जंपइ ॥  
 किमहमउणिय करयलह निवडिय-रयण-निहाण ।  
 गलिय-विवेयय तुह पुरउ साहउं पुरिस-पहाण ॥

[१५७३]

अह स-संभसु कुमरु जंपेइ

नणु अंव साहसु फुडउं जमिह तुज्झ करयलह निवडिउ ।  
 किह कीरइ पडिविहि वि जा न सज्झु वयणेहि पयडिउ ॥  
 ता कुमरह दंसण-वसिण किं-चि पयासिय-तोस ।  
 इयरी भणइ-सुणेसु नर- तरणि पणासिय-दोस ॥

तहा हि -

[१५७४]

अंग-जणवय-मज्झि विलसंत-

सुरोदय-राय-सिरि- त्रिउलिमाहि गयणेण सरिस वि ।  
 निरु उदिय-गुरु-बुह-कइहि गयण लच्छि अहरइ असेस वि ।  
 जत्थ य सिरि-वमुज्ज-जिण- इंदह जम्म-दिणम्मि ।  
 नच्चिउ वारविलासिणिहि पलविउ निव्वाणम्मि ॥



[१५७५]

सा कुलायल-तुंग-जिण-भवण-

सिहर-ट्टिय-कणय-सय- कुंभ-किरण-अवहरिय-तस-भर ।  
 चंप त्ति भुवण-प्पयड- नामधेज्ज इह आसि पुरि-वर ॥  
 तत्थ य सूरु वि उवसमिय- महियल जण-संतावु ।  
 सोमु वि अ-प्पणमंत-जण-हियय-डहण वण-दावु ॥

[१५७६]

आसि नरवइ सयल-नय-सत्थ-

पह-पयडण-सहसकरु सुहड-तुरय-रह-करि-समिद्धउ ।  
 मुसुमूरिय-रिउ-नियरु सिरि-जियारि-नामिण पसिद्धउ ॥  
 तसु पुणु आसि ससंक-मुहि छण ससि-निष्मल-कित्ति ।  
 पत्त-पसिद्धि समग्गि जगि नामिण कित्तिमइ त्ति ॥

[१५७७]

तेसि अत्तरिस-विसय-सुक्खांडं

भुंजंतहं बहु-सुयहं उवरि पउर-पत्थणय-जोगिण ।  
 संजाय जयव्भहिय- ख्व एग सुकयाणुहाविण ॥  
 तसु सुय-जम्मस्मि व असम- ऊसव-सहस-पहाणु ।  
 जणणी-जणइहिं वियरियउं जसमइ त्ति अभिहाणु ॥

[१५७८]

जीए रयणिहिं नियय-तणु-किरण-

माल च्चिय दीव-सिह सोह-मेत्तु मंगल-पईव य ।  
 सवणाण विहूसणइं नयण कमल ठिइ-मेत्तमेव य ॥  
 गंड-यल च्चिय तिमिर-हर जगि पडु ससि-रवि-संख ।  
 सवण जि अंदोलय ललिय विहल महुहु आकंख ॥

[१५७९]

जण सुहावहि सुहह नीसास

किं मलयानिल-भरिण दंत किरण धवलहिं कि चंदिण ।  
 अहरो वि-हु रंजवड जगु वि कइण किं अंग-रागिण ॥  
 रसण-पउ च्चिय मिउ फरिसु नूण मयण-सयणिज्जु ।  
 नह-मणि-किरण च्चिय कुणहिं कुसुमुवयारह कज्जु ॥

[१५८०]

अवि य-

तरल नयणिहिं कुडिल केसेहिं

थण-जुयलिण पुणु कठिण तुच्छ-रूव मज्झ-प्पएसिण ।  
 अच्चंतं वाउलिय देव-पूय-गुरु-विणय-हरिसिण ॥  
 इय सा सयलु वि जगु जिणइ निय-गुण-दोस-सएण ।  
 अवरम्मि उ अवसरि कह-वि केण वि विहिहि वसेण ॥

[१५८१]

सयल-महियल-फुरिय-कित्तिस्सु

सिरिसेण-नराहिवइ- सुयह संख-अभिहाण-पयडह ।  
 गुण-रयणिहि सहु विसहिं विसम वाण तसु निवइ-दुहियह ॥  
 तह जह कहमवि न-वि सुयइ संख-कुमार-ज्झाणु ।  
 चिट्ठइ जसमइ जोगिणि व सोसंती अप्पाणु ॥

[१५८२]

ता नरिदिण समय-जोगेण

निय-धूयह मणु मुणिवि भणिउ - वच्छि तुहुं मा विसूरसु ।  
 उत्तारिवि निय-मणह खेउ सयलु वीसत्थ चिट्ठसु ॥  
 जं तुह निय-कुल-गयण-ससि- लेहह एहु पडिवंधु ।  
 जुत्तु च्चिय इय तुम्ह लहु कारवेसु संवंधु ॥

[१५८३]

इय विचित्तिहिं वयण-रयणेहिं

संभूसिवि धूय निय जाव तीए वरणत्थु नरवड ।  
 सिरि-हत्थिणपुरि नयरि पेसवेइ स-सचिवु महामड ॥  
 ता विज्जाहर-पुंगविण मणिसेहर-नामेण ।  
 सा वालिय पत्थिय पुरउ निवइहि गुरु-पणएण ॥

[१५८४]

अह नराहिवु भणइ - खयरिंद

सिरि-संख-कुमरह विरहि दूरि ताव एयह हियालिय ।  
 धुवु न नियइ सम्मुहु वि कुसुमसरह इंदह वि वालिय ॥  
 इयरि वि खयर-नरिद-सुय मणिवि गया अणेगि ।  
 एयह पुण मणु तसु जि पर गोयरि चडियउं वेगि ॥

[१५८५]

इय सुणेविणु जाय-वेलवखु

मणिसेहरु खयर-वड गयउ नियय-ठाणम्मि दुम्मणु ।  
 अवरम्मि उ दिणि निसिहिं कह-वि करुणु विलविर हरेविणु ॥  
 नीय कुमारी विलविरि उ हउं चिट्ठुं इह मुक्क ।  
 अंव-धाइ तसु मंकडि व नियय-पलंवह चुक्क ॥

[१५८६]

इय महायम दुक्ख-संतत्त

हउं जसमइ-नामयउं तरुणि-रयणु चिट्ठु नियंतिय ।  
 अनियंती पुणु तमिह परियडामि बहुहा रुयंतिय ॥  
 इय नर-रयण करावडिउ चिंता-मणि सह नदटु ।  
 आसि महा-तरु मूलह वि चिरु रोविउ वि विणदटु ॥

[१५८७]

अह कुमारिण भणिउ — नणु अंव

मा खेयमुव्वहसु तुहुं एस कुमरि आणिवि पहुत्तउ ।  
 इय कहमवि थिरु करिवि चित्तु तासु रमणिहि निरुत्तउ ॥  
 लग्गउ अवलोइउ कुमरु मज्झि तीए अडईए ।  
 न-उण नियच्छइ तहिं महिहिं पय-मेत्तु वि तरुणीए ॥

[१५८८]

तयणु वियलिर-तिमिर-धम्मिल्ल

परिल्हसिर-तारय-वसण कलयलंत-तरु-सिहर-पक्खिय ।  
 परिसंदिर-कुसुम-महु- विंदु-मिसिण रोयइ व दुक्खिय ॥  
 जसमइ-कुमरिहि दुक्खिण व अइरिण रयणि विलीण ।  
 पडिवक्खिय-खयरिंद-सुह- बुद्धि व कुमुइणि शीण ॥

[१५८९]

कुमर-रयणह पहु पयासेउ

सिव वियसइं दिसि-मुहइं उदय-गिरिहिं आरुहिउ दिणयरु ।  
 संपाविय-उदउ निरु रायहंस-कमलोह-सुहयरु ॥  
 पत्तावसर समुल्लसिय संझ राय-सिंगार ।  
 नं कुंकुम-कोसुंभ-वर- वत्थ-कयालंकार ॥

[१५९०]

संत-चक्कहं विहिय-संतोस

पविरायइ पुव्व-दिसि अवहरंत-तम-वल्लि-लज्जिण ।  
 पसरंत-रायारुणिण नव-वहु व्व रवि-दइय-संगिण ॥  
 उदयंतेण य रवि-निविण गंजंतिण पडिवक्खु ।  
 कमल-कोसि विणिहित्त-कर वद्धु गुरुत्तणि लक्खु ॥

[१५९१]

हरिय-तारय-रेणु-नियरश्मि

अइ-निप्पहि दोसयरि निम्मलम्मि गयणयलि चइडिउ ।

रवि रेहइ कणयमउ संगलत्थु नं कलसु मंडिउ ॥

भमरा धावहि कुमुडणिउ उज्झिवि कमल-वणेसु ।

कस्स व कहिं पडिवंधु जगि चिर-परिचिय-ठाणेसु ॥

[१५९२]

विरह-विहुरिय-चक्क-मिहुणाइं

मिलिऊण साणंद हुय तुट्ट भमहिं पडियण महीयलि ।

कोसिय-कुलु एक्कु परि दुडिउ रविहिं आरुढि नहयलि ॥

एत्थंतारि तहिं धरणियलि संख-कुमारु भमंतु ।

तुंग-विसाल-स्सिग-गिरि- रायह सिहरि पडुत्तु ॥

[१५९३]

जाव ता तमु सवण-जुयलस्सु

अवभंतारि करुण-रवु वालियाए काए वि पविट्टु ।

अह संख-कुमार-वरु निय-मणेण चित्तइ पडिडुउ ॥

नणु किं सुम्मइ इह विसम- गिरि-सिहरह उवरिम्मि ।

अहवा खणु अवहिय-दियउ एयं पि-हु निमुणेमि ॥

[१५९४]

एत्थ-अंतारि - अरि दुरायार

किं कज्जु तइं मज्जु इह जं विइण्ण दुक्खाइं जणयहं ।

विच्छोदुउ वंधुयणु दिण्णु अ-सुहु सहियणहं सयणहं ॥

तह मह जम्मंतारि वि पिउ हविहइ संख-कुमारु ।

अवरु न पडियउ अंखिहिं वि खुडुक्कइ पुरिसु अ-सारु ॥

[१५९५]

इय स-निदुठुरु भणिर सा वाल  
 रोयंत डुसुक्कइहिं वेवमाण-सव्वंग इयरिण ।  
 आभासिय सयल-तणु- फुरिय-मयण-वाणोलि-विहुरिण ॥  
 किं जणइण जणणीए किमु किमु सहियण-सयणेण ।  
 किं संखिण तिण मइं जि तुहुं पडिवज्जसु हियएण ॥

[१५९६]

अहह फिटु फिटु वयणि तुह जीह  
 किह पइसइ पुणु पुणु वि तं जि तं जि दुव्वयणु भणिरह ।  
 लहु वच्चसु वेगलउ लहसि को-वि जमणत्थु इहरह ॥  
 संख-कुमारु लहेवि एहु जणु किह अवरि रमेइ ।  
 खंधि चडेविणु गयवरह को खर-उवरि चडेइ ॥

[१५९७]

इय दुवेण्ह वि तेसि वयणाइं  
 निसुणंतउ कुमर-वरु नूण एस मह पाण-वल्लह ।  
 इय चित्तिरु अक्कमइ अगग-मग्गु कित्तिउ वि तह जह ॥  
 पेक्खइ खयरिंदह पुरउ अखलिय-सीलु निरुत्तु ।  
 धरणि-निवेसिय-मुह-कमलु तरुणि-रयणु पुव्वुत्तु ॥

[१५९८]

अह निरिक्खिय संख-कुमरेण  
 सुय-पुव्व-तव्वइयरिण तीए सविहि खयराहिराइण ।  
 मणिसेहर-नामणिण तेण भणिउ - मह सुकय-जोगिण ॥  
 सुयणु निरिक्खसु आगयउ एहु जि संख-कुमारु ।  
 तुह उवदंसिसु एण्हि पुण रणि निवडंतु अ-सारु ॥

[१५९९]

तयणु निहणिय-नियय-पडिवक्खु

वंभड-भमंत-जसु दरिय-वइरि-तरुणिहिं कडक्खिउ ।  
 तइं परिणिसु हउं जि पर तुहुं करेसु जं कि-पि सिक्खिउ ॥  
 एत्थंतरि वियसंत-मुहु संख-कुमारु तुरंतु ।  
 तत्थागंतु समुल्लवइ अरि अरि विहलु वयंतु ॥

[१६००]

थक्कु एत्तिउ कालु तुहुं सविहि

ससि-वयणिहि जसमइहि किं तु एण्हि करवालु वेप्पिणु ।  
 सवडम्महु हवसु जह तुह मडप्पु सयलु वि दलिप्पिणु ॥  
 दंसिवि दुन्नय-तरु-फलइं सहलीहुय-अहिमाणु ।  
 उवभुंजउं हउं वर-विसय- सुह जसमइहिं समाणु ॥

[१६०१]

इय परोप्पर-भणिर ते दो-वि

दुइंत-दप्पाभिहय गहिय-खग्ग समरम्म पविसहिं ।  
 अप्फोडहिं वक्करिय नियय-दप्प-माहप्पु दंसहिं ॥  
 धावहिं वग्गहिं उल्लसहिं वियरहिं कर-अप्फोडु ।  
 न-उण पयट्ठइ एक्कह वि रोम-लवह तहं तोडु ॥

[१६०२]

ता विउज्झिय-खग्ग-संगाम

दट्ठोद्व-पल्लव दुवि वि संपल्लग गुरु-वाहु-जुज्झिण ।  
 नउ छलिउ एक्को वि तहं मज्झि किण-वि बुद्धि-प्पओणिण ॥  
 तयणंतरु खयरहिंविण फुरिय-गरुय-रोसेण ।  
 मुक्का गिरि-तरु-सीह-अहि-विज्जुय विज्ज-वसेण ॥

[१६०३]

तत्थ पुणु तसु कुमर-रयणस्सु

कि-वि गच्छहिं तणु-वहिहिं पडिहिं के-वि पुणु अद्ध-मग्गि वि ।  
 सुह-जोगिण के-वि पुणु ठंति कुमर-करयलि विलग्गि वि ॥  
 तयणंतरु कुमरो वि गुरु-रोसारुण-नयणित्तु ।  
 आरोवइ अरि-दुद्धरिस्सु चाव-दंडु नियइत्तु ॥

[१६०४]

अह कहं-चि वि हणइ वाणेण

वच्छ-त्थलि जह लहु वि दलिय-दप्प-माहप्प-वित्थरु ।  
 परिवियलिर-रुहिर-कय-गुरु-पवाह-निज्झरण-डुंगरु ॥  
 गुरु-करुणारिह-मुह-कुहर-निग्गय-रसणा-दामु ।  
 खयरिंदाहमु धरणि-यलि पडिउ सु अ-गहिय-नामु ॥

[१६०५]

तयणु धिसि धिसि पाव-तरु फलिउ

एयम्मि जम्मि वि इमह खयर-राय-अहमस्सु पेच्छहु ।  
 इय नहयलि उच्छलिय वाणि खयर-सुर-गणइं तहिं लहु ॥  
 इयरह पुणु पसरिय-जसह अ-मलिय-माण-धणस्सु ।  
 कुसुम-बुट्ठि जय-जय-श्रुणि वि जाय उवरि कुमरस्सु ॥

[१६०६]

किंतु कुमरिण जाय-करुणेण

मणिसेहरु खयरवइ मुच्छ-विवसु निय-करिहिं वेप्पिणु ।  
 निग्गालिय-रुहिर-वर-ओसहीहिं सज्जउ करेप्पिणु ॥  
 भणिउ - महा-यस उट्ठिउण वेप्पिणु करि करवाळु ।  
 जुज्झंतउ पडिवविखयहं दंससु अप्पु कराळु ॥



[१६०७]

तयणु निरुवम-कुमर-गुण-गणिण

संगहिय-माणस-पसरु खयर-राउ जंपइ - महा-यस ।  
 का मज्झ धीरिम समरि तइं समाणु विप्फुरिय-सिय-जम ॥  
 जं तं तेत्तिउ मज्झ वलु तेत्तिय विज्ज विसेस ।  
 लीलाए वि तइं नर-रयण अहलीकय नीसेस ॥

[१६०८]

असम धीरिम तुंगु गरिमत्तु

अइ-गहिर गंभीरिम वि पत्त-सीम सच्चंग-चंगिम ।  
 जय विम्हय-करु वयणु सुयण-हियय-सुहयर वियइढिम ॥  
 ज तत्तो चिय तुह तरुणि- रयण एहु अणुरत्तु ।  
 सिविणि वि हंसि न अहिलसइ जमिह वलाउ निरुत्तु ॥

[१६०९]

इय कुणंतिण नेहु अ-ट्टाणि

मइं अप्पु विगोइयउं जणणि-जणय-सिय-कित्ति मलिणिय ।  
 हरिज्जण रायाउरिण दुहि निहित्त जं चंद-वयणिय ॥  
 इय गुरु-गुण-संदाणियउ तुह कुमार हउं भिच्चु ।  
 ता उप्पन्नइ कज्जि मइं वावारेज्जसु निच्चु ॥

[१६१०]

एत्थ-अंतरि वलिय-मुह-कमल

परिचित्तइ ससि-वयणि अहह एत्थ किं ते-वि जीवहिं ।  
 जह कामिणि-गय-वडर वइरि-नियर गुण-गणु न दीवहिं ॥  
 कि-विथोवम्मि वि नियय-गुणि होति पसिद्धि-पहाण ।  
 ज खारम्मि वि मयरहरि कुरइ कित्ति अ समाण ॥

[१६११]

असम गुण पुणु पुरिस-रयणस्सु

एयस्सु सुरिदिहिं वि धरिउ नेव तीरंति चित्तिण ।  
 न य वयणिण जपिउ वि चेद्विउ पि न सरीर वित्तिण ॥  
 इय धुवु भुल्लउं मज्झ मणु धावइ जमिह इमस्सु ।  
 खुज्जु हासज्जइ निक्खिविरु करयलु ताल-फलस्सु ॥

[१६१२]

न-वि य माणस-सर-सलिलाइं

धावंतु वि मरु पट्ठिउ लहइ कह-वि निय-पुन्न-वज्जिउ ।  
 रोरो वि न रयण-निहि पाउणेइ निय-दुकय-तज्जिउ ॥  
 तह-वि-हु निय-मणु एत्तिइण आसासेमि अहं पि ।  
 किं-चि सिणिद्धिहि लोयणिहि इहु वि ज नियइ ममं पि ॥

[१६१३]

एत्थ-अंतरि भणइ खयरिंदु

मरसिज्ज अवराहु इहु कुमर-रयण पसिज्जण महुवरि ।  
 तह चल्लसु मइं जि सहं जेण जाहुं वेयड्ढ-गिरि-वरि ॥  
 वंदहुं सासय-चेइयइं सिद्धाययण-गयाइं ।  
 निसुणहुं सिद्धि-सुहावहइं चारण-मुणि-वयणाइं ॥

[१६१४]

एत्थ-अवसरि तत्थ संपत्तु

मणिसेहर-खयरवइ- तणउं सेन्नु पूरिय-नह त्थलु ।  
 अह विज्जाहर-मुहिण पेसवेउ निय-नयरि निय-वल्लु ॥  
 आणावेविणु जसमइहि अव-वाइ साणंदु ।  
 चलियउ संख-कुमारु लहु पुरउ करिवि खयरिंदु ॥

[१६१५]

ता स-विज्जह वलिण खयरिंदु  
 खण-मेत्तिण माणुमइं ताइं नेड वेयइह-सिहरिहिं ।  
 अह पूयहिं निच्च-जिण विव-सयइं वंदहिं य भाविहिं ॥  
 सुस्सुसहिं चारण-समण पय-पडमइं मत्तीए ।  
 पडिवज्जहिं गुरुयण-कहिय-किरिय वि जह-सत्तीए ॥

[१६१६]

अह खगिदिण कणयपुरि-नयरि-  
 निययम्मि कयायरिण विहिय-विविह-पडिवत्ति-जोगिण ।  
 नीयाइं नहंगणिण ताइं तिणिण माणुसइं जत्तिण ॥  
 धवलहरे य पवेसिउण पयडिय-गुरु-रिद्धीए ।  
 सक्कारिय-खयराहिविण तिण वि सुद्ध-बुद्धीए ॥

[१६१७]

तयणु विम्हिय-मणिहिं तरुणेहिं  
 जोइज्जइ विजिय-रइ रंभ-लच्छि-सीयाइ-रमणिहिं ।  
 विलसंत-लोयण-भमरु वयण-कमलु जसमइहि तरुणिहि ॥  
 अवलोडज्जइ कुमरु पुणु पुणु मुणि-मण-महणीहिं ।  
 तत्थ-समागय-सुर-असुर- खयराहिव-तरुणीहि ॥

[१६१८]

ता कुमारह रुव-रिद्धीए  
 साहिज्जइ तरुणि-यण तरुण-नियरु जसमइहि रुविण ।  
 खयराहिव-मुहिण सुय- पुव्व-वुत्त-वुत्तु लेसिण ।  
 चिहइ तियसामुर-खयर- तरुणीयणु साणंदु ।  
 पेक्खिरु संख-कुमार-सिरि जसमइ-मुह-अरविंदु ॥

[१६१९]

ठिइण तत्थ य सत्तु-अभिभूय-

बहु-भेय-खयराहिवहं पत्थणेण साहज्जु देंतिण ।  
 आऊरिउ तिहुयणु वि छण-ससंक-निम्मलिण कित्तिण ॥  
 भुवणब्भहिय-पयाव-भर- अहरिय-स-सुर-नरेण ।  
 सिरि-सिरिसेण-निवंगइण तेण संख-कुमरेण ॥

[१६२०]

ता पवज्जिय-भिच्च-भावेहिं

गुण-रंजिय-माणसिहिं बहु-विहेहिं खयराहिराइहिं ।  
 साणंदु कुमर-विहिय पाय-पूय-पणमंत-काइहिं ॥  
 निय-निय-रायाउर-हियय निरुवम-गुण-रयणइह ।  
 तत्थ सयंवरि आणिउण वियरिय धूय वियइह ॥

[१६२१]

अह कुमारिण भणिय खयरिंद

सव्वे वि ति - जाव मई तरुणि-रयणु जसमइ न परिणिय ।  
 ता कह-वि न का-वि धुवु परिणियव्व तियसहं वि वालिय ॥  
 अह खयराहिव-निवहु मणिसेहर-पमुहु स-धूउ ।  
 पवर-विमाणिहिं आरुहिवि कुमरह अगगइ हूउ ॥

[१६२२]

संख-कुमरु वि तेसि वयणेण

आरुहिय विमाण-वरि अंव-धाइ-जसमइ-समन्निउ ।  
 संपत्तउ चंपय-पुरिहि उवरि खयर-निव-निवह-वन्निउ ॥  
 तयणंतरु चंपाहिविण अवगय-वुत्तंतेण ।  
 सहइण मेट्टि-अमच्च-वर- तलवर-सापंतंतेण ।

[१६२३]

समुहु गंतु वि गुरु-विभृङ्ग

सक्कारिवि खयर-गणु कुमर-रयणु आलिगिऊण य ।  
 संभासिवि निय-दुहिय अंव-धाइ संभूसिऊण य ॥  
 निय-नयरीए पवेसियउ लोउ सु सयलु स-तोसु ।  
 तह जह तियसासुर-गणु वि मणि विम्हइउ असेसु ॥

[१६२४]

ता पहुत्तइ लग-समयम्मि

मिलिएहिं सुहि-सज्जणिहिं तेसि कुमर-कुमरीण दोण्ह वि ।  
 पारद्ध विवाह-विहि तयणु खयर-पहु-दुहिय अन्न वि ॥  
 निय-निय-जणयाणुगहिण कय-सायर-सिंगार ।  
 लग्ग कुमारह पाणि-तलि फुरिय-पुलय-पम्भार ॥

[१६२५]

ता कुमारह वित्ति वीवाहि

पसरंत-महूसविण नयर-लोउ सयला वि स-हरिसु ।  
 आसीसहं सय-सहस देइ कुणइ मंगलिय-पगरिसु ॥  
 अह नर-नाहिण वित्थरिण निय-नयरम्मि असेसि ।  
 पारद्धउं वद्धावणउं तम्मि विवाह-विसेसि ॥

कहं —

[१६२६]

(७) वज्जंत-गज्जंत-वहुभेय-तूर लभिज्जंत-दिज्जंत-रूपूर-पूरं ।  
 गायंत-नच्चंत-वेसा-समूहं हसिज्जंत-हिंडंत-वावणय-वृहं ॥१॥

[१६२७]

एंत-गच्छंत-चिट्ठंत-वहु-सज्जणं लित-वियरंत-सुगसंत-जण-रंजणं ।  
 खंत-पिज्जंत-दिज्जंत-वहु-भक्खयं लोय-उल्लसिय-वहुभेय-मण-सुक्खयं ॥२॥

[१६२८]

धावंत-कीलंत-वगंत-खुज्जय-गणं ठंत-उट्ठंत-निवडंत-वालय-जणं ।  
सुयण-अच्छरिय-पञ्जार-वित्थारणं विहिउ सुहि-सहिय-गुरुयणिण वद्धावणं ॥३॥

[१६२९]

नहयर-मणहरि सुरवर-सुंदरि इय जायइ वद्धावणइ ।  
गय-भव-हियउ वि कय-मुणि-किरिउ वि कु न संसारह मणु कुणइ ॥४॥

[१६३०]

अह जियारिण करिवि सक्कारु  
खयरिंद-विवाह-मह- समय-पत्त सयलि वि विसज्जिय ।  
कुमरो वि जसमइ-पमुह नियय-दइय अवजस-विवज्जिय ॥  
निव-उवरोहिण तत्थ ठिउ परिकीलइ साणंदु ।  
कुट्टिम-तल-ठिउ अवर-दिणि वियसिय-मुह-अरविंदु ॥

[१६३१]

सिरसि विरइय-पाणि-पुडण्ण

दूरागम-खेइएण ईसि ईसि सामलिय-वयणिण ।  
पुव्वयर-पहुत्त-निव- दारवाल-पुरिसोवइट्ठिण ॥  
सिरि-सिरिसेण-नराहिवइ- दूइण सख-कुमारु ।  
विण्णत्तउ जह-तुह विरहि नरवइ स परीवारु ॥

[१६३२]

मुणइ भवणु वि सुन्नु रन्नं व

सिखिंदु वि मुम्मुरु व रयण-हारु अवि असि-पहारु व ।  
विसया वि विसाय इव सुहियणो वि दढ-दुक्ख-भारु व ॥  
निमुणेविणु पुणु पत्थुयउ संपइ तुह बुत्तंतु ।  
चिट्ठइ स-परियणो वि पहु हरिस-विसाय वहंतु ॥

[१६३३]

इय तुरंतिण तत्थ आगंतु

सुहि-सयण-जणणी-जणय- पमुहु लोउ सयलु वि नियल्लउ ।  
 आणंदेयवु तइं हवइ तेसि जिह हरिसु भल्लउ ॥  
 तयणु कुमारिण तह भणिउ सिरि-जियारि-नरनाहु ।  
 जिह तिण अणुमन्निउ कुमरु-विहिय-विविह-संवाहु ॥

[१६३४]

सहिउ बहुविह-खयर-निवईहिं

भंजंतउ रिउ-कुलह दप्पु तरुणि-माणिण समन्निउ ।  
 पयडंतउ कित्ति-भरु तह पयायु सुहि-सयण-वन्निउ ॥  
 अणुगम्मंतउ जसमईहिं तह जिण-धम्म-मइए ।  
 पसरंतउ गुरु-विक्कमिण तह वि-हु रज्ज-सिरीए ॥

[१६३५]

पत्तु अइरिण हत्थिणउरस्स

आसन्न-पएसि अह मुणिय-पुव्व-वइयरिण निवइण ।  
 अभिमुहयमुवागइण उच्छलंत-गुरु-नंदि-घोसिण ॥  
 विहिय हट्ट-सोहा-पमुह- नयरुसव-पसरम्मि ।  
 मइया महिण पवेसियउ नंदणु निय-नयरम्मि ॥

[१६३६]

तयणु विम्विय-हियइ सुहि-वग्गि

संतुट्टइ भिच्चयणि दलिय-दप्प-माहप्पि रिउ-कुलि ।  
 मयणाउरि तरुणियणि वच्चमाण-हरिसम्मि जिय-वल्लि ॥  
 नर-नायगिण करावियइ वद्धावणय-महम्मि ।  
 दइयहिं सह विलसइ कुमरु संठिउ निय-नयरम्मि ॥

[१६३७]

सुर-सोम वि चइवि आरणह

सुर-भवणह ठिइ-खइण सुइय वि निय-सुकयानुहाविण ।  
 सु-स्सिविणिहिं उवइसिय सहिय-चंद-सिय कल-कलाविण ॥  
 हुय सिरि-संख-कुमारह वि निरुवम-गुण-मणि-धाम ।  
 लहुय सहोयर सुह-निलय जसहर-गुणहर-नाम ॥

[१६३८]

अह निरंतरु दुहि वि वंधूहिं

सुहिणा वि मइप्पहिण पिययमहिं जसमइ-पमुक्खिहिं ।  
 सह कीलिरु कुमर-वरु गमइ कालु पसरंत-सुक्खिहिं ॥  
 अवरम्मि उ अवसरि निविण दिट्ठु कुमारु ललंतु ।  
 निय-तेइण तेयस्सियहं सयलह कंति-हरंतु ॥

[१६३९]

तयणु किंचि-वि तुट्ठ-हियएण

स-विसाइण किंचि पुणु किंचि फुरिय-सुकयाणुराणिण ।  
 परिचित्तिउ नर-वरिण विप्फुरंत-वहु-भेय-भाविण ॥  
 अइह कयत्थउ हउं जि पर जसु हुउ नंदणु एउ ।  
 पणमिर-खयरहि-वि-निवइ- निवहु नियय-कुल-केउ ॥

[१६४०]

किंतु धिसि धिसि मह विवेयस्सु

जं एरिस-सुय-रयणि वसुह-वल्लय-धुर-धवल-खंधरि ।  
 इयम्मि वि पणय-जय- जंतु-जाय-कप्पदु-वंधुरि ॥  
 सेविय-विसय-सुह-स्सिरि वि परिणय-पढम-वओ वि ।  
 उप्पाडउ हउ रज्ज-भरु सुयणिहि परिहरिओ वि ॥



[१६४१]

जमिह मालइ-माल तव्वन्न-

विहुरंतर-संठिय वि मुद्ध-देसि दुल्लवख जायइ ।  
 ता मोह-पिसाय-हय- मणहं कुसुम-संभोगु भावइ ॥  
 मुग्गर-निहयस्स व मुहह निरु गलंत-पिक्कस्सु ।  
 जरहं विडंवण धुवु वुहहं सेवा तंवोलस्सु ॥

[१६४२]

सच्च-अंगि य गरुय-वलि-विवर-

परिगसिय-चंदण-रसह परिसंडंत-नीसेस-छायह ।  
 वज्जंत-जरट्ठियह वाय-उदय-कंपिरह कायह ।  
 अंग-भोग आहरण-विहि मंडण-विहि वि किलेसु ।  
 आयणिय-जिण-वयण-लवु कुणइ कु एहु असेसु ॥

[१६४३]

रसु न नज्जइ सम्मु जर-वसिण

परिवियलिय-वेयणिण जणिण अहह तत्थ वि सुहासय ।  
 कप्पूरागुरु-पमुह सुरहि-वत्थु-सत्थि वि हयासय ॥  
 अणुरज्जिर-अविवेय-घण अ-मुणिय-चंगाचंग ।  
 अप्पु विगोयहिं वप्पुडा जर-जज्जर-सव्वंग ॥

[१६४४]

अहह ससहर-वयणि हरिणच्छि

विंवोद्धि पवाल-दल- अहर कणय-कलस-प्पओहर ।  
 पउमारुण-पाणि मरु- कूव-नाहि-मंडल-मणोहर ॥  
 एस च्चिय इय इयर-जण- वयणिण मुणहिं हयास ।  
 सयमनियंता तह-वि निरु तरुणिहिं वंधहिं आस ॥

[१६४५]

नणु पयंपइ एहु किं किं ति

पुच्छंता पुणु पुणु वि गरुय-रविण इयरिण निवेइउ ।  
 जइ कहमवि सुणहि पर- वयणु बुद्ध-हिय-करु वि साहिउ ॥  
 तह-वि न किन्नर-गेय-अणि- गोयरि विरमहिं पाव ।  
 चिर-परिसंचिय-असुह-भर नरइ न निवडहिं जाव ॥

[१६४६]

इय अहं पि-हु जाव वच्चामि

न इमेरिस विसम-दस- विसइ ताव गुरु-महिम कारिवि ।  
 सिरि-संख-कुमार-वरु निय-करेहिं रज्जम्मि ठाविवि ॥  
 मेलेविणु सयलो वि निय- रज्ज-पहाणु जणोहु ।  
 चरणु चरेविणु सिव पुरिहिं वच्चहुं ससि-सिय-वोहु ॥

[१६४७]

इय विचित्तिवि सयण मेलेवि

परिसाहिवि नियय-मणु गहिवि तेसि सम्मयउं अइरिण ।  
 स-तणूरुहु संठवड नियय-रज्जि पसरंत विहविण ॥  
 अह सविसेस-पहिदठ-मणु पमुइय-सयल-जणम्मि ।  
 कारावइ वद्धावणउ नरवइ निय-नयरम्मि ॥

[१६४८]

कहं -

(८) वंछियत्थ-प्पयाणुल्लसिय-देसियं ।  
 गरुयरुल्लास-सुम्मंत-हय-हेसियं ॥  
 ठाण-ठाणेसु-कीलंत-वर-हत्थियं ।  
 मंदिर-द्वार-दिज्जंत-वहु-सत्थियं ॥१॥

[१६४९]

तरुण-रमणीहिं गिज्जंत-वहु-मंगलं ।  
 वंदि-निवद्विण पढिज्जंत-निव-मंडलं ॥  
 सयल-जण-इठ्ठ-धण-दाण-दुह-भंजणं ।  
 वार-तरुणियण-नच्चिय-भुवण-रंजणं ॥२॥

[१६५०]

फुरिय-कंसाल-झल्लरि-तिलिम-भेरियं ।  
 निहय-मदल-हुडुक्का-रवाज्जरियं ॥  
 करडि-पडु-पडह-आराव-उल्लासियं ।  
 वंस-सारंगि-वीणा-रवुव्भासियं ॥३॥

[१६५१]

वज्जमाणासमाणेग-वर-तूरयं ।  
 डज्जमाणासरिस-अगुरु-कप्पूरयं ॥  
 नच्चमाणोल्लसिय-खुज्ज-हलवोलयं ।  
 दिज्जमाणप्पमाणग-तंवोलयं ॥४॥

[१६५२]

धणु वियरेविणु जसु विहवेविणु नयरु करेवि रम्वावणउं ।  
 जणु तोसेविणु इय कारेविणु निव-अहिसेइ वधावणउं ॥५॥

[१६५३]

पत्त-गरुयर-हरिस-पम्भारु

वियरेप्पिणु नव-निवह वहु-वियप्प-अणुसट्ठि पणयह ।  
 जह — नंदण तुहुं जणउ तुहुं सरणु सयलह वि वसुहह ॥  
 इय विवड्हिं संपइहिं वि पालेज्जसु निय-लोउ ।  
 एयस्स वि पुहई-जणह असुह-लवो वि म होउ ॥

[१६५४]

सेट्टि-ठक्कुर-मंति-सामंत-

उवरोह-सत्थाह-वणि- वग्ग-संधिविग्गहिय-तलवर ।  
 तुव्भे वि हविज्ज नरवइहि इमह आएस-तप्पर ॥  
 नंदइ निवइण जणु भुवणि जणिण वि निवु नंदेइ ।  
 जम्हा कुच्चिण मुहु सहइ भुहिण वि कुच्चु सहेइ ॥

[१६५५]

इय नराहिवु दुहं वि पक्खाहं

अणुसट्ठि वियरिवि वहुय सीस-गहिय-आएसु तक्खणि ।  
 जिण-सासणि गुरु-महिम करिवि गंतु निय-नयर-उववणि ॥  
 सिरि-गुणहर-गणहर-पुरउ जिण-वर-धम्म सुणेत्तु ।  
 भव-परिभमणुव्विग्ग-मणु पडिवज्जइ चारित्तु ॥

[१६५६]

संख-निवइ वि असम-माहप्पु

उवसाहिय-सत्तु-कुल सचिव-ठाणि मइपहु ठवेविणु ।  
 पट्टस्सुववंधु पुणु जसमईए देविहि करेविणु ॥  
 सचिव-क्खंध-निविट्ठ-भरु विसय-सुहइं सेवंतु ।  
 चिट्ठइ दोगुंदुग-सुरु व गउ वि कालु अ-मुणंतु ॥

[१६५७]

तह विसेसिण कुणइ जिण-पूय

आराहइ गुरु-चलण सुणइ पुव्व-पुरिसाहं चरियइं ।  
 आसेवइ वारस वि वयइं पुव्व-पुरिसिहिं सु-चरियइं ॥  
 सम्माणइ साहम्मि-यण पयडइ रह-जत्ताउ ।  
 न रमइ वेहम्मिय-कहहं चयइ असुह-वत्ताउ ॥

१६५४. १ क ठक्कुर

१६५५ ६ क गणहर missing

१६५६ ८ क. सुर

१६५७ ७. क जत्ताओ, ७ क वत्ताओ.

[१६५८]

अहव किं बहुण भणिण

सव्वत्थ वि उज्जमइ तह कहं-चि जह अडर-कालिण ।  
 वंभंडु वि भरइ निय- चद-विमल-कित्ति-क्कलाविण ॥  
 अह जसमइ-देविहि तणउ हुयउ नु-सिधिणुवइदु ।  
 वियरइ नामु नरिंदु तसु पुंडरितु त्ति विसिदु ॥

[१६५९]

तयणु पंचहिं अंव-थाईहिं

कीरत-सरीर-ठिइ पत्त-कालु उवज्जाय-पवरह ।  
 पासम्मि वि मुक्कु सुय- रयणु अडर-कालिण वि कुमरह ॥  
 सम्मु समग्गु वि मणि ठियउ निम्मलु कला-कलावु ।  
 अह सिरि-संख-नरादिवइ अवगय-सुय-सव्भावु ॥

[१६६०]

गरुय-रिद्धिण निवइ-दुहियाउ

उत्तुंग-थोर-त्थणिउ अट्ट पवर-वाग्ग-मुहुत्तिण ।  
 परिणावइ तहिं सह ललइ कुमरु पसरंतु दित्तिण ॥  
 एत्थंनरि निय-गुरु-चलण- कमलइं परिसेवंतु ।  
 बहु-गामागर-संकुलइ धरणियलि विहरंतु ॥

[१६६१]

चंद-निम्मल-विविह-तव-कम्म-

परिसोगिय-असुह-भरु मुइर-चरिय-चारित्त-मणहरु ।  
 निग्गाइय-घाड-वलु जाय-विमल-क्केवल-दिवायरु ॥  
 सिरि-सिरिसेणु मु राय-रिसि भवि-यणु पडिबोहितु ।  
 तहिं सिरि-हत्थिणउर-नयर- उज्जाणम्मि पटुत्तु ॥

१६५८. ९. क, मुडरिओ

१६५९. ३. क. ख उवज्जाय

१६६०. १. क, दुहियाओ

१६६१. ४ क घाइ, ख. घाइय

[१६६२]

ता नरिंदह पुरउ विणत्तु

उज्जाणिय-माणविण      देव विविह-मुणि-सदस-सेविउ ।  
 उवलद्ध-केवल-महिमु      भविय-सरणु उज्जाणि आविउ ॥  
 भविय-कमल-पडिबोह-रवि      राय-रिसीण पहाणु ।  
 तुम्हहं जणउ सु राय-रिसि      सिरि-सिरिसेणऽभिहाणु ॥

[१६६३]

अह पओसिय दाणु वियरेवि

वद्धावग-माणवह      पउर-सार-परियण-समन्निउ ।  
 विलसंत-सिगार-विहि      बहु-वियप्प-वंदियण-वन्निउ ॥  
 संखु नराहिवु केवलहि      पय-पउमइं पणमेइ ।  
 तह सह दइयहं वंधुहिं वि      उचिय-ठाणि निविसेइ ।

[९] [१६६४] अह केवल्लिणा भणियं नर-वर जीवाण उह विहेयव्वं ।  
 मुत्तूण सुद्ध-धम्मं भुवणे वि न विज्जण अवरं ॥१॥

[१६६५] जम्हा अणाइ-भव-सायरम्मि जीवेण परिभसंतेण ।  
 आवज्जिऊण चत्ता अणंत-ठाणेसु धण-निवहा ॥२॥

[१६६६] तप्पच्चओ किलेसो अ-परिमिओ गरुय-कम्म-वंधो य ।  
 संजाओ पायं पुण ते भुत्ता अवर-भुत्तेहिं ॥३॥

[१६६७] मुक्काओ तरुणीओ अणंतसो असम-जोव्वण-भराओ ।  
 जत्तेण रक्खिउं पुण स च्चिय ताण वि गई पन्छा ॥४॥

[१६६८] एक्केक्केण जिणं भुत्तं रज्जं अणंतसो भुवणे ।  
 आ-गेवेज्ज-विमाणा पत्ताओ सुर-सिरीओ वि ॥५॥

[१६६९] दासत्तं पेसत्तं रंकत्तं पि-हु अणंतसो पत्तं ।  
सत्तम-महि-सीमाइं नारय-दुक्खाइं वि तहेव ॥६॥

[१६७०] किं-तु न सुहेहिं तोसो न य निव्वेओ दुहेहिं संजाओ ।  
मोह-विस-वारियाणं गलिय-विवेयाण जीवाण ॥७॥

[१६७१] एहिं पि-हु पयाइं जय-स्सिरी-विसय-देह-सयणाइं ।  
जोव्वण-रज्ज-मुयाणि य सयलाइं वि पंच-दियहाइं ॥८॥  
तहा हि —

[१६७२] करि-कन्न-कयलि-पत्तोवमाउ अथिराओ राय-लच्छीओ ।  
किंपाग-फल-विवागा विसया खण-दिट्ठ-नट्ठा य ॥९॥

[१६७३] जस्स कए पावाइं कीरंति सरीरगं पि तं अथिरं ।  
चित्तिज्जंतं परमत्थओ य मव्वासुइट्ठाणं ॥१०॥

[१६७४] संज्ञा-समए एगम्मि पायवे वसिय-सउण-सरिमेसु ।  
सयणेसु वि पडिवंधो केवल-मोह-फलो चेव ॥११॥

[१६७५] जं पुण विलास-विव्वोय-हास-लीला-मउकरिस-ठाणं ।  
अणु-समयं पि-हु नर-वर तं पि जरा-रक्खसी गसइ ॥१२॥

[१६७६] चित्तिज्जंतं रज्जं पि भइ अइ-दीह-भव-फलं चेव ।  
अहिमाण-मेत्त-सुक्खं बहु-दुक्खं इह वि जम्मम्मि ॥१३॥

[१६७७] पामा-कडुयण-सुहोवमाइं संसारियाण सुक्खाइं ।  
दुह-मूलाइं तुच्छाइं नूण विरसावसाणाइं ॥१४॥

[१६७८] तम्हा अ-पत्त-पुव्वं सुहावहं सासयं हियं सारं ।  
एक्कं चिय जिण-धम्मं नर-वर जाणेज्जसु जयम्मि ॥१५॥

[१६७९] सोयव्वो कायव्वो चित्तेयव्वो य नूण विवुहेहिं ।  
जिण-धम्मो च्चिय लद्धं दुल्लहमिमं धम्म-सामग्गिं ॥१६॥

[१६८०] जे अत्थ-काम-लुद्धा अहमा सामग्गिमेयमहलेंति ।  
तेहिं वराडियाए वि हारिया रयण-ऊडि त्ति ॥१७॥

[१६८१] अह सवेय वसागय-नयणंसु-जलेण पुलइयंणेण ।  
धरणि-प्पहुणा भणियं - जं भणह तह त्ति तं नाह ॥१८॥

[१६८२] जं तुमए करणिज्जं कहियं त चिय करेमि मुणि-नाह ।  
रज्जम्मि पुंडरीयं जसमइ पुत्तं ठवेऊण ॥१९॥

[१६८३] किं-पुण साहसु पसिउं कह मह जसमईए एरिसओ ।  
अइ-निविडो पडिवंधो तयणु पयंपेइ मुणि-नाहो ॥२०॥

[१६८४] कम्म-वसेणं कस्स-वि केण-वि सह होइ निविड-पडिवंधो ।  
निक्कारणो वि तुह उण स-कारणो एस नर-नाह ॥२१॥

जओ -

[१६८५] धण-धणवइ पइ-भज्जा पढमे जम्मम्मि लद्ध-संमत्ता ।  
कय-पव्वज्जा वीए मोहम्मे सुर-वरा जाया ॥२२॥

[१६८६] चित्तगई-रयणवई पइ-भज्जा तइय खेयर-भवम्मि ।  
विहिय-वया माहिंदे चउत्थ-जम्मे सुरा जाया ॥२३॥



[१६८७] अवराजिय-पीडमई पइ-भज्जा पंचमम्मि जम्मम्मि ।  
छट्टे आरण-देवा तओ वि चविऊण तमियारिणि ॥२४॥

[१६८८] जाओ संख-नरिदो एसा भज्जा उ तुह ममुप्पन्ता ।  
एत्तो तुमे द्विस्सह तियसा अवराजिय-विमाणे ॥२५॥

[१६८९] तत्तो वि-हु चविऊणं इह चेव य मारहम्मि वासम्मि ।  
वावीसइम-जिणिदो होहिसि तं रिट्ठनेमि त्ति ॥२६॥

[१६९०] राइमई-अभिहाणा धूया होऊण उग्गसेणस्स ।  
तुह सविहे गहिय-वया एसा वि-हु सिज्झिही तइया ॥२७॥

[१६९१] एवं देव-भवेसुं सव्वेसु वि मित्त-भाव-संजणिओ ।  
इयरेसु मिहुण-भावत्तेणमिमो निविड-पडिवंधो ॥२८॥

[१६९२] एय गुणहर-जसहर-मउप्पभा तुज्झ वंधव-अमच्चा ।  
सिज्झस्संति लहेउं गणहर-भाव तुह सयासे ॥२९॥

[१६९३] इय सोउं सयलाणि वि मायंति न हरिसियाइं अंगेसु ।  
अणुजाणावेऊण य केवलिमागतु निय मेहे ॥३०॥

[१६९४] मेलेउ सार-परियणमसेसमन्नि तस्स संमए जाए ।  
रज्जम्मि पुंडरीयं निवेसिऊणं विभूईए ॥३१॥

[१६९५] सयलाए वि वसुहाए सोहावेऊण चारय घराड ।  
सम्माणिऊण सुयणे संभासेऊण सुहि-गुणिणो ॥३२॥

[१६९६] जिण-पवयणस्स विहेउं पढावणं विविह-भेयमच्चतं ।  
वहु-भेय-मंति-सामंत-सेट्ठि-सत्थाह-सुय-सहिओ ॥३३॥

[१६९७] महया महेण चलिओ गुरुणो सविहम्मि चरण-गहण-कए ।  
जा ताव भाविष्या सच्चवइ इमे महा-मुणिणो ॥३४॥

[१६९८]

[१०] विसम-संसार-भव-भीय मण-पसरया ।  
अट्ट-विह-नाण-आयार-विहुरिय-रया ॥  
पवर-सिव-नयर-मंपत्ति-उक्कंठिया ॥  
अट्ट-विह-दसणायार-परिसंठिया ॥१॥

[१६९९]

पुव्व-वर-पुरिस-सम्मग्गमनुगामिणो ।  
पंच-विह-चरण-रणस्स निरु सामिणो ॥  
आइ-जम्मोवचिय-कम्म-विद्वाविणो ।  
वारसायार-तत्र-कम्म-परिसेविणो ॥२॥

[१७००]

सयल-अवभंतरारीण संहारया ।  
धरिय-तेत्तीस-विह-वीरियायारया ।  
सिद्धि-सग्ग-कल्लाण-अहिलासिणो ।  
पंचहायार-आराम-विणिवासिणो ॥३॥

[१७०१]

ससि-विमल-झाण-संसार-खय-कारिणो ।  
अइ-पसत्थोवरिम-लेस-तिय-धारिणो ॥  
विमल-चउविह-समाहीहिं उवसोहिया ।  
विसय-सुह-धुत्त-चरिहिं न-वि मोहिया ॥४॥

[१७०२]

कि-वि अट्ठंग-निमित्त-वियाणय ।  
के-वि मंत-जोइस-वक्खाणय ॥  
कि-वि विचित्त विज्जा-सय-भूसिय ।  
के-वि स-गुरु-पय-भत्ति-अदूसिय ॥५॥

[ १७०३ ]

के-वि समहिगय-बहु-तक्क-वर-लक्खणा ।  
 के-वि पुण छंद-साहिच्च-मुवियक्खणा ॥  
 के-वि नव-क्कव-वाचार-जिय-वम्महा ।  
 के-वि सिद्धंत-निद्धूय-क्कम्म-प्पहा ॥६॥

[ १७०४ ]

के-वि वक्खाण-करणम्मि उज्जय-मणा ।  
 के-वि पंच-विह-सज्झाय-भव-भंजणा ।  
 के-वि किइ-क्कम्म-निम्माण-रंजिय-जणा ।  
 के-वि निम्मल-हियय-मोह-वल-गंजणा ॥७॥

[ १७०५ ]

के-वि गुरु-वयण-दंसण-पहट्ठाणणा ।  
 के-वि नित्थारियाणेग-विह-भवियणा ॥  
 के-वि मासोववासाइ-तव-दित्तया ।  
 के-वि सण्णाण-वियरण-अमय-मित्तया ॥८॥

[ १७०६ ]

के-वि अह-खाय-चारित्त-जय-पावया ।  
 के-वि पुणु केवल-ण्णाण वर-दीवया ॥  
 के-वि अणवरय-परिविहिय-पडमासणा ।  
 के-वि चिट्ठंति परितुट्ठ-भव-वासणा ॥९॥

[ १७०७ ]

इय मुणि-सीहहं कय-जय-लीहहं पणयहं पाव-पणासणहं ।  
 पेक्खंतउ वयणइं भव-दुह-हरणइं वसुहाहिवु निरुवम-गुणहं ॥ १०॥

[ १७०८ ]

[ ११ ] पंचविहाहिगमेणं जा गच्छइ अग्गिमम्मि मग्गम्मि ।  
 ताव निरिक्खइ कप्प-दुमं व बहु-सिहरि-परियरियं ॥१॥

[१७०९] कुल-पव्वय-परिवेढिय-पेरंतं तियस-नाह-सिहरि व्व ।  
तारा-नियर-विराइय-आभोगं रयणि-रमणं व ॥

[१७१०] रवि-मंडलं व अवहरिय-इयर-तेयस्सि-विसर-माहणं ।  
वहु-साहु-निवह-मज्झस्मि संठियं पसरियाणंदं ॥

[१७११] तियसासुर-मणुयाणं सहाए सद्धम्म-मग्गमक्खेतं ।  
कंचण-कमल-निसन्नं तं चेव महा-मुणिंदं ति ॥

[१७१२] अह नर-नाहो विहिणा वंदेउ मुणिद-पाय-पउम-जुयं ।  
पुणरवि सोऊणं गुरु-वयणं गय-रज्ज-वामोहो ॥

[१७१३] सुहि-सयण-गिहावंधं मोत्तु पिया-वंधु-सचिव-परियरिओ ।  
गेण्हइ सिरि-संख-निवो केवल्लि-पासम्मि पव्वज्जं ॥

[१७१४] अह वित्थरेण गुरुणा अणुसट्ठी तस्स वियरिया एसा ।  
जह — धन्नो सि महा-यस तुमं इमाणि वि कयत्थाणि ॥

[१७१५] जम्हा निवत्त-चक्काहिवत्त-तियसाहिवत्तणाओ वि ।  
तुव्वेहिमणंत-गुणव्वहिया पत्ता चरित्त-सिरी ॥

[१७१६] एत्तो य विहेयव्वो अवभासो धम्म-सत्थ-विसयम्मि ।  
सम्ममववुज्झियव्वो आगम-वयणस्स परमत्थो ॥

[१७१७] तेण पुणो कायव्वो अणु-समयं नियय-मण-अवट्ठंभो ।  
निच्चमणुसीलणीया सिद्धंत-निवेइया किरिया ॥

१७०६ १ क ख अहत्तसाय

१७१०. १. क ख. व्व

१७१५. ३ क तुव्वेहिं

[१७१८] तह पञ्जुवासियव्वा संतो खल-संगमो वि मोयव्वो ।  
रक्खेयव्वा सव्वे वि जंतुणो स-तणु-पीड व्व ॥

[१७१९] मिउ-महुर-निउण-कज्जावडिय-परित्थोव-सच्च-गंभीरं ।  
भासेयव्वं वयणं सुह-करणं स-पर-पक्खेसु ॥

[१७२०] छिवियव्वो न करेण वि तय विस-सप्पो व्व कह-वि पर-विहव्वो ।  
सुमरण-संकप्पव्वमत्थणेहि रमणी वि मोयव्वा ॥

[१७२१] वाहिरंतंरंग-संग-च्चाओ सव्वप्पणा विहेयव्वो ।  
धरियव्वो निरुवम-मुणि-वेसो नीसेस-सुह-हेऊ ॥

[१७२२] नियय-सरीरं जावेयव्वं जा-जीवमवि पयत्तेण ।  
नव-कोडि-सुद्ध-आहार-वत्थ-सेज्जाइ-वत्थूहिं ॥

[१७२३] अनियय-विहारमवलंवेऊणं विहरियव्वमवणीए ।  
निदा-विगह-पमायाण वि दायव्वो न अवयासो ।  
अवि य —

[१७२४] मुच्छेयव्वं कोमल-फरिसेसु न न-वि य निरुवम-रसेसु ।  
मुज्झेयव्वं न सुरहि-गंधेसु न पवर-रूवेसु ॥

[१७२५] नाहिलसेयव्वा कमणीया सदा विवेय-कलिएहिं ।  
उव्वेइयव्वमवि नो कक्खड-सद्दे कु-रूवे य ।

[१७२६] अ-मणुन्न-रसा निदेयव्वा नो न वि-य दुरभि-गंधा य ।  
गरहेयव्वा फरिसा विरूव-रूवा न कइया-वि ।

[१७२७] किं बहुणं सोहेयव्वो अप्पा विसुज्झमाणार्हिं ।  
वारसहिं भावणार्हिं अणिच्चयासरणयार्हिं ॥

[१७२८] तह अट्टारस-सीलंग-सहम-अइजच्च-रयण-मालाहिं ।  
अण्णा विहूसिओ च्चिय धरियव्वो जाव-जीवं पि ॥

[१७२९] रमियव्वं पुण पंच-प्पयार-सज्झाय-परम-आरामे ।  
पंच-विहासु य समिईसु तिसु य गुत्तीसु जइयव्वं ॥

[१७३०] सहियव्वो परीसह-वग्गो वावीस-भेय-भिन्नो वि ।  
दिव्वाइणो य अहिवासेयव्वा विविह-उवसग्गा ॥

[१७३१] दस-विह-मुणि-जण-सामायारी असवन्न-जोय-चिंताए ।  
कायव्वा परिनिट्ठवियव्वो कम्मारि-संदोहो ॥

[१७३२] पावेयव्वा उवसम-लच्छी कायव्वमवहियं हिययं ।  
उप्पाडेयव्वं ससि-विमलं पुण केवल-ण्णाणं ॥

[१७३३] ता मोत्तु पूइ-देहं मलिऊणं नाण-चरण-रयणाई ।  
गंतूण सिव-पुरीए वेत्तव्वा तिहुयण-पडाया ॥

[१७३४] एएसु य सव्वेसु वि उवएस-पएसु भावि-जिण-इंदो ।  
सिरि-वद्धमाण-सामी आहरणत्तेण नायव्वो ॥

[१७३५] एत्थंतरम्मि वियसिय-मुह-कमलो भणइ संख-रायरिसी ।  
भयवं कहसु कहं मह भाविर-सिरि-वीर-जिणवइणो ॥

[१७३६] ता दंसण-किरण-धवलिय-दियंतरो केवली पयंपेइ ।  
जह — भइ इमा महई कहा तह वि सुणसु छेसेण ॥

तहा हि -

[१७३७]

एत्थ खत्तिय-कुंड-गामम्मि

नयरम्मि स-तेय-भर हरिय-सेस-तेयस्सि-वित्थरु ।  
सिद्धत्थु नामिण पयडु आसि निवड पसरिय-मडप्फरु ॥  
रंभ-तिलोत्तिम-हरि-दइय जिण जिय लीलाए वि ।  
सा तसु आसि पसिद्ध पिय नामिण तिसलाएवि ॥

[१७३८]

तासि निरुवम-विसय-सुह-अमय-

परिसित्त-चित्तहं गयउ कालु को-वि अह अन्न-भवसरि ।  
पुव्वज्जिय-गिरि-गरुय- सुकय-वसिण रयणीए अंतरि ॥  
अवलोयइ सयणिज्ज-गय देवि असम-फलयाइं ।  
चउदह गय-वसह-प्पमुह सु-पसत्थइं सिमिणाइं ॥

[१७३९]

तयणु उट्ठिवि कहइ देवस्सु

सिर-विरइय-पाणि-पुड अह भणेड सिद्धत्थु नरवइ ।  
जह - सामिणि किं-पि तुह तणय-रयणु हविहड महा-मइ ॥  
छक्खंडह वि वसुंधरह सामिउ चक्कवइ व्व ।  
तियसामुर-नर-पणय-पय- पंकउ तित्थवइ व्व ॥

[१७४०]

हवउ हवउ य सामि एयं ति

पुणरुत्तु देवि वि भणिवि वियसमाण-सुह-कमल-संतिय ।  
परिवालइ गव्भु अह अवर-दियहि किंचि वि स-चिंतिय ॥  
गव्भऽवइण्णइ वीर-जिणि अ-चलिर-अंगोवंगि ।  
अ-परिप्फदिर-कुक्खि परिदेवइ किंचि नयंगि ॥

[१७४१]

अहह केण-वि हरिउ किं गब्धु  
 मज्जे वि विलीणु कि-व किं-व गयउ नीहरवि कत्थ-वि ।  
 कप्पहु-परोहु न-हि आरुहेइ जणि जत्थ तत्थ वि ॥  
 अह नाण-त्तय सच्चविय-भुवणु भवोयहि-दीवु ।  
 अवगय-तिसलाएवि-मणु सामिउ ति-जय-पईवु ॥

[१७४२]

खणिण जणणी-जणय-सुह-हेउ  
 संलीण-अंगु वि निमिस- मेत्तु एग चालेइ अंगुलि ।  
 ता देवि न माइ निय- द्वियय-मज्झि गुरु-हरिस-संकुलि ॥  
 अह गब्भि वि मासाह छह सट्ठहं अंति जिणिंदु ।  
 अम्मा-पियरहं मणु मुणिवि विम्भिय-मुह-अरविंदु ॥

[१७४३]

अहह ता मह मुहु वि न नियंति  
 न वियाणहिं गुण-लवु वि लहहिं नेय उवयार-लेसु वि ।  
 संभासु वि सुणहि नहि नोवलभहि सपय-विसेसु वि ॥  
 तह-वि-हु असरिस-नेह पिउ- जणणि मज्झ उवरिम्मि ।  
 इय जीवंतहं इमहं हउं जइसु न चरण-विहिम्मि ॥

[१७४४]

इय विचित्तिरु गब्भ-वासे वि  
 कय-नियमु तिलोय-पहु गमिवि मास नव साइरेग य ।  
 चेत्तम्मि य तेरसिहि पुव्व-रत्त कालम्मि अन्नय ॥  
 हत्थुत्तर-जुत्तिण ससिण उत्तम-लग्ग-मुहुत्ति ।  
 पसवइ तिसलाएवि सुय- रयणु दिणम्मि पवित्ति ॥

१७४२. २. क अंगुलि, ८ क पियरह

१७४३. २ क वियाणहि



[१७४५]

अह सुरिदिण पंच-रूवेण

सिरि-वीर-कुमार-वरु विहिय-सेस-कायव्व-वित्थरु ।  
 निउ मदिरि अह पहुहु नियवि देहु चित्तइ पुरंदरु ॥  
 मणि-कंचण-चंदण-मयहं कलसहं जल-पव्वारु ।  
 कंव सहेसइ लहुय-तणु सामिउ वीर-कुमारु ॥

[१७४६]

तयणु अवहिण मुणिवि हरि-चित्तु

सोढासण-संठियह हरिहि अंक-देसि वि वडट्टउ ।  
 चलणग्गिण सामि सुर- मिहग्गि-सिहरु चालइ पहिट्टउ ॥  
 अह फुडइ व वंभंडु लहु गिरि-सिहरइ तुट्टंति ।  
 भज्जहिं तरुयर घर पडहिं जण-हियडइं फुट्टंति ॥

[१७४७]

चलइ महियलु सेसु सलवलइ

रयणायर झलल्लहिं ढलइ सयलु गह-चक्कु ठायह ।  
 विहुरिय मय गय भमहिं तिजय-लोउ गउ गुरु-विसायह ।  
 तयणंतर्क विक्खुहिय-मणु सुरवड परिभावंतु ।  
 अवहिण जाणइ जह — विहिउ सामिण इहु वुत्तंतु ॥

[१७४८]

तयणु पसरिय-लज्ज-वेलक्खु

पणमेप्पिणु पहु-पइहि भणइ — अहह मइं दुट्टु चित्तिउ ।  
 को न गुणइ विजिय-जउ सत्त-पसरु तुम्हाहं मंतिउ ॥  
 जे छत्तत्तिण कुणहिं धर डंडत्तिण गिरि-राउ ।  
 तहं कित्तिउ इहु जिण-वरहं गरुउ वि जल-संघाउ ॥

१७४७ ६ क विक्खुहि ९. क. इह.

१७४८ ७ क राओ

[१७४९]

ता खमिज्जसु सामि मह एहु

अवराहु अयाणुयह देसु हत्थु पट्ठीए जय-पहु ।  
 अह समियइ सयल-जय- खोहि तम्मि समयम्मि सुरवहु ॥  
 हुय मंगल-उग्गार-रव वहिरिय-गिरि-विवरोह ।  
 तियसासुर-पहुणो वि सय- सहस-गुणिय सुह-सोह ॥

[१७५०]

जम्म-ऊसव-ण्हवणि वट्ठंति

कि-वि कचण-कलस-रुर के-वि लेंति हत्थेहिं चामर ।  
 कि-वि गायहिं महुर-सरु ललिउ के-वि वायंति सुर-वर ॥  
 नच्चहिं विलसहिं चंकमहिं रमहिं अवरि साणंदु ।  
 भयवंतहं जम्मणि लहहिं असम-हरिस-नीसदु ॥

[१७५१]

अह सुहम्मिण तियस-नाहेण

कय-पंच-रूविण खणिण सुर-निहित्त-मणि-कणय-मणहरि ।  
 आणेवि जणणिहि सविहि मुत्तु सामि निगयम्मि मंदिरि ॥  
 तयणु सुरासुर-जोडसिहि निच्चु वि सेविज्जंतु ।  
 पंच-पयारिहिं धाइयहिं निरु परिवालिज्जंतु ॥

[१७५२]

नील-कुंतलु कमल-नयणिल्लु

विवाहरु सिय-दसणु कंबु-गीवु पुर-अररि-उरयलु ।  
 जुय-दीहर-भुय-जुयलु वयण-सास-जिय-कमल-उप्पलु ॥  
 पउम-दलारुण-कर-चरणु तविय-कणय-तीरंगु ।  
 अट्ट-वरिस-वउ पहुं हुयउ स-महिम-विजिय-अणंगु ॥

१७४९, ५ सुखरहु ७. क ववरोह,

१७५२, ४ क. जुयल.

[१७५३]

एत्थ-अंतरि अमर-परिसाए

सोहम्म-सुराहिवइ चंद-कंत-संमत्त-भाविउ ।  
 परिसाहइ तुट्ठ-मणु भुवण नाह-गुण-गणिण गाविउ ।  
 बालु अ-बाल-प्पगइ गुरु- विक्कसु वोर-कुमारु ।  
 खोहिउ सक्कु न एइ जइ इदु वि स-परीवारु ॥

[१७५४]

अह अ-सद्वहमाणु सुरु एगु

तियसिंदह वयणु पहु- सविहि पवण-वेगिण पहुत्तउ ।  
 भयवं पि-हु सिमुहिं सह अ-कय-संकु चिट्ठइ ललंतउ ॥  
 ता जय-बंधवि तरु-सिहरि आरुहम्मि स-तोसु ।  
 तियसु सु पहु-भेसणह कइ पयडिय-कित्तिम-रोसु ॥

[१७५५]

भुवण-पसरिय-घोर-फुक्कारु

गुंजारुण-लोयणउ दीह-काउ अलि-गवल-सामलु ।  
 जम-दूय-सरिच्छु गुरु- जमल-जीहु विस-वेग-पिच्छलु ॥  
 विवरिय-मुहु नीसेस-जय- कवलण-विहिहिं अ-चुक्कु ।  
 उप्फणु फणि तसु तरुहु थुडु परिवेढेविणु थक्कु ॥

[१७५६]

ता खणद्धिण मुक्क-पुक्कारु

गुरु-सासाउल-हियय नट्ट सयल-डिंभइं दिसो-दिस ।  
 भयवं पि-हु अ-खुहिउ उत्तरंतु विडविहि अहो-दिसि ॥  
 तसु तारिसह भुयंगमह सिरि विणिवेसिवि पाउ ।  
 परिवियसिय-वयणंवुरुहु तक्खणि महियलि आउ ॥

[१७५७]

तयणु मिलियइं डिंभ-रूवाइं  
 भयवंतह पुणु वि तह चैव तत्थ कीलेउ लग्गहिं ।  
 पुणु पट्ठिहिं आरुहणु करिवि कंदु-कीलाए वग्गहिं ॥  
 अह अहि-रूवु परिच्चइवि डिंभायारु धरेवि ।  
 तियसु ललेउ पयद्दु जय- सामिउ पुरउ करेवि ॥

[१७५८]

खणिण पाविय-विजउ जय-नाहु  
 सुर पट्ठिहि आरुहइ जाव ताव जय-खोह-कारणु ।  
 निम्मस-सोणिय-वयणु विसम-दंत पंतिहिं दुहावणु ॥  
 कुविय कयंत-कराल-तणु घडि-लोयणु वड्ढंतु ।  
 सुरु सु पिसाय-सरूव-धरु ससि रवि-नियडु पहुत्तु ॥

[१७५९]

तयणु सुरगिरि-गरुय-सत्तेण  
 भुवणब्भुय-माणसिण निमिस-मेत्तमवि अक्खुहंतिण ।  
 अब्भाहउ सुर-अहमु पट्ठि-देसि दुस्सहिण मुट्ठिण ॥  
 तयणंतरु वियलिर-नयणु तुदटिर-रसणा-दासु ।  
 गय-अहिमाणु पहीण-तणु हुयउ सु अ गहिय-नासु ॥

[१७६०]

अह पयासिवि तियसु अप्पाणु  
 पणमिप्पिणु पहु-पइहि तियस नाह-वुत्तंतु साहिवि ।  
 सिरि-विरइय-पाणि-पुडु सयलु-नियय-अवराहु खामिवि ॥  
 हियइ धरंतउ पहुहु गुण त्रिम्हिय-मुह-अरविंदु ।  
 साहिवि वइयरु नमइ सुर- मंदिरि गंतु सुरिंदु ॥

[१७६१]

किंचि-समहिय अट्ट-वारिसिउ

हुउ कमिण जय-प्पहु वि तयणु देवि सिद्धत्थ-निवइ वि ।  
 सुय-रयण-नेहह वसिण पहुहु नाण-माहप्पु अ-मुणिवि ॥  
 ण्हायवि लित्तालंकरिउ कय-कोउय-मंगल्लु ।  
 निउ उवझायह पुरउ पहु निरुवम-सिरि-सोहिल्लु ॥

[१७६२]

तयणु आसण-चलण-विण्णाय-

वुत्तंतु सुराहिवइ तत्थ झत्ति वेगिण पहुत्तउ ।  
 उवझायह कइ कयइ ठविवि सीह-भासणि निरुत्तउ ॥  
 जय-वंधवु तसु पुरउ पुणु सयमुवविसिवि कयत्थु ।  
 पुच्छइ सदत्थहं विसइ नीसेसु वि भावत्थु ॥

[१७६३]

ताव परूवइ गहिर-सद्देण

सदत्थ-लक्खणु सयल्लु वीर-नाहु अगगइ सुरिंदह ।  
 उवझाइण पुणु गहिवि के-वि लेस तसु सद-विंवह ॥  
 विरइउ इंद-न्वागरणु पमुइउ जणु वि अ-सेसु ।  
 सामिहि वालय-मेत्तह वि निसुणिवि वयण-विसेसु ॥

[१७६४]

तियस-नाहु वि पणय-जिण-सामि

संपत्तउ सुर-भवणि कमिण पहु वि तारुणि पत्तउ ।  
 परिणेइ जसोय वर- राय-कन्न नर-वरिण वुत्तउ ॥  
 उवभुंजंतह तीए सह विसय-सुहइं तसु ह्यु ।  
 निय-कुल-नहयल-चंद-पह इग पियदंसण धूय ॥

[१७६५]

काल-जोगिण तीस-वरिसस्सु

तियसिंद-सेविय-पयह पहुहु जणउ जणणि वि दिवं-गय ।

अ-पवज्जिरि वीर-जिणि रज्जु सयण पुरलोय संगय ॥

उत्तिम-लग्गि पवित्ति दिणि गह-गोयर-सुद्धीए ।

सु-विणिच्छिवि परिणाम-सुहु कज्जु सुद्ध-बुद्धीए ॥

[१७६६]

नंदिवद्धणु वंधु जय-पहुहु

विणिवेसहिं रज्ज-भरि पत्त-कालु पुणु भणइ सामिउ ।

अणुजाणहि भाय मइं जेण हवउं हउं सिद्धि-गामिउ ॥

जमिह न दिट्ठिहि तक्करिहि अप्पु मुसाविउ जुत्तु ।

लोयणवंतउ वुहु पडइ अंध-कूवि न निरुत्तु ॥

[१७६७]

नंदिवद्धणु भरिय-गल-सरणि

मुसुमूरिय-रज्ज-सुहु वंधु-विरहि जगु सुन्नु पेक्खिरु ।

कह-कह-वि समुल्लवइ अहह भाय किह तुहुं निरिक्खिरु ।

जणणी-जणय-विओय-दुहु मह हियडइ वइंतु ।

वद्धारसि खइ खारु परिखिवसि य इहु जंपत्तु ॥

[१७६८]

अह जिणाहिवु भणइ-नणु भाय

पिय-संगु विओग-फल कुगइ-मूलु निरु रज्ज-सुक्खु वि ।

विसया वि विसाय-कर नियय-रज्ज-पिउ सयण-लक्खु वि ॥

इय कसु कारणि भव-गहणि निवसिज्जइ विवुहेहिं ।

लभंतिहिं सासय-सुहिहिं असरिस-सुगइ-फलेहिं ॥

[ १७६९ ]

इय भणंतु वि कह-वि आ-वरिसु

जय-बंधु घरि धरिउ तेण नंदिवद्धणिण निवडण ।  
 अह कहमवि वोहिउण सयण-लोउ सयलो वि सामिण ॥  
 सारस्सय-सुर-कहिय-वय- समउ दाणु आ-वरिसु ।  
 दाउ किमिच्छय-माणवहं तिय-चउक्क-चउरेसु ॥

[ १७७० ]

जीए वित्थरु धणुह पणवीस

पन्नास आयासु पुणु उच्चयत्तु छत्तीस धणुहइं ।  
 मणि-कंचण-रुप्प-सिल- घडिय देस नीसेस रेहइं ॥  
 तीए चंद-प्पह-पवर- सीयए नाहु चडेवि ।  
 नाय-संडि उज्जाण-वणि गुरु-रिद्धिण गच्छेवि ॥

[ १७७१ ]

किण्ह दसमिहिं मग्गसिरि मासि

इत्थुत्तर-जोगि गड चंदि पवर-वासर-मुहुत्तिण ।  
 पडिवज्जइ चरणु पहु सोक्ख-सुक्ख-गय-एग चित्तिण ॥  
 अह तियसासुर-निव-निवह दिक्ख-महिम पेक्खेवि ।  
 वीर-जिणिंदह पय नमिवि गय गुरु-हरिसु लहेवि ॥

[ १७७२ ]

भुवण-बंधु वि चरण-सम-काल-

मण-नाणुप्पत्ति-जय- जंतु-जाय-मण-मुणण-पच्चलु ।  
 कय-छट्ट-तव-च्चरणु विमल-झाणि सुर-सिहरि-निच्चलु ॥  
 तसु उज्जाणह नीहरिवि गोयर-चरिय भमंतु ।  
 कोल्लागम्मि पुरम्मि घरि बहुल-दियह संपत्तु ॥

[१७७३]

तयणु बहुलिण तुट्ट-हियण

पाराविउ भुवण-पहु पायसेण निरु सुरहि-महुरिण ।

हुय कंचण-बुट्टि घरि गयणि पहय दुंदुहि सुरोहिण ॥

आणंदिय सुर-असुर निव- निवह जयम्मि अ-सेसि ।

वीर जिणिंदह तारिसइ तहिं पारणय-विसेसि ॥

[१७७४]

अह सहंतउ विविह उवसग्ग

परिसीलिरु उग्गु तबु निम्ममत्त-सिरि-तिलउ सामिउ ।

तसु तावस-आसमह अट्टि-गामि गउ वसह-गामिउ ॥

संझहं पुणु उस्सग्गि ठिउ जण-निहणण-लक्खस्सु ।

भुवण-भयंकरि आययणि सुलपाणि-जक्खस्सु ॥

[१७७५]

सुलपाणि वि रुट्ठु पहु-उवरि

नणु एस कंहुं नु मह भवणि रयणि-अवसरि पहुत्तउ ।

पडिसिद्धु वि पुर-जणिण तमिह अज्ज मारिसु निरुत्तउ ॥

इय चितंतउ सुर-सिहरि- थिरह तिजय-तिलयस्सु ।

सुलपाणि पयडइ पहुहु दुसहुवसग्ग-सहस्सु ॥

तहा हि-

[१७७६]

जय-भयावह-विसम-दाढालु

निरु विवरिय-मुह-कुहरु कणय-पिंणु केसर करालउ ।

गुंजारुण-नयणु खर- नहर-पाणि रोसिण विसालउ ॥

पुच्छच्छोड-प्पडिरविण भरिय विवरु गुरु-जीहु ।

जय-पहु-तणु-विदावयरु सुरिण विउव्विउ सीहु ॥



[१७७७]

न उण खोहिउ वीर-जिण-इंदु  
 तयणंतरु अलि-गवल नीलि-राय-गयणयल-सामलु ।  
 फण मंडव-उवरि ठिय- रयण-कंति अवहरिय-झामलु ॥  
 सामि-सरीर-विलुंषयर- भेरव-दाढ-कडप्पु ।  
 फुक्कारंतु सुराहमिण अहि-कुल मुक्कु स-दप्पु ॥

[१७७८]

तह-वि जय-पहु मणि अ-खुमंति  
 जालोलि-कवलिय-तिमिरु भुवण-वामि-जिय-लोय-दुह्यरु ।  
 दिसियंतर-परिभमिरु अइरु पत्त-धरणियल-वित्थरु ॥  
 जक्खण तेण विउव्विउण खिविउ समुहु कय-डाहु ।  
 सुर-गिरि-चूला-अविचलिर- मणह पहुहु हुयवाहु ॥

[१७७९]

तयणु सामिहि तणु करग्गेण  
 उप्पाडिवि गयणयलि परिखिवंतु गलगज्जि-दारुणु ।  
 उल्लालिय-चंड-करु दसण-मुसल-पहु-खोढ-कारणु ॥  
 दिसिहिं खिवंतउ संनिहिउ सयलु वि वत्थु-समूहु ।  
 जक्खण खिविउ विउव्विउण पहुहु समुहु गय-जूहु ॥

[१७८०]

अह विलंविय-केस-पब्भारु  
 रोयंतु करुणारविण जलिर-जलणु वयणिण मुयंतउ ।  
 सु-दुहत्तु कराल-तणु कररुहेहिं उरयलु दलंतउ ॥  
 करयल-कय-कत्तिय-जलण- खप्पर-रुहिर-कवालु ।  
 नग्गउ जोगिणि-गणु जणिउ जय-झाण-क्खय-कालु ॥

[१७८१]

तह-वि अ-खुहिरि नाहि वर-कणय-

परिपिंगल-सिर-चिहुर वाम पाणि कय-जलण-खप्परु ।

अन्नयर-कर-गहिय- गरुय-वज्ज-मुग्गर-भयंकरु ॥

फिक्कारंतु पिसाय-सय संकुल-सयल-पएसु ।

लंवरि-जीहु पहुत्तु तहिं गुरु-वेयाल-विसेसु ॥

[१७८२]

इय भीरु-पुरिस भेरव-दुहिएहिं भूरि-भीसण-मएहिं ।

विक्खोहिओ वि बहुहा खुहइ मणागं पि-हु न सामी ॥

[१७८३]

ता निरिक्खिय-सामि-माहप्पु

मुसुमूरिय-रोस-भरु सूलपाणि अप्पणु पयासिवि ।

पहू-पाइहिं निवडिउण नियय-दोस सयलि वि खमाविवि ॥

पसरिय-भत्ति समुल्लभिय- रोमंचचिय-गत्तु ।

जक्खु पयासइ नट्ट-विहि निरुवम-पहु-पय-भत्तु ॥

[१७८४]

इय विचित्तहं तियस-तेरिच्छ

माणुसियहं तम पडलु अवहरंतु पहु भुवण-दिणयरु ।

संपत्तउ रायगिहि नयरि भविय-अरविंद-सरवरु ॥

नालंदह वहियाए ठिउ तंतुवाय-सालाए ।

अह मंखलि मंखहं तणउ अगुब्भवु भदाए ॥

[१७८५]

गवहं सालहं जाउ इय विहिउ  
 गोसालउ नासु जसु सो समगिग महियलि भमंतउ ।  
 निय-जणय-सन्निहि-गहिय- मंख-सिण्णु पहु-सविहि पत्तउ ॥  
 वासम्मि य तत्थ वि ठियउ जणि दंसंतु नियल्लु ।  
 वालिस-लोय-पमोय-करु मंख-कलहं कोसल्लु\* ॥

[१७८६]

पढम-मासिय-खमण-पारणगि  
 जय-वंधु वि नयरि तहिं परिभमंतु गोयरिय-चरियहं ।  
 संपत्तु अह-क्कमिण गिह-दुवारि इव्वभस्सु विजयह ॥  
 ता वियसिय-मुह-पंकइण पुलइय-सव्वंगेण ।  
 धन्नु कयत्थउ हउं जि पर जसु मंदिरि एएण ॥

[१७८७]

इट्ठ-फलइण कप्प-तरुण व्व  
 तइलोय-पियामहिण चलण-कमल-खेविण विहूसिउ ।  
 ता फासुय-एसणिउ किं-पि देमि भाविण अ-दूसिउ ॥  
 इय चिंतंतिण ससि-विमल- वइढमाण-भावेण ।  
 सुद्धाहारिण भुवण-पहु पडिलाहिउ विजएण ।

[१७८८]

तयणु तियसिहिं कणय-मणि-कुसुम-  
 गंधोदय-वुट्ठि कय फुरिउ देव-हुंहुहि-निघोसिण ।  
 तियसासुर-नरवर वि तत्थ पत्त गरुएण हरिसिण ॥  
 मंखलि-पुत्तु वि ददहु पहु- महिम-पमोयावन्नु ।  
 दव्वट्ठिउ चिट्ठइ पहुहु निच्चु वि सेव-पवन्नु ॥

[१७८९]

कमिण सामिण समगु हिंडंतु

बहु-भेय-वत्तव्वयहि कुम्मगास-उज्जाणि पत्तउ ।  
 जा ताव निण्ड सुहि- सयण-विहव पत्तहं वि चत्तउ ॥  
 सगसगंत-ज्या-सहस जड-मउडस्स निहाणु ।  
 वेसायण-नामिण पयडु वाल-तवस्सि पहाणु ॥

[१७९०]

ता विगिंचिय-वयण-नयणिल्लु

गोसालउ तसु पुरउ भणइ - मुणसि त किं-पि तावस ।  
 सेज्जायरु जूयहं व अप्प-दमणि पसरंत-अवजस ॥  
 इय अ-समंजस तसु वयण पुणुरुत्तइं निसुणंतु ।  
 वेसायण-तावसु गरुय- कोव-भरिण कंपंतु ॥

[१७९१]

इणण-कज्जिण निन्निमित्तस्सु

गोसालय-वेरियह तेय-लेस भासुर विउज्झइ ।  
 गोसालु वि विहुर-तणु गंतु पडुहु चलणिहि विलग्गइ ॥  
 ता जिण-वरिण दया-परिण सीयल लेस पहाण ।  
 मुक्का तह जह तसु रिसिहि तेय-लेस विहाण ॥

[१७९२]

अहह सामिहि किं-पि माहणु

कारुणु वि जय-अहिउ सीसु होमि ता हउं वि एयहि ।  
 इय वेसायणु तवसि चित्तयंतु पणमेइ सामिहि ॥  
 भणइ य - न मुणिउ सामि मडं सीसु जु तुम्हहं एहु ।  
 ता खमिउण अवराहु मह पुट्ठिहिं निय-करु देहु ॥

[१७९३]

इय खमाविवि गयउ निय-टाणि  
 वेसायण-वाल-रिसि जाव ताव मखलिहि पुत्तिण ।  
 पुट्ठम्मि कहेइ पहु तेय-लेस-उप्पत्ति जत्तिण ॥  
 नरु छठ-छठ-तव-कम्म-रउ आयावणि-गय-चित्तु ।  
 पारणगि वि कुम्मासमय पिंढि एग गिण्हंतु ॥

[१७९४]

सलिल-पसड वि एग पीयंतु  
 छम्मास-अइक्कमिण तेय-लेस दिप्पंत पावइ ।  
 इय कहिरु गोसालयह कुम्म-गामि जय-बंधु विहरड ।  
 कोदव-कूरह गोयरिण पायस-थालि-गएण ।  
 पुरिस मंस-भोयणिण तिल- निप्फत्ती-विसएण ॥

[१७९५]

गहिय-कुग्गहु चत्त-पहु-सविहि  
 गोसालउ पाव-मइ नियह-वाउ जय-जणि पइट्ठिरु ।  
 सावत्थिहिं गंतु पुर- वहि-कुलाल-भवणम्मि चिट्ठिरु ॥  
 जिणवर-उवएसिय-विहिण तेय-लेस साहेइ ।  
 तीए परिकखह कइ अवड- तडि इग दासि डहेइ ।

[१७९६]

तयणु पसरिय-दप्प-तिमिरंधु  
 मिलिऊण नेमित्थियहं छण्ह पास जिण-सिरस-देसहं ।  
 गहिरुण निमित्त-लवु अट्ट-अंगु सविहम्मि पुणु तहं ॥  
 जिणु अ-जिणो वि अ-केवलि वि केवलि हउ ति भणंतु ।  
 भमड महीयलि वालिसिहि सीसिहि सेविज्जंतु ॥

[१७९७]

भुवण-वंधु वि पत्तु दढ-भूमि

पेढाल-नयरोववणि वेइयम्मि पोलास-नामणि ।

कय-अट्टम-भत्त-तवु ठाड पडिम तहि एग-राइणि ॥

अह पट्टु-चरिय-चमक्कियउ सहह भणइ सुरिंदु ।

अहह नियह सुर वीर-जिणु पणयामर-धरणिंदु ॥

[१७९८]

एग-पुगलि निसिय-निय-नयणु

सुर-सिहरि-थिरेग-मणु लंघ-वाहु नमिरंगु किंचि-वि ।

तियसासुर-सामिहिं वि निमिस-मित्तु तीरइ न खंचिवि ॥

अह अ-भविउ संगमय-सुरु सुरवइ सविहि वइट्टु ।

एहु अ-सदहमाणु फुडु जंपइ चित्ति पउट्टु ॥

[१७९९]

अहह जायउ एगु सामित्तु

किं वहुएहिं वि गुणिहिं जसु वसेण जुत्तु व अजुत्तु वि ।

पडिहासइ जणि जमिह को णु वीरु जो मणुय-मैत्तु वि ॥

इंदेहिं वि स-सुरासुरिहिं तीरइ न वि चालेउ ।

अहवा संसउ हरिसु हउं एयह माणु मलेउ ॥

[१८००]

इय स-निट्टुरु भणिरु सुर-वरिण

पडिसिट्टु वि संगमउ जाइ सविहि सिरि-वीर-नाहह ।

पयडेइ य दुसह उवसग्ग-वग्ग तसु लंघ-वाहह ॥

पढमु भयंकरु भरिय धरु उद्धुंधुलिय दसासु ।

उवरि विउव्वइ मग्ग-तरु धूलि वरिसु सु ह्यासु ॥

[१८०१]

मेरु-सिहरि व मामि-सालो वि

अ-विकंपिर-मणु मुणिवि वज्ज-तुंड-कीडियहिं बहुयहिं ।  
 घेइल्ल-विच्छुय-नउल- डंस-मसग-मूमग-पिसाइहिं ॥  
 कुंभि-मिरीसिव-वणमहिस- सीह-किसोर-सएहिं ।  
 खर-मारुय-विगराल-विग- पमुहेहिं वि भयएहिं ॥

[१८०२]

करुण-विलविर-निवइ-सिद्धुत्थ

तिसलाण उवदंसणिण अमर-तरुणि-कय-गेय-नट्टिण ।  
 अवरेण वि इपर-जण- हियय-हरिण उवसग्ग वग्गिण ॥  
 चालिज्जंतु वि जय-पहुहु झाणह चलिउ न चित्तु ।  
 अह तियसाहसु संगमउ गरुय-पओसिण दित्तु ।

[१८०३]

गयण-मग्गह गरुय-तेयइह

पसरंत-धारा-सहसु भार-सहस-भरु चक्कु मिल्लइ ।  
 ता बहिरिय-दिसि-विवरु खुहिउ जलहि महि-वलउ डोल्लइ ॥  
 भुवण-भयंकरी चक्कि तहिं सीस-उवरि पडियम्मि ।  
 जाणु-मेत्तु जय-बंधवु वि खुत्तउ धरणि-तलम्मि ॥

[१८०४]

तह-वि अ-चलिर-चित्ति सामिम्मि

वियलंत-तारा-नियरु झीण-संझु रवि उदउ पयडइ ।  
 सामी वि-हु निय-अवहि- नाण वलिण रयणि त्ति जाणइ ॥  
 चिट्ठेइ य धरणियल-थिर- निय-पडिमहं पडिवन्नु ।  
 तयणंतरु संगम-तियसु भणइ सहावावन्नु ॥

[१८०५]

तुदठु जिणवर तुज्झ हउं भुवण-

दुलहो वि मग्गेसु वरु करिवि वीस अइ-दुसह एरिस ।

छम्मासा जाव अचरे वि काउ उवसग्ग विरारिस ॥

सामिहि जलहि-गहीरु मणु मुणिवि मोक्ख-कय-लक्खु ।

सुर-मंदिरि इंदह पुरउ गउ सगमउ विलक्खु ॥

[१८०६]

किंतु सक्किण फुरिय-कोवेण

संजाय-परम्महिण भणिउ डयर-तियसाहं सम्मुहु ।

जह — अ-निएयव्वु इहु पाव-चरितु सगमउ दुम्मुहु ॥

संक महारी य वि न किय एत्तिउ कालु इमेण ।

उवसगंतिण भुवण-पहु दुसहुवसग्ग-सएण ॥

[१८०७]

जइ वि मंदरु पवण-कलियार्हि

चालिज्जइ जइ जलहि मडह-वाल-चुलुगिहि मविज्जइ ।

रवि उग्गइ पच्छिमहं जइ वि जइ-वि थर करि धरिज्जइ ॥

तह-वि न तिहुयण-सिरि-तिलउ नियय-झाण-मग्गस्सु ।

चालिज्जइ स-नरामरिण सुरवइणा वि अवस्सु ॥

[१८०८]

इय भणंतह तियस-नाहस्सु

कोवानल-दइढ-तणु झीण-पुण्णु निय-देवि-सहियउ ।

सोहम्मह चालियउ गंतु मेरु-चूलाए रहियउ ॥

जय-वंधु वि वीयम्मि दिणि वग्गवाल-थेरीए ।

पडिलाहिउ हरिसिय-मणए दोसीणय-खीरीए ॥



[१८०९]

जाय कंचण-बुट्टि तग्गेहि

भयवं पि अहक्कमिण सुंसुमार-वर-नयर-वाहिहि ।  
 उस्सग्गिण ठियउ वण- मज्झि पडिम उट्ठिमउ विसाडहि ॥  
 तत्थ ठियस्स य जय पट्टुहु हुय जह चमरुप्पत्ति ।  
 छेसिण माहितस्सु मह तह परिभावहु चित्ति ॥

तद्वा हि -

[१८१०]

इह वि भारह-खित्ति वेमाल-

अभिजाणिण विस्सुयड देसि आमि पूरणु गहावड ।  
 सो मज्झिम-वड करिवि उग्गु वाळ-तवु हुउ अमुर-वड ॥  
 चमर-नामु भवणिंदु अह कय-कायव्व-विसेसु ।  
 सीहासणि उवविसिवि जगु अवहिण नियइ असेसु ॥

[१८११]

तयणु पेक्खिवि सीस-उवरिम्मि

मोहम्मिय-सुरवइहि फुरिय-नेय-भरु सीह-आसणु ।  
 साडोवु समुल्लवड चमर-इंदु आसज्ज सुर-गणु ॥  
 नणु इंदाहमु को णु इहु निय-सिरि गव्वु वहेड ।  
 जा मज्झ वि सीसह उवरि माणु मलंतु वसेइ ॥

[१८१२]

हवउ एहु जि नाहु सुर-असुर-

मज्झम्मि अहवा हउं किण वि एग-पक्खम्मि दणियड ।  
 पडियारि एगम्मि जि न माडं दोणिण खग्ग त्ति भणियइ ॥  
 तयणंतुरु पभणहि असुर नाह न भण्णइ एहु ।  
 सासय-ठिइ इह इय इहु वि निय-सुकयहं फलु छेउ ॥

[१८१३]

न-उण केण-वि कसु वि सुकयाइं

तीरंनि विहलेउ इय किमिह नाह अट्टाण-कोविण ।  
 इय जपिर पुणु पुणु वि नियय-असुर अवगणिय चमरिण ॥  
 ता कुंडल-मउडाहरणु उरयल-विलुलिर-हारु ।  
 चमरु गंतु सामिहि पुरउ कय-असरिस-सिंगारु ॥

[१८१४]

नमिवि सायरु भणइ — जय-नाह

तुह चलण सरणु मह संपईए आवइ-विसेसि वि ।  
 सरि-सलिलहं ठाणु नणु कवणु अन्नु जल-निहि विउज्झिवि ॥  
 इय भणिऊण जिणाहिवइ- पय-पउमहं निस्साए ।  
 वाहु-विइज्जु सु असुर-वइ विनडिउ स-दुरासाए ॥

[१८१५]

गवल-कज्जल-कंति-विगराल-

सव्वंगु जोयणहं सय सहस-माणु निय-तणु विउन्निवि ।  
 तइलोय-भयावणिय- दट्ट-उदट्टु करि फरिह वेत्तु वि ॥  
 गज्जइ विहसइ उल्लल्लइ धरणिहि दलइ चवेड ।  
 कुणइ य चलणिहि दहरउ पाडइ मंदिर-पेड ॥  
 अवि य —

[१८१६]

नदइ सीहु व करि व गडयडइ

हेसेइ तुरंगमु व गयणि विज्जु-पुंजु व झवकइ ।  
 विक्खोहइ धरणियलु गयण-वासि-जण-मणु धवकइ ॥  
 कर-अगुट्टय-अंगुलिहिं सुह-मंकडिउ कुणंतु ।  
 पत्तु सु सोहम्मिय-सहहं तियस-तरुणि भेसंतु ॥

[१८१७]

तयणु - अरि अरि सक्क तुहुं अञ्जु

सामाणिय-पमुह-सुर- सहिउ सरसु निय-इट्टु को वि-हु ।  
 सुर-तरुणिउ एहि पुणु एहि तुज्झ लच्छी वि मइं वि-हु ॥  
 पडिवज्जहुं दइयत्तणिण जिह पावन्ति मुहाइं ।  
 स-मइण चमरोवरि-ठिइण तइं पुणु एयहं काटं ॥

[१८१८]

इय स-निदट्टर वयण निसुणंत

रोसारुण-नयण-दल मक्क-मुहड साडोयु जंपहिं ।  
 अरि चमरय दिट्ठि-पहु मुयसु जा न पहु-भिच्च कुप्पहिं ॥  
 किह इह आगंतूण तुहुं मरहि अ-पूरइ कालि ।  
 अज्ज-वि वलिउण हंत लहु लहु पविमसु पायालि ॥

[१८१९]

तयणु भिउडिय-भाल-वट्ठेण

रोसारुण-लोयणिण कंषमाण-अंगेण चमरिण ।  
 कर-कय-फरिहाउहिण सक्क-सुरिहि सह विहिय-समरिण ॥  
 इगु पउ ठविरिण वेइयहं इगु सुर-गिरि-चूलाए ।  
 सक्क-सुहड सयलि वि खणिण परमुहिकय हेलाए ॥

[१८२०]

ता विसप्पिर-दप्पु चमरिंदु

सोहम्म-सुराहिवह हणण-हेउ समुवेइ समुहउ ।  
 तयणंतरु - भवण-वइ- अहम अरिरि रे चमर निहयउ ॥  
 रिउ-दुसहिण पसरिय-पहिण मह-सत्थिण एएण ।  
 इय जंपेवि विमुक्कु तसु समुहु वज्जु सक्केण ॥

[१८२१]

तयणु कंचण-कंति-जालोलि-

पिंगलिय-अंवर-विवरु      नियवि वज्जु सभ्मुहु उवेंतउ ।  
 भय-वेविर-तणु चमरु      जीवियव्व-आसहं वि चत्तउ ॥  
 उप्परि पडहिं अहो-मुहिण      मण-वेगेण पलाणु ।  
 पहु पहु तुहुं मह तुहुं सरणु सरणु एस्व भणमाणु ॥

[१८२२]

देह-वित्थरु कमिण संहरिवि

छच्चलण-पमाण-तणु      सामि-साल-पय-तलि निलुक्कउ ।  
 अह सक्किण मुणिवि निय-      नाण-वलिण जह — मज्झ दुक्कउ ॥  
 इहु धुवु वीर-जिणेशरह      पाय-निस्स गिण्हेवि ।  
 ता धिसि धिसि मइं विलसियउं      किमिमह वज्जु मुएवि ॥

[१८२३]

खणिण धाविवि पवण-वेगेण

पहु-पाय-सविट्ठिहिं गमिरु वज्ज-रयणु संगहिवि हत्थिण ।  
 पणमेप्पिणु खामिउण      सामि-सालु हियइण पसत्थिण ॥  
 जंपइ चमरिंदह पुरउ      सुर-वर तइं किउ सुट्ठु ।  
 जं निस्सहं जय-बंधवह      तुहुं मह सहहं पविट्ठु ॥

[१८२४]

किह-णु अन्नहं मह सयासाउ

जीवंतउ छुट्ठिउण      आगओ सि एदह-पहंतरि ।  
 ता भुंजसु तुट्ठ-मणु      पहु-पसाय-जोगेण सुर-सिरि ॥  
 इयरो वि-हु पावेइ नरु सुहइं स-पावहं अति ।  
 कडुयाइं वि निवहं फलइं महुरीहुंति वसंति ॥

[१८२५]

अह पटुत्तउ सवकु सोहम्मि

चमरिंदु वि साम-मुहु नियय-ठाणि संप कहमवि ।  
 विहरंतु कोसंवियहिं पुरिहिं पत्तु सिं वीर-नाहु वि ॥  
 तं परिवालइ सु-दढ-वल निवड सयाणिय- ।सु ।  
 तसु वि मिगावइ नाम पिय आसि सयल-गुण गामु ॥

[१८२६]

तह तिगुत्तय-नामु सचिर्विंदु

नंदा उण दइय तसु संति ताइं सयलाइं नेहिण ।  
 कुव्वंति निरंतरु वि विमल-धम्म-कम्माइं भाविण ॥  
 तत्थ य जय-सामिण ठिइण गहिउ सिद्धि-सुह-हेउ ।  
 दव्व-खेत्त-कालाइयहं विसइ अभिगगहु एउ ॥

[१८२७]

पोस-मासहं कसिण-पडिवयहं

दव्वम्मि कुमास मह सुप्प-कोणि लब्भंत कप्पहिं ।  
 खित्तम्मि उ उम्बरहं मज्झि ठाहि न-वि ठविय-चलणिहिं ॥  
 कालम्मि उ भिक्खायरिहिं निय-निय-ठाण-ठिएहिं ।  
 भावम्मि उ रोयंतियहिं उत्तरिइहिं केसेहिं ॥

[१८२८]

दासि-भाविण ठियहिं कह-कह-वि

उवलद्ध सयं पि निव- कन्नयाए दिज्जंत गेण्हहुं ।  
 अन्नह उण बहुयरु वि कालु जाव तव-कम्मि चिट्ठहुं ॥  
 इय चित्तु अ-लद्धिउ वि गोयर-चरिय भमेइ ।  
 विविह-परीसह-सहण-रुइ मास चियारि गमेइ ॥

[१८२९]

अह सयाणिय-निविण विन्नाय-

घुत्तंतिण निय-सचिवु भणिउ - भइ कि तइं न-याणिउ ।  
 जह चिद्धइ उग्गु तवु तविरु नाहु तिहुयण-वखाणिउ ॥  
 गोयर-चरियहं पइ-दियहु पडि-भवणं पि भमेइ ।  
 न-उणो केण-वि कारणिण कत्थ-वि भिक्ख गहेइ ॥

[१८३०]

एम्भ अइगय मास चत्तारि

इय कह-वि तहुज्जमसु जेण भिक्ख गिण्हेइ सामिउ ।  
 अह सचिवह वयणु अणुसरिवि लोउ गुरु-भत्ति-भाविउ ॥  
 गाइरु नच्चिरु पलविरु वि स-मुह परम्मुहि काइ ।  
 होयइ दाणु अणेग-विहु न उ सामिहि पडिहाइ ॥

इओ य -

[१८३१]

चंपय-नयरिहिं आसि नर-नाहु

दहिवाहण-नामयउ धारिणि त्ति पुणु तस्सु भारिय ।  
 तेसिं पि-हु धूय इम वसुमइ त्ति गुण-रयण-सारिय ॥  
 अवरावसरि सयाणिइण भग्गु सु स-पुर-नरेसु ।  
 धारिणि-देवि वि दुहिय-जुय गेण्हइ सुहड-विसेसु ॥

[१८३२]

भणइ पुणु जण-मज्झि जह - एग

इह होसइ मह दइय इयर कह-वि पुणु विक्किणिस्सउं ।  
 ता चित्तइ दुह-भरिय- हियय देवि - धिसि इइय जगि हउं ॥  
 जं खंडिय-सीलहं दलिय- कुल-मेरा-लज्जाहं ।  
 को गुणु पाविय-जीवियहं निगुणहं कुल-विलयाहं ॥

[१८३३]

इय विचिंतिर कुगइ-विणिवाय-  
 भय-विहुर-माणस-पसर जाय-हियय-संघट्ट धारिणि ।  
 पंचत्तह पत्त जय- जंतु-जाय-मण-खेय-कारिणि ॥  
 अहमा एस वि मरउ इय परिचिंतिउण सढेण ।  
 आणिवि वीहिहि ओड्डविय वसुमइ तिण सुहढेण ॥

[१८३४]

तयणु आगिइ-वसिण पवरु त्ति  
 कुलु जाइ वि वालियह परिमुणेवि विज्जाणुहाविण ।  
 वणि-वरिण धणावहिण तहिं पएसि संपत्त-मित्तिण ॥  
 किंचि-वि मुल्लु पयच्छिउण स-घरि नीय सा वाल ।  
 निय-नामु वि अ-कहंत तहि चिट्ठइ गुणिहि विसाल ॥

[१८३५]

दिट्ठ सिट्ठिण धूय-बुद्धीए  
 तह मूला-नामियहि निय-पियाए पुत्ति त्ति अप्पिय ।  
 तीए वि-हु सच्चविय धूय-सइण सा निव्वियप्पिय ॥  
 लोगम्मि वि दित्थरिय निरु पसरिय-गुरु-गुण-माल ।  
 अभिहाणिण वणि-वर-ऊइण एह ज चंदणवाल ॥

[१८३६]

कमिण तहि गुण-गरिम अ-सहंत  
 गिरि-गरुयर-दोस-भर- मूल मूल छिड्डइं पलोयह ।  
 अ-नियच्छिर अमरिसिण गमइ दियह हियएण सोयइ ॥  
 अह अन्नह मज्झणिह गउ भवणि धणावहु सिट्ठि ।  
 अ-नियंतउ पुणु माणुसु वि चिट्ठइ चंचल-दिट्ठि ॥

[१८३७]

अह निसगिय-विणय-तोरविय

जल-भायणु वेत्तु करि सेट्टि-चलण धोवेइ चंदण ।  
 जा ताव तहि चिहुर-भरु छुटमाणु पिकखेवि सेट्टिण ॥  
 मा कहमि निवडिहइ इहु इय परिचितंतेण ।  
 लीलालयहं गहेवि लहु वडु धणावहएण ॥

[१८३८]

तावलोयण-ठियहि मूलाए

इहु ददटु विचित्तियउं नूण कज्जु चिट्ठइ विणट्ठउं ।  
 जं दुण्ह-वि विलसियउं इमह एहु समयमवि-हु दिट्ठउं ॥  
 इय तरुणु वि छिज्जंतु विस-विडवि सुहावहु होइ ।  
 जणिण उविविखज्जंतु पुणु अ-सुहु पयासइ लोइ ॥

अवि य -

[१८३९]

वरि हउं मुय वरि हउं स जाय वरि विस-हरिं खद्धी ।  
 वरि उब्भा-सल्लियहं भिन्न वरि हुयवहि दद्धी ॥  
 वरि उव्वंधिय रुक्ख-डालि वरि खड्डहं घल्लिय ।  
 मं मइं दिदटु सवत्ति-जुत्तु पिउ हियडा-सल्लिय ॥

[१८४०]

इय विचित्तिर घरह वाहिम्मि

नीहरियइ वणि-पवरि गरुय-रोस उव्वंत-लोयण ।  
 निय-परियणु ताडिउण तियस-सिहरि-गुरु-पाव-भायण ॥  
 मुंडावेविणु चिहुर-भरु नियळाविवि नियलेहिं ।  
 मज्झि पवेसाविवि घरहं चंदण ठविय खळेहि ॥



[१८४१]

अह धणावह-सेट्टि अ-नियंतु

घरि चंदणवाल परिकुरिय-असुहु पुच्छेइ परियणु ।

न य किं-पि कहेइ कु-वि तयणु मन्नु-जल-भरिय-लोयणु ॥

सेट्टि गमावह कह-वि दिण तिन्नि चउत्थ-दिणे उ ।

तसु बुद्धहं सयलु वि कहिउ निय-जिउ पणु मिल्लेउ ॥

[१८४२]

तयणु मूलह समुहु जंपंतु

अ-समंजस-बहु-विहइं फुरिय-कोव-कंपंत-कंधरु ।

उगवाडइ निय-करिहिं घरह दो-वि दाराइं वणि-वरु ॥

जा ता सारय-ससि-विमल- निय-गुण-गणिण विसाल ।

पेक्खइ अट्टम-तव-सुसिय-तणु-लय चंदणवाल ॥

[१८४३]

तयणु — धिसि धिसि देव्व तइं इमह

किह एरिस विहिय दस पाव-मूलि मूलि वि कहेरिसु ।

तुह चंदणवाल-कुमरियह उवरि संजाउ अमरिसु ॥

इय वोल्लंतउ पुणु पुणु वि पयडिय-अंसु-पवाहु ।

जोयइ भोयणु चंदणह जोग्गउं बुद्ध-सणाहु ॥

[१८४४]

न-उण किं-चि वि विहि-निओण

तं तारिसु तहिं समइ कुमरि-जोग्गु भोयणु पलोयइ ।

समओच्चिय नियवि पुणु सुप्प-कोणि कुम्मास ढोयइ ॥

अह लोहारह घरि गयउ नियल-विहाडण-हेउ ।

ता दट्ठिवाहण-निव-दुहिय करि कुम्मास गहेउ ॥

[१८४५]

जूह-चिरहिय-वर-करेणु च्व

मुत्ताहल-धूल-नयणंसु-धार-परिसित्त-वयणिय ।

सुमरेविणु निय-घरह कयइ करुणु सिसु-हरिण-नबणिय ॥

जणणिहि मरणिण पिउ-विरहि वंधुहुं विणु वि दुहत्त ।

विलवइ चंदणवाल गिरि- गरुय-सोय-संतत्त ॥

[१८४६]

अहह कह मह ताइं दियहाइं

सा चंपा-नयरि कहिं कत्थ ताइं स-सहियण-ललियइं ।

दहिवाहण-निबु सु कहिं कह ति सुहइं निय-जणणि-जणियइं ॥

कह-व सुरासुर-पहु-दुलह ते आहार असेस ।

अट्टम-भत्तहं अंति इहि किह कुम्मास-विसेस ॥

[१८४७]

अहव जइ कु-वि अतिहि इह एज्ज

ता तस्सु इहु निय-करिहिं सयल-दोस-परिमुदु कप्पउं ।

वियरिप्पिणु दाणु हउं करहुं अज्जु कय-किच्चु अप्पउं ॥

इय चित्तिरह महा-सइहि चंदणवालह गेहि ।

सामि पहुत्तउ तयणु गुरु हरिसु फुरिउ तसु देहि ॥

[१८४८]

अहह दमगह घरि' कणय-बुद्धि

मरु-मंडलि कप्प-तरु काम-धेणु घर-अजिरि रोरह ।

जं एरिस-दसहं मह सविहि हुयउं आगमणु वीरहं ॥

इय चित्तिर मन्नंत निरु जगि कय-किच्चउं अप्पु ।

चंदणवाल गदेवि निय- करि कुम्मासहं सुप्पु ॥

[१८४९]

भणइ - कप्पहिं नाह जइ तुम्ह  
 कुम्मास इहि एरिसय ता पसीय महुवरि पडिच्छह ।  
 अह भुवण-पियामहिण मुणिवि सुद्धि वर-कमल-सच्छह ॥  
 हत्थ पसारिय तक्खणिण भज्जिवि नियल तडत्ति ।  
 चलणिहिं मणि-मंडिय-कणय नेउर जाय झड त्ति ॥

[१८५०]

\* अह पचइहिय-केस-पासाए  
 वियसंत-मुह-पंकयए तीए दिन्न कुम्मास नाहह ।  
 तह पच-दिणोण-छम्मास- अंति पारणु अ-वाहह ॥  
 हुयउं तयणु गयणह पडिय घरि तहिं कंचण-बुद्धि ।  
 जणि स-नराहिवि आवियइ जय-जय-रवि उग्घुट्ठि ॥

[१८५१]

अमर-वियरिय-वत्थलंकार-  
 परिमंडिय-सयल-तणु दुगुणि-हूय-लायण चंदण ।  
 तक्काल-समागइण थुणिय स-सुर-सोहम्म-इंदिण ॥  
 धन्न तुमं चिय जीए जय- पहु पाराविउ एहु ।  
 इय अहरेण वि हवसि तुहुं असम-सुगइ-सुह-मेहु ॥

[१८५२]

तम्मि तिहुयण-पहुहु पारणइ  
 गरु-हरिस-पुलयंकुरिय नट्टु गेउं वाइत्तु मंडहिं ।  
 स-नरामर-तरुणि अवरे वि नियेय-विन्नाणु-चइडहिं ॥  
 जाय पसिद्धि असेसि पुरि जह - गुरु-गुण-मालाए ।  
 पाराविउ असंरण-सरणु पहु चंदणवालाए ॥

\* The portion of the text from 1850 to 1884 is partly blue red in Ms. क. and hence only partly utilisable.

[१८५३]

अह धणावह-सेट्ठि-पमुहम्मि

तहिं मिलियइ नयर-जणि भणिउ निवइ कंचुगि-मणसिण ।

जह — नाह दहिवाहणह निवह धूय एह पाव-पुरिसिण ॥

केण-वि इह आणीय अह निय-अंकस्मि ठवेवि ।

वाह-जलाविल-नयण-जुय भणइ मिगावइ देवि ॥

[१८५४]

अज्जउत्तय एस धारिणिहि

दहिवाहण-निव-पियह धूय सा उ मह भइणि सोयर ।

अह सेट्ठिहि पुरउ नर- वरिण पुट्ट पुव्विल्ल-वइयर ॥

चंदण नेयाविय स-घरि कणगु गहिउमाट्ठु ।

ता मोहम्म-सुराहिविण पुरउ नरिंदह वुत्तु ॥

[१८५५]

जह — नराहिव तुह न आलद्धु

इहु कंचणु किंतु जसु कसु वि देइ चंदण तसु च्चिय ।

निय-वयणिण चंदण वि देइ कणगु तसु सेट्ठिणो च्चिय ॥

अप्पणु पुणु जय-पहु-पुरउ सु-थिरु करेविणु चित्तु ।

चंदणवाल पवज्जिसइ सिव-सुह-जणगु चरित्तु ॥

[१८५६]

कन्न-अंतेउरि नरिंदेण

अह चंदण परिखिविय सेट्ठिणा वि सा पाव मूलय ।

उप्पाइय-सुहि-सयण- पमुह-सयल-जय-जंतु-सल्लय ॥

सयलि वि नयरि विडंविउण निव्वच्छेविणु हच्छु ।

निस्सारिय निय-घरह दुहिहेय जह वाल्लय-मच्छु ॥

[१८५७]

भुवण-बंधु वि महि विहरंतु  
 विसहंतुवसंग-सय दिव्व-तिरिय-माणुसिय बहु-विह ।  
 परिवालइ अप्पु जिह भुवण-उयर-मय जीव छव्विह ॥  
 एवं-कारिण कालु तसु गउ छउमत्थत्तेण ।  
 जु सु साहिज्जइ लेसयर पुव्व-मूरि-उत्तेण ॥

जहा —

[१२][१८५८] वारस चेव उ वासा मासा छ च्चेव अद्ध-मासो य ।  
 वीर-वरस्स भयवओ एसो छउमत्थ-परियायो ॥

[१८५९] एयम्मि य परियाए जो अणुचिन्नो तवो जिण-वरेण ।  
 वीरेण भयवया तं कहिज्जमाणं निसामेह ॥

[१८६०] नव-चउमासिय खमणे छव्विकर दो मासिए अकासी य ।  
 वारस य मासियाइं वावत्तरि अद्ध-मासाइं ॥

[१८६१] एगं चिय छम्मासं दो पुण ते-मासियाइं खमणाइं ।  
 अद्धाइय मासाइं दो दो दिवइह-मासाइं ॥

[१८६२] दोहिं अहो-रत्तेहिं भद-प्पडिमं अकासि वीर-जिणो ।  
 चउहिं च महा-भद दसहि पुण सन्वओ-भदं ॥

[१८६३] पढमाए उवसग्गो चउ-जामा चउ-दिसं पि पत्तेयं ।  
 वीयए अहोरत्त तं चिय तइयाए दिसि-दसगं ॥

[१८६४] पंच दिवसेहिं ऊणं खमणं छम्मासियं च कासी य ।  
 गोयर-चरिय समोओ घोराभिग्गह-धरो धीरो ॥

[१८६५] वारस य एग-राइय पडिमाओ अट्टमेण भत्तेण ।  
चरमाए रयणीए काउस्सगोववेयाओ ॥

[१८६६] दो चेव य छट्ठ-मए अउणत्तीसे अकासि जिण-वसहो ।  
आसी य निच्च-भत्तं चउत्थ-भत्तं च न कयावि ॥

[१८६७] अउणप्पन्नं तिन्नि य सयाइ वीरस्स पारण-दिणाणं ।  
वहुय-सयाणि य आसी उक्कुडुय-निसिज्ज-पडिमाणं ॥

[१८६८] एवं तवोगुण-रओ छउमत्थो विहरिउं अ-पडिवद्धो ।  
घोरं परीसह चमुं अहियासंतो महावीरो ॥

[१८६९]

हत्थ-उत्तर-जोइ वइसाहि

परिसुद्ध दसमिहिं तिहिहिं कमिण गामि जंभियगि पत्तउ ।  
पंचाणण-पोयगु व धीर-चरिउ मम-भाव-चत्तउ ॥  
उक्कुडुगासणु साल-दुम- तलि कय-छट्ठ-तवंति ।  
पाविवि करणु अ-पुव्वु निरु आयाविरु भयवं ति ॥

[१८७०]

उज्जुवालय-नइहि तीरम्मि

सुर-गिरि व अ-कंप तणु निसिय-नयणु रुक्खम्मि पुगलि ।  
उस्सगिण ठियउ परिवड्ढमाणि सिय-झाण-मंगलि ॥  
अह झाणंतरीयह गयह खविय-घाइ-कम्मस्सु ।  
जायउं केवल-नाण-धणु सामिहि वीर-जिणस्सु ॥

[१८७१]

चलिय-आसण सयल-तियसिंद

तत्थागय स-परियण कुणहि पहुहु केवल-महा-महु ।  
 कुव्वंति य मणि-कणय- रूप-मडय पायार मुर लहु ॥  
 ता भयवन्तिण अमर-नर- सहं पयासिउ धम्म ।  
 न उ परिसहं तहं हुउ कसु वि चरणु जणिय-सिव-सम्म ॥

[१८७२]

अह वियाणिवि भावि-उवयारु

पावाए मज्झिमहं समवसरणि सुर-गणिण जणियइ ।  
 नव-कंचण-कमल-कय- चलणु सामि आगंतु निसियइ ॥  
 तयणु सुरासुर-निव-निवहु पहुहु सविहि आगंतु ।  
 विणय-नमिरु सामिहि वयणु निमुणइ हरिसिज्जंतु ॥

[१८७३]

एत्थ-अंतरि तियस-आगमण-

परिविम्हिय-हियय बहु- भेय-सीस कय-सुद्ध-बुद्धिय ।  
 सिरि-गोयम-पमुह दिय- वग्ग-मज्झि पाविय-पसिद्धिय ॥  
 आरंभिय-निय-जाग-विहि मुणियागय-जिण-नाह ।  
 गुरु-अहिमाणिय पुव्व-कय- मणहर-कम्म-सणाह ॥

[१८७४]

पउर-परियण पत्त उवज्झाय

एक्कारस-संख अह- कमिण सच्चि निय-नाम-गोत्तिण ।  
 आमंतिय जिण-वरिण तयणु झत्ति विम्हिय स-चित्तिण ॥  
 निय-निय-संसय-तरु-नियर- मूलदं उम्मूलेवि ।  
 जिण-वयणिण चरणाचरण- नियल्लु स लील्लु दलेवि ॥

[१८७५]

बहु-पयारिहिं जणिवि अ-समाणु

माहप्पु जिण-सासणह गरुय-हरिस पन्धार-पुलइय ।  
 पडिवज्जहिं दिक्ख पहु- पुरउ सच्चि अहिलसिय-सुगइय ॥  
 तयणंतरु उपत्ति-वय- धुव-वयणाइं गहेउ ।  
 कुणहिं दुवालस-अंग-मउ सुत्तु सिद्धि-सुह-हेउ ॥

[१८७६]

अह स-हत्थिण गरुय-रिद्धीए

ते तत्थ एक्कारम वि ठविय जिणिण वर-गणहरत्तणि ।  
 सा चंदणवाल पुण गहिय-दिक्ख कय निय-पवत्तिणि ॥  
 अन्नेसि वि नर-नारियहं बहुयहं दिन्नु चरित्तु ।  
 वियरेविणु केसिं पि पुण सावय-धम्म पवित्तु ॥

[१८७७]

कणय-कमलिहि निसिय-पय-पउमु

सुर-चारण-धुय-चलणु दलिय-डमरु दुन्नय-विहंडणु ।  
 तइलोय-परिप्पुरिय- गरुय-मोह-माहप्प-खंडणु ॥  
 निच्चु वि पमुइय-सयल-जण- पयडिज्जंत-महम्मि ।  
 कम-जोगिण सिरि-वीर-जिणु पत्तउ रायगिहम्मि ॥

[१८७८]

तत्थ सेणिय-निवइ उज्जाण-

परिवाल-ग-विन्नविउ वडल-हरिस-रोमंच-अंचिउ ।  
 जय-कुंजरि आरुहिवि तणुहिं असम-सिंगार-संचिउ ॥  
 अभयकुमार-प्पमुह-निय- सार-लोय-संजुत्तु ।  
 वंदण-हेउ जय-प्पहुहु अवगह-महिहिं पहुत्तु ॥



[१८७९]

ता नमंमिवि सामि विहि-पुवु

उच्चियामणि उव्विसइ निवड नियय-परिवार-सहियउ ।  
 तयणंतरु जिणिण तमु दुव्वियप्पु निय-धम्मु कहियउ ॥  
 तह जह सो सावय-पनरु हुयउ अवर-असमाणु ।  
 अव्वरु वि चरणि पवन्तु वहु जणु कय-जिण-वहु-माणु ॥

[१८८०]

अह जिणाहिउ पउर-परिवारु

तियसिंद-सेविय-चलणु कमिण पिट्ठिचंपहं पहुत्तउ ।  
 तहिं पणमिवि साल-महसाल-निवइ जुवनिविहिं वुत्तउ ॥  
 सामिय अम्हह कहसु कु-वि धम्मु तयणु वीरेण ।  
 चरण-धम्मु तह अक्खियउ तेसिं जह अइरेण ॥

[१८८१]

पिहर-जसमइ-तणु-समुब्भूउ

गुण-रयणालंक्रियउ भाइणेज्जु नियइल्लु गगगलि ।  
 सु-पवित्तइ लगि निय- रज्जि ठविउ किज्जंति मंगलि ॥  
 अप्पणु पुणु जय-सामियह पासि गहीउ चरित्तु ।  
 भगवंतु वि चंपहं गयउ जगु वि कुणंतु पवित्तु ॥

[१८८२]

अवर अवसरि साल-महसाल-

पमुहेहिं सहा-मुणिहिं समगु तत्थ गोयमु पहुत्तउ ।  
 ता गगगलि-पिउ जणणि- सहिउ चरण-आचरण-चत्तउ ॥  
 चरणु पवज्जइ तयणु जिण- वंदण-कइ चलियाण ।  
 भाव-विसेसिण नाणु हुउ तहं पचहं सममाण ॥

१८८० ७. क धमु

१८८१. १. क पिठर. ख. पिवर.

[१८८३]

पत्तु गोयमु सविहि सामिस्सु

इयरे वि पंच वि समण गच्छमाण केवल्लिहिं परिसहं ।  
 गणहारिण भणिय - नणु किं न नमह जिणनाह-पायहं ॥  
 अह सिरि-वीर-जिणाहिविण भणिउं- म आसाएहि ।  
 गोयम केवल्लि-सहहं परिसप्पिर केवल्लि एहि ॥

[१८८४]

तयणु गोयमु खेयमावन्नु

परिचित्ठ - नणु किह णु पच्छिमाहमवि हव्वड केवल्लु ।  
 न उ मउज्झ ता जिण-वरिण भणिउ - कुणसु-मा खेउ निप्फल्ल ॥  
 तुल्ल-सरुवय इउं तुहुं वि जं होइसहुं नियाणि ।  
 जिण अट्ठावइ जो थुणइ तसु सिद्धि त्ति वियाणि ॥

[१८८५]

इय सुणेविणु वयणु जिण-वरह

अट्ठावय-गिरि-समुहु इंदभूइ-गणहारि चलियउ ।  
 अह पुव्व-चउंत्तइहिं किस-तण्हिं नणु एहु वलियउ ॥  
 ता किह चडिहइ गिरि-सिहरि इय परिचित्तिउ तेहि ।  
 इग-दुग-तिग-मेहल-गइहिं चउ-छ-अट्ठ-तवएहिं ॥

[१८८६]

कंद-तरु-फल-सुक्क-सेवाल-

पारणय-तणु-ट्ठिइहिं पंच-पंच-पंचसय-तवसिहिं ।  
 पेक्खंतिहिं गोयमह समुहु समगु अ-णिमिसिहि नयणिहि ॥  
 अट्ठावय-गिरि-गुरु-सिहरि चारण-लद्धि-समेउ ।  
 आरूढउ गोयमु खणिण पसरिय-गुरु तव-तेउ ॥

[१८८७]

[१३] आयासु जासु जोयण-पमाण ।  
 जहिं रिसहह हू सिवपुरि-पयाणु ॥  
 गाउयइं तिन्नि उच्चत्तु कहिउ ।  
 तं तित्थु पवरु अमरेहिं महिउ ॥

[१८८८]

ससि-निम्मल-मणिमय-चउ-डुवारु ।  
 निम्मविये-विविह-चित्त-प्पयारु ॥  
 सुर-सिहरि-चूल-समु सिहरु जासु ।  
 को वन्निउ सक्कइ सोह तासु ॥

[१८८९]

जहिं घडिय-पवर-पुत्तलिय-पंति ।  
 अवयरिय-वरच्छर नं सु-कंति ॥  
 पणवन्न-रयण-कर-विप्फुरंति ।  
 नं इंद-चाव-सय वित्थरंति ॥

[१८९०]

उत्तत्त-कणय-मउ कलसु भाइ ।  
 रवि-विंघु उदय-गिरि-सिहरि नाइ ॥  
 तुंगत्तिण रवि-सोमहं विलग्गु ।  
 नं भवियहं दरिसइ सिद्धि-मग्गु ॥

[१८९१]

गवभ-हर-मज्झि मणि-पेढियाए ।  
 उसभाइयाण सम-सेढियाए ॥  
 पडिमाउ जिणाण पसन्नियाउ ।  
 निय-वन्न-पमाण-समन्नियाउ ॥

[१८९२]

जहिं मुह-मंडव सोहहिं चउदिसि मण-हरण ।  
 पुरउ वि पच्छा मंडव वर-थंभाहरण ॥  
 पथिम-थूम-वीरक्ख-महिंद-ज्झय-पवर ।  
 एवमाइ नदीसर-जिणहर-सरिस पर ॥

\*

[१८९३]

तम्मि तारिसि भरह-जिण-भवणि  
 सिरि-गोयम-सामि घण- गहिर-झुणिण वंदेइ जिण-वर ।  
 अवरे वि पहुत्त जिण- वंदणत्थु तहिं अमर-नहयर ॥  
 अह जिण-वरहं अवग्गहह वहिहि ठाउ गणहारि ।  
 तियसासुर-नहयरहं तहं कहइ धम्म सुह-कारि ॥

[१८९४]

तत्थ सयल वि निसि गमावेवि  
 उदयम्मि दिवायरह गणहरिंदु उत्तरण लग्गउ ।  
 पेक्खतहं तावसहं तस्सु महिम स-मरदु भग्गउ ॥  
 नियड-पहुत्तह गोयमहु पुणु पणमेप्पिणु पाय ।  
 दिक्ख पवज्जहिं पनरस वि तावस-सय किस-काय ॥

[१८९५]

तयणु गोयमु गुण निवेयंतु  
 तइलोय-चूडामणिहि पुरउ ताहं तावसहं सयलहं ।  
 एगम्मि महा-नयरि मज्झ-दियहि संपत्तु तावहं ॥  
 पुरउ पयंपइ तावसहं तुम्हहं भोयणु अज्जु ।  
 किं दिज्जउ इयरि वि भणहिं जह पायसु निरवज्जु ॥

[१८९६]

अह निजोदर-पूर-परमन्तु

आणेपिणु गणहरिण भणिउ पुरउ तावसहं - भुंजहं ।  
 इयरे वि स-विम्हइय एत्तिण हविहइ किमम्हहं ॥  
 अहव गुरु च्चिय जाणिसइ इय समगु वि चित्तंत ।  
 भुंजहिं पायसु पनरस वि तावस-सय छुहवत ॥

[१८९७]

इंदभूइ वि विहिय-भोयणहं

सव्वेसि वि तावसहं पच्छिमस्मि कालस्मि भुंजइ ।  
 पुव्वाणिय-मेत्तु परमन्तु सयल मुणि-जणु वि रंजइ ॥  
 तह सेवालय-पारणिय- तावस-पंच-सयाहं ।  
 जायउं केवलु ससि-विमल-झाणहं भुंजंताहं ॥

[१८९८]

सुक्क-तरु-फल-विहिय-पारणहं

डिन्नाइ-पंच-स्सयहं मुणिहिं नाणु मग्गम्मि जायउं ।  
 कोडिन्नाईण पुण कंद-मूल-पार[ण]हं हूयउं ॥  
 केवल-नाणु विसुद्ध-सिय- लेसहं मुणि-वसहाहं ।  
 निय-लोयण-सच्चविय-जिण-समवस्सरण-झयाहं ॥

[१८९९]

कमिण गोयसु पत्तु जिण इंद-

पय-मूलि इयरे उ मुणि दाउ तिन्नि नाहह पयाहिण ।  
 उवविट्ठ केवलि-सहहं गोयसो वि गहियउ विसाइण ॥  
 जंपइ - पहु इहि मुणि-वसह धन्न अहं तु अहन्नु ।  
 अणहुय-केवलु भमिसु निरु चिरु संसार-अरन्नु ॥

[१९००]

अह जिणाहिवु मुणिवि गणहरह

मणु गिरि-गुरु-खेय-गउ भणइ — किह णु गोयम विसुरसि ।  
 धुवु हविहइ मह तुह वि सिय-गइ त्ति इहु किं न-याणसि ॥  
 किं पुण चिर-परिओसि तुहुं मह इय दढ-पडिवंधु ।  
 उज्झसि जइयहं तइयहं जि तुह केवल-संवंधु ॥

अन्नं च —

[१९०१] गोयम चत्तारि कडा सुंठ-कडो विदल-चम्म-कडगा य ।  
 कंवल-कडो य महुवरिं कंवल-कडगु व्व तुह नेहो ॥

[१९०२] एत्थंतरम्मि गोयम-निस्साए पन्नवेइ अज्झयणं ।  
 दुम-पत्तयं जिणिंदो दिंतो सीसाण अणुसट्ठि ॥

[१९०३] दुम-पत्तए पंडुयए जह निवडइ राय-गुणाण अच्चए ।  
 एवं मणुयाण जीवियं समयं गोयम मा परायण ॥

[१९०४] कुसग्गे जह ओस-विंदुए थोवं चिट्ठइ लंघमाणए ।  
 एवं मणुयाण जीवियं समयं गोयम मा पमायए ॥

[१९०५]

एम्ब गोयम-सामि संठविउ

तयणंतरु वीर-जिणु कमिण पत्तु सावत्थि-नयरिहिं ।  
 वणि कोट्ठग-नामगइ समयसरिउ ता अमर-नियरिहिं ॥  
 परिथुज्जंतउ धम्म-कह आरंभइ परिसाए ।  
 पविसइ गोयम-सामि पुणु पुरिहि मज्झि भिक्खाए ॥

१९०२ ४ क. हितो

१९०५ ४. कोट्ठग, ५ क. नियरिहिं.

[१९०६]

तम्मि अवसरि तीए नयरीए  
 गोसालउ पाव-मइ अ-जिणु अप्पु जिण-वरु ति ठाविरु ।  
 आयन्निउ गोयमिण तयणु अहह किमिमं ति भाविरु ॥  
 साहइ गतु जिणेसरह गोसालय-वुत्तंतु ।  
 भयवंतिण वि निवेइयउ तसु वइयरु जह-वुत्तु ॥

[१९०७]

तयणु जण-मुह-सुणिय-जिण-वयणु  
 जंपतु अ-समंजसइं तेय-लेस-लद्धीए गाविउ ।  
 गोसालउ पाव-मइ जिणह समवसरणम्मि आविउ ॥  
 दोन्नि महा-रिसि निइहइ पहु-परिहवु अ-सहंत ।  
 ता जिण-इंदस्स वि मुयइ तेय-लेस पजलंत ॥

[१९०८]

किंतु सामिहि पास-देसेसु  
 परिभमिउण तसु तणुहुं तेय-लेस तक्खणि पविट्ठिय ।  
 फल-दायग तहिं जि भवि हय वुद्धि दुन्विणय-दुट्ठिय ॥  
 अह गोसालउ मरिधि निय दुक्कय-सुक्कय-गिहु जाउ ।  
 भयवंतु वि विहरंतु धर मेंढिय-गामि पराउ ॥

[१९०९]

किंतु दाह-ज्जरिण अइसार-  
 रोगेण य पीडियउ गमइ दियह कित्तिय वि जय-पहु ।  
 अह सीहय-खुइडलउ रुयइ गंतु तरु-मूलि अइ-वहु ॥  
 ता भयवतिण वेयणिय-अंति सु सदावेवि ।  
 आणाविवि रेवइ-यरह ओसहु उवजीवेवि ॥

[१९१०]

लहु जलंजलि दिन्न रोगाहं

परितुट्टउ संघु मणि हरिस-विबस हुय तियस-तरुणि वि ।  
 भयवंतु वि नाण-रवि त्रिविह-पुरिहि चिर-कालु विहरिवि ॥  
 पत्तु अपावा-नामियहं नयरिहिं हय-जय-रोसु ।  
 ता विरइउ तियसासुरिहिं समवसरणु कय-तोसु ॥

[१९११]

तत्थ निवसिवि नाहु वित्थरिण

तियसासुर नर-सहहं काल-चक्कु सयलु वि परुवइ ।  
 सुरसम्मह दिय-वरह वोह-हेउ गोयमु पठावइ ॥  
 तीस-दुवालस-सेस-जुय-गिहि-छउमत्थत्ते वि ।  
 किंचूणय-तीसइ वरिस केवल-नाणु धरेवि ॥

[१९१२]

सव्व-आउय-कम्मु पालेवि

वाहत्तरि-वरिस-परिमाणु तयणु कत्तियह मासह ।  
 साइयहि अमावसहं नाग-करणि पहु सिद्धि वासह ॥  
 संपत्तउ छट्ठिण तविण इंद-प्पमुहु समग्गु ।  
 लाइवि सिव-पहि मुणि-समणि- सावय-साविय-वग्गु ॥

[१९१३]

तयणु सयलु वि अंत-कायव्वु

तियसासुर-नरवइहिं विहिउ तत्थ जह-जोगु नाहह ।  
 तयणंतरे मन्नु-भर- भरिय-नयण परिचुक्क लाहह ॥  
 जायइ दु-सहइ पहु विरहि गरुय-दुहाणल तत्त ।  
 पुणरवि एरिसु भुवण-पहु दुलहउ इय चिंतंत ॥



[१९१४]

अंधयारिउ सयलु वि वंभंडु

मुसुमूरिउ चरण-निवु दलिय-दप्प धम्मि-यण-माणस ।  
 जगि मोह-नरिंद-सुय राय-दोस परिभमहिं स-हरिस ॥  
 इय तियसासुर-समण-सय सोयहिं डरिय स-चित्तिं ।  
 जय-सुहयरि सिरि-वीर जिणि सिव-नयरम्मि पहुत्ति ॥

[१९१५]

एत्थ-अंतरि सामि-वयणेण

सुरसम्मह वंभणह करिवि धम्मि पडिवोहु निम्मलु ।  
 आवंतु गोयमु जिणह सविहि सुणइ मग्गे वि कसमलु ॥  
 तियसासुर-नहयर-तरुणि- निवहु नहिण गच्छंतु ।  
 दीहर-सासिहि मंसलिउ अइ-सकरुणु पलवंतु ॥

[१९१६]

अहह रयणि व गलिय-ससि-विंव

गय-दिणयरु वासरु व सुसिय-सलिलु माणस-सरं पिव ।  
 तोडिय-फलु तरुवरु व खलिय-सीलु मुणि-मडलं पि-व ॥  
 जायउं सुवणु अ-सेसु इहु वीर-जिणिद-विओइ ।  
 पेक्खंतहं वि सुरासुरहं वंधव जोइ-न जोइ ॥

[१९१७]

तयणु - किं एहु भणहिं सुर-असुर

किमु सामिउ अत्थमिउ अहव अ-सिवु किं किं-पि जायउं ।  
 इय गोयमु चितयरु जाय-दियय-संघट्टु पडियउ ॥  
 सुद्ध-धरायलि अह खणिण संपाविय-चेयन्नु ।  
 इंदभूउ उत्तम्मिउण चितइ मुहिण विचन्नु ॥

[१९१८]

अहह पिच्छहु चत्त-करुणेण

भयवंतिण जं विहिउ किं हउं वि पहु-भत्ति-वज्जिउ ।

जं विप्प-वोहण-मिसिण जिणिण अप्प-पासह विसज्जिउ ॥

अप्पणु पहु गउ सिव-पुरिहिं हउं पुणु सुक्कु अ-णाहु ।

अहव कुणंतह एरिसउ तसु अगलउ कु लाहु ॥

[१९१९]

जइ वि डज्झसि हियय डज्झेसु

अह फुट्टसि फुडसु फुडु तह-वि चत्तु तुहुं सामि-सालिण ।

रज्जंतउ वीर-जिणि अणणुरत्ति धुवु खड्डु कालिण ॥

जम्हा अ-सलिलु पंकु इहु एह अ-नियला गुत्ति ।

पंजरु एहु अ-दारुमउ नेहु जु दइय-जणि त्ति ॥

[१९२०]

अहव सामिउ राय-दोसेहिं

परिचत्तउ इय कसु वि उवरि नेव पडिवंधु पयडइ ।

इय मारिसु नेहु तहिं जिणि कुणंतु अप्पाणु विनडइ ॥

ता जहिं पत्तउ वीर-जिणु दलिवि कम्म-नियलाइं ।

तहिं जाइवि भुंजिसु हउं वि निय-सुकयाहं फलाइं ॥

[१९२१]

इय विचित्तिरु सुद्ध-परिणासु

खउ घाइ-कम्मह करिवि तहिं वि नाणु केवलु समज्जइ ।

अह केवलि-महिम सुर कुणहिं गयणि दुंदुहि वि वज्जइ ॥

ता गोयम-सामि-प्पमुह गणहर दस वि समत्थ ।

दाउ सुहम्म-स्सामियह भव-विराय-पडिहत्थ ॥

[१९२२]

स्वविय-निय-निय-पाव-कम्माण

उवलंभिय-नाण-धण वडय-सयल-भव-भाव-वंयण ।  
 पडिवोहिय-भविय-जण निहय-कम्म अणुगामि-सृणि-गण ॥  
 काइय-वाइय-माणसिय- जोग-त्तण विउत्त ।  
 इग-सामइयहं रिजु-गइहिं सिव-नयरम्मि पहुत्त ॥

[१९२३]

सिरि-सुहम्म-स्सामि पुणु समण-

सहसेहिं वट्ठहिं सट्ठ विहरमाणु सयल्लहं वि वसुहहं ।  
 पडिवोहु कुणंतु दिण- नायगु व्व बहु-भविय-कम्मलहं ॥  
 सेणिय-पमुह-नराहिवइ- निवह-विहिय-पय-सेवु ।  
 कालु गमावइ कित्तिउ वि नाण-पईवु अ-लेवु ॥

[१९२४]

जंवु-सामिहि दाउ निय-गच्छु

वित्थारिवि धरहं जसु विहिय-अत्तु निय-घाइ-कम्महं ।  
 कय-केवल-नाण-धणु हुयउ गेहु सिव-वास-सम्महं ॥  
 चंदणवाल पवत्तिणि वि निरुवम-समणि-सणाह ।  
 उप्पाडिय-वर-नाण-भर गय सिव-पुरिहिं अ-वाह ॥

[१९२५]

आसि चउदह-सहस-समणाण

समणीण छत्तीस इगसदट्ट लक्खु सावयहं विमलहं ।  
 अट्टारस-सहस-समहीय तिन्नि सय-सहस सुकुलहं ॥  
 निम्मल-सीलहं सावियहं निरुवम-धम्म-धुराहं ।  
 वीर-जिणिंदह जय-गुरुहु निरु आएस-पराहं ॥

[१९२६]

अह सुहम्म-स्सामि-संताणि

कम-जोगिण बहु-विहिहि सु-गइ-गइहि आयरिय-पवरिहि ।

जिणचंद-मुणिद-पय- पउम-भसल-सिरिचंदसूरिहि ॥

नाम-संतु सुमरंतण इहु दिणेय-देसेण ।

सिरि-हरिमद-मुणीसरिण चरिउ रइउ लेसेण ॥

इति श्री-श्रीचंद्र-सूरि-क्रम-कमल-भसल-श्री-हरिभद्र-

सूरि-विरचितं श्री-वीर-चरितं समाप्तमिति ॥

\*

[१९२७]

इय सुणेविणु वीर-जिण-इंद-

अक्खाणउं संख-मुणि अप्प-पचमु वि गरुय-हरिसिण ।

पडिवज्जिवि-निय-गुरुहु पुव्व-उत्तु आपसु सीसिण ॥

अहिगमिउण एक्कारस वि अंगई सुत्तयेहिं ।

भावेउण अप्पाणु जिण- कहिय-वत्थु-सत्थेहिं ॥

[१९२८]

अरिह-विदहं करिवि सम्माणु

मणि सिद्ध-मंतइं धरिवि तित्थनाह-सासणु पहाविवि ।

सम्माणिवि गुरु-थविर विउस खमग-मुणि-वसह सेविवि ॥

अग्नि वि तित्थयरत्त-फल- ठाणइं परिसीलेवि ।

पत्तउ अवराजिय-असर- मंदिरि तणु मिल्लेवि ॥

[१९२९]

जसमई वि-हु चरिय-चारित्त

सह संख-बंधव-सचिव- मुणिहिं तियस-भाविण पहुत्तिय ।

अवराजिय-सुर-भगणि तम्मि चैव सुकय-प्पवित्तिय ॥

अह तेत्तीसइ अयर-ठिइ असम-हरिस-पसरेण ।

पालहिं पच वि ताइं तहिं पसरिय-सुकय-भरेण ॥

इति श्रीमन्नेमिजिन-राजीमत्योश्चत्वारो

मनुष्यभवाश्चत्वारः सुरभवा इत्येव-

मष्टौ भवाः समाप्ता इति ॥

\*

\* The portion from भसल to सहसिण अवलो° (v 1934) is partly bl red and illegible in क

१९२६ ३ क ख जिणिचद, ७ क देसण, ख दिसण

१९२९ ५ पवत्तिय

# शुद्धिपत्र

अशुद्ध	शुद्ध	अशुद्ध	शुद्ध
छंद चरण		९५ २ -गुण-	-गुण
५ ८ नय	न-य	९८ ६ सचउ	सच्चउं
७ १ बहु	बुहु	१०० ५ भुज्ज खंडु	भुज्ज-खंडु
११ ८ वसुधर-सिरि तिलइ	वसुधर-सिरि तिलइ	१०२. २ विमल-हप	विमल-पह
		१११ १ वि	वि
१२ ८ -णिवेस समिद्धि-	-णिवेस-समिद्धि	११८ ५ कुमरि कारणि	कुमरि-कारणि
१३. १ -हरिणक	-हरिणक-	११९ ५ -पसरिण-	-पसरिण
२० ३ मचिव ववल-	सचिव-ववल-	१२० ३ रेम-राइ-	रोम-राइ-
२७. १ उट्टिविविहिय-	उट्टिवि विहिय-	१५३ ९ रेण	रेणु
२९ ५ कहहिं देव	कहहिं-देव	१५६ ८ अग्गि विथ वणि	अग्गिवि थवणि
३४ ४ देव-गुरु	देव-गुरु-	१८९ ५ सिव-	सिव-
३६ ३ कथूरिय	कथूरिय-	१९३ ६ -निवह	-निवह-
३६ ७ अप्प णमिर-	अप्पणमिर	१९४ ७ -दोस-	-दोस-
३७ ७ -अभिहाणु	-अभिहाणु	१९८ १ मज्झि	मज्झि
३९ ५ सधि-	सधि-	२०१ ८ षिहु	पिहु
४० ४ -गह	-गह-	२०४ ५ वहुयउ	व हुयउं
४१ ५ जंपइ य	जपइ य-	२११. ५ कप्पतरु-लेसिण	कप्पतरु लेसिण
४२ ७ भणइ	भणइ-	२१९ १ धणु-महीनाहु	धणु महीनाहु
४३ २ आसत्त-	आ-सत्त-	२२८ ४ सुस्सुसइ	सुस्सुसइ
४४ ८ नियय	नियय-	२२९ ७ -पवित्त	-पवित्तु
४६ ४ जह	जह-	२३७ ८ परिविजय-	परिविजिय-
४७ ९ फुरिय हरिसेण	फुरिय-हरिसेण	२४४ ७ आसन्न-वेणिउ	आ-सत्त-वेणिउ
५०. १ विचिंतिउ	विचिंतिउ-	२५४ ७ सकल	स-कल
५० ४ धण नामु	धण-नामु	२५९ ८ महि गोयर	महि-गोयरु
५१ १ कुमररस्सु	कुमरस्सु	२६३ ३ -सचित्त	स-चित्त
५४. ६ -फलोणमिय-	-फलोणमिय-	२६४ ३ हरिणि-जणिय दुहु	हरणि जणिय-दुहु
६० ६ गुरु हरिस-	गुरु-हरिस-	२६७ ४ रयणवड	रयणवड-
६१ ४ चित्तयर पुरउ	चित्तवर-पुरउ	२७३ ८ मद्-	भद्
६५ ४ वि	वि	२८० ८ वियड	नियड
६८ ७ मत्त-	मत्त	२८४ ४ अक्कोनिय-	अक्कोसिय
६९ १ बुट्टेवह	बुट्टेवह	२८९ ३ -कुमर-	-कुमर-
८०. ८ -सहि-	-सहि	२९९ ६ -सत्थ	-सत्थ-
११. ७ -विहिं सुद्धिसेउ	-विहिंसुद्धिसेउ	३०३ ८ सरि-	सरि

अशुद्ध	शुद्ध	अशुद्ध	शुद्ध
३०८ ९ सावय धम्मु	सावय-धम्मु	७६२. ९ चारि	चारित्तु
३१२. ४ -पिहिय व्व	-पिहियव्व	७७८. ५ —	read देह-
३१५ ४ -आगोयरिहिं	-अगोयरिहिं		कंतिहिं
३२० ३ विसहिं	विसहिं	७९२ १ भुवण-भदिरु	भुवण-भदिरु
३२३ ८ सिहारि-	सिहारि	७९६. १ जिय-वहु-वयइ	जिय-वहु वयइ
३३२ ६ सुकूड-	सु कूड-	७९६. ५	read सवि
३३५. ३ कम्मल नाम	कम्मल-नाम		विसेस-गुण-गण-
३४५ ५ -विफुरिय-	-विप्फुरिय-		भिकंखइ ।
३६७ ८ -रवि-किरण-	-रविकिरण-	८०० ३ विहिहिं	सविहिं
३७४. ४ सिरि-	सिरि	८०२ ८ पयंपइ-	पयंपइ—
४०९. ५ तियस-	तियस	८१३. २ सार-	सिरि-
४१५ ९ रउ	रउहु	८१६ १ धरणि	धरणि-
४३२ ४ ससि-सुहि	ससि-सुहि	८२१ २ मुह	मुह-
४३९ २ -तार-यनहहं	-तारय-नहह	८२५ ६ -विह पुव्व-	-विह-पुव्व-
४६१ ५ -स सगहु	-सगहु	८२५ ८ अवितह नामिण	अवितह-नामिण
४७५ ५ आयरिण-मणहरु	आयरिण मणहरु	८२६. ७ कल	कल-
४७७. ६ भमर-	भमर	८२८ २ खयर	खयर-
४७९ ७ -करहिणएण	-करहि णएण	८२९ १ मह	मह-
४८६ ५ पयंपइ-	पयंपइ—	८३१ ९ गुरु-दुह तरु	गुरु-दुह-तरु-
४९३ ६ -वर-	-वर	८४६. ४ ससि-वयणि	ससि-वयणि
416 [foot-note] add 'the port-		८५४ ३ कहवि	कह-वि
ion' after 'lost'		८६२. (foot note) in क in ख	
५२० ४ चिट्ठसि	चिट्ठसि	in क and in ख	
५२८. ४ चउर-गुल	चउरगुल	९४३ ५ भणइ	भणइ—
५३६. १ -रयणणेहिं	-रयणणेहिं	९६५ ९ परिचितइ	परिचितइ—
५८३ ५ दसण-सेणि-	दसण-सेणि	९७५ ८ निव सवि वाइ-	
६४१ ९ वसुकय-सिण	सुकय-वसिण	पहाण जण	निव-सचिवाइ-
६४३ १ एत्थ अतरि	एत्थ-अतरि		पहाण-जण
६४६ ५ -सिरिमाणुवेगय	-सिरिमाणुवेगय	९८० ५ -वड्ढिय	वड्ढिय
६४९ ८ सु वियारेवि	सु-वियारेवि	९८३ ३ जइ-भणिय-	जइ-भणिय
६५० १ -रयणाहिं	-रयणणेहिं	९८९ ८ -इट्ठ-	-इट्ठ
६५६ ५ सुहउ-सत्थ	सुहउ-सत्थ	१००५ ६ परिणवि	परिण वि
६७८. ९ पिययम	पिययम	१००७ ५ देह	देह
६९९ ४ वर-वरणु	वर-वरणु	१०११. ९ -विहुरु-	-विहुरु
७४४ ५ -सत्तसारहिं	-सत्तुसारहिं	१०२२ ७ ह-कह	कह-कह



